

LAVRENTII BEYERLINCK
THEOLOGI ET CANONICI
ANTVERPIENSIS

APOPHTHEGMATA
CHRISTIANORVM.

Editio secunda.



ANTVERPIÆ,
EX OFFICINA PLANTINIANA
BALTHASARIS MORETI.

M. DC. XXXI.

Exemplum pro Eusebio Niziano


Bj'Brien. F. IV. 13

REVMO DOMINO

D. IOANNI MIRÆO

ANTVERPIENSIVM

PRÆSVLI DIGNISS.

 POPHTHEGMATA CHRISTIANORVM, quæ, post alias & meliores curas, ex variorum Scriptorum viridariis tamquam flosculos quosdam excerpti, & in ordinem distinctamque materiarum seriem redegi, REVERENDISS. atque AMPLISS. PRÆSVL, alterius quàm AMP. T. honori dicare & consecrare, neque si velim, possum; neque si possum, debeo. Facit hoc ingens meritorum tuorum in Patrium hoc solum cumulus: facit insignis illa tua in me non modò benignitas, sed & beneficentia: faciunt ceteræ generosissimi tui animi virtutes, quæ hac temporum nocte suos radios passim diffun-

* 2

fundunt, — *velut inter ignes*
Luna minores.

Dum enim fluctuantem inter errorum
procellas ECCLESIAE tuæ nauiculam,
ab alto illo culmine, non sine doloris
sensu intueris, centum oculis vigilantis-
simæ tuæ mentis FVTVRA PROSPI-
CIENS, instar prouidi Naucleri, in id
vnum desudas, vt pacificè suo ordine in
optatum portum dirigatur, eiusque in-
defessus cursus nulla Sectariorum tem-
pestate turbetur. Hinc (vt cetera pietatis
officia tacitus præteream) in hoc Belgi-
cæ oculo, cuius tu ipse pupilla es, noua
quadam insitione SEMINARIUM iecisti
primus; in quo alantur lectissimi iuue-
nes, certo numero, disciplinâ, lege: qui
non, vt alibi, primis litterarû lineamen-
tis detinentur; sed ætate scientiaque
maturiores, in sacra rerum diuinarum
adyta, domi forisque ingrediuntur. è
quibus seges eorum, qui non inter epi-
batas solùm & nauales socios, verùm ad
ECCLESIAE gubernacula & clauum
collo-

collocandi. Testes horum & arbitri illi
ipsi, quorum nunc duo de viginti sua
retia in animarum capturam explicant,
DEO feliciter incrementum dante. ita
vt cum Poëta exclamare hîc libeat,

O quàm fecundo semina iacta solo!

Huic ergo SEMINARIO (PLANTA-
RIVM meliore iure dixerim) me pri-
mum (vt sic loquar) rigatorem dedisti.
Stadium sub initia arduum : quod &
dies molliit, & indefessa T. PATERN.
vigilantia ; ac scopus vtrique nostrum
præfixus, DEI CVM PROXIMI UTILI-
TATE CONIVNCTVS HONOS. Neque
sanè hîc limitem fixit tuus in me amor.
Quin, quod vel publico præconio ef-
fabor, alia illius symbola, ampliores
tesseræ. Vtpote qui me non ita pridem
in Canonicorum huius vrbis ordinem,
auxilio, præsidio, & auctoritate tuâ, sus-
tuleris. Quorû omnium magnitudini
cùm parem gratiam referre nequeam,
adfero quod olim apud Alcinoû V-
lysses, MVNVSCVLA HAEC GRATAE

MENTIS. Quæ eò etiam magis sub amplissimi tui Nominis ægide in publicum exire volui, quò mihi certius persuasum, fore sub eâ, aduersus ipsum etiã Liuorem (omitto litterionum vulgus) tutissima: fore etiam eidem Ampliff. T. D. gratissima; cuius vel aliquo instinctu hanc velificationem direxi. Vnum superest; aliquale hoc beneuolentiæ cultusque pignus, & eum qui illud defert, adfectu vt soles, vultu quo soles, admitte. Ita magnus. DEVS te ECCLESIAE suæ Antistitem prudentissimum, PATRIAE parentem optimum, NOBIS Mæcenatem addictissimum vel vltra Nestoris sæculum seruet. cuius obsequio me, quid ni & mea? æternùm voueo, deuoueoque,

*Laurentius Beyerlinck
Antuerpiensis.*

Antwerp. Kal. Iun. M. DC. IIX.

AMI-

AMICO LECTORI

S. D.



ABES hîc, amice LECTOR, APO-
PHTHEGMATA CHRISTIA-
NORVM, mente aliquamdiu à me &
stilo concepta, nûc verò studio & ære
ornatissimi viri IOAN. MORETI, de Repub.
Litteraria optimè meriti, typorum cùm elegantiâ
tum varietate adornata. Instituti huius ratio
fuit perpetuum meum in Litterarum cultores
studium. quibus nihil equè gratum & utile fa-
cturum me existimaui, quàm si post alias curas,
ad honestum otium datas horas voluendis re-
uoluendisque plurium Scriptorum (quorum hîc
series) paginis impenderem, magis illustria ac
cedro digna Christianorû dicta notarem, & eam
Maximam falsitatis insimularem, Omnem ab
Ethnicis in dicendo venustatem petendam.
Fateor non omnia ad amussim à me observata:
quis enim modus aut finis? cùm quod pleraque
non satis honesta, quæ scombros potius vel thus
metuant, quàm probis inseri mereantur: tum
etiam quod Scriptores ipsi vix notæ probitatis.
è quorum tamen stercore, velut olim ex Ennio
Lucius Crassus, aurum & gemmas colauit; vt

quæ ab auis atavisq; sapienter aliquando dicta,
eadem nepotes postumi sapienter etiam dicerent.
Et ne fortassis quibusdam vilescat quidquid in
hoc stadio à me fuerit desudatum, erunt enim
(ut secula hæc sunt) aut Marculus aliquis aut
Lacon, qui fastidiant, & nimis uncis naribus
indulgeant; paucis huius operis tractationem
libato. Materias singulas ad singulas etiam clas-
ses & domicilia renocavi, ne indigesta moles
LECTOREM meum terreat spernatq; absinthium
illud doctrine. In ipsis classibus primum locum
obtinent illi quos Sacra pagina celebravit: imò
quandoque ipse eiusdem auctor, & architectus
nostra salutis CHRISTVS; à quo huius etiam
operis etymon desumimus. Huic proximum sibi
vendicant ij, qui proximè Christum secuti, suæ
virtutis & constantie æmulam nobis memoriam
reliquere: quorum etiam palmas indefesso præ-
conio memor veneratur Ecclesia. Post illos viri
Principes utriusq; Ordinis sedem suam sortiti:
primam quidem Ecclesiastici, alteram Seculares:
& id iuxta dignitatem etiam sexus. Illis non
semper ignobile vulgus succedit. Cumq; ut scire
& eleganter Horatius,

Omne ferat punctum, qui miscuit utile dulci,
Lectorē delectando, pariterque monendo:
Patrum quandoque sententiæ, Philosophorum
placita, vel etiam Poëtarū gnoma, (præsertim si
eadem

eadem illis cum ipso Apophthegmate aut dignitas aut venustas) velut flosculi quidam insiti, suam venerem etiam habent. Adde totius operis suauem nexum, tractationē facilem, stylum non tam eruditum quàm clarum: neque enim alium omnium manibus terenda, omnium oculis haurienda, materies postulabat. Frontem honestam propono, quæ vel primo adspectu tenebit trahetq; videntem. Quid enim hoc CHRISTIANORVM APOPTHHEGMATVM nomine inter CHRISTIANOS augustius? Non erubuit tamen, nescio quo ausu, eius splendorem fœda calumniarum & conuictorum caligine obumbrare, insulsus quidam & impurus stigmatici dogmatis tympanotriba apud Zutphanienses. qui dum frontem tam pio nomine fucatam præfert, bonam etiam mentem ementitus, conceptum Liliati sui patris virus euomit (ut summam dicam) in omnes bonos: quibus neque ille, neque omnes ex eo cæno ——— digni præstare matellam: eosq; deiicit, quos bonæ famæ superstes aura leuat. Hic ut in manus meas venit; bilem leniter mouit: necdum tamen aut mentem, aut manum. quid enim hæc talium contactu maculem?

———— nam nullo thure litabis,

Hæreat in stultis breuis ut semiuncia recti. Ad te igitur redeo Lector, nouo tuo candori nouā hanc prolem insinuo. cuius infantie adhuc

* 5 fragili

*fragili faue. ut enim lolium in meliori fruge,
ita hinc leues macule : quibus si non minùs tu ad
ignoscendum, quàm ego ad corrigendum pronus;
efficies profectò, ut laboris peracti nec pigeat
umquam, nec pudeat : & in paria subiecta cur-
renti calcar addes, si sensero hoc, quale quale est,
tuo candori non displicuisse. Vale, & me tui
amantem mutuo amore prosequere. Antwerp.
In Seminario Episcopali. Kalend. Maij, Anno
Christi M. DC. IIX.*

O D E

FRANCISCI VANDEN ZYPE

I. C. CATHED. ECCL. ANTVERP. CANON.

Ad Collegam suum

LAVRENTIVM BEYERLINCK

S. TH. L. DICTÆ ECCL. CANON.

In eiusdem APOPHTHEGM. CHRISTIANA.

Formam supernis vultibus æmulam
Colore Zeuxis reddere viuido
Conatus, Agrigentum auaris
Pescipiens oculis, puellas

Lustra-

Lustrauit omnes ; quas populo tener
Secreuit oris semideas decor,

Legit ; peritâ, quâ enitebat

Quæque, manu in tabulâ notauit.

Enata porro est ipsa Lacinia

Figura Diuæ, supra hominum decus

Mortale, Numini ferè illi

Par, animam sonitumque præter:

BEYERLINGE id ipsum prototypon tibi

Sumpisti : ab istâ lineâ opus tuum

Ducturus , in volumen vnum

Fasciculumque operosus vnum

Cogis, quod vsquam est nil meritum premi,

Promiq; dignum ; quod penitissimâ,

Egessit entheata virtus

Christiadum, meliore parte:

Sententiarum commoda pondera,

Salsos lepores, & lepidos sales,

Locosque solertes, & acri

Ingenio genioque natos,

Et docta dicta, argutaque lemmata,

Responsa vatum dulcè furentium,

Oracla prudentum. Quid ergo?

Quantum opus hoc, cui pulcriorum:

Rerum medullas inseris omnium !

Magnis deorum nisibus vt queat

Certare, securumque fati,

Effugere & Libitinam & umbras.

AD

AD APOPTHHEGMATA
CHRISTIANORVM
Doctiss. V. LAVRENTII BEYERLINCK
S. Th. L. & Canonici Antwerp.

Prosopopœia FAMÆ.

ILLA, cui celeris quadriga linguæ,
Illa, quæ cata remigat per ora
Auratis speciosa Fama pennis,
APOPTHHEGMATA SACRA dum videret,
LAVRENTI studium tuum sagacis:
O, inquit, Pietatis hausta condo!
O bellaria mentis! ô medullam!
Abscedant analecta senta mensæ
Gentilis, taceant mihi Catones.
Nam quid omnia scripta sunt profana
Si Patrum sacra dicta comparentur?
(Vero credite) vappa, fumus, error.
Sit quiddam reperire face gemmas,
Ditari Phariis manubiisq̃:
Quid vis putidulos adire riuos,
Cum fontes habeas salubriores?

Pangebat Iacobus de Buschere.

CENSURA.

OPVS hoc Apophthegmatum Christianorum,
à Laur. Beyerlinck Theologo & Canonico
Antuerpien. concinnatum, elegans est & festiuum,
lectionis & eruditionis multæ, vtilitatis magnæ, di-
gnum quod imprimatur. Actum 9. Septembris,
anno M. DC. VII.

*Egbertus Spitholdius Canonicus &
Plebanus Antuerpien.*

SVMMA PRIVILEGII.

ALBERTI ET ISABELLÆ CLARÆ EVGENIÆ
Infantis Hispaniarum, Archiducum Austria, Du-
cum Burgundie, Brabantie, &c. Serenissimorum Belgij
Principum, Priuilegio cautum est, ne quis Apophtheg-
mata Christianorum Laurentij Beyerlinck Theo-
logi & Canonici Antuerp. præter voluntatem Balha-
saris Moreti, imprimat, aut alibi impressa in Inferioris
Germaniæ ditiones importet, venaliâve habeat. Qui secus
faxit, confiscatione librorum & alia grani pœna multæ-
bitur: uti latius patet in litteris, datis Bruxella XVII.
Ianuarij M. DC. XI.

Signat.

S. de Grimaldi.

Et in Concilio Brabantie.

I. de Buschere.

AVCTO-

AVCTORES

Quorum scriptis in hoc Opere
vsi sumus.

ABDIAS.

Abrahamus Bucholzerus.

Adrianus Barlandus.

Ægidius Corozetus.

Ægidij sententia aurea.

Ælius Lampridius.

Æneas Syluius.

Albertus Crantzius.

Aloisius Lippomannus.

Ambrosius Episcopus.

Ammianus Marcellinus.

Andreas Alciatus.

Andreas Eborensis.

Andreas Schottus.

Angelus Politianus.

Annales { Anglia.
Flandria.
Gallia.
Germania.
Hispania, &c.

Anselmus Abbas Gemblacen-
sis.

Antonius Bonfinius.

Antonius Monachus.

Antonius Panormitanus.

Antoninus.

Arnobius.

Auctor Serni memorab. Gal-
licè.

Auctor Florum sermon. Hi-
spania, qui vulgo Floresta
inscribitur.

Augustinus Episcopus.

Aurelius Prudentius.

Baptista Egnatius.

Baptista Fulgosus.

Baptista Plarina.

Bernardus Abbas.

Bernardinus à Busto.

Bernardus Corius.

Bernardus Schardeonius.

Boëthius.

Breuiarium Romanum.

Brufonius Contursinus.

Cæsar Baronius Card.

Cæsarius Heisterhacensis.

Carolus Langius.

Carolus Sigonius.

Cedrenus.

Claudius Seissellus.

Conradus Lycosthenes.

Conradus à Lichtenauv, qui
vulgo Abbas Vrspergensis.

Conradus Monachus.

David Cythraus.

Desiderius Erasmus.

Dionysius Nycæus.

Dorotheus Monachus.

Edinerus.

Eginardus.

Egisippus.

Eusebius.

Eutropius.

Franciscus Hottomannus.

Franciscus Patricius.

Franciscus Robertellus.

Gaspard

INDEX.

Gaspar Bruschius.
Gaspar Hedio.
Gaspar Peucerus.
Gaufredus de Bello-loco.
Georgius Richterus.
Georgius Sabinus.
Gerardus à Nazareth.
Godscalcus Hollen.
Gratianus.
Gregorius Magnus.
Gregorius Turonensis.
Guido Bituricensis.
Guilielmus Alanus.
Guilielmus Baldesanus.
Guilielmus Rastellus.
Guilielmus Tyrius.
Guilielmus Zenocarus.
Henricus Erphordiensis.
Henricus Farnesius.
Hermannus Gigas.
Hermolaus Barbarus.
Herodotus.
Hieronymus Oforius.
Hieronymus Platus.
Hieronymus Stridonensis.
Hinckmarus.
Horatius Turfelinus.
Hubertus Goltzius.
Hugo Ranulphus.
Iacobus Lanuensis.
Iacobus Poggius.
Iacobus de Voragine.
Iacobus Spiegelius.
Ioannes Agricola.
Ioannes Auentinus.
Ioannes Balas.
Ioannes Bodinus.
Ioannes Bonauentura.
Ioannes Brugmannus.
Ioannes Cassianus.

Ioannes Chrysostomus.
Ioannes Climachus.
Ioannes Cuspinianus.
Ioannes Damascenus.
Ioannes David.
Ioannes Duibrandus.
Ioannes Francisci.
Ioannes Frossardus.
Ioannes Gellus.
Ioannes Gerzon.
Ioannes Masseius.
Ioannes Nobanus.
Ioannes Naclerus.
Ioannes Peregrinus Petrose-
lanus.
Ioannes Petrosius.
Ioannes Rauisius Textor.
Ioannes Seletus.
Ioannes Sleidanus.
Ioannes Spinaus.
Ioannes Stobaus.
Ioannes Viguerius.
Ioannes VVolfangus.
Ioannes Xiphilinus.
Ioannes Zonaras.
Ioannes Zieglerus.
Iosephus historicus.
Iosephus à Costa.
Iouianus Pontanus.
Iustinianus Imp.
Iustus Goblerus.
Iustus Lipsius.
Lambertus Schafnaburgens.
Laurentius Surius.
Lucas Ewing.
Lucius Marinus.
Luitprandus.
Ludouicus Aurelius.
Ludouicus Granatensis.
Ludouicus Vines.

Marcus

INDEX.

<i>Marcus Ant. Sabellius.</i>	<i>Philippus Camerarius.</i>
<i>Marcus Marulus.</i>	<i>Philippus Cominaus.</i>
<i>Marcus Euang.</i>	<i>Philippus Diez.</i>
<i>Martinus Azpilcueta.</i>	<i>Possidonius Olbiopolita.</i>
<i>Martyrologium Rom.</i>	<i>Possidorus.</i>
<i>Matthaus Euang.</i>	<i>Procopius.</i>
<i>Matthias Castritius.</i>	<i>Raphaël Volaterranus.</i>
<i>Maximus Monachus.</i>	<i>Reinhardus Hadamarius.</i>
<i>Melchior Soiterus.</i>	<i>Robertus Gaguinus.</i>
<i>Michaël Sidonius.</i>	<i>Ruffinus.</i>
<i>Natalis Beda.</i>	<i>Saxo Grammaticus.</i>
<i>Nicephorus Callistus.</i>	<i>Sebastianus Munsterus.</i>
<i>Nicetas.</i>	<i>Segeri Chronicon.</i>
<i>Nicolaus Reusnerus.</i>	<i>Simeon Goulartius.</i>
<i>Nicolaus Sanderus.</i>	<i>Simeon Metaphrastes.</i>
<i>Onuphrius Panuinus.</i>	<i>Socrates.</i>
<i>Osbertus.</i>	<i>Sozomenus.</i>
<i>Palladius Blosius.</i>	<i>Sulpitius Seuerus.</i>
<i>Paulinus Pontius.</i>	<i>Suidas.</i>
<i>Paulus Æmilius.</i>	<i>Theodoretus.</i>
<i>Paulus Diaconus.</i>	<i>Theodorus Zuvingerus.</i>
<i>Paulus Iouius.</i>	<i>Thomas Morus.</i>
<i>Paulus Oforius.</i>	<i>Thomas Stapletonus.</i>
<i>Petrus Canisius.</i>	<i>Timotheus Berck.</i>
<i>Petrus Crinitus.</i>	<i>Trochonus.</i>
<i>Petrus Damianus.</i>	<i>Victor Vticensis.</i>
<i>Petrus Matthaus.</i>	<i>Victorinus Strigelius.</i>
<i>Petrus de Natalibus.</i>	<i>Vincentius Bellouacensis.</i>
<i>Petrus Opmerus.</i>	<i>Vincentius Mainardus.</i>
<i>Petrus Ribadeneira.</i>	<i>Zacharias Lipelloo.</i>

LAVRENTII BEYERLINCK
Antverpiensis
APOPTHEGMATA
CHRISTIANORVM.

ABSTINENTIA.

IESVS CHRISTVS.



r à quo Religionis nostræ, ab eo-
 dem etiam huius operis sumatur
 exordiū: Dominus ac SALVATOR
 noster ingressus domum Marthæ
 in Bethaniâ, ab eâdem utpote ma-
 trefamilias benignè excipitur. quæ
 cū satageret circa frequens ministerium (vt lo-
 quitur Scriptura) sollicita, quænam fercula tanto
 digna hospite apponeret, & ob id sororis etiam
 ministerium sibi necessarium reputaret, ait: Do-
 mine, non est tibi curæ, quòd soror mea reliquit
 me solam ministrare? dic ergo illi, vt me adiuuet.
 Et respondens dixit illi DOMINVS: *Martha, Mar-
 tha, sollicita es, & turbaris erga plurima. Porro vnum
 est necessariū. q. d. In vanum turbata es, vt plura fer-
 cula mihi, qui hæc despicio, apponas: cum vnum
 condimentum dumtaxat nostræ refectiōni sit ne-
 cessarium. (ita Stella in expositione loquitur)* tacitè in-
 sinuans, quod habet Ecclesiast. cap. 31. In multis
 A cūcīs

escis non deerit infirmitas; & qui abstinens est, adijci-
et vitam. Lucas cap. x.

EADMVNDVS CANTVARIEN. ARCHIEPISC.

Quàm benè Dominici præcepti consilijq. me-
mor EADMVNDVS cui, licet Archiepiscopatus ho-
nore præfulgeret, nihil prius optabiliusve, quàm si-
ne arte mensa. nullo namque ciborum delectu,
crebrius solam frigidam, & frustum panis pro de-
licijs sumpsit. rogantique cur in tantum absti-
neret; *Quia*, inquit, *non mihi cura corpus pascere,*
sed sustentare. & ideo cibavit eum Dominus pane
vitæ, & intellectus, & aqua sapientiæ salutaris po-
tauit illum. Osbertus, & alij, in vita.

S. HILARION.

Dignus, qui cum priore certet, ille. Intemperan-
tiæ namq. & lasciviæ stimulis agitated, quandoque
hunc secum sermonem miscebat: *Ego te aselle fa-*
ciam ut non calcitres: nec te hordeo alam, sed paleis:
fame te conficiam, & siti: gravi onerabo onere, ut ci-
bum potius quàm lasciniam cogites. Sciebat enim, ut
refert in Epist. Hieronymus, à patre Libero ad in-
concessam Venerem gradum esse proximum in-
temperantiæ. Hieronymus in vita.

ISIDORVS XENODOCHVS.

Hic verò cum sæpius mensæ accumbens in la-
chrymas resolveretur, quānam de causâ id face-
ret, rogatus: *Pudet me*, respondit, *vesci cibo à ratio-*
ne alieno, cum sim & ratione præditus, & futurus in
Paradiso deliciarum, & ambrosia nutrimento satian-
dius. Et eccui non vilescant cibi terreni, si cum æter-
nis illis eos conferat? Palladius in vita.

HELLEN ABBAS.

Ardebat is aliquando summo mellis desiderio:
cumque

cumque præter opinionem fanos reperisset, appetitui frenos iniiciens, dicebat: *Recede à me intemperans cupiditas.* Non ignorabat vir sanctus, quanta virtus foret placitis abstinuisset bonis. Palladius in vitis PP. cap. 39.

FRANCISCVS BORGIA.

Vide titulum de AFFLICTIONE.

IULIANVS IMP.

At ne religiosos Deoque dicatos tantum in hoc virtutis genere excelluisse quis arbitretur; paucos etiam alterius Ordinis subijciam, ne eiusdem laudis commemorationem illis videar inuidere.

IULIANVS Imperator, etiam post scdatam in se auitæ Religionis imaginem, non parvam huius virtutis scintillam produxit; cum e palatio, velut ad nihil utiles, pelleret eunuchos, tonfores, & coquos. Roganti enim causam, respondebat: *Eunuchis mihi iam non est opus. sancta vxore. Unicus tonsor pluribus sufficiet: & cum nulla palato arrideant, bellaria, coquum non requiro.* Utinam illi de assentatoribus par iudicium! Socrates Eccl. hist. lib. 3. cap. 1. & Ammianus lib. 22.

THEODOSIVS IUNIOR.

Et hic venatum egressus, non conscijs viæ studijque socijs, ad Monachum diuertit: qui licet Imperatorem agnosceret; æstu tamen cursuque fatigato, panem aceto maceratum, & oliuæ liquorem apposuit. O virtus, quid non facis vbi nobiliora semel ingenia occupasti? comedit Imperator, bibit frigidam fonte receptam: tandemq. se Theodosium confessus, *Verè, inquit, tibi affirmo Pater, nunquam me in palatio tanta cum voluptate cibum sumpsisse.* Ita ante eum Darius ab Alexandro fugatus, cum

4 LAVRENTII BEYERLINCK

inediæ telo compulsus aquam turbidam & cadauerum squallore inquinatam hausisset, se vnuquam iucundiùs bibisse negauit: nunquam enim sitiens biberat. Cedrenus.

RVDOLPHVS IMP. AVSTRIACVS

Eiusdem virtutis splendore, vt & natalibus, præfulgebat. Quippe dum aduersus Ottocarum Bohemie Regem castra mouisset, ac graui commeatu (potus præsertim) inediâ laboraret; ferunt colono, qui fortè collegis messoribus siceram hauserat, ablatam hydriam, ei fuisse oblatam. quâ visâ; *Reddite*, ait, *homini vasculum: ego enim non mihi, sed exercitui sitiebam.* & ita exercitum suo exemplo ad sitim fortiter tolerandam inuitauit. *Æn. Syl. lib. 3.* Commentar. in res gestas Alphonfi.

ALPHONSVS ARAGONVM REX.

Neque hic minori commédatione dignus. Cùm enim, fuso profligatoq. Iacobi Caudolę exercitu, sine tentorijs ac commeatu pernoctaret, eiq. Ioannes Efernitanus raphanum vnum ac panem cum dimidiato caseo misisset; recusauit, dicens: *Non decet Imperatorem ieiuno exercitu mandere.* *Panormit. lib. 3. de gestis Alphonfi.*

PYRRHINICVLVS VASCO.

Is peregrè iter faciens, cùm ad meritoriam tabernâ venisset, & apposita esset cœna omni ex parte olitoria, vinumq. admodû dilutum; breui refectio-
ne præuia, medicum ad se vocari, cui mercedē persoluat, mandat. Indignatus caupo, *Ecquid malum!* ait, in viculo tam agresti medicum requiris? Cui ille: *Tun' ò bone te ipsum ignoras? quò sit merces opera tue par, medici pretium accipe, non caupo-
nis.* Sentiebat enim frugalitatem sobrietatem-
que

que optimam hominis medicinam. Adrianus Barlandus.

CANTACVZENVS MAGNVS.

Ethic, dum ob prosperum rerum euentum Genio merum largiùs funderent proceres, ne modestiæ temperantiæque limites excessisse videretur; in ore, & mente: *Nunc me sobrium oportet, cum alij non ebrij esse non possint.* Non ignorabat, prosperorum rerum euentus humana ingenia explorare. Niceph. Greg. lib. 9.

FREDERICVS IMPERATOR.

Ille etiam abstinentiæ cultor eximius: intellexerat aliquando Leonoram coniugem, ex quâ nullam prolem suscitauerat, faciliè fecunditatem consecuturam, modò vino (à quo semper abhorruerat) præsertim in Germaniâ, frigidâ regione, vteretur: *Esto*, inquit: *malim uxorem sterilem, quàm vinosam.* Æn. Syl. lib. 2. Comment. de gestis Alphonfi.

LEONORA IMPERATRIX.

Succedat Augusto sua Augusta: quæ, tantum abest vt iniquo animo sui mariti responsum acciperet, vt etiam palàm profiteretur: *Et si domini mei (coniugem appellans) iussioni tam libens pareo, quàm vino; si tamen vini usum mandauerit, mori optarem, quàm parère.* Idem.

ABVSVS RERV M.

PHILIPPVS GALL. REX.

Abstinentiæ se comitem præbet ABVSIO. vt ita opposita iuxta se posita magis illucescant. Quid enim temperato rerum vsu præclarius? inordinato

dinato verò quid perniciosius? Intuebatur aliquando Histriones & Circulatores magnam populi frequentiam ad se allicere Christianissimus Rex PHILIPPVS : & ad proceres conuersus, *Histrionibus*, ait, & huiusmodi *farinae hominibus pecunias dare, nihil aliud, quam demoni sacrificare*. Videbat Rex prudētissimus, quantus esset pecuniarum, quæ in similes homines infumuntur, abusus. Vincent. in Spec. hist. lib. 29. cap. 41.

LYDOVICVS XI. FRANC. REX.

Cùm ad eum referret quidam, hominem illiteratum, at curiosum, numerosam & insignem instaurasse sibi B. bliothecam; subridens, *Verè, in- quiebat, hic gibbosus comparandus: qui cùm gibbi onus in dorso ferat, nunquam illud intuetur*. Sentiens abusum esse, librorum copiam comparare, quibus uti nescias. Corozetus in Dictis memor.

DOCTOR ANONYMVS.

Redarguentibus hunc, quòd docendo non modò nihil proficerent auditores, sed & deficerent; *Non id meo, respond. t, sed suo vitio imputent*. In- nuebat enim tacitus, quod olim simili responso Theodorus Atheniensis: quòd doctrinam, quam ipse dextrâ porrigeret, sinistrâ exciperent. Auct. ferm. Conuiuial.

SIGISMVNDVS IMP.

Quid autem iste? Magnoperè apud eum laudabat quispiam fœneratores, quòd etiam dormientes quæstum facerent: *At tu, inquit, vigilando omnibus abuteris, & consumis*. egregiè eius prodigalitatem perstringens. Æn. Syl. lib. 4. Comment. in gesta Alph.

ACCUSATIO SVI.

ANACHORETA ANONYMVS.

Veluti proximus ad conuersionem gradus est peccati agnitio; ita etiam sui de eodem Accusatio. Quare rogatus ANACHORETA, quam potissimum ad cælum viam inuenisset, respondit: *Si se homo semper accuset.* Doroth. doct. 7.

S. ANTONIVS.

Et hic eiusdem mentis: sciscitanti namque cui-dam, quàmnam humani operis partem maximam existimaret; *Eam*, inquebat, *que peccatum proprium in conspectu Dei ponit.* Ibidem.

IULIANVS IMPERATOR

Cùm pro tribunali sederet aliquando, accusatus apud eum quidam peculatus, qui argumenta omnia in se contorta alacriter refutabat: dumque cauidicus argumenti ac documentorum inopia percitus, diceret: Quis vllius criminis pœnas dabit, si reo inficias ire proderit? IULIANVS, *Ecquis,* ait, *insons erit, si accusatori crimine non probato habeatur fides?* Zonaras tom. 3. Annal.

ACVTE DICTA.

CORNELIVS PONTIFEX.

Non infrequens est, vt ex dicentis loquentisque verbis, eiusdem genium ingeniumque cognoscamus. & si viua vox omnis (vt est in pro-uerbio) suam habeat elegatiam & energiam: quanto magis, si ad eam acuta quẽdam venustas accesserit? Eius itaque nunc exempla aliquot ex vtroque

ordine in medium adducemus; licet quilibet huius operis titulus sua etiam habeat, quæ aliàs vix futura Apophthegmata. Acie itaque hîc ducat CORNELIVS PONTIFEX, qui Nouatianum redarguens, quod se inuitum ad Pontificatum euectum iactitaret: *Si inuitus*, inquit, *Nouatiane designatus es Pontifex; probabis, cum volens secesseris*. quo dicto, eius intemperatam oris proteruiam repressit; & quàm vanè gloriaretur, declarauit. Platina in vita.

LEONTIVS EPISCOPVS ANCYRÆ.

Ille etiam rari ingenij vir, cum in grauiſſima illa Antiochena de fide diſſenſione ſententiam ſuam palàm proferre non auderet, caput canis albicans iteratò demulcens, dixiſſe fertur: *Ninem hanc ſolutam multum luti ſubſecuturum eſt*. Enigmatè hoc obſcuriùs indicans, diſſonantiam eam ſe mortuo in ſeditionem euasuram. Hiſtor. Eccleſ. Euſeb.

SISINNIVS EPISC. NOVAT.

Nec minùs in reſpondendo acutus iſte. Abſtulerat Nouatianis Eccleſiam Leontius Ancyrae Episcopus: accedit SISINNIVS, eam reddat, poſtulans. Cui alter: *Quid?* inquit, vos Nouatiani pœnitentiam tollitis, & Dei benignitatem ab hominibus clauditis? reſpondit SISINNIVS: *Neminem adeò pœnitet, quàm me*. cui rursus Leontius; *Quomodo te pœnitet?* *Quòd te videam*, inquit SISINNIVS. Socrates lib. 6. Hiſtor. Eccleſ. cap. 20.

IDEM.

Dicenti ſibi D. Ioanni Chryſoſtomo, vnàm ciuitatem duos Episcopos habere non poſſe: *Nec habet*, ait SISINNIVS. quod cum egre ferret Ioannes, & inferret; Ergo tu ſolus vis eſſe Episcopus? reſpondit: *Neque hoc dico: ſed quòd apud te ſolum*.

non sum Episcopus ; qui tamen alijs sum Episcopus.
Ibidem.

PAVLVS II. PONT. MAX.

Hic cùm Præfecturam Rhodiensem, à Gallo ex-
hauistam, Hispano commississet gubernandam; plu-
res eius mutationis causam sciscitari. quibus ille:
Gallicus morbus, Hispano medico erat curandus. quòd
nempe Galli profusiores, Hispani frugaliore ef-
sent. Platina in vita.

LEO X. PONT. MAX.

Et in hunc præclaras ingenij dotes natura effu-
derat, ita vt nescias, an in sacro illo ordine reperias
superiorem. Venit quandoque ad eum quispiam
artis chemicæ peritus, offerens libellum, quem de
auro conficiendo è quauis pænè materiâ ingenio-
sè, non tamen efficaciter, conscripserat. miratur
ingenium hominis Pontifex, magnâq. expectan-
tem, vacuâ crumenâ donat: & *Auro te donarem, in-*
quit; verùm cùm illud conficiendi certam scientiam
promittas, id vnum tibi suffecerit (si eam ad effectum
deducas) vt habeas in quo tuum aurum reponas.
Corozetus, & alij.

CONSTANTINVS IMPERATOR.

Neque hac dicendi vrbanitate & venere carnis-
se ciuilem ordinem, ex subiectis liquidò constabit.
Cùm Acefilium Nouitianorū Antistitem in Con-
cilio multa effutientem audiret CONSTANTINVS;
& inter alia, spem remissionis à sacerdotibus nul-
latenus expectandam, sed à Deo: *O Acefi, exclam-*
mat, pone scalam, & si potes, solus ascende in calum.
eiusdemque improbitatem & pertinaciam hoc
dicto compescuit. Histor. Tripart. lib. 11. cap.
XIII.

LYDOVICVS XII. FRANC. REX.

Ille instanti videnti. coniugi, Claudiam filiam Carolo Maxæmiliani Cæsaris nepoti desponderet; *Disne, ait, cliteilas asini equorum ephippijs preferri? & assumpta parabola, subdidit: Principio cernas cum cernis amplioribus cornibus natura insigniuit: at cum cernæ se maribus cernis præferrent, indignatus Deus, excornes prodirent, imposterum imperavit. P.Æmil. in vita.*

COMES NASSOYÆ.

Erat & hic, vt bellicâ virtute, ita & sagaci ingenio clarus. quippe castrorum Cæsarianorum ductor, cum præter Cæsaris opinionem diutiùs in Peronæ Franciæ opidi obsidione moraretur; ab Hungariæ regina Caroli filia reprehensus, quòd in expugnatione columb irij (ita Peronam nuncupabat) tantam moram neceret; *Fateor, dicebat, Peronam columbarum: verum alit robustas & alacres columbas, quæ se egrè capi permittunt.* Theat. vit. hum.

MENDICVS ANONYMVS.

Elisabetha Angliæ Regina, cum fortè ad templum deformatæ religionis dogmata auditura procederet: mendicum ad templi fores incubantem, stipemque exigentem conspicata, vt erat ingenio facili, *Eia, inquit, quam verum illud adagium, Pauper ubique iacet.* quo audito ille, nihil cunctatus (erat enim ex eo genere, quos cum laboris pertædet, mendicitatis studium etiam literatos quandoque delectat) respondet,

In thalamis Regina tuis hac nocte iacerem,

Si preet hoc verum, Pauper ubique iacet.

Incerti auctoris.

BOYAR-

BAYARDVS, CAPITANEVS F. R.

Iste etiam, dissidentibus inter se Carolo V. Imperatore, & Francisco Galliarum Rege, cum ei opidi Metisci custodia obtigisset, & Franciscus à Stritigen aduersæ partis ductor opidum sibi tradi per internuntios rogasset, responsum hoc referri iussit: *Equi Francici* (quos Bayard appellant) *non timent Roussinos* (equorum genus) *Alemannicos*. ita simul animi fortitudinem, promptitudinemq; expressit. Corozetus.

COSMVS MEDICES.

Nolim hîc COSMVM præterire, qui à Strossianis in exilium ad Benacum pulsus, dum ad eum venisset qui rogaret quidnam ageret, ? respondit: *Gallia incubanti frequens adsum, ut eius postmodum fru-ctus potiar*. Insinuabat autem, se assiduè de reditu cogitare, quem postmodum est consecutus. Egnat. lib. 7. cap. 2.

Require ARGVTE DICTA ET RESPONSA.

ACTIO, EIVSQUE NECESSITAS.

IESVS CHRISTVS.

CVM iustitiam solus ille verè dicatur nosse, qui eam facit, iuxta Augustin. super Psalm. adeoque, ut in Officijs sentit eloquentiæ parens, omnis virtus in actione consistat: quàm præclare de hoc laudis ac virtutis genere locuti sint Christianorum plerique, nunc persequi propositum est. Et ut à CHRISTO ipso exordiamur; cum ad eum, in vinculis ab Herode detentus Ioannes, duos ex discipulis ablegaret (idque ut eam doctrinam quâ pridem

pridem de Christo imbibebant, altè retinerent) qui dicerent: Tu es, qui venturus es, an alium expectamus? inquirebant autem de vero Messia: ipse eorum ignorantiam prudenter dissimulàs, ac Ioannem docere se fingens, *Euntes, inquit, renuntiate Ioanni, quæ audistis, & vidistis.* tunc tandem sufficiens cognitionis cuiuspiam argumentum esse insinuans, si actio doctrinæ confirmetur. Matth. cap. 9.

IDEM.

Legisperitum se tentantem, ac curiosius inquirentem, Quid faciendo vitam æternam possidebo? quid, & quomodo legeret, interrogabat. quo dilectionis mandatum recitante, subiungebat: *Rectè respondisti, hoc fac, & viues.* q. d. Non diligas verbo & lingua: sed opere & veritate. Luc. cap. 10.

IDEM.

Interrogantibus Iudæis, Si tu es Christus, dic nobis palàm; respondit: *Loquor vobis, & non creditis. Opera quæ ego facio in nomine Patris mei, hæc testimonium perhibent de me.* Verum de se, ac quouis alio, iudicium ex actionibus desumi vult; veluti de arbore iudicatur ex fructibus. Ioannes cap. 10.

PAMBO ABBAS.

Neque in hoc ab Antesignani sui vestigijs aberrarunt viri sancti; quorum nonnulla præclara dicta factaque subnectam. Prodit se inter eos primus PAMBO ABBAS: qui cum religionis & pietatis gloria præfulgeret, literarum tamen expertus, pio ferventique affectu petijt à quodam doceri Psalmos. verum doctore illo suæ doctrinæ initium sumente à Psalmo 38. eiusque primum versiculum
(Dixi,

(Dixi, Custodiam vias meas, vt non delinquam in linguâ meâ) memoria ediscendum proponente; ceteros audire renuit, dicens: *Si hñc opere compleuero, reliquis vix mihi opus.* Cumque post mentes aliquot rogaretur, cur à cæpto opere animum auerteret: *Quia*, ait, *priorem illam versiculam necdum opere compleri.* ac demum percontanti post multum temporis, an tandem eum didicisset; respondit: *Quadraginta & nouem anni sunt, & vix cum opere implere valui.* Socrat. Tripart. hist. lib. 8. cap. 1.

S. ÆGIDIUS.

Et hic Pambone hoc in genere non inferior. Increpabat enim iudicem, quòd eum se Deo credere assereret, bona nihilominus temporalia æternis anteponeret; eoque interrogante, An ergo tantum opere exequitur homo quantum credit? respondebat: *Sancti & iusti, bona quæ studuerunt ac potuerunt facere, opere conati sunt adimplere. Si autem opere non potuerunt, pio saltem desiderio operis defectum suppluerunt.* Ex sent. aureis eiusdem.

IDEM.

Roganti se, utrùm præstaret verbum Dei populo annuntiare, an opere exequi; subridens, *Dic mihi*, ait, *utrùm è duobus tu plura meritum arbitraris; eum, qui ad S. Iacobum v. g. peregrinationis causa proferat; an illum, qui eò perueniendi viam demonstrat?* innuens factores legis apud Deum iustificandos. Ibidem.

IOAN. ABBAS.

Venerant ad eum moribundum fratres, breue aliquod vitæ documentum petitori. quibus ille ingemiscens; *Nunquam*, ait, *propria voluntate fretus quicquam feci: nec alium docui, quod prius ipse non fecerim*

14 LAURENTII BEYERLINCK
cerim. In vitis PP. cap. de eorum profectu.

FRANCISCVS BORGIA SOC. IESV.

Neque hunc calamo prætereundum duxi, qui Eborægens, dum sexta feria aggregatis Socijs, vt more antiquorum patrum collationibus sacris vacarent; rogaretur sententiam; hoc tantum, *Opera, inquit, verbis præstant*. In vita eiusdem lib. 4. cap. 1.

ADMONITIO.

S. IOANNES BAPTISTA.

VEniamus nunc ad salutis æternæ, magnarum-
que rerum non exiguum incitamentum, AD-
MONITIONEM seriam: cuius admirabilē virtutem,
vt Saluatorem nostrum, cuius tota vita continua ad
benè beateque viuendum adhortatio existit, o-
mittamus, eiusdem Præcursor suâ prædicatione
ostendit. Cùm enim mandatorum Dei transgres-
sores ab electorum cōsortio separandos propone-
ret, & circumstās turba de salutis obtinendæ medio
inquireret, dicens; Quid ergo faciemus? respondit:
*Qui habet duas tunicas, det non habenti: & qui habet
escas, similiter faciat*. Venientibusque Publicanis vt
baptizarentur, ac idem interrogantibus; *Nihil, ait,
amplius, quàm vobis constitutum est, faciatis*. q. d.
Ne amplius extorqueatis in vestrum vsum, vltra id
quod præscriptum est à Principe. Et militibus
idipsum percontantibus; *Neminem, inquit, concu-
tiatis*: videlicet opprimendo, aut corporaliter affli-
gendo: *neque calumniam faciatis*: extorquendo ab
innocentibus vobis indebita. *Contenti estote sti-
pendijs vestris*. quæ nempe vobis acceptanti-
bus

bus, sunt pro militia laboribus constituta. Luc. cap. 3.

S. EPHRAËM.

De hoc quoque memorię prodidit Surius: quòd, cùm inuerecundè meretrix eius concubitũ postularet, sollicitus qua ratione eam ad meliorem reduceret mentem, conditionem propositam ratam habuerit, dicens, Si vis nos ambos simul dormire, ubi tibi dixerò; placet. arripit illa sermonem, & locum inquit. quo respondente; In medio ciuitatis: Quid, inquit illa, nõne aperto rubere suffundemur, id palàm cõmittere ante conspectum omnium? Cui vir pius, quasi conuersionis eiusdem aniam accipiens; Si ergo, ait, *hominum oculos sufficere putasti, ad pudore conficiendam animam, & à malà actione abducendam: Dei oculos qui omnia intuentur, non multo magis reuereremur, & extimesceremus?* Ita quæ voluit capere impatibilem & cauiam animam, diuino spiritu capta est, & tam seria adhortatione ab errore conuersa. Sur. tom. 1. in vita.

ABBAS OLYMPIVS.

Supra modum hac Exhortationum laude clauerunt plurimi Anachoretarum & Monachorum: quos Bibliothecæ SS. PP. alijsque operibus insertos reperimus: nos vno aut altero contenti erimus. OLYMPIVS ABBAS aliquod dogma à se requirenti, respondebat: *Vbiunque sederis, disc assidue, Peregrinus sum.* Breuis sententię profundum mysterium. Ecquis enim se peregrinum hinc reputans, non omnia facillè utpote aliquando relinquenda, contempserit; & ad veram illam supernorum ciuium mansionem suspinauerit? Prat. Spirit. cap. 12.

ABBAS

ABBAS ELIAS.

Et ille, ut insignius aliquod elogium proferret, interpellatus; *Diebus*, ait, *patrum nostrorum*, tres *iste virtutes in amore & studio apud Monachos erant: Nuditas rerum omnium, Mansuetudo, & Continentia. quorum in locum succedere Avaritia, Gula, & Audacia. quod horum tibi placet, arripe. Quam verè omni in statu & ordine illud obtinet:*

Ætas parentum peior avis, tulit

Nos nequiores: mox datura

Progeniem vitiosiore.

Ibid. cap. 32.

THEOTECNVS EPISC. CÆSARÆ PALÆST.

Circa tempora Galieni Imperatoris, Marinus vir genere & virtute illustris, pro tribunali vocatus quod Christianus esset, cum trium horarum spatium ad deliberandum à Iudice accepisset; egressum THEOTECNVS eius loci Antistes ad colloquium inuitat, & prehensa manu in Ecclesiam ducit: quē cum interiūs ad ipsū Sanctuarium collocasset, laeva paullulum in alteram partem dimota, gladium quo erat accinctus ostendit; & ex aduerso Euangeliorū codicem proponit: præcipitque, ut ex duobus, quod magis esset ex animi sententia, seligeret. ubi verò manu protensa absque cunctatione Euangelium accepit; ita eum affatus Præsul: *Tene, & adhaerece Deo Sic enim ab eo roboratus, quod in optatis est, certò assequere. Abi in pace.* In tantum hæc verba apud eum valuerunt, ut per præconem ad tribunal reuocatus, maiorem fidei ardorem studiumq; declarans, actutum inde ut erat ad supplicij locum ductus, martyrium constanter subierit.

Euseb. histor. Ecclesiast. lib. VII. cap. XIII.

S. LVDO-

S. LVDOVICVS EPISC. TOLOSANVS

Coniunctissimo sibi college iniunxerat, vt si quæ præter decorû obseruaret, sine dissimulatione corripere ac moneret: qui dū crebrius id faceret, & liberiùs fortassis quàm par erat, ab alijs ipse correptus & admonitus. quibus LVDOVICVS; *Amici*, inquit, *monendi sunt & obiurgandi: vera enim amicitia quod sentit, dissimulare nescit.* Ex membrana manuscripta in Biblioth. FF. Minorum Louanij.

ANTONIVS SYLVRIA LVSIT.

Dandum nunc aliquid ciuilis ordinis exemplis, vt prioribus inspersa, varietate ipsa delectet. Dientis arcis Præfectus ANTONIVS SYLVRIA Lusitanus, conspiciatus Turcarum classem ad præfatam arcem expugnandam aduentare, ad commilitones conuersus, in hæc verba prorupit: *En viri, tempus nunc, acceptam à maioribus gloriam bellicam, debitamque tum Deo tum Regi fidem, nobis ob oculos ponendi.* Profuit præsens Ducis animus, & de hostibus vix speratam victoriam reportauit. I.P. Maffæus hist. Ind. lib. xi.

VXOR IVLIANI PRÆFECTI.

In hoc quoque virtutis genere muliebris fexus suâ laude non est fraudandus. Direpturus Iuliani Apostatæ imperio sacrata Deo vasa è Christianorum tēplis eiusdem Præfectus IVLIANVS, aduersus sacram aram (horret animus meminisse) in conspectu omnium, vesicam exonerat. non sustinet tantum nefas Ezoius, vir pietate & religione summus: & prohibere conantem alter in faciem cedit; dicens, Quid? non vides res Christianorum omni Dei cura & prouidentia destitui? At vltori Deo meritas pro scelere pœnas dedit. In morbum enim

B

prola-

prolapsus, visceribus putredine exesis, ipsas naturæ sordes contra naturam, etiam per sacrilegum os, blasphemiae instrumentum, egressit: ad quem tunc Christianâ fide nobilis vxor; *Debes*, ait, *merito mi marite Christum Saluatorē laude prædicare, quod tibi hac castigatione suam potentiâ declarauit. Ne enim te lateret quem oppugnaueris, solita sua lenitate usus, has plagas tibi inflixit.* Miser itaque cū coniugis oratione, tum cruciatu intolerabili, morbi causam agnoscens, frustra Imperatorem, ut ablata restitueret, orauit: & ipse extemplò hac vitâ migrauit. Theodor. hist. Eccl. lib. 3. cap. 12.

PLACILLA THEODOSII IMP. Vxor.

Hæc etiam de salute mariti sollicita, cū eum prosperis rebus elatum supra modum, ideoque ab auitâ pietatis studio alienum animaduerneret, adhortari subinde non destitit, & hoc eum sermone compellare: *Considerare te oportet coniux, quis antea fueris, & in quem locum te euexerit vniuersitatis conditor: & sic eum, qui tibi ut fideli ministro Imperium commisit, rite decenterque coles.* Niceph. Callist. lib. 12. hist. cap. 42.

E A D E M

Coniugis sui superbiam arrogantiamque ita aliquando prudenter moderabatur: *Cogita, inquit, quiebat, priuatum te hominem fuisse; atque nunc præ cateris ad Romanæ Reipub. gubernacula adscitum, non ut superbires, sed te hominem cogitares; varys perinde ac subditi fragilitatibus obnoxium.* Lycosth.

ADVER-

ADVERSITAS . RES ADVERSÆ.

S. LUDOVICVS EPISC. TOLOS.

Quam firmā ormatamq. in arduis rebus mentē Romani illi Athletæ seruauerint ; testantur eorumdem monumenta postumę atati relicta . Verūm ne & nos hac laude caruisse quispiam arbitretur ; paucos sub breuitate transcurramus , qui eadem claruerunt . Cogitanti autem se prodit LUDOVICVS Tolosana Ecclesię Antistes . Hic vix annos pubertatis egressus , Cathaloniam obses à patre mittitur : vbi septennium carceri inclusus , cūm rogaretur , quā tam æquam tot rebus aduersis mentem seruaret ; respondit : *Aduersa Dei amicis plus conducunt , quā prospera . Tunc enim Deo subditus sumus , quando aduersis vrgemur .* In eandem sententiam Sil. Ital. lib. 7. bell. Pun.

Tanta , inquit , adeo , cū res trepida , reuerētia Diuinum Nas citur .

ex membrana manuscripta in Bibl. FF. Minorum Louanij.

S. MARTINVS TVR. EPISC.

Vide DEI BENIGNITAS , CVRA , &c.

FRANCISCVS BORGIA, SOC. IESV

Temperato tranquilloque animo vir , cūm aduersa incidissent , immotus permanebat : eiusque in ferendo constantiam admirantibus , dicebat : *Res humanas , vt quę nihil ad nos attinent , in minimis pono . & , An abbreviata est manus Domini , vt saluare nequeat ? quid timeamus ? Si Deus pro nobis , quis contra nos ?* In vita eiusdem lib. 4. cap. 6.

ALPHONSVS ARAGONVM REX.

Vt & his alterius ordinis exempla subiungamus, monet genere, & virtutum omnium gloria illustris ALPHONSVS ARAGONIVS. qui cùm partes Ioannæ Neapolis reginæ, vi & auxiliariis copiis tuendas suscepisset, dehortantibus propinquis, ne se temerè periculo exponeret: *Non abhorreo, inquit, pericula, sine quibus nemo unquam gloriam consecutus est.* Præclara magnanimi Regis vox, quam sera posteritas haud immeritò stupeat. Panoim. lib. 1. cap. 2. de Rebus gestis eiusdem.

WENCESLAVS BOHEMIÆ REX.

Et is cum toto exercitu fusus fugatusque, dum in manus hostium incidisset, & captivus detineretur; rogatus, quònam animo esset, *Nunquam, respondit, meliori. Dum enim omnibus humanis praesidijs vallatus essem, vix de Deo cogitandi dabatur spatium: nunc omnibus illis exutus, solum Deum cogito, qui me, sat scio, innocentem exaudiet.* Capnionis hoc dictum erat: *Quando duplicabantur lateres, tunc venit Moyses.* quo Dei auxilium præstò semper esse declararet, cùm aduersæ res potissimùm ingruunt. Æn. Syl. in hist. Bohemicâ.

CATHARINA ARAGONIA.

Ecquis illam hoc loco tacitè prætereundam iudicabit, quæ virili mentis animique constantia, toties Fortunæ inconstantiam, humanosque casus superavit? Repudiavit eam Henricus VIII. Angl. Rex, ut Bolenâ (quæ velut altera Helena, tanti excidij, quale postmodum subsequutum, fax & scintilla) potiretur. illa nihil indignata, diuinæ se clientelæ submittebat: rogata verò utrumvis rerum statum eligeret: prosperumne, an aduersum? *Hunc præ illo se malle,*

*malle, respondit. quia, inquit, infelicitas raro de-
est consolatio: fortunatis vero plerumque mens ipsa &
ratio.* N. Sanderus lib. 1. de schism. Anglic.

Vide Apophth. de AFFLICTIONE infra.

ADVLATIO. ADVLATOR.

IESVS CHRISTVS.

Magna iam cura studioq. referendum, quan-
topere ADVLATIONIS seductionisque, quæ
fallaci laude fit, stimuli, ab illustrium virorum pe-
ctoribus non sine ratione consilioq. summoti sint.
Vt autem à veritatis Magistro ordiamur: reprehensi
Pharisæi, abeuntes consilium inierunt, vt eum in
sermone (secundùm Script. phrasim) caperent; mit-
tuntq. discipulos suos cum vectigalium collecto-
ribus (quos Herodianos, quasi Herodi subiectos
nominat Matthæus) qui eum hoc verborum leno-
cinio demulcerent: Magister, scimus quia verax es,
& viam Dei in veritate doces, & non est tibi cura
de aliquo: nō enim respicis personam hominū, &c.
ad quæ Dominus, cui nihil occultum, cognita co-
rum nequitia, ait: *Quid me tentatis hypocrita?* q. d.
Cur vestra hypocrisis sollicitatis me, vt vobis placentia
loquar? vero accommodatoque nomine Adula-
tionem, hypocrisim appellat: cum per illam ea fa-
cere delectet, vt loquitur Augustin. super Psalm. 9.
in quibus non solum non metuitur reprehensor,
sed etiam laudatur operator. Matth. cap. 22.
Mar. cap. 12. Luc. cap. 20.

HERODES AGRIPPA.

Cum huius particulatim meminerint Sacre lite-
ræ, vt posteris daretur exemplum, quanta sit Adu-
lationis

lationis pernicies, eum hoc loco pratermittendum non esse, quamvis fortassis à proposito nobis ordine alienum, iudicavi. Cæsareæ itaque dum ludis pro Augusto celebrandis vacaret, in theatrum processit, amictus veste regia, quæ sua maiestate spectantibus horrorem venerationi mixtum incuteret. Assentatores eiusdem magno clamore Deum consalutabant; rogantes, ut faueret propitius. Quam impiam adulationem cum nec castigaret nec repelleret, diuinam ultionem oculis sensit. grauissimis quippe cruciatibus impetitus, oculos quasi iam in morte grauatos ad amicos conuertens; *En ego, inquit, vestra appellatione Deus, vitam relinquere iubeor; fatali necessitate vestrum arguente mendacium. Et quem immortalẽ saluastis, ad mortem rapior.* Act. cap. 12. & Ioseph. lib. 19. Antiq. cap. 7.

S. GREGORIUS.

In tanto apud istum pretio fuere Adulatores, ut, cum suum de illis iudicium proferret, dixerit: *Adulator scorpio est, qui palpando incedit, sed canda ferit.* Collig. ex lib. 1. in Ezech cap. 9.

IOAN. DANTISCVS EPISC. VARMIIENSIS.

Huius quoque de Parasitis & aulicis Gnatonibus iudicium libet attexere. Ille enim, Aëteonis canibus eos comparare solitus, dicebat: *Idem accidit Principibus à Parasitis, quod Aëteoni à canibus: ut nempe deuorentur ab iis quos alunt.* Refert Philip. Camer. in operibus successiuis. Georg. Sabinus, & alij.

SIGISMVNDVS IMPERATOR.

Ille cum se Adulatores veluti pestes odisse afferret; Brunenius Neronensis sermonem interrompens,

pens, Tamen, dixit, nullum genus hominum isto magis amas. Cui Imp. *Vincis sanè*, ait. Ita enim natura comparatum, ut, cum vitandos Assentatores dicimus, tum maxime illis adheramus: nam neque tu tanto tempore mecum fuisses, nisi meis moribus ad blandiri assucisses. Æn. Syl. de dictis Sigismundi & Friderici Imp.

IDEM

Vni è Proceribus se supra modum laudanti, & dijs similem asserenti, alipam infixit: hoc dicto, *Cur me mordes adulator?* Sciebat egregius Imperator, verum esse quod habet Hugo de S. Victore, Adulatorem amicum in obsequio, hostem in animo, comptum in verbo, turpem in facto, lætum ad prospera, fragilem ad aduersa, inflatum ad obsequia, anxium ad opprobria, immoderatum ad gaudia, facilem ad humana, difficilem verò esse ad honesta. Æn. Syl. lib. 1. Comm. de reb. gest. Alphon.

LADISLAUS POLON. REX.

Clarum Sigismundi exemplum; nec minùstamen illustre LADISLAI, qui etiam Assentatores colaphis excipere solitus. causam verò rogatus; *Percutientes*, dicebat, *me, reperiuntio*. nolebat & ille cum Propheta oleo peccatoris caput suum impinguari. Oleum enim peccatoris, ut exponit Cassiodorus, est dilectio simulata verborum, quæ vocum blandimentis, nostras mentes velut olei pinguedo ingrediens, rigorem veritatis emollit. Collig. ex Prom. mor. Th. Stapluti. Sermon. 11. Aduentus.

ALPHONSUS ARAGONVM REX.

Nulla virtus aut laus, in qua sibi locum non vendicet ALPHONSUS: ita ut in eum vnum omnium virtutum laudumque congeries effusa videatur.

Adulatores etiam plus quàm hostili loco habuit; & de illis verba faciens, *Sunt*, aiebat, *Adulatores per-
similes lupis*. nec malè. nam veluti lupi titillando &
scalpendo asinos vorare soliti: sic & illi ad Principum
perniciem, blanditijs simul ac mendacijs intendunt. Ant. Panorm. & Æn. Syl. ille lib. 3. de
Gestis, hic de Dictis eiusdem.

CAROLVS V. IMP.

Nec minùs prudenter prudens ille Imperator hanc assentandi pestem fugiebat. Cùm enim Lutetia Parisiorum constitutus, graui oratione eiusdem laudes in publicum adduceretur; paucis oratori respondit: *Grata mihi est affinis Regis erga me benenolentia; sed laudes illa mihi attributæ, commune factiones dumtaxat sunt, qualis esse deberem.* In vita eiusdem Cythr. & alij.

PHILIPPVS II. CAROLI FILIVS

Parentis sui vestigijs inhærens, conceptam à teneris agendarum rerum prudentiam rariùs dicto manifestabat: neque, si id præstiterit, literis consignatam, aut æmulæ posteritati transmissam existimauerim. Interrogatus verò aliquando (prout narrantis ore excepi) quo apud eum loco essent Adulatores; *Peiori*, inquiebat, *quàm corui*. & subdens illud Aristippi, vt est apud Brusòn. *Malim*, aiebat, *in coruos incidere, quàm in assentatores aut parasitos.* Videbat Rex sapientissimus illos corpus tantùm, at hos animos etiam mentesque corrodere: & verum esse illud Nasonis lib. 2. Trist.

Impia sub dulci melle venena latent.

MAVRICIVS SAXONIÆ DVX.

Hic verò Assentatorem conspicatus, dixisse commemoratur: *Stercus domini sui comedit, vt canis.* Notabat

rabat autem, vt habet Seneca, Assentatores non tantum esse dominorum suorum arrisores, sed & arrofores. Phil. Camer. in locis Manl.

FREDERICVS SAXONIÆ DVX.

Ille vt regni solique, ita & animi mentisque heres; ab illo hominum genere cauendum ratus, dicebat: *Maximè metuendi sunt ij, qui pedibus proximi sunt, ne calces conculeent.* tacitè insinuans, adulantibus proprium, Regum Principumve auribus propius assistere. Ibidem.

ADVLTERIVM.

IESVS CHRISTVS.

Occultum olim, & abominabile apud veteres illos Sophos, quod hodie (proh dolor!) Magnatum ferè ludus est, ADVLTERIVM nunc pertrahendum. vtpote quod tantum humano generi pudicitiaëque incommodum adferat; quantum salutis, coniugalis fides præstat. Habet igitur & hoc, qui velut præsentem perniciem animæ detestentur; habet qui amplectantur. Prioris generis ductor sit vera pudicæ castitatis norma ac regula Coeternus DEI FILIVS: qui Phariseis eius discipulos redarguentibus, quòd illotis manibus manducassent panem, ait post multa: *Non intelligitis, quòd omne quod in os intrat, in ventrem vadit, & in secessum emittitur? Quæ autem procedunt de ore, de corde exeunt, & ea coinquinant hominem. de corde exeunt cogitationes mala, homicidia, adulteria, &c. hæc sunt quæ coinquinant hominem.* Matth. cap. i 5.

S. MARIA MATER CHRISTI.

Quis te Virgo castissima meritis laudibus dignè

B 5

celebret?

celebret? quæ velut lilium inter spinas, cùm de filij conceptione Archangeli nuntium accepisses, non tam de nuntio incredula, quàm de modo sollicita; *Quomodo, inquis, fiet istud, quoniam virum non cognosco?* quasi diceres intra te: Ego meæ virginитatis iacturam facere nolim, & votum de ea in perpetuū seruandā violare. Maluisti certè etiam desponsata, cordis corporisq̃ue integritate splendere, quàm dignitatem aliquam quantumvis excellentem cum eius violatione subire. Luc. cap. i.

BALDVINVS FLANDRIÆ COMES.

Transeamus nunc ad alios, qui hanc adulterij litem execrati. Inter quos facilè principem obtinet locum BALDVINVS Flandriæ nostræ Comes, qui & Imperator Byzantinus: hunc enim in tantum ab hoc crimine fuisse alienum constat; vt publicè per præconem bis in hebdomada edici curauerit: *Ne quis in palatio meo pernoctato, qui alienam coniugem contigerit.* Nicetas.

OTHOCARVS BOHÈMIÆ REX.

Minori cum laude, & infra regiam dignitatem hic. de coniugis enim impudicitia monitus; *Lex*, aiebat, *natura est, Cornua qui faciunt, ne cornua ferre recusent.* verum leuitatis incontinentiæq̃. indicium. insinuat quippe cōiugi non esse illicitū fidem violare coniugalem, cùm & ipse idem faciat, alijs feminis abutendo. Cornua quippe facere, communiphraasi idem est quod fallere. Æn. Syl. lib. 3. Comm. de gestis Alphon.

FRANCISCVS BRIANVS EQVVS ANGLVS.

En alterum eiusdem, si non maioris, leuitatis impudicitiaque exemplum. Erat enim hic inter perditissimos Henrici illius Octavi hæresiarchæ Anglorum

glorum assentatores: à quo cùm Rex, alter sui sæculi Heliogabalus & Sardanapalus, postquam Annam Bolenam eiusq. sororem Mariam ac matrem in adulterinum thalamum traduxisset, quæreret; Quale peccatum tibi videtur, matrem primum, deinde filiam carnaliter cognoscere? nefarium hoc responsum reddidit: *Omnino ô Rex, quale gallinam primum, deinde pullum eius gallinaceum comedere.* quod verbum cùm Rex magno applausu accepisset, dixisse fertur: *Ne, tu meritò meus es Inferni vicarius.* iam enim egregio hoc nomine ob præclara quædam facinora apud omnes passim innotuerat. Quis non ter & amplius felicem tali vicario Regem dixerit? Guiliel. Rastellus in vita Thomæ Mori.

HENRICVS VIII. ANGL. REX.

Hic cùm Thomas Boleus maritus matris illius Annæ, quæ Angl. canis excidij fomes, in Gallijs legatione (quo munere eum donarat Henricus, vt tantò liberius eiusdem coniugem in suum thorum pelliceret) fungeretur: & intellecto, quod Rex ineditabatur, coniugis legitimæ repudio; vt præfatam Annam, quam ex Boleni coniuge absente illo genuerat, in vxorem duceret; venit quantò ocyùs, Regi ob oculos rem totam ponit, sceleris incestusque adulterini admonet. at frustra. post multa enim hanc dumtaxat improbiſſimæ mentis indicem vocem audiuit: *Tace ô stolide. centum ex a quo tua coniuge abusi: cuiuscuque illorum tandem filia sit, certè erit vxor mea.* Quis non hîc elata voce exclamabit, quod olim ille, O tempora, ô mores! Sleidanus lib. 9.

ADVO-

ADVOCATVS.

LVDOVICVS XII. GALL. REX.

Sequitur iusta causarum in iudicio tutela : quæ
 veluti benè impensa , bona est & salutaris ; ita
 neglecta & contra regulam probitatis vsurpata , ac
 proprij quæstus sordibus imbuta , portentosa est , &
 prorsus inepta. Occurrit hoc loco LVDOVICVS XII.
 Gall. Rex : qui cùm Lutetiæ moraretur , quoties li-
 liatis subfellijs ius dicebatur , de more intererat ; &
 disertos causarum patronos sibi quoque patrocinio
 fovebat. De illis tamen , non secus ac de alijs , dice-
 bat : *Tales sutorum artificum sibi vendicant : causam-*
que subdrens , Quia , aiebat , quod sutoris proprium
est alutam dentibus producere ; hoc etiam illis , in dila-
tandis Prudentum responsis , & Caesarum decretis.
 P. Emil. in Vita.

IDEM

Pragmaticos Forenses varijs cauillis impetebat.
 vnde quæstione aliquando cum Proceribus mota ,
 quid oculis potissimum prodesset ; illud Auguris
 illius apud veteres vsurpabat : *Si Pragmaticum , Pa-*
tronumque rarissime videris. Ecquis , ait Augustin.
 Epist. 36. tandem Aduocatus reperitur , qui dicat
 suscepto suo : Recipe quod mihi , cū malè adessem ,
 dedisti ; & redde aduersario , quod ei , me iniquè
 agente , abstulisti ? Ibidem. & Annal. Franc.

ADVOCATVS ANONYMVS.

Fuerat hic magnus , at felix causarum patronus :
 qui eo munere abdicato , religionè amplexus , Cœ-
 nobio ob dexteritatem in rebus agendis præficitur.
 verùm rebus sibi non tam dextrè vt priùs succe-
 dentibus ,

dentibus, mirati fratres, causam inquirunt. ad quos ille: *Dei timor qui mihi ante oculos, facit; quòd tam liberè mentiri non audeam, veluti in sæculo solebam.* implicitè notans, quantum is qui sæcularium rerum patrocínio se dedicauit, veritatis limites transgrediatur aliquando, vt propositam susceptamque causam contra fas tueatur. Auctor Sermon. conuiuium.

MORIO F. SFORTIÆ.

Aliud ad calcem adiungo; conditionem personæ, à qua profectum, non ineptè exprimens. Altercabantur coram Francisco Sfortia Mediolanensium Duce nonnulli: vter esset præferendus; Aduocatus Medico, an è conuerso: quolibet autem suas partes, exquisitis argumentis firmare conante, cùm grandis illa difficultas indecisa remaneret, MORIO disputationem interrumpens, sententiam dixit: *Non videtis, inquit, si quando lairo suspendendus, quòd precedat ipse, subsequente tortore?* inurbanâ hac parabolâ, Aduocatum Medico præferendum insinuauit. Corozetus.

CIVIS DIESTENSIS ANONYMVS.

Properanti manus inijcit Diesthemij Brabantia oppidi olim incola & ciuis. Ille, prout fideli relatu accepi, cùm filium haberet quem ad bonarum artiũ studia educauerat, anxie secum animo voluebat frequentius, cui tandem professioni eum applicaret. aliosque super hac re consulens, hoc modo procedebat: *Si Theologico studio statimque se dedat; vereor ne lubrica illa ætas, crebris animæ periculis exponatur. neque suis etiam caret Medicina incommodis; utpote cuius praxis plena labore & periculis. Ad Iurisprudentiam itaque confugiat necesse.* E tribus
malis

malis eligatur quod minus est. Quippe satius, ut crumenas suis crungat nummis; quam vitâ corpus proximi: aternâ retributione propriam, & aliorum animam. Verumtamen huic iudicium suum & mens esto. longè aliter Greg. super Ezechielem: Iustus Aduocatus à nullo iniustas causas accipit; nec verba dare pro iustitia consuevit. Incerti auctoris.

ÆMVLATIO. vide INVIDIA.

ÆQVITAS. vide IYSTITIA.

ÆTERNITAS. VITA ÆTERNA.

S. EVGENIVS EPISCOP.

NON exigui ponderis eam sententiam Apostoli i. Cor. i 5. & mortalium mentibus infingendam inferendamque existimo: Magnum momentum, vnde pendet aternitas. verè magnum: quo acerbiteriam pœnarum, cum beata gloriæ aternitate, fas est mortali commutare. Meritò itaque ÆTERNITAS nobis proponatur, & quantum eiusdem desiderio exarserint Christianorum plerique: neque enim omnia in hunc locum congerenda, ne sola huius tituli tractatio in immensum opus succrescat. Ut autem ea prætereamus, quæ Æternitatis largitor diuersis in locis de ea dixit & annuntiavit: EVGENIVS ANTISTES raræ virtutis vir, cum iam in animum induxisset, potius pro Catholica se le mortem oppetere, quàm vel ad latum vnguem ab eadem secedere, ac sententiâ rogaretur, respondit: *Illud est vita aterna, mori pro Iustitia.* Quàm benè ille cum Regio Psalte annos æt rnos in mente habuit! quos ut lucr. faceret, momētaneos hos lubeus

bens amisit. Gregor. Turonens. histor. Franc.
lib. 2. cap. 3.

S. FRANCISCVS.

Quanto labore hic ad Æternitatis brauium in
hac vitæ palæstrâ decurrerit, superuacaneum foret
in presenti referre. illud tamen non præteribo,
quod, cum ob assiduas & vbertim fluentes lacry-
mas oculorum ægritudinem incurrisset, ab ijs. q. sibi
abstinendum, ni corporei luminis vsu priuari vellet,
medici consulerent, suspirans dixerit: *Non est ob
amorem luminis, quod nobis cum muscis commune
est, visitatio lucis æternæ vel modicâ repellenda: quia
non propter carnem spiritus, sed propter spiritum caro
lucis beneficium accepit.* Sur. tom. 5. in vita.

IDEM

Interrogatus, quâ tam tenui amictu hiemalis
algoris asperitatem temperaret; respondit: *Si su-
perna æternæque patriæ flamma per desiderium conte-
geremur, facile nos ab hoc frigore tueremur.* Sur. tom.
5. in vita.

RECAREDVS HISPAN. REX.

Non eum sæculares curæ, non intentatæ mor-
tis metus, ab hoc æternitatis desiderio auocarunt.
Hispania quippe Ariana labe purgata, auitam com-
plexus est fidem. ac pater ni eam abneget, necem
minatur: cui is; *Benè, inquiebat forti constantique
animo, mecum agis pater: siquidem ut Regnum
hoc abs te ingulatus amittam, æternum cum Superis
pro caduco hoc consequar.* Regia illa vox, & cedro
digna. Egnat. lib. 1. cap. 1.

THOMAS MORVS ANGLVS.

Non minùs illustre est, quod sequitur. THOMA
MORO, cui parem Anglia nunquam vidit, verè tali
ciue

ciue indigna, impiissimis Henrici VIII. decretis carceri mancipato, quod improbissimis eiusdem dogmatibus subscribere recusaret; cum ad expugnandam eius constantiam multi Principes nequicquam venissent, vxori tandem imperatum, viro suadeat, ne se, liberos, bona omnia, & famam, vitamq. quâ frui adhuc posset, pro derelictis haberet: cui ille: Ecquamdiu, inquit, Aloysia mea, potero hac vita frui? Totis viginti, & ampliùs annis, illa respondit; si Deo ita visum. *Vin' ergo, ait MORVS, aeternitatem viginti annis commutem? Ne tu imperita mercatrix es mea vxor: nam si annorum viginti milia diceres, aliquid tu tamen diceres: sed quid ad eternitatem?* Sanderus de schism. Anglic. lib. 1. Tho. Staplur. in vita eiusd.

AFFABILITAS.

S. IOANNES PATR. QVI ET ELEEMOSYNARIVS.

PRæclara, & non reticenda Magnatum virtus; quibusuis ad eorum patrociniū confugientibus aures patentes præbere, ac Principis maiestatem tempore & loco seruare. Quo in genere non pauci excelluere. nos ex iis clariores in medium adducemus. Et vt mundi redemptorem CHRISTVM si-
leam, cuius omnis prædicatio, conuersatioque mirè affabilis; D. IOANNEM ELEEMOSYNARIVM referam, qui Patriarchatus munere insignitus, bis per hebdomadam patentibus porticibus cuius aures accommodabat: cumque, vt fit, confessores sui quosdam durius increpatos repellerent, eos his verbis compellabat: *Cum nos ad Deum sine interces-
sore libere accedamus, qui tamen homines sumus;*
quomo-

quomodo & non conseruis nostris portas reſeramus, & benignam cuius aurem prebemus? æquè præclare ac Veſpaſianus ille olim; qui neminem à Cæſaris colloquio tristem diſcedere oportere reſpondebat: vt auctor eſt Sueton: Surius tom. 1. in vita.

IDEM

Cùm aliquando præſediſſet, omnium alloquio quereliſque excipiendis paratus, & nemo pro ſubſidio acceſſiſſet; veſperè ſubtritiſt abiit. Cauſani verò ſciſcitāti, cur triſtior appareret; *Hodie*, dicebat, *nullus à me quicquam accepit: neque minimum quidem piaculum offerre potui Chriſto pro peccatis meis.* an non ea laude dignus, qua iſ apud Quirites? qui amicis ſe diem perdidiffe conquerabatur. Ibidem.

PIVS II. PONT. MAX.

Priori haud abſimilis. cùm enim ad eum ſenex verbis ſupra modum profuſus, petendi quippiam gratia acceſſiſſet, eumque quia profuſiorem quidam de adſtantibus moneret; verè pius Pontifex, omnia illum ab exordio repetere imperat: vultuque ſeuerioriùs in alterum retorto, *Nefcis, ait, ex quo Pontificatum inij, alijs viuere me oportere; non mihi.* rarum exemplum humanitatis, quod meritò æmulentur poſteri. Ioan. Ant. Camp. in vita.

RVDOLPHVS IMP. AVSTRIACVS.

Ad alios tranſeo, quorum hîc æqua cum prioribus laus. Quis enim Auſtriacæ ſtirpis primam quaſi radicem RVDOLPHVM ſine iniuria fileat? Cùm enim frequentior ad eum foret populi concurſus, & per ſatellitium quorſdam tenuioris fortunæ ad ſe affectantes ſubmoueri aduerteret; non ſine ſtomacho edixit: *Per Deum* (ipſa eius verba ſunt) *ſinite homines ad me venire. Non enim ideo ad Imperium*

C vocatus

vocatus sum, ut in arculâ includar. Meminerat pius Imperator, Regem regum dum inter homines homo degeret, discipulos increpassè, quòd paruulos, id est humiles & abiectos, à se remouerent: talibus iniquibat est regnum cælorum. Refert I. Lipsius lib. 2. Mon. Polit. cap. 7.

HENRICVS IMP. FREDERICI FIL.

Et hic ita in rebus assiduus, vt vix serò cibum caperet. monentibus autem valetudinis curam haberet; *Prinato, ait, homini tempus cibi est, cum id lubet aut solet: at Regi, si nomen suum non abdicat, id solum, quò vacat.* Ibidem.

ALPHONSVS ARAGONVM REX.

Illius quàm similis vox & animus? reprehensus enim quòd erga hostes & subditos se affabilem & mansuetum præberet: *Nihil, aiebat, magis aduersariorum animos flectit, quàm placabilitatis & mansuetudinis nomen.* Panorm. lib. 3. de Gestis Alph.

ANONYMVVS SENATOR NORIMBERG.

Addamus inelyrum hoc & rarum exemplum. Cùm Noribergæ aliquamdiu versaretur Ferdinandus Imp. (alij referunt ad Maxemil. I.) quendam è primatibus regat, quomodo tantam multitudinem regerent; qui respondit: *Blandis verbis, & atrocibus pœnis.* sic enim debent imperia esse constituta, vt gubernatores omnibus comiter respondeant, & in pœnis adhibendis grauitatem seruent. Phil. Camer. in locis Manlij. pag. 589.

AFFECTVS DOMANDI.

FRANCISCVS BORGIA S. I.

Consonum nunc de humanis affectibus, iis quæ si mali sunt domandis, pauca dicamus. vt enim

enim affectus, si moribus congruant, nec rectæ rationi aduersentur, fouendi sunt: ita si moribus & rationi diffformes, radicitus euellendi. FRANCISCVS BORGIA iteratò se offert: qui dum presente se quempiam de vitæ sanctitate innocentiaque laudari audiret, illud vnum insonabat: *Talis erit, qui se vincere norit*. fontis infontisque vitæ causam, in affectus proiciens. Lib. 4. vitæ eiusdem cap. 5.

IDEM

Cùm intellexisset Carolum V. ætate iam & labore fessum, rebus Imperij feliciter transactis, se in cœnobium recepisse: *O magnū virum*, inquit *qui eum de hostibus toties triumpharit, tandem seipsum vicerit*. Ribad. in vita eiusd. lib. 2. cap. 14.

SENEX RELIGIOSVS ANONYMVS.

Et ille non immeritò priori coniungendus: qui hortum cupressis confitum cum discipulis suis obambulare solitus, eis vt teneriores euellerent primum, tum magis annosas, præcepit. quibus disto obtemperantibus, ita ad eos senior: *Hoc modo affectus nostri dum tenelli, facile extirpantur: vbi verò radices egerint, difficillimè*. Dorothe. doctrin. xi.

PETRVS ALDOBRANDINVS CARD.

Venerat hic Mediolanum orator ab Apostolica sede missus: rogatusque à Margareta Austria Regina (ad cuius triumphalem ingressum plurima erant expressa simulacra) quisnam Regum omnium videretur sibi maximus; *Qui*, respondit, *libentius sibi, quàm alijs imperat*. hoc Imperium verè possidet, qui nunquam in alia fortuna est alius. Henric. Farnesius in Apoph. de Principe.

IDEM

Dicebat, *Felicitatis fabrica in temperandis affectibus*

etibus sita est. virtus enim & vitium, ex affectu astringitur. Ibid.

VENCESLAVS DVX BOHEMIÆ.

Inter Ciuiles non iniuria VENCESLAVS principium faciet. Etenim qui hac animi æquitate etiam Philosophorum moderationem est transgressus. Mortuo namq. patre, in Bohemiæ Ducem electus, cum sciret Boleslaum fratrem suæ vitæ insidias struere, nunquam nisi verbis eum deterruit à scelere. at frustra. redeuntem è templo VENCESLAVM frater expectat, comitatus aliquot nefariis: & impetum in eum facit. irruit è contra VENCESLAVS, & Boleslao ad terram prostrato, gladioque adempto, perfidiam exprobrat; manumque & ensen continet: ac in medijs irarum fluctibus, adfectu superato, eum intactum dimittit. quam egregiam animi moderationem admirantibus qui aderant; *Malim, dicebat, vt frater Deo sanguinis reddat rationem, quàm si ego in fratrem manus iniecero, & fraternæ necis causam apud Deum dicere compellerer.* Stupenda animi tranquillitas, & affectuum dominium: cui si Archytæ, aut Platonis, Stalyppive modestia conferatur; iocus ludibriumque, ac veluti pueriles ludi inter viriles actiones videbuntur. Fulgos. lib. 4.

AFFLICTIO. VEXATIO. TRIBVLATIO.

IESVS CHRISTVS.

Afflictionum modò quis fructus quæve utilitas, demonstrandum. Neque enim (vt inquit Cyprianus) nisi præcesserit pugna, potest esse victoria. Hoc in seipso exhibuit DOMINVS, ac SALVATOR

VATOR: noster qui assumpto iam immortali ac glorioso corpore, se in alia effigie (vt k quitur Marcus) discipulis in Emaus ambulanti- bus interposuit, eosque ex Sacris literis instruens, tandem subiunxit: *Nōne oportuit hac CHRISTUM pati, & ita intrare in gloriam suam?* Ita enim à Deo decretum, per stultitiam Crucis saluos facere credentes. Luc. cap. 23.

IDEM

Discipulos illos, qui inter alios gloriam & honorem affectabant in regno suo, rogabat; *Potestis bibere calicem, quem ego bibiturus sum?* vt intelligamus, passionis calicem, & tribulationis amaritudinem, esse viam gloriæ & superni honoris. Matth. cap. 20.

SS. PAVLVS ET BARNABAS.

Hi Christi capitis viuua membra, ab eodem nunquam descuerunt. lapidibus enim à Iudæis impetiti, & extra ciuitatem eiecti, nihilominus confirmabant discipulorum animos in fide, & dicebant: *Quoniam per multas tribulationes oportet nos intrare in regnum Dei.* Act. cap. 14.

MACARIVS ALEXANDRIN.

Lasciuientis carnis stimulos persentiens, seridè de illis refrenandis cogitabit. neque presentius remedium corporis afflictione ratus, saccum arena rudibusque oppletum humeris per siluas desert. cui Theosebius obuiam factus, cum rogasset quid agis Macari: ille, *Vexatorem*, respondit, *meum vexo.* vti- nam in hoc incumbere lasciuia huius ætatis iuuentus, & suæ menti illud Ethnici insculperet?

Otiâ si tollas, periere Cupidinis artes.

Pall. in hist. Lausian. 20.

S. BERNÁRDVS.

Neque ad castitatem continentiamque conseruandam solum confert Afflictio; verum etiam ad benè beatèque in hoc sæculo viuendum. Docet id D. BERNÁRDVS; qui sæculi ludibria abnuens, diuino impulsus spiritu, cum fratres, & quoscumque poterat, ad religiosam vitam adhortaretur, vnus Gerardus eius germanus, cæteris vt apparebat prudentior, non acquiescebat. cui vir sanctus: *Scio, scio, sola vexatio intellectum dabit auditui.* quod & factum. nam non ita diu post grauitè ictu lanceæ sauciatus, mortem præsentem veritus, exclamauit: *Monachus sum Cisterciensis.* Quo BERNÁRDVS intellecto, *Sciebam,* inquebat, *quod durum ei esset contra stimulum calcitrare.* In vita eiusdem cap. 3.

S. ÆGIDIVS

Rogatus à quodam sodalium; Quid nobis agendum, frater, si tribulationes ingruant? respondit: *Licet lapides & saxa de celo pluerit Dominus, non nocebunt nobis, si tales fuerimus, quales nos ille requirit.* insinuans quod in Odis Horatius:

Iustum & tenacem propositi virum,

Non ciuium ardor praua iubentium,

Non vultus instantis Tyranni

Mente quatit solida. — &c.

Ex sent. aureis eiusdem.

FRANCISCVS BORGIA S. I.

Ad alium non minùs illustrem transgredior, corpus suum variè affligentem, FRANCISCVM BORGIAM. Qui dum à sociis, cur id ageret, rogaretur: *Belluam istam,* inquit (eo nomine corpus honorabat) *plorare iubeo: vt quam delicijs voluptasem cepit palatum, eandem abstincendo amittat, expictque.*

pietque. Lib. 4. vitæ eius cap. 5. Andr. Schottus.

IDEM

Amici nomine appellare solitus ea omnia, quæ ad corporis afflictionem conducebant. hinc si per solis ardores, aut brumæ aspera frigora, itinereumq. anfractus proficiscebatur, illud identidem ingeminebat: *Quam bellè me iuvant amici mei!* mente apprehendens æternam illam coronam, non nisi legitime decertanti conferendam. Ibidem.

ALTARE.

BRACMANNA ANONYMVS.

QVanta Deus vltione irreuerentiam suæ Aræ factam, in Iuliano Apostatæ Iuliani præfecto, ex-
pianit, vbi de Admonitione egimus, ex Theodoretō in medium attulimus. Subit hinc mentem alia pietatis & reuerentiæ imago, quam sacratis Aris BRACMANNORVM quispiam, cuius nomen immeritò apud Auctores reticetur, impendit. Nam cùm in vrbe Meliaporensi sacerdos Ecclesiam ingressus, literas perantiquas saxo cum cruce insculptas intueretur, Indum interpretem accersit. qui cùm vix ob altitudinem attingeret, Aram conscendere iussus, in quâ Deo ter maximo iuge sacrificium offerebatur quotidie, renuit: *Nefarium facinus dicens, altare in quo res diuina fieret humanis pedibus cõculcari.* O si vel modica huius Pietatis scintilla in nostri æui Nouatoribus! non tot Ecclesiarum ruinas exhiberet Belgium, neque adeò sancta tua Domine conculcata essent & contaminata. Ofor. lib. 3. hist. Eman.

ALTIORA NON SCRVTANDA.

IESVS CHRISTVS.

NON esse curiosè indaganda ea quorum contactu mentis nostræ acies hebescit, documento est nostri generis Redēptor CHRISTVS IESVS: qui post resurrectionem conuescens cum Apostolis, dum rogaretur ab iisdem; Domine, si in tempore hoc restitues regnum Israhel: respondit; *Non est vestrum nosse tempora vel momenta, quæ Pater posuit in sua potestate.* non enim humani iudicij acies ad sublimia illa, inconcussa attingit: verùm in ænigmate tantùm ea cōtemplatur, post facie ad faciem, pulsa terrenæ molis nube, visura. Act. cap. i.

F. ÆGIDIUS COMES S. FRANC.

Ille cuidam de inscrutabili Prædestinationis mysterio multa inquirenti; *Sufficit*, inquit, *maris ad lauandum pedes, manus, & totum corpus: stultus est qui altum petit. Sufficit scientia bene beateque viuendi.* Ex sent. eiusd.

AMBITIO.

IESVS CHRISTVS.

NON minùs rescindenda est regnandi ac carnis fœda libido, quã AMBITIONEM vocamus: quæ successionis legitimæ iura per vim violat sapè, & sceptrum ad indignos defert, homini Christiano indignum, atque radicitus extirpanda: prout eam etiam primus discipulorũ animis extirpauit vnigenitus DEI FILIUS. Per soluto enim statère, discipulos ad se vocatos, quid in via tractassent, rogat. qui dum

dum confitentur inter se ventilatum, quifnam eorum futurus eſſet maior in regno celorum; adducans paruulum, ſtatuit eum in medio eorum, & dixit: *Amen dico vobis, niſi conuerſi fueritis, videlicet ab hac ſtulta contentione, & efficiamini ſicut paruulus iſte, (quem putant fuiſſe Martialem Petri diſcipulum & Germanię Apoſtolum) non intrabitis in regnum celorum.* Inſinuat humiliter de ſe ſentendum per virtutem, velut paruuli faciunt per aſtutem. Matth. cap. 18. Marc. 9. Luc. 9.

IDEM

Cùm audita mortuorum reſurreſtione, mater filiorum Zebedæi peteret, Dic vt ſedeant hi duo filij mei, vnus ad dextram tuam, & vnus ad ſiniſtram in regno tuo, id eſt, vt primarias circa te dignitates obtineant; tam inordinatam & ambitioſam poſtulationem arguens, dixit: *Nescitis, quid petatis: & paulò poſt: Sedere ad dextram meam & ſiniſtram, non eſt meum dare vobis: ſed quibus datum eſt à Patre meo. q. d. Non vt homo, veluti vos exiſtimatis, aut ex humano adfectu, ratione cognationis hoc dare poſſum: ſed diuino iudicio illud dabitur his, quibus ob virtutem paratum eſt.* Matth. cap. 20. Mar. 10.

IDEM

Indignantibus decem Apoſtolis, quòd filij Zebedæi per matrem primarias poſt reſurreſtionein dignitates poſtulaffent, ad ſe vocatis, ait: *Scitis, quia Reges gentium dominantur eorum; & qui poteſtatem habent ſuper eos, benefici vocantur?* Dominari hoc loco contemptum inducit & coactionem: vnde ſignificatū vult DOMINVS, Prælatos ac Principes Chriſtiani populi, non debere vt Gentiles, dominari ſubditos deprimendo, & ex mera regnandi libidine

C S

præſſe:

præfſe. vnde ſubdit: *Vos autem non ſic. Sed qui maior eſt in vobis, fiat ſicut minor: & qui præceſſor, ſicut miniſtrator.* quibus omnem faſtum & inordinatam ambitionem vetuit. Matth. cap. 20. Luc. cap. 22.

ANONYMVS ORATOR.

At parum Dominici præcepti conſilijque memores illi, quos hîc ordine in ſcenam adducam. Prologum agat Granatenſis regni Orator quondam celeberrimus. Illi nihil prius, quàm, debitum (vt iactabat) ſuis virtutibus, honoris regniſque faſtigium. vnde oratione habita, dum è cathedrâ deſcendenti, quidam non parui nominis, auxiliarem dexteram porrigeret; ſuam ad ſe traxit, inquiens: *Nolo mihi dextram ab te porrigi vt deſcendam; porrige, ſi quicquam vales, vt aſcendam.* at, vt benè Plautus in Amph.

Virtute ambire oportet, non fautoribus.

Sat habet fautorum ſemper, qui rectè facit.

Foreſta de Dict. memorabil.

BARDAS PRÆFECTVS MILITVM.

Iungat ſe illi comitem BARDAS militum ſub Baſilio Imperat. Præfectus. Qui dum per decretum Imperatoris ſibi ablata non exigua potestatis, quâ antè præfulgebat, portionem cerneret; eueſtigio imperium ipſum ambit, militem & vires colligit. Mittitur interea Stephanus Nicomediæ Antiſtes, ſuaſurus bellò abſtineat, Imperatori ſuum regnum cedat, & illi priſtina facultas. at is eum vix reſponſo dignatus, dextroſque pede protenſo, quem coccinei coloris calceus, Imperij inſigne, decorabat; Fieri nequit, ait, *vt qui hunc ſemel in conſpectu multitudinis induit, eum temerè exuat.* Quare vel me ſua ſponte Imperatorem agnoſcant, vel inuitis ipſis
Impe-

Imperium mihi met vendicabo. Ita feruebat animus cupiditate dominij, & implicitò dicebat, quod ille apud Persium olim:

Occupet extremum scabies, mihi turpe relinqui.
Cedren. In Basilio.

ALPHONSVS REX ARAG.

Quere Apophth. de ADVERSITATE.

ADOLPHVS EGMONDANVS.

Veniam nunc ad aliud sæculi nostri, imò etiam soli, priore crudelius. illo enim in Principem, hoc in patrem sauitum. ADOLPHVS EGMONDANVS, dum patris sui Arnoldi Geldriæ Ducis & dynastæ diuturnum imperium molestius ferret, per factiones quosdam in suas partes trahit, patrique palàm bellum facit. Cumque resopita, per Carolum Audacem pro sententia diceretur; Arnoldus pater solum titulo Geldriæ Ducis utatur, at filio opida vrbesque ac arces cedat, Grauiam dumtaxat sibi exempta: accipiat quoque in alimoniam de manu filij tria quotannis aureorum milia. arroganti ac effrenato vultu voceque ADOLPHVS: *Quid malum? Pater alibi imperet, qui totos quadraginta annos omnibus præfuit. Acquum est ad nos recurrant regnandi vices: nec aliud admisero, quam de annua pensione; sic ut pater Geldria tota excedat, nunquam in eam pedem relaturus. aliàs malum precipitem dare parentem in putem, & me superinicare, quam ut in his conditiones paciscar.* En responsum, non tam impium (quale & tunc omnibus visum) quam insanum. Refert I. Lipf. Monit. Pol. lib. 2. cap. 5.

CHAN TARTARORVM.

Claudam hoc virorum agmen iocoso, licet alterius ordinis exemplo: ut vel eo etiam liquidò cõstet,
non

non solum quàm crudelis, sed & impia sit ac irreligiosa Ambitio. CHAN TARTARORVM (eorum Princeps sic dicitur) cùm Stephanus haud ita nuper optimus fortissimusque Poloniae Rex obiisset, in comitiis de rege creando, ipse quoque per legatos interuenit, dixitque: *Potentem se esse, & posse myriades equitum educere è suis terris, Poloniae tunc vel augenda. Item frugilem se esse ac continentem, & sine ullis ciborum delicijs, solà equinà in fame contentum.* Tertio, quod ad religionem attinet: *Tuus, inquit, Pontifex, meus Pontifex esto: tuus Lutherus, meus Lutherus esto.* Ecce hominem paratum omnia sacra Deosque deferere regnandi causa. Ita etiam hoc aucto videas, quod olim Ennii;

Omnia cura viris vter esset Induperator.
Ibidem num. 11.

CHROTILDIS FRANCIAE REGINA.

Hæc quoque, sui sexus intemperatam libidinem dominandi, in promouendis suis nepotibus ad legitimam regni successionem, adhibuit. Cùm enim proprijs filijs reiectis, alios ex fratre nepotes adoptaret, eorumque capillitium more illius aui summa cura enutrit; fratres legationem ad eam mittunt, & cum illa nudatum ensẽ & forcipẽ, optionem facientes, vtrum malit nepotum capiti adhiberi. at illa plus a quo commota, & ambitionis stimulis agitata; *Satius, exclamat, mihi est, si ad regnum non eriguntur; mortuos eos videre, quam tonsos.* Ita de Sciano memorat Iuuenalis, quòd, cùm

— nimis optabat honores,
Et nimias poscebat opes, numerosa parabat.
Excelsa turris tabulata, unde altior esset

Casus,

Casus, & impulse præceps immanæ ruina.
Fanc. Hottoman. de Franco-Gallia cap. 19.

AMICITIA, & AMICVM BONVM.

Item, AMARE, & AMOR.

CHRISTVS DOMINVS.

Contemplemur AMICITIÆ vinculum, potens
& præualidum: cuius præsidio ni cincta sit hu-
mana vita, deserta erit, & vix vitæ imaginem refe-
rens. Eius autem vim & virtutem insignem suo ex-
emplo demonstraui nostri generis REDEMPTOR.
cui, dum nuntiatur esset, Lazarus quem amas, in-
firmatur; post biduum ad discipulos conuersus, *Ea-
mus*, ait, *in Iudeam iterum*. Mirantibus verò illis ac
dicentibus: Rabbi nunc te quærebant Iudæi lapi-
dare, & iterum vadis illuc? respondit, paucis interie-
ctis: *Lazarus amicus noster dormit: sed vado ut à som-
no excitem eum*. Vera quippe amicitia foras mittit
timorem. omni enim tempore, vt dicitur Prouerb.
17. diligit, qui amicus est: & frater in angustijs com-
probatur. Ioan. cap. 11.

IUDÆI ANONYMI.

Egregium hi amicæ pietatis exemplar. Missi
enim (vt refert Lucas) à Centurione quodam ad
Christum vt eum pro seruo illius deprecaretur, so-
licitè orabant, vtq. magis beneuolū redderēt; *Quia
dignus est, vt hoc illi præstes*, inquit, *diligit enim gen-
tem nostram, &c.* Egregius locus, amici bonum ubi-
que promouendum edocens. Luc. cap. 7.

Vide titulum de BENEFICENTIA,

CHARITATE ERGA HOMINES, &c.

LYDO-

46 . LAVRENTII BEYERLINCK
LVDOVICVS XII. GALL. REX.

Ad Ciuilis ordinis benefacta transeo, & narrare incipiam quanto apud quosdam in pretio hoc Amicitiae vinculum semper fuerit. Prodeat in medium, suoque id testimonio primus confirmet, Galliarum Rex LVDOVICVS, eius nominis duodecimus. Qui parva de hoste victoria, postquam Feuxeum inter suos occidisse percepit, dissimulato omni plausu quem victoria exigebat, ad amicos conuersus: *Vitam*, ait, ego Italia exclusus essem, vixeret verò Feuxeus, reliqui superessent proceros. Hostibus tales cueniāt victoria: si sic iterum vincimus, victi sumus. Quam appositè hoc loco vetus illud inclamari posset: Flere victum; at victorem perdi ab ipsa victoria. Ita pius Rex amicorum vitam proprijs cominodis anteferebat. *Æmil. in vita.*

HENRICVS II. DVX BRABANTIAE.

Consimilis beneuolentiae est domesticum hoc, quod subiungo. HENRICVS II. Brabantiae nostrae Dux, cum venisset ad Villariense caenecium, rogatus, templi limina subiret, inuisurus Sanctorum reliquias isthic in pace sepultas, respondit: *Sufficiat mihi nunc videre ossa Fratrum domus in monte sepulchorum: ibi enim latent reliquiae mihi charae.* En, quos viuos fuerat profecutus, etiam mortuos viuos complectitur. verum namque amorem mors non soluit; quod eleganti Emblemate depingens Alciatus, ita canit:

*Arentem senio, nudam quoque frondibus vltimum,
Complexa est viridi vitis opaca comā:
Agnoscit quae vices natura, & grata parenti
Officij reddit mutua iura suo.*

Exem-

*Exemploque monet, tales nos querere amicos,
Quos neque disjungat, fœdere summa dies.*

Ex Chron. monast. Villariens. manusc.

TRIUMPARA REX COCINI,

Rarum amicæ fidei exemplum. Faucebat hic Lusitanis, eosque fouebat, ac graue ob id bellum ei mouit Zamerinus Calecutanus Rex. Lusitanis autem dimitti postulantibus, ne eorum causa ea belli tempestas exoriretur: *Bono animo*, inquit TRIUMPARA, *Diuina prouidentia fidite; quæ bonas causas, dum in potissimum discrimen adductæ, subleuare consuevit. Neque enim permittam; ut ij quos semel in tutelam atque amicitiam recepi, me uino & consentiente, ad alienam opem supplices ac vagi confugiant.* I. P. Maff. hist. Ind. lib. 2.

ALPHONSVS ARAGONVM REX.

Æqualis benignitatis ille. Cùm enim Neapolitani ad perpetuam sui Regis memoriam arcum triumphalem communibus impensis exstruere, ac nominis eius famam posteritati consecrare in animum induxissent; quo requisitum spatium vndeque haberet, Nicolai Mariæ Buzurij equitis clarissimi domum demoliri contendunt. Res ad Regem per occasionem defertur: qui eam improbens, *Non tanti, aiebat, facio ædificia ventorum & æris iniuriæ exposita, ut ob id amici mei veteris dirutam domum velim.* pluris faciens amicum, quàm sui nominis æiternum monumentum. Panorm. lib. 1. de Gestis Alphonsi.

IDEM

Audiens illud Vespasiani dictum, Amici diem perdiidi: *Gratiæ Deo*, ait, *quòd eam ob rem nullum diem perdiidi.* Ibidem.

EQVES

EQVES ANONYMVS GARSIAE REG. NAVARRI.

Æquè hoc in genere nobilis acclarus EQVES GARSIAE Regis. ille enim Ferdinando & Garfia in Hispanijs bello decertantibus, Garfiam quem puerum educauerat, bello atque prælio abstinere monet: sibi constare asserens, eum à suis relinquendū: (malè enim audiebat apud suos Garfias.) contemnit hic monita, & se prælio parat. Quid faceret amicus EQVES? instat, vrget, perurget, at frustra. tandemque in hoc verbum prorupit: *Eheu! statutum video ut interficiaris: cui rei cum nihil opis adferre queam, id cuitar saltem, ne te vel mortuum vel victum videam.* Ita galeam atque thoracem exutus, solo ense hastaque in hostium turmam ingruit, non rediturus. maluit quippe cum amico mortem oppetere, quàm superstes eum mortuum videre, aut victum. Bap. Fulgos. lib. 4.

THOMAS PONTANVS.

Et hic prudentia ac rerum experientia clari ssimus, dicere solebat: *Amorem nunquam fecisse stipendium.* Innuebat autem, Amoris eam esse vim, vt vbiuis terrarum facilè locum inueniat, etiam sine pecunia. Iac. Spieg. in lib. 2. Æn. Syl. de Dictis & Factis Alph.

THOMAS MORVS.

Magnus item iste Amicorum & Amicitie cultor, etià in extremis angustijs constitutus. Accepta quippe mortis sententia, eaque qualis in latrones ferri solet; cum eam clementer (vt dicebant) Rex mitigasset, eò quodd benigniùs cum eo agere decreuisset: *Hinc, aiebat, Regiam benignitatem, ab amicis meis omnibus auertat Deus.* Thom. Stapluti. in vita cap. 18.

AMOR

AMOR DEI. *vide* DEI AMOR, & CVLTVS.

AMOR PROXIMI. *vide* CHARITAS ERGA
HOMINES.

AMARI A SVBDITIS.

SIGISMVNDVS IMPERATOR.

SVbditos habere parum admodum est, ab iisdem timeri minus, amari autem plurimum. illud enim crudelitatis, hoc candoris benevolentiaëque symbolum. Hinc eternâ memoriâ celebrandus SIGISMVNDVS, qui dum in controuersiam adduci intellexisset, Præstarétne amari Regem Principemve à subditis, an timeri? respondit: *Superi amari volunt & timeri, ita & Reges; neque enim ames, nisi timeas.* eo videlicet timore, quem filialem siue reuerentialem vocamus. Regibus itaque competit à suis amari & timeri, si ita moderentur vitam, ut nec inferioribus terrori, nec superioribus sint despectui. Æn. Syl. lib. 4. Comm. in Res gestas Alphonfi.

FREDERICVS IMP.

Percontanti quos præ cæteris amaret ardentius, respondit: *Qui me minùs metuunt, quàm Deum.* Præclara atque imperatoria vox: timeri vult; at moderatè. Qui enim non timet, contemnit. Æn. Syl. lib. 4. Comment. in Res gestas Alph.

ALPHONSVS ARAG. REX.

Neque fuit ab hac mente alienus ALPHONSVS: qui rogatus, quos è popularibus percaros haberet; *Illos, inquiebat, qui non magis me, quàm pro me metuunt.* Sentiebat autem illos verè amicos, qui

D

Princi-

Principem magis amant, quàm metuunt. Panor.
lib. 4.

THOMAS PONTANVS.

Ille identidem Amoris penetralia ingressus, frequenter in ore habebat, & corde: *Amorem inermem incedere, dormire tamen loricatum.* Acutè notabat, amorem subditorum erga Principem tanti fieri; vt Princeps, cui suorum beneuolentia satis superque perspecta est, non sibi timeat, licet solus interdum obambulet: noctu tamen suo corpori custodes adhibet. Iac. Spieg. in lib. 2. Æn. Syl. De dictis factisque Alph.

D. LVDOVICVS GALL. R.

Claudat hoc agmen LVDOVICVS, qui letali morbo correptus, accersito Philippo filio regni herede; *Rogote, aiebat, fili; cura vi a subditis ameris. malim enim Scotum, aut aliquem ex vltima Barbarie, ad Francos sapienter & piè regendos accersiri; quam te cum infamia tam illustre sceptrum tenere.* Ionuil. in vita eiusd. cap. 98.

ANGELORVM CVSTODIA.

IESVS CHRISTVS.

Magna animarum, inquit Hieron. fidelium dignitas, vt vnaquæque abortu suæ natiuitatis habeat in sui custodiam Angelum deputatum. quod etiam ex SALVATORIS nostri responso non obscurè elicitur. Rogantibus enim discipulis, *Quis putas maior est in regno cælorum? aduocato paruulo, cum in medio illorum statuit, eiusque innocentiam illis commendans, & contemptum verans, subdit: Videte ne contemnatis vnum de pusillis istis:*
dico

dico enim vobis, quia Angeli eorum, s. custodia deputati, in calis semper vident faciem Patris mei, qui in calis est. apud quem nempe vos accusabunt, si vnum ex istis contemnatis. Quàm benè exclamat hoc loco D. Bernardus! Benignus es Domine, qui non es contentus nostra fragilitate murorum; sed ipsis hominum custodibus angelicam custodiam supponis. Matth. cap. 18.

ABBAS ISODORVS.

Beatum Abbatem Moysen tam vehementer impugnabat fornicationis spiritus, vt sui compos in cella remanere vix posset. Solatium quæritat apud ISODORVM: qui cum frustra, ad cellulam rediret, hortaretur; tandem eum ad superiora domus ducit, & ad Occidentem respiciat, mandat. paret: videtque innumerabilem dæmonum copiam inter se turmatim concertantium. Dein iubet ad Orientem se verat: hîc conspicatus splendentem Angelorum exercitum. Tum iteratò ad eum ISODORVS: *Quos, inquit, in Occidente vidisti, ipsi sunt qui etiam iustos impugnant: quos verò versus Orientem, hi quos in adiutorium mittit seruis suis Dominus exercituum. Cognosce igitur, quòd plures nobiscum sunt, quàm cum illis, vt dixit Elifans Propheta. In vitis Patrum.*

S. CÆCILIA VIRGO & MARTYR.

At iniuriam pateretur fæmineus sexus, si eum silentio præterirem. veniat ergo in medium CÆCILIA Romana, genere, patriâ, & virtute nobilis virgo, & suum de Seraphici ordinis spiritibus iudicium deponat. A prima ætate Christianæ fidei præceptis instituta, Deo virginitatem consecrat. Sed quid? inuitam parentes Valeriano in coniu-

gem locant : ad quem illa, primâ nuptiarum nocte, hunc sermonem habuit: *Ego Valeriane in Angeli tutela sum, qui virginitatem meam custodit : quare ne quid in me committas, quo ira Dei in te conciteur.* quo dicto commotus Valerianus, Christi sponsam contingere non est ausus : quin addidit, se etiam in Christum crediturum, si Angelum videret. Breviar. Rom. 12. Nouemb. ex vita.

S. AGNES VIRGO & MARTYR.

Quid te dignum loquemur tenella VIRGO? quæ, dum Semphronius tuæ vrbs Præfectus, concepta furoris flamma, optionem daret, vt vel Vestæ impuræ deæ sacrificium faceres, aut meretricium contubernium ingredereris inuita ; hac eum voce compellas : *O os impudens ! si Dei mei tibi virtus innotuisset, non in tam impias voces prorumperes. Illi ea cura est corporis mei, vt Angelum suum mihi associet, qui corpus istud ab omni iniuria vindicet.* Nos etiam qui Angelorum præsidio in his fluctibus gaudemus,

*Dicimus grates tibi summe rerum
Conditor, Verbo tua quòd ministros
Flammeos finxit manus, Angelorum
Agmina pura.*

*Quos iubes nobis comites adesse,
Et pios cœtus hominum tueri,
Atque grassantis premere incruenta
Arma leonis.*

In vita eiusdem apud Surium, ex diuo Ambrosio.

ANGLI POPULI.

S. GREGORIUS.

NEc erit à proposito nostro alienum, si quod de ANGLIS præclare dixit Pontifex, & vitæ sanctitate & doctrina Maximus, suo hîc ordine subiungamus. Anglo-Saxonibus regnum Angliæ occupantibus, indigenæ passim cum fide expulsi & extincti: donec Ecclesiam administrante Gregorio Papa tam hæc quàm illi rursus exurgerent. Hic autem cùm fortè Anglorum liberos Romæ venales exponi conspiceretur, alludens ad patriæ vocabulum, *Benè*, inquit, *Angeli dicuntur, quia vultu nitent angelico. oportet eis iter æternæ salutis pandere.* & affectum pio effectu comprobavit. Sebastianus Munst. lib. 2. de Institut. Britan. cap. 12.

ANIMÆ IMMORTALITAS,
ET CVLTVS.

I E S V S C H R I S T V S.

POtissimum in hac vitæ palæstra laboris solatium est, quòd absoluta hac viuendi periodo aliam vitam exspectemus, longè beatiorem, ac nullo fine terminandam. Hinc immortalitatis largitor CHRISTVS, muniens suorum corda ad fortiter tollerandas persecutiones; *Nolite, ait, timere eos qui corpus occidunt, animam verò non possunt occidere.* illa vtpote immortalitatis dono prædita, etiam cum corpore immortalem retributionem accipiet. Lucæ 12. Matth. 16. Marc. 8.

IDEM

Vt animæ immortalitatem explicatiùs proponat, exemplo villici iniquitatis adducto, qui sibi comparat amicos de bonis Domini sui; tandem concludit: *Facite vobis amicos de Mammona iniquitatis* (diuitias intelligit, quæ ordinariè ab iniquitate descendunt, aut per eam acquiruntur, vt notauit Ianssonius) *vt cum defeceritis, recipiant vos in æterna tabernacula.* quod verum non esset, nisi anima post mortem corporis aliud haberet receptaculû, numquam cum eâ interiturum. Luc. c. 16.

S. STEPHANVS PROTOMARTYR.

Calamus manûsque scribentem deficeret, si omnes in hunc locum referre voluero, qui de hac vita exeuntes, in Domino mortui, hanc immortalitatis spem etiam in medijs angustijs præclare protestati sunt. Sit inîstar omnium vnus STEPHANVS: qui à persecutoribus faxis obrutus, læto animo expectans sempiternam illam mercedem, positus genibus; *Domine Iesu*, inquit, *accipe spiritum meum.* Act. cap. 7.

IOANN. SHERTVS ANGLVS.

At dignum etiam foret recensere, quàm multi nostro auo huius immortalitatis desiderio apud Anglo-Caluinistas mortem oppetierint. Ex his IOANNES SHERTVS, reus crimine læsæ Maiestatis, quòd Reginam Angliæ, caput Ecclesiæ negaret; cum moneretur veniam delicti petere, & sententiam mutare: *Quid?* inquit, *pro vili hoc caduere conservando, animam meam perdam? absit.* Ex marty. eiusdem.

ALPHON-

ALPHONSVS ARAGONVM REX.

Satis multa de illis : Ciuilia etiam adijciamus.
Maximum sibi immortalitatis argumentum videri
afferebat ALPHONSVS : *Quod corpora in hac vita de-*
crescant, suosque terminos habeant : animi verò, quan-
tò amplius ad annos accederent, tantò magis sapientia,
virtute & intelligentia crescerent. Panorm. lib. 4.
de Gestis eiusdem.

IDEM

Reuoluens opera Senecæ Philosophi rogabatur,
cur animus hominis ita esset insatiabilis. qui ait:
Animus hominis à Deo profectus, non prius con-
quiescit, quam eò redeat, unde profectus est. Ita olim
Lucretius :

Cedit enim retrò de terra, quod fuit antiè
In terra : sed quod missum est ex aetheris oris,
Id rursum cali fulgentia templa receptat.

Panorm. lib. 1. de Gest. eiusdem.

FREDERICVS IMP.

Æquali prudentia hic. Dum enim in Austria vita
functus esset è primoribus suis vnus, annum agens
93. cui omnia viuenti ex animi sententia euenerant:
Et hinc, ait IMPERATOR, *immortales animas censere*
licet. Nam si Deus est, ut verè est, qui hunc mundum
gubernat; eumque iustum nemo nisi iniustus negat; alia
profectò loca sunt, ad quæ post mortem animæ commi-
grant, ubi pro meritis demeritis ve, mercedem poenæ uve
consequantur : hic enim neque bonis sua premia, neque
malis poenas reddi videmus. Æn. Syluius, de Dictis
Alphonfi.

IOANNES DE CANIS. MEDICVS.

Ad alia properantem, tenet me IOANNES DE
CANIS Medicus Florentinus, multi quidem nomi-

nis, at modicæ pietatis. Hic enim cùm ex Matæo-
sophiæ principijs, animam mortalem esse sibi certò
constare semper affirmasset; morti proximus, du-
bitare cœpit: animamque agens, *Sit*, exclamat, *nec*
ne, mox sciam. Ioan. Bapt. Gellus, Dialog. 2. Chi-
mærico.

CAROLVS V. IMP.

Et hic cæteris meritò adiungendus, qui Philippo
filio occupato circa corporis ac capillitij potissi-
mum cultum, *Non corpus*, inquiebat, *sed animus ex-*
colendus, quo veros tibi concilies amicos. Significabat
prouidus IMPERATOR, mores animi esse verè ami-
cos fideles, qui nunquam etiam in aduersis desti-
tuunt possidentem. Hinc satis appositè Iac. Bill.

Ancille inferuit domina quicunque relicta,

Ecquis eum sani pectoris esse feret?

Non sani magis est animi, qui mollia quarens

Carni, animam lenta tabe perire sinit.

Ex vita Caroli V. *h. v. p. 100.*

ANIMI PROMPTITVDO. vide OBEDIENTIA.

ANIMI FORTITVDO.

S. VINCENTIVS.

A Nimosum nunc & apertum niuei pectoris
robur pertractandum. cuius dum exempla
persequor, se primùm offert B. VINCENTIVS. qui
Daciano grauius tormenta minitanti, ni idolis litaret;
Hec, ait, *sunt quæ omnibus votis mihi cupio offerri.*
Frustrà fatigaris Daciane; non poteris tam crudelia
parare tormenta, quàm ipse paratus non sum susti-
nere. August. Sermon. 12, & 13. de SS. item Surius
in vita.

IDEM.

IDEM.

Vide ARGVTE DICTA.

S. LAURENTIUS.

Quis te martyrum clarissime LAURENTI hoc loco prætereat? qui craticulæ superimpositus, ac penè tostus, Tyrannum illudis, &, *Versa*, inquis, & *manduca*. O stupendam, & nullis sæculis auditam fortitudinem! In vita apud Sulpitium.

S. DIONYSIVS EPISC. ALEXANDR.

Hic etiam, dum impijssimorum hominum insultus fortiter pro Christo sustineret, ad tortores conuersus; *Quid*, inquit, *inspectando laboratis? Caput meum*, pro quo tantoperè fatigamini, *anulsum cervice*, tyranno vestro dono mittite. Euseb. lib. 6. Hist. Eccl. cap. 30.

MACEDONIUS, ET THEODVLVS, E TATIANIS.

Et hi eodem igne cum prioribus accensi, dum noctu in delubrum irruunt, & simulacra confringunt, iussu Amachij, Iuliani præfecti, cratibus ferreis impositi, lento igne torrentur. Tosti aliquantulum, non secùs ac B. Laurentius, tyrannum compellant: *Amachi*, *assum desideras? Conuertito nos in alia latera*, ne semiaffati palato tuo minùs sapidi videamur. & ita vrbane iocantes, Christi martyres efficiuntur. Suidas.

S. IGNATIVS. MARTYR.

Vide ARGVTE DICTA.

IOAN. FISCHERVS EPISC. ROFF.

Illa prioris ætatis, hoc nostræ. IOAN. FISCHERVS vir eruditione & pietate vix vlli par, quòd Henrici VIII. primatum Ecclesiasticum nollet confiteri, morte mulctatus; cùm supplicij locum intueretur, abiecto cui senex innitebatur baculo, *Eia*, inquit,

D 5

pede;

pedes officium facite, parum muneris iam restat. N. Sand. de Schism. Anglic. lib. 1.

S. CHRISTINA.

Prosequamur etiam infirmioris sexus fortitudinem animi & robur. CHRISTINA, pietate non minùs quàm genere nobilis, cuius tolerantiam mirabor faciliùs, quàm laudabo; patris, qui Tyri Italiæ opidi Præfectus, idola confregerat. Qui eam dum blandimentis minisquæ à vera fide remouere conatur, & scopulo videret immobiliorē, ungulis discerpi imperat. at illa, laceri corporis partem in os patris iniiciens: *Satiare miser, aiebat, carnibus, quas genuisti: filiam comedere potes; at certè impietati tuæ consentiar, facere non potes.* Vinc. Spec. lib. 2. cap. 82. Sur. tom. 3. in vita.

S. AGATHA.

Et hæc, dum Quintiano iubente in mammilla distorqueretur, ad illum conuersa, exclamabat: *Impie, crudelis, dire Tyranne: non te pudet in me amputare, quod in matre suxisti? at nihil proficis: habeo quas auellere non potes interioris fidei spec. quæ mammillas: quarum alimento in me reparatur sustinendi virtus.* Sur. tom. 1.

S. AGNES VIRGO & MARTYR.

Quis hunc virginitalis & martyrij florem pro dignitate explicet? fulgebat in tenellis annis cana virtutum omnium effigies; in puerili pectore plus quàm virilis animus deitescibat. Nam cùm multa in Idolorum contemptum coram Symphronio Præfide sapienter dixisset, & ille; Patior te, diceret, deos blasphemantem, quia tuos annos infra sensum adspicio: *Fides, aiebat, non in annis, sed in sensibus inuenitur:*

nitur: & Deus magis mentes comprobat, quam etates.
Sur. tom. 1. in vita.

E A D E M.

Non sic ad thalamum nupta properaret; ut ad supplicij locum, lata successu, gradu festina, hæc VIRGO processit. Quo non terrore egit carnifex, ut timeretur; quibus blanditijs, ut suaderet: quantum vota, ut sibi ad nuptias proueniret? At illa, *Et hæc sponsi iniuria est*, inquit, *exspectare placituras. Qui me sibi prior elegit, accipiet. quid perenssor moraris? Percat corpus quod amari potest oculis, quibus nolo.* Stetit, orauit, ceruicem inflexit. & ita vna hostia duplex martyrium subiit, pudoris & religionis. Ambros. de Virginib. lib. 1.

S. DOROTHÆA VIRGO & MARTYR.

Vide DEI DILECTIO, CVLTVS, &c.

S. THEODORA VIRGO & MARTYR.

De huius etiam fortitudine dixisse, detraxisse est. quis enim à memoria sæculorum similem huic audiuit aut legit aliquando? Trahitur ad lupanar VIRGO, à milite imminuenda, & ecce de martyrio contēdit vterque. Iudicatur miles ut reus pro VIRGINE, at illa ad locum supplicij accurrens, inclamare cœpit: *Non ego te mortis vadem elegi, sed prædem pudoris optavi. In me lata est ista sententia, quæ pro me lata est. Moriar certè innocens, ne moriar nocens. Nihil hic me dium; hodie ero aut rea tui sanguinis; aut martyr mei.* S. Ambros. in vita, lib. 2. de Virgin.

LVDOVICVS XII. GALL. REX.

Admirationis etiam plena exempla habet Ciuilis ordo. In quo principatum obtinet LVDOVICVS XII. Gall. Rex. monitus quippe Mediolanensi bello tormentorum ictus vitare. *Ecquem*, ait, *Galliarum Regem,*

Regem, unquam pilâ necatum accepistis? Qui metuit, me clypei loco utatur. COROZET.

CAROLVS V. IMP.

Paris fortitudinis CAROLVS V. cum enim in Germania ad Ingolstadtium copias haberet, cinxissentque eum ingenti exercitu foederati hostes, & æneorum tormentorum copiâ ferream grandinem in castra ipsa non sine graui pernicië immitterent; monentibus sibi prospiceret, immutato vultu & loco, arridens dixisse fertur: *Confidite, nullus unquam Imperator tormenti ictu interijt.* Dignum memoriâ ac laude sæculorum. I. Lips. Monit. Polit. lib. 1. cap. 7. num. 10.

IDEM

Cum in Hispaniam profecturo, sedatis iam fluctibus, pestem in locis maritimis magis inualefcere nuntiaretur; quasi nihil ducens, *Eundum*, ait, *nec pratermittenda tam bona tempestas: pestis Augustum, pestis Casarem, pestis Carolum vllum nunquam attigit.* Franc. Robertel. in Orat. sua funebri.

LVDOVICVS BAVARVS.

Detinebat hunc in vinculis Albertus Marchio Brandenburgensis, cumque multa ab eo peteret, & nihil impetraret, minas adiecit; ni pareat, tradendum in manus sui hostis. cui LVDOVICVS: *Qua poteris ex me libero impetrare, eadem modò ex capto petito. Si amplius quid voles, corpus meum in tua potestate est; animum verò mihi, non tibi obnoxium inuenies.* Æn. Syl. lib. 3. Comm. de Gestis Alph.

THOMAS MORVS.

Egregium quoque fortitudinis decus THOMAS MORVS. Ille namque ad locum supplicij, certaminis gloriosi palæstram, deductus, recitato Psalmo 50.

ac

ac finita prece, dum veniam Carnifex de more peteret, ei osculum & Angelotum aureum porrexit, dicens: *Tu mihi hodie id beneficij præstiturus es, quod hæcenus nemo mortalium aut præstitit, aut præstare potuit.* quidnam illud? hoc sanè, quòd ad auctorem suum anhelans properaret spiritus ex hoc mundi carcere, ad lucidas illas sedes,

Ver ubi æternum, tepidasque præbet

Iuppiter brumas.——

Thom. Staplet. cap. 20. in vita.

MVLIER ANONYMA.

Digna hæc, quæ cum prioribus sui sexus deceret. Otho III. Imp. equitem, qui falsò fuerat accusatus, nomine tentatæ pudicitæ Imperatricis, capite plecti iussit. Vxor mariti caput gremio gestans, Imperatorem adit, & , *Qua pœna iniustus Iudex mulctandus? rogat: Morte,* ait Imperator. Illa subintulit: *Tu ergo Imperator morere, qui maritum meum innocentem occidisti. Innocentem fuisse, ferro ignito quod innoxie manibus meis contrecto, probabo.* animosè profectò, & supra sexum fæmineum. Bern. Corius in vita Othonis.

AQVA LVSTRALIS.

MACEDONIUS MONACHVS.

NEquè hîc reticendum, quàm mirabilis Deus in operibus suis, ac ijs potissimùm, quæ Rom. Ecclesia S. Spiritus instinctu gubernata, mysticè ad sanctificationem nostram vsurpat. Quod de AQVA LVSTRALI, cuius non infrequens & inutilis vsus, adstruit MACEDONII Monachi exemplum. Nam dum adhuc in vtero gestaretur Theodoretus, ac matri gravidæ abortus immineret, eam inuisendi gratia

gratia accersitus, aduenit MACEDONIVS (eius quippe precibus prius sterilis conceperat) & aquam per orationes Ecclesiæ expiat. tum, *Bibe, inquit, hanc aquam, & diuinum tibi præstò aderit auxilium.* paret, & abortionis periculo liberata, tam pretiosam margaritam, nempe Theodoretum, orbi dedit. Theodoret. hist. P. C. 13.

ARGVTE DICTA ET RESPONSA.

S. VINCENTIVS.

PAUCA in hanc rem alio in loco diximus, vbi de acutè Dictis particulatim egimus: quorum pleraque huc reuocari, & ex his nonnulla eodem reduci possunt. B. VINCENTIVS, vt ab eo sumamus initium; in equuleum à Daciano sublatus, ac per ludibrium roganti, Vbinam es? *In sublimi,* magno animo respondit, *unde te terrena potestate tumentem, altior despicio.* Aug. Serm. 12. & 13. de SS. & in vita eius.

S. IGNATIVS.

Vincentio meritò adiungetur, qui eiusdem etiam certaminis victor, IGNATIVS. Romæ quippe ad bestias damnatus, dum in Theatrum productus rugitum perciperet leonum; alacri vultu vocèque; *Erumentum,* ait, *Christi sum, dentibus bestiarum molar, vt panis mundus inueniar.* Verus IGNATIVS, qui diuini amoris igne succensus, cupiebat cum Apostolo dissolui, & esse cum Christo. Euseb. lib. 3. hist. Eccles. cap. 30.

S. ANASTASIVS MARTYR.

E custodia eductus, cum Idolis immolare compelleretur, rogat tyrannum, Quibus? eoque dicen-

re, Igni, Soli, & Lunæ; dixit subridens, *Ergo etiam montibus, collibus, & pecoribus, omnique servituti hominum: quibus imperare iussi à conditore, non parere.* Sur. tom. i. in vita.

S. EPHRAËM.

Claudet hunc ordinem EPHRAËM. qui cùm Edeffæ ageret, ac cibum sibi pararet, à meretrice per fenestram patentem despectus est. quæ cùm impudentiùs inclamaret, Benedic Abba: & indecoro cum risu interrogaret, *Quid deest cibo tuo?* argutè, at modestè respondit: *Tres lateres, & parum luti, ut hac fenestra obstruatur.* Sur. tom. i. in vita.

ABBAS. ANONYMVS.

Sed inserit se etiam iste. de quo memoriæ proditum, quòd priusquam ab Abbatis munus euehere-tur, demisso in terram vultu, miram humilitatem & benignitatem præ se ferret. at in demortui Abbatis locum communi suffragio constitutus, ut dignitate, ita & animo vultuque factus elatior. miranti autem cuidam tam subitam morum mutationem, respondit: *Quòd prius demisso vultu incederem, erat, quòd cœnobij clauis quærerem: quibus nunc inuentis, quin me erigo, & cervicem attollo?* Greg. Richterus axiom. Polit.

S. AGATHA.

Ad fœminas digrediamur: æquè illæ cum viris in hac laude illustres. Cùm multa de superstitioso falsorum deorum cultu præclarè in medium adduxisset Christi Martyr AGATHA, eamque Quintianus Præfectus à sententia reducere conaretur, dicebat: *Sit sicut Venus dea tua, uxor tua: & tu sicut Iupiter deus tuus.* insinuans illud Psal. Similes illis fiant, qui faciunt ea, &c. Sur. tom. i. in vita.

S. MAR-

S. MARCELLA VIDVA.

Dum eam vir consularis coniugem peteret, & illa coniugium abnuens, diceret; Si vellem nubere, maritum quærerem ætate magis florentem, non verò hæreditatem, &c. & ille intulisset, posse senes diu viuere, & iuuenes citò mori; eleganter & argutè lufit: *Iuuenis quidem potest citò mori, & diu viuere: senex diu viuere non potest.* Sur. tom. 1. in vita.

ALPHONSVS ARAG. REX.

Ad alia festinat calamus. properanti autem se obijcit ALPHONSVS ARAGONIVS: qui Virgiliana lectione occupatus, & quidem vbi de Didonis interitu agit, cùm terræ motus concitaretur, & rem improuisam admirarentur omnes; *An mirum, inquit, vobis videatur, si in morte tam celebris Regina, terra intremiscit?* appositè & argutè ad rei nouę turbationem leniendam. Panormit. lib. de Gest. eius.

RYDOLPHVS IMP. AVST. vide CVRIOSITAS.

CARNIFEX HORNANVS.

Videbat hic ciues Hornanos (opidi nomen in Batauia) acriùs in eos sæuire, quos ob Romanæ fidei constantiam neci adiudicatos ipse ad supplicij destinatum locum deducebat; ac gentium more, illo rerum statu, varia quemlibet tormentorum genera, quibus rei affiendi, suggerere: non sine acti fide, *Malum!* inquit, *haudquaquam deinceps mea opera indiget Senatus Hornanus, cuius ciues tam accurate tortorum officio persunguntur.* Ex manuscrip. Martyr. Holl. P. Opmeri.

Vide infra ARTIVM CONCERTATIO.

ARROGANTIA. vide SUPERBIA.

ARS EIVSQUE DIGNITAS.

PIVS II. PONT. MAX.

Quanta res sit ingenuas pectus coluisse per artes, vt canit Ouidius, clarius est, quàm vt multis confirmemus: ne tamen ab instituto nostro diuertamus, quanto in pretio apud viros magnos Artes ingenuæ habitæ, paucis comprobabimus. PIVS II. PONT. MAX. Non ifici tanto in honore erant artium omnium moderatrices Bonæ literæ; vt cùm de illis mentio incidisset, crebriùs in hanc vocem eruperit: *Plebeis argenti, Nobilibus auri, Principibus gemmarum loco literæ esse deberent.* Sciebat prudentissimus PONTIFEX, iis ingenium molliri, & solas eripi à nullo posse. Platin. in vita.

ALPHONSVS ARAG. REX.

Queri mecum etiam ALPHONSVS videtur, & ne prateretur metuere. Ad summam quippe eius laudem facit, quantus bonarum artium exstiterit indagator, recensere. Interrogatus aliquando, librisne, an armis maiorem gratiam deberet; *Ex libris, ait, arma, & armorum iura didici.* insinuans se libris, & quæ in iis doctrinæ, acceptum referre, quidquid haberet industriæ: ac vero verius esse illud Nasonis:

Artibus ingenuis quæsitæ est gloria multis.

Panorm. lib. 4 de Gestis eiusd.

LADISLAVS.

Quo tempore Fredericus Imperialibus infulis à Nicolao V. Pontifice Romæ cingebatur, LADISLAVS atate non mente puer, clamitabat sæpiùs: *Homines mihi non videntur, qui bonas literas ignorant.* Iudicabat, & id rectè, tum demum homines

E à bru-

à brutis animantibus differre, quando animū honestarum disciplinarum vomere excoluissent.

Æn. Syl. lib. 3. Com. de Gestis Alph.

Vide APOPH. de DOCTRINA & ANIMI CVLTV.

*Item de DOCTRINA IN PRETIO HABITA
& LIBRIS.*

ARTIVM CONCERTATIO.

LEO X. PONT. MAX.

NON tantū liberalium Artium scientiam habuisse quibusdam gloriæ & laudi datur; sed & eam tempore & loco depromississe. Exemplo sit LEO X. PONT. verus Mularum patronus, qui serijs & gravissimis suis negotiis gaudia quandoque & ludicra interponens, versibus ex tempore cum Camillo Querno, qui se Archipoëtam iactabat, certare poterat. Dum namque mensæ LEONIS de more adstanti, pensum persolvere duorum carminum, foret imperatum; ilicò in hoc erupit:

Archipoëta facit versus pro mille poëtis.

cūmq; ad secundum hæsitaret, inexpectatò LEO hoc pentametrum subiunxit:

Et pro mille alijs Archipoëta bibit.

Quernus verò dum se recolligens subijceret:

Porrige quod faciat mihi carmina docta Falernum.

LEO repentè à Virgilio mutuatus, Quernum, quòd præ nimio potu podagricus esset, illudēs, conclusit:

Hoc etiam enervat debilitatque pedes.

totius in Elog. & Theatrum vitæ hum.

EOBANVS HESSVS POETA.

Ille etiam cum Sinapio certamen inijt, vter distichon plurium pedum ex tempore depromeret;

Sinapio

Sinapio hexametron proferente, EOBANVS ita orsus:

Mille boves pascunt, vitulorum millia mille,

Musca super vitulum quemlibet una sedet.

&, En victor abeo, inquit: nihil enim refert metricine pedes essent, an verò ζῳνὸν intelligentur. Theat. vit. hum.

GEORGIUS SABINVS & STIGELIVS POETÆ,

Ad conuiuium vocati, ab accumbentibus vt verbis concertarent impulsī. SABINVS ætate & dignitate prior, cœpit:

Carmina conscribant alij dictante Lyao,

Multa sit in versu cura laborque meo.

quod STIGELIVS citè excipiens, ac carmen inuertens, ait:

Carmina conscribant alij dictante cerebro,

Nulla sit in versu cura laborque meo.

quis non vtrumque vitulâ dignum iudicauerit?
Ibidem.

ANONYMVS GERMANVS.

Addam & aliud non minùs ingeniosum quàm facetum. Orta erat contentio inter quosdam, an equestre studium literario cederet; an verò è conuerso. Equites mira in suum fauorem adducunt: quę resumens, qui fors aderat, homo literarum non expers; *Quid*, inquit, *vos ipsi agnoscitis equestro studium inferius studio literarum. ideo enim abiectis modis equinis, quas olim equites gestare soliti, pennas vobis imponitis; easque in vertice aliàs inglorio, tamquàm trophæum à literatis positum, statuitis.* Pennas enim, scribendi artificium, ioco interpretabatur.

Georg. Sab. lib. 13. Metamorph.

ASSENTATIO. *vide* ADVLATIO.ASSIDVITAS. *vide* INDVSTRIA, & LABOR.

ASTROLOGIA.

ANONYMVS EX ALPHONSI COMITATV.

Non pauci hanc artem meritò despexerunt, cum quòd incerta sit, & coniecturis dumtaxat habeatur eius certitudo; tum quòd inutilis & vana. Senferat hoc Alphonsus Rex, quem sæpius in testem adduximus. de eo enim cum inter nonnullos quæsitum esset, cur præter morem (erat enim in omne hominum genus munificus & liberalis) solos Astrologos præteriret: neque enim tales unquam in Curia eiusdem visi: quidam adstantium quo Rex familiariter utebatur; *Sidera*, aiebat, *stultos regunt, impelluntque: sapiens astris imperat.* Stultos ergo Principes, Astrologos honorare consequens est; non verò sapientes, inter quos nomen Alphonsus obtinet. *Æn. Syl. lib. 4. Com. de Gestis Alph.*

ANONYMVS, & ASTROLOGVS CANDIDVS.

CANDIDVS dum se plurima ex siderum adspectibus cognouisse iactaret, & de multis rerù eventibus admonitum diceret, quidam non illepidè; *Certè, inquit, miror, quòd astra cum sciant & videant uxorem tuam non satis pudicam, te tamen de eo non commonefaciant.* faceret eum redarguens, quòd astorum cursus & ordinem sectans, vitæ suæ & coniugij ordinem negligeret. quo sensu dicebat aliquando Bias, ridiculos esse Astronomos, cum non videant pisces iuxta se in litore nantes, illos qui in cælo sunt, videre se dicant. CANDIDVM autem

tem hoc Epigrammate descripsit Thomas Morus,
quod his subnectere non erit à proposito alienum:

*Sepè suam inspectis uxorem CANDIDVS astris,
Predicat en vates omnibus esse bonam.*

*Inspectis iterùm, postquam uxor adultera fugit,
Predicit vates omnibus esse malam.*

*Omnibus ergo uxor quòd se tua publicat; id te
Astra licet videant omnia, nulla monent.*

ANONYMA, MULIER.

Nec aliter iudicauit; exigui aliàs iudicij mentis-
que, muliebris sexus. Nam cùm Astronomi cuius-
dam ancilla, dominum suum astris nimium curio-
sè intentum in cloacam cœno refertam incidisse
aduertisset, in cachinnum soluta, tantum abest vt
de extrahendo cogitaret, vt diceret: *Merito ac iure
illud tibi enènit: qui cùm iuxta pedes posita ignores,
caelestibus contemplantis animum adijcis.* Hoc ipsum
Thaleti accidissè, auctor est Stobæus. Cautè ergo
Alciatus in Emblematis, adducta Icarì fabula,
monet:

Astrologus caneat quicquam prædicere: præceps

Nam cadet impostor dum super astra volat.

Auct. Serm. conuiual.

ASTVTIA BONA AC MERITORIA.

EVSEBIVS VERCELLENSIS EPISC.

Quemadmodũ ASTVTIA fraudis doliq; cõ-
scia, improbanda est; ita ea summoperè pro-
banda, quam prudentia & pietas comitatur. Ta-
lem exhibuit EVSEBIVS Vercellensium Antistes,
cùm Arianos à Dionysio Albanensi Episcopo sub-

scriptionem sui dogmatis per fraudem extorſiſſe accepſſet. Ille etenim artem arte deluſit, dolum-
que fraudulentum prudenti aſtutiâ con penſauit. Finxit autem ſe quoque eiſdem opinionis cum Dionyſio. hinc ab Arrianis ſubſcriptionum indicem accipit, vt & ipſe illi ſua ſignatura adſtipuletur. verum vt vidit Dionyſij nomen inter primos; quaſi ad rem nouam ſtomachatus, *Vos, ait, Patrem in diuinis Filio maiorem dicitis, & cur iuuenis ille, meus quandoque diſcipulus, hîc me præcedet? non id decet, aliam itaque ſchedulâ conficite, in qua ſuo ordine quiniſ ſubſignet.* Dixerat: cùm Arriani hæc bona fide & ad mentem eorum ita dici autumantes, chartam lacerant, & aliam ad EVSEBIUM deferunt à nouo ſignandam. Quibus ille ſubridens, *Nec ego, inquit, nec filius meus Dionyſius, veſtris impietatibus ſubſcribemus* Ex quo factò ita concludit Ambroſius: Cùm dicat Euangelium in hac generatione prudentiores filios tenebrarum filiis lucis, ecce hic ipſis tenebris prudentior filius lucis inuentus eſt. Ambr. Serm. 69.

TIMOTHEVS PRESBYTER ALEX. & MERETRIX.

Accuſatus Athanaſius quòd mulierem conſtu-
praſſet, vocatur cum illa ad concilium Epiſcopo-
rum. cùmque ab Arrianis ſubornata impudenter
Athanaſio concubitus obiiiceret, TIMOTHEVS
presbyter Alexandrinus (ita enim cum Athanaſio
conuenerat) mulierem aſſatus, *Egoni inquit, te com-
preſſi mulier?* cui illa; *Tu ipſe: numquid tali loco &
tempore?* ita exploſa meretrice, & accuſatio ridi-
cula apparuit, & Athanaſij innocentia comproba-
ta eſt. Quàm ſcitè Comicus:

Falla-

*Fallacia alia aliam irudit,
Astutum fallere difficile est.*

Sozomen. lib. 2. cap. 24.

CONSTANTINVS IMPERATOR.

Celebre etiam illud quod sequitur. hic enim sub Imperij tui exordium, periculum facturus quoniam est domesticis orthodoxam fidem amplecterentur, qui verò ab eadem desciscerent; convocatis omnibus, *Qui, inquit, dijs sacrificare voluerint, summo apud me honore mansuri sunt: qui verò id recusauerint, ilicò aula mea abscedant.* Quibusdam itaque Catholicorum aulâ exeuntibus, alijs verò dijs thura ponentibus; hos à se reiecit, illos velut domesticos suos summo honore est prosecutus. Ecquis hîc rursus in Ambrosij sententiam, quam superiori exemplo recensuimus, non descendat? Euseb. lib. 1. cap. 11.

A V A R I T I A.

IESVS CHRISTVS.

IN natū humano generi AVARITIÆ malū, quam omnis improbitatis Metropolim dicebat Bion, feram pessimam Diogenes, nostro etiam operi inferimus, vt eiusdem perniciem euidentibus exemplis demonstramus. Magnoperè autem eam cauendā prouidè nos docuit DEI FILIVS: quem dum de rebus grauib. differentem, importunè quidam è turba compellaret, fratrem moneret vt secum hereditatem diuideret; respondit: *Videte & caute ab omni auaritia: quia nō in abundantia cuiusquam vita eius. rerum quippe affluentia, non causat in homine vitam, at sæpius mortem.* Luc. cap. 12.

E 4

S. AGR.

S. ÆGIDIUS.

Ille quoque insignis Avaritiæ impugnator, cùm de avaris mentio incidisset, roganti, cui eos assimilari arbitraretur; *Talpa*, respondit: *hic enim nullum thesaurum credit, nisi in terra, quam excavat & inhabitat.* Ex aureis Sent. Ægidij.

PIVS II. PONT. MAX.

Nec minùs ille Avaritię vitium infectatus. cùm enim adstantium quispiam avaros nemini prodesse dixisset; ille, *Verè nulli nisi post mortem profunt*, adiecit. Hinc benè à SS. Patribus per porcū hieroglyphicè Avaritia designatur; qui dum vivit, eo quod lanam non proferat, ad nihil utilis: ita etiam avarus munificentia lanam non produciens, amicos, imò & seipsum nescit; nec illis, nisi mortuus, benefacit: vt est apud Salomonem in Prou. Ex lib. Rerum memor.

THOMAS MORVS.

Vt ad Ciuilem ordinem transeamus. primus in eo THOMAS MORVS, qui rogatus aliquando, cui similem diceret avarum; *Canis*, respondit, *in præsepi.* Ille enim nec fœno vescitur, nec vt equus eo vescatur finit: ita etiam avarus congestas opes seruat, nec ijs vti alium patitur. Idem Apophthegma hoc Epigrammate præfatus Auctor complectitur:

In præsepe canis fœno nec vescitur ipse,

Nec finit, vt fœnum qui cupit, edat equus.

Servat Avarus opes, opibus non vitur ipse:

Atque alios vti qui cupiunt, prohibet.

Epigramm. Mori.

IDEM

Rogatus, cui Avaritiam aptissimè compararet; *Igni*, respondit: *qui quanto plus lignorum depascit,*
tanto

tantò feruentior fit ad plura depascenda. Auaritia namque hydropis instar, sibi indulgens crefcit.

multa petentibus. Desunt multa.

&c: *Curta nescio quid semper abest rei.*

Thomas Staplur. in vita.

HIERON. STRIDONENSIS.

Huius etiam non minùs celebre dictum. de Auaris namque verba faciens, *Avaro*, inquit, *atque illa quæ habet, quàm quæ non habet, desunt.* anxie enim suas opes requirit, quæsitis verò abstinet, & uti timet. Fulgos. lib. 7.

IOAN. BVGHENHAGIVS.

Hic autem verus impostor non immeritò ad calcem adiectus, abdicata namque Religione & Fide, Apostata Lutheri veneno imbutus, colubri instar, miserorum sanguinem sitiebat. Ad Daniam ergo se conferens vt zizania in medio tritici seminaret; auri cupidus, falsitatis & impietatis suæ dogmata Sycophanta pecunijs vendidit. vnde emenso Baltici maris sinu, dum Chersonensè litus attingisset, conceptam animo improbitatem peperit. dicebat enim: *Tu meum habeas Dania Euangelium, ego tuos nummos. vale.* En novos Pseudoprophetas, etiam Deum ipsum cõmutare pecunijs paratos. Inc. auct.

Vide titulum de PECVNIARVM CONTEMPTV.

AVLICA VITA. AVLICI. AVLA.

CONSTANTINVS IMPERATOR.

H Eliotropium cum sole circumagi quocumque se ille mouerit, testis est Plinius. ad eundem modum Proceres aulicos ad Regis Principisve ingenium;

E s

ingenium, etiam contra rectam rationem propendere, quotidiana testis est experientia. Hinc illi Principum abusus, & Reipub. defectus, quòd ita quosuis in suam Curiam, imò & ad aures admittant. Videbat id CONSTANTINVS IMPERATOR, qui Principum aulas improbis hominibus refertas intuitus, *Apagite*, inquebat, *tinea & sorices Palatij* Quid prudentius à prudenti Imperatore dici potuit aut debuit? Niceph. interp. & Scholiast. lib. 8. Eccl. hist. cap. 14.

ALEXANDER SEVERVS.

Hunc, grauium scriptorum vestigijs inhærens, Catholicorum cœtus annecto; licet plures eum inter Ethnicos referant. vt vt est, plura certè Christiano homine digna, sub vitæ finem & fecit & dixit. Inter alia, urbem & domum suam hominibus non necessarijs purgabat, inter quos Aulicorum plures recensabat. dicebat autem: *Malus pupillus est Imperator, qui ex visceribus prouincialium, homines Reipub. inutiles aleret.* Ælius Lampridius in Alex. Seuero.

ANONYMVS.

Quidam Aulæ sectator assiduus, iniuriarum Palatinarum patientissimus, cùm rogaretur, quomodo rarissimam rem in aula consecutus esset; *Iniurias*, respondit, *accipiendo, & gratias agendo.* Dixit fortassis in hunc sensum aliquando Persius:

——— *Vide sis, ne maiorum tibi fortè*

Limina frigescant: sonat hic de nare canina

Littera.

Brufon. lib. 1. cap. 5.

ALPHONSVS ARAGONIVS.

Sentiebat etiam hic, quanta esset in aulis Principum,

pum, allentatorum aulicorumque pernicies. Ex Sicilia namque nauem soluens, ubi in alcum processisset, vidit garrias aues circum triremem nantes, & bolos à nauigantibus proiectos accipientes, ac ilicò auolantes. has cùm amicis digito monstrasset; *Perfimiles, ait, sunt garrijs istis aulici aliquot mei, qui simulac concertantes à me beneficium accipiunt, statim aufugiunt.* Notauit veros aulicorum mores, qui fideles se Principibus præstant, quoad dolosi spes affulserit nummi. Panorm. lib. 1. de Gestis Alph.

FREDERICVS KAVN GERMANVS.

Vnicam autem gratiam in Principum aulis dormire, suo dicto confirmauit iste: videbat assiduitatem & diligentiam cuiusdam Cancellarij Imperatorie Maiestatis; & subridens, *Quid, inquit, domine Cancellarie, tam strenuus & assiduus es rebus aulicis componendis? Eadem est gratia cacanti in medium conclauis, & euerrenti.* notans lentas aularum gratias; quodque verus sit hic rithmus:

Κύρια, qui senuère, canunt, ἐλέγχον, in aula.

Philip. Camer. in Postil.

THOMAS MORVS CANCEL. ANGL.

Hinc benè & doctè ille. cùm Episc. Rossensis ei statum & ordinem in aulâ gratulatus esset, *In aulam, ait, inuitus veni: & in eadem non minùs malè habeo, quàm quisquam equitandi insolens heret in cella.* Meminerat, vt erat lectionis magnæ, illius Lucani:

*Exeat aula,
Qui volet esse pius. Virtus & summi potestas
Non coeunt.*

Th. Staplut. in vita, cap. 7.

BAPTIL

BAPTISMVS.

IESVS CHRISTVS.

S Alutiferæ curationis auxilium, quod reuelante gratiæ tempore (vt loquitur Beda in Lucam) contra peccati vulnus BAPTISMVS præstat, hoc loco referamus, huius operis ordo postulat. Cuius quidem dignitatem ac supremam necessitatē eiusdem primus auctor & institutor CHRISTVS IESVS, paucis insinuauit: dum Nicodemo, qui ad se nocte venerat, inquisiturus, quomodo homo denudò nasci posset, eo quòd Christus necessarium docuerat ad salutem renasci; respondet: *Nisi quis renatus fuerit ex aquâ & Spiritu sancto, non potest introire in regnum Dei.* quibus & Baptismi utilitatem, atque absolutam necessitatem, quoad omnes omnino, non eam quam præcepti vocant Theologi, sed quam medijs, explicatè insinuat. Ioan. c. 3.

I D E M.

Quia tanta futura erat ad salutem eius necessitas, hinc post resurrectionem ad Patrem transiturus, cum discipulos suos per vniuersum orbem mitteret, vnicui hoc mandatum dedit; *Euntes ergo docete omnes gentes, baptizantes eos in nomine Patris, & Filij, & Spiritus sancti.* quo dicto & Sacramenti necessitatem docuit, & formam essentialem, ac Sacramenti necessitate (vt habet phrasis Theologorum) necessariam, expressit. Matth. cap. vlt.

S. PETRVS APOST.

Ille etiam post acceptum Spiritum sanctū cum habita insigni illa oratione de Christo, eiusq; resurrectione, quidā de circumstantibus dicerent, *Quid facie-*

faciemus viri fratres? respondit: *Pœnitentiam agite, & baptizetur unusquisque vestrum in nomine Iesu Christi, in remissionem peccatorum; & accipietis donum Spiritus sancti.* eni geminus Baptismi effectus: peccatorum remissio, & gratiæ infusio.

Act. cap. 11.

EVNVCHVS CANDACIS REGINÆ ÆTHIOPIVM.

Quam prudenter & prouidè iste Ierosolymis in patriam rediturus Philippum in suum currum exceperat! Et edoctus ab eo Christum, dum ad riuum quendam venissent; *Ecce aqua,* inquit Philippo, *quis prohibet me baptizari?* Cui ille: *Si credis ex toto corde, licet.* insinuans, adultis vt Baptismi effectû consequatur, opus esse vera fide. Act.c.8.

S. SYLVESTER.

Neque hunc latuit diuina illa, quam per BAPTISMVM consequimur, ritè eum suscipientes, virtus. Constantinum namque Imperatorem sacro fonte expiaturus, ipsum Lauacrum manu ostendens, & Sacramenti veram significationem exponens; *En hanc aquam,* inquit, *Imperator: hæc diuina virtute per vniuscæ Trinitatis inuocationem concepta, quemadmodum extrâ, corpus hominis abluit; ita etiam animam intrâ, à sordibus & inquinamentis mundanis, splendidiorum radijs solaribus efficit.* quod esse verissimum in se optimus Princeps expertus est. Nicoph. lib. 7. Hist. cap. 33.

VICTOR PROCONSUL CARTHAG.

Tempus viresque deficerent Diuina narrantem. Ciuilis ordinis, & quidem vtriusque sexus, exempla adducantur. Quid autem de VICTORE ciue & Proconsule Carthaginensi dicam? ille ad negandam fidem Orthodoxam à Carthaginensi Dominatore solici-

solicitatus, memor eius quod in Baptismo seruare
 spoponderat, indignabundus, *Me, ait, omni tormen-*
torum genere Rex discrutier: si consensio, frustra
Christi Baptismate initiatus sum. Vict. lib. 3.
 Hist. Vandal.

CLODOVÆVS REX FRANC.

Hunc Clotildis vxor crebrius, at in vanum, de
 Baptismo suscipiendo, adhuc Gentilium erroribus
 imbutum, adhortabatur. Tandem cum Suenis &
 Alemannis signa conferens, cum sibi toti que exer-
 citui summum discrimen imminere videret, ac
 deorum suorum numen nequicquam imploraret;
 profusis lachrymis, & oculis in cælum elatis, *Iesu*
Christe, ait, quem Clotildis vxor mea colit, ac Dei
Filium predicat, ad te confugio. Tu mihi si adfueris
propitius, & sentiam re ipsa eam virtutem quam tibi
denoti de te predicant; me totum tibi tradam, tuum-
que Baptismum suscipiam. Orationem & votum
 Deo acceptum fuisse & probatum, memoranda ac
 celebris victoria declarauit. Hincmarus in vi-
 ta S. Remigij.

S. DIONYSIA.

Agite & faminei generis prudentiam viri æmu-
 lamini. Habuit suas easque memorabiles vetus Lex;
 sed quid illæ ad nostram DIONYSIAM? Quam nul-
 lis cruciatibus potuerunt Arriani Vandali in suum
 pertrahere errorem. at inter plagarum ictus, dum
 vnicum filium, cui Maioricus nomen, ætatis tenel-
 læ, pœnarum timore trepidantem cerneret, eum
 confortabat confirmabatque, dicens: *Memento*
fili, quod in nomine SS. Trinitatis, in matre Catholi-
ca baptizati sumus. Ne perdamus indumentum nostra
salutis, ne veniens inuitator vestem non inueniat nu-
ptialem.

ptialem. Quis non hanc vocem meritò exosculatur? quis non rem ipsam sedulò imitetur? Monet itaque Hymno 6. Cathemer, Prudentius:

*Cultor Dei memento,
Te fontis & lauacri
Rorem subisse sanctum,
Te Chrismate innotatum.*

Viët. Vticen. lib. 3.

B A R B A.

FRANCISCVS BORBONIVS.

O Ccurrit nunc de corporis ornatu, qui in BARBA etiam consistit, breuibus agamus. Cùm pro Rege Galliarum contra Carolum V. bello pre-esset FRANCISCVS BORBONIVS, iuuenis adhuc & imberbis: Marchio Guastinus ei illudens nuntiavit, quòd nimis exigua barba vestiret mentum, ut cum eo congredederetur. cui BORBONIVS: *Non barbis pugnandum, sed ensibus.* Corozetus.

ANONYMVS.

Haud secùs alius quidam hoc nostro ævo, cuius nomen de industria non addimus, vir alioquin non parux eruditionis: cùm in re seria suam mentem explicaret, reprehensus à cauillatore sibi assidente, ea de re iudicaret, vbi barba excreuisset promissior, respondit: *Hem homo barbate; non barba iudicium fert, sed mentis sagacitas: neque barbis causa defenditur, sed linguis & rationibus.*

LEGATI ANONYMI.

Ferunt LEGATOS quosdam à Venetorù Senatu missos olim ad Henricum Franciæ Regē: qui, quòd eos parùm adultos barbatosque conspicaretur, vix respon-

responsio dignatus est: adijciēs etiam, *Maturius hæc de re iudicium feretis, ubi barba vestra maturior fuerit.* Vcū alter illorum se a Rege exceptos intelligens, in hunc fere modum, iconia in eum restitit:

Si promissa facis, spicentem barba, quæ obstat.

Barbatus posset quin caper esse Plato?

Ex lib. Rerum memorab.

CAROLVS V. IMP.

Quod Alexandro Macedonio attribuit Plutarchus, id ipsum nostri sæculi, imò & fortassis futuri Alexandro, CAROLO V. adscribunt, qui eiusdem facta dictaque memoranda posteritati consecrarent. Hic igitur dum graue illud bellum gereret cum Francisco Rege, & iam omnibus ad prælium ineundum paratis, ab Equitatus primario ductore rogeretur, an aliud fieri imperaret; *Nihil*, inquit, *quam ut enses aptetis radendis Gallorum barbis.* Insinuabat autem cominus, non eminus pugnandum: quo in genere pugnae barbae impedimento sunt, ne illa hostis hostem apprehendat. Ex vita eiusdem.

CIVIS BASILIENSIS ANONYMVS

Percontanti, cur tam protensam barbam enutrit, respondit: *Vt intuens hos meos pilos, me non mulierem, sed virum intelligam.* Barba quippe virum ornatur, monetque non nisi virilia aggrediatur. Hinc benè in Metamorph. Ouid.

*Turpis equus nisi colla iuba pendentia velent,
Pluma tegit volucres, ouibus sua lana decori est,
Barba viros hirtaque decent in corpore seta.*

Conr. Lycosth. in Apophth.

BARBARIES.

ALPHONSVS ARAGONVM REX.

A Tringimus BARBARIEM sed quantum cam
exco. in viri sapientes ! Certè ALPHONSVS
ARAGON. REX, intuitus Syracusanum equitem
agrestibus moribus, Barbarum eum nuncupabat.
at is Barbari nomen agris tulit. cui Rex: *Ego non
à genere, sed moribus Barbarum soleo definire.* Nobi-
lem existimabat illum, quem nobilitat sua virtus.
Panorm. lib. I. de Gestis eiusdem.

SIGISMVNDVS IMP.

In Constantiensi Concilio reprehensus à Car-
dinale Placentino, quodd contra Grammaticorum
præscripta verba quædam pronuntiasset, non mi-
nùs scitè quàm festiuè, *Placentine, ait, si supra leges
sumus, quare supra Grammaticam esse non possumus?*
*Placentine, Placentine, quibus places, placeas; mihi
certè non places.* Auctor Serm. conuiual. &
Chronica Germ.

BARTOLVS IVRISCONS.

Ille Iureconsultorum neotericorum princeps,
vti cetera benè, ita hoc malè, cum summo tamè ap-
plausu, dixit: *De verbis non curat Iurisconsultus.*
Iud. Viues lib. I. Corrupt. discipl.

BEATITVDO. vide GLORIA CÆLESTIS.

BELLI STVDIVM.

IESVS CHRISTVS.

BELLI commodum perniciemque aggredimur.
neque enim semper suo fructu caret MILI-
TIA, cum moderatione & legitima auctoritate susce-
pta,

pra, sine quibus tamen non attingenda. Quod Redemptor mundi CHRISTVS breui compendio insinuauit, quando ad montem Oliueti, à Iudæis apprehensum, Simon Petrus educto gladio vindicare de vi illata nitebatur; aiebat enim: *Conuerte gladium tuum in locum suum: omnes enim qui acceperint gladium, gladio peribunt.* Qui nimirum sine legitima potestate eum acceperint, sed propria auctoritate, ac quasi à seipsis: neque ad cōseruandam iustitiam, sed in vindictam: exigit enim iustitiæ ratio, vt tales similiter gladio pereant; iuxta præceptum Dei, Genes. cap. 9. Matth. c. 26.

RVDOLPHVS IMP. AVSTRIACVS.

Ciuiles attingimus, & quid illi ex Bello commodi retulerint. Ad gloriam quippe consequendam non parum facere Armorum decus, exemplo est RVDOLPHVS IMP. Austriacus: qui dum victum à se Bohemiæ Regem excepturus, fidemque ab eo accepturus esset, monitus se regio cultu trabeaque adornaret, eò quòd Bohemus se splendida veste foret exhibiturus; renidens, *Abst,* inquit, *Rex Bohemiæ toties meam gryseam togam explosit; nunc illa ipsummet explodet.* & ad suos conuersus; *Vas,* inquit, *arma & equos expedit, accinctique & instructi, ut ad pugnam state. Decus Teutonicorum armorum, non vestium, aduenis istis ostendite. hoc me vobisque dignum.* Refert I. Lipsius Monit. Polit. lib. 2. cap. 17.

ANTONIUS A PRATO CANCELL.

Senferat identidem iste, belli incommodo suum etiam adesse commodum. Nam Francisco I. Gallis imperante, quidam Mediolanum funditus diruendum suadebant. ad quod Cancellarius; *Minimè vero*

verò rectè illud, inqu it : *quin potius ut vitiosi humores è corpore pharmaco pckuntur, ita belic Mediolanensi Gallia ab improborum face purgabitur.*
Ægid. Corroz.

ALPHONSVS ARAGONVM REX.

Iustissimas ob causas Bellum geri posse, pietatis & iustitiæ amans REX ALPHONSVS declarauit. Piceno etenim sedi Romanæ rebellanti, pro Eugenio Pontifice bellum fecit, & ad pristinum iugum Picenum reduxit. Quid rependeret Pontifex? vrbes aliquot offert. Renuit ille: & *Non, inquit, præda aut questus, sed Ecclesiæ gratia hanc expeditionem suscepi.* Significabat autem, non nisi pro aris & focis, patriæ ac religionis defensione, bellandum. Panormit. lib. 3. de Gestis eiusdem.

ANONYMVS.

Cùm autem pacatis tranquillisque temporibus maxime à domesticis turbetur Ecclesiæ, nō ita male sensisse dicendus est is, cui frequens in ore : *Bellum Turcicum pax est Ecclesiæ.* Insinuabat plerisque Principes, præsertim Germaniæ, nisi eo occuparentur, in Ecclesiam insurrecturos. Gregor. Richt. in Axiom. sacris.

BELLICA FORTITVDO,
vide FORTITVDO BELLICA.

BENEFICENTIA.

ALEXANDER SEVERVS IMP.

BENEFICENTIÆ nunc commemorationi aliquantum vacemus. illius enim gratus inter homines vsus, quippe quæ eos Deo (cui proprium bene-
F 2 nefacere)

nefacere) reddit maximè similes. ALEXANDER SEVERVS, quem probabili coniectura inter Christianos annumerari posse suprà diximus, vsque adeò in omnes beneficis exstitit, vt etiam de se nihil meritos ad petendum quippiam inuitaret, diceretque: *Quid est quod nihil petis? An me tibi vis fieri debitorum? Pete, ne priuatus de me querere.* agnoscebat Principes viros maximè præ alijs decere beneficentiam. Pont. cap. 1. de Liberal. A. L. Lampr.

IDEM

Percontanti, quisnam videretur sibi Rex optimus; *Qui, ait, amicos muneribus retinet, & inimicos sibi beneficijs conciliat.* Max. Serm. 9. de Magistrat.

ALPHONSVS REX.

Nec defuit huic isto in genere sua laus. Intelligebat quosdam acceptis à se beneficijs ingratos esse: & *Esto, inquit, nequaquam tamen effecturi, quo minus ipse & humanus sim, & beneficus.* Considerabat non esse prudentis, ob malorum ingratitudinem, bonis desinere esse beneficum. Panormit. lib. 1. de Gestis eiusdem.

IDEM.

Quinimò, venientibus ad se Ioannæ Neapoleos Reginae oratoribus, vt eam contra Martinum v. Pont. Max. qui indignam quæ feudatarium Ecclesiæ regnum obtineret iudicabat, defenderet, acquieuit. dissuadentibus verò consiliarijs, vt qui durum & anceps fore bellum indicarent, respondit: *Hercules etiam non rogatus laborantibus subuenire consuevit. dignum igitur vt & ego femina assistam, & tantopere roganti opem feram.* Ibidem.

Vide de eodem Apophth. de AMICITIA.

IDEM

IDEM

Progredi volenti cursum rursus sistit: iniquum enim futurum existimo, aliquam eius laudem silentio præterijisse. Cumque (vt constat) naturæ fuerit admodum beneficæ, quod mente retinebat, crebrius verbis exprimebat, dicens; *Oblatrantibus canibus & rebellantibus, ossula obijcienda.* Intelligebat autem maleuolos homines beneficiis vincendos. Pontan. cap. 30. de Liberal.

LVEOVICVS XI. FRANC. REX.

Ille item, præsertim in eos qui vitæ aut operum sanctitate præfulgerent, admodum beneficus & liberalis. causam verò rogatus; *Quia*, inquebat, *horum precibus, vitæ diuturnitatem conciliari mihi posse confido.* Claud. Seissellius.

Vide titulum de LIBERALITATE.

BENEFICIVM ECCLESIASTICVM.

CLEMENS III. PONT.

QVâ moderatione ac circumspectione in Beneficiorum Ecclesiasticorum collatione vsi sint plerique, paucis videndum: vt exemplum præbeamus iis, qui illa contra primæuam eorundem institutionem, hac ætate, non sine graui scandalo, & honorum iniuria, in quoscumque tandem conferunt; affectu humano supra rectam rationis regulam dominante. Vix dici potest, quantum in hoc genere splendoris affecutus sit CLEMENS QVARTVS. Instabant apud eum consanguinei, vt nepoti qui tria Beneficia obtinuerat etiam alterum adiceret. At ille, tantum abest vt infulsæ petitioni

R 3. acquie-

acquiesceret ; quin statim bina ei eripuit , & meritis de iisdem prouidit ; clarè in hanc vocem erumpens : *Non est dignus Petri successor, qui plus cognitioni quàm pietati largitur.* Rarum , & cui neicias an par exemplum. In vita.

CALIXTVS III. PONT.

Eiusdem hic dignitatis & mentis. Pluralitatem beneficiorum aspernatus , priusquam ad sacrum Pontificatus culmé attigisset, vnico dumtaxat contentus , benè illi & piè deserniebat. rogatus autem, cur , cùm posset plura accipere , recusaret ; *Quia,* inquit , *unicam eamque virginem in uxorem peto.*
Ex lib. Rer. memor.

ADRIANVS VI. PONT.

De prioribus Italia, de isto nostrum hoc Belgium se extollet. Ex infimo quippe gradu per solam virtutem in id euectus supra quod ascendi nō potest , rarissimè , & non nisi difficulter cognatos propinquosque ad Beneficia promouebat. Non quidem, quòd si idonei essent, eis non faueret ; sed quia (vt dicebat) *adificare Sion ex sanguinibus nolebat.* docens , sacris in rebus necessitudines sanguinis & nature non esse spectandas. Onuphrius Panuinus in vita eiusd.

LVDOVICVS XII. FRANCO. REX.

Neque hunc latebat sui tēporis abusus ex Beneficiis indignè collatis exurgēs. vnde, vt erat ingenio faceto, cū intellexisset indoctos, & ob id inidoneos, ad Ecclesiasticas Præfecturas euectos ; ita cauillabatur : *Quàm est potior conditio asinorum , quàm equorum !* Quippe cqui cursu defatigantur, vt asinus Præfecturas Ecclesiasticas & Prabendas deferant. meritò indignè ferens, vix vllo habito delectu , quādoque
tam

nam leniter de Ecclesiasticis dignitatibus sine ullo frustra disponi. Hinc laudanda (& utinam ubiuis locorum in praxi obtineret!) illa TRID. SYNODI constitutio, Sess. 22. cap. 4. qua irrita decernitur omnis prouisio, facta ei, qui habilitates ad eam requisitas integrè non habuerit. P. Æmil in vita.

BLASPHEMIA.

Et quomodo punita?

IESVS CHRISTVS.

Irreligiosa se modò offert conuictorum iacula-
trix **BLASPHEMIA**: quam dijs Gentium inuisam docent historiæ: quid ni etiam vero Deo ingrata & abominabilis? Scripturarum seriem percurramus, ubi non ea repressa & punita? **Quin DOMINVS IESVS** sæpiùs, ac præsertim calumniantibus Pharisæis, Hic non eiicit dæmones, sed in Beelzebub principe dæmoniorû: postquam eos falsitatis cõuicissit, subiecit. *Idèò, scilicet ut intelligatis quantum peccetis, dico vobis: omne peccatû, videlicet aliud, & blasphemia remittetur hominibus*, id est, facillè potest remitti per pœnitentiam: *Spiritus autem blasphemis non, id est, difficulter, remittetur*. Blasphemiam Spiritus vocans eam, quæ cõtra manifestam Dei operationem committitur. Hinc addit: **Qui autem dixerit contra Spiritum sanctum, &c.** id est, qui manifesta Spiritus sancti opera dæmoni attribuit, &c. **Matth. c. 12. Marc. 3. Luc. 12.**

LATRO BONVS.

Suspensio ytrimq; cum Christo **LATRONE**, cum populus spectans Christo illuderet; vnus de his qui pendebant latronibus, eius etiam dignitati ver-

blasphemiam derogabat, dicens: *Si tu es Christus, saluum fac teipsum, & nos.* quem alter increpans, respondit: *Necue tu times Deum, quod in eadem damnatione es?* insinuans Blasphemiam, initio sapientiae quod est timor Domini, aduersari.

Luc. cap. 23.

CLERICVS ANONYMVS.

Repressum per illos; at ab his impiè non impunè tamen vsurpatum Blasphemie portentum. CLERICVS quidam multa per vim prætendebat, cumque instante prælio, Missæ sacrificio interesset, ac fortè illud Euangelium occurrisset in quo de humilitate differens Dominus concludit: *Omnis qui se exaltat humiliabitur, &c.* ad circumstantes; ut erat ambitiosus: *Falsa, ait, est hæc sententia. Nam si ego me aduersarijs meis humiliter inclinasset, non tot hodie possessionum ac clientum copias haberem.* Vah impurum tympanotribam, quem secundæ res nimium supra se extulerant. Petrus Damian. Epist. 14. ad Desid. Abbat. cap. 6.

SACERDOS ANONYMVS.

Æquè, at alio in genere impius ille. Aurelium obsidentibus Gothis, Anianus eiusdem Episcopus vnà cum clero Sanctorum Litanias per vrbis muros decantabat: vidēs id SACERDOS è captiuis vnus (quem ne captiuitatis iugum ab oris procacitate coëcebat) cum in acie vrbi vicina versaretur, vocem intendens; *Cassa spe, clamat, duceris Aniane, si verbis abigi aduersarios posse credis: eadem precatōnes validis vrbibus nihil profuerunt.* Audiūt Sancti, & ilicò blasphemum vita spoliant. Greg. Turonens. lib. 2. hist. cap. 7. Sidonius lib. 8. Epist. penult.

IULIANVS IMP. APOSTATA.

Venio nunc ad IULIANVM APOSTATAM, cuius insignes blasphemias horret animus meminisse. Ex Christiano factus Christi persecutor, ex Rege tyrannus, cum suscepto aduersus Persas bello, in ipso praelio diuinitus (vt putatur) lethale vulnus inter costas lanceâ acciperet, sanguine è vulnere in manum recepto, eoque in cælum eiaculato, in hæc verba impiè erupit: *Exple iram tuam Galilæe* (ita enim Christum per contemptum appellabat) *factor, viciisti.* & ita infelicem animam non diu post exhalauit. Sozomenus, Rufinus, Eutropius, Fulgos.

FREDERICVS II. IMP.

Quanta & illius intemperies in vita & lingua fuerit, non inquireret curiosius, qui considerabit vulgare illud, quod frequēs ei in ore dicebat enim: *Tres fuere insignes impostores, qui humanum genus seduxerunt; Moyses, Christus, Mahumetes.* non veritus sentire, quod (vt auctor est Arnob. lib. 1. contra Gent.) olim nonnemo improbus: Christum magum fuisse, & ex Ægyptiorum adytis, potentium Angelorum nomina habuisse. Refert I. Lips. Mon. Polit. lib. 1. cap. 4.

ALPHONSVS X. HISPANIÆ REX.

Mitior quidem huius, sed parum melior vox aut sensus. Solitus Prouidentiam identidem culpare, parum sapienter ac prouidè, *Si principio mundi, aiebat, Deo adfuissem, multa melius ordinatiùsque condita fuissent.* Miselle, quò linguâ & mente abis? at notabile, & hunc regno & priorem imperio priuatos, in publico odio & infamia obijisse. Ibidem.

ANONYMI.

Relatu non indignum, quod Bononię adscribunt probati Scriptores. Cum in conuiuio gallus mira arte assatus dissecaretur, vnus conuiuarum, *D. Petro*, inquebat, *hunc gallum redintegrare impossibile foret.* alius autem, *Quin nec ipse Christus id passeret*, subiungebat. Ad has voces, res mira! gallus profilit, & collatis alis iusculum quo erat perfusus in discumbentium ora diffudit. Blasphemi verò leprâ hereditariâ puniti. Vincent. lib. 25. cap. 64. Spec. exempl. recens editum.

IOANNES ZVVICKIUS.

Ista alterius, hæc nostri æui & soli: quorum relatione hinc chartam adhuc maculo. Oliucrio Tempelio Hallensis Hannoniæ opidi expugnationem cogitante, IOANNES ZVVICKIUS homo non religionis solum & vitæ improbus, sed & linguæ, canere triumphum re infecta, & palam inclamare cœ, it: *Ego meis manibus Hallensi muliercula* (statuam B. Virginis crebris miraculis illustrem appellans) *nasum abscindam.* Audit Diua, & quasi talionis pœnam machinata, procurat mox vbi ad vrbis muros peruentam, illi ipsi scurræ plumbeâ glande nasum auferri. en vindictam: quam perpetuus subsecutus est sarcasmus, iocosus tamen, inter commilirones, qui hominem identidem ad nasum recipiendum Hallas mittebant.

I. Lipsi. de Diua virg. Hallens. cap. 7.

IOANNES RYSSELMANNVS.

Eadem expeditione iste sacrilego ore profuderat; *Statuam illam Hallensis Maria, Bruxellam faxo ut deferam* (agebat enim isthîc præsidarium) *& igne subiecto palam concremabo.* Audijs & hunc Virgi-

Virginis filius, atque impio illi blasphemum in suam matrem os, mentumque & mentem, tormenti ictu abstulit. Ibidem.

BONA FORTVNÆ.

ALPHONSVS MAGNANIMVS ARAG. REX XVII.

FORTVNÆ BONA, exteriore specie delictabilia, in se tamen fucata & mundanam fragilitatem præ se ferentia, attingimus: & te, inclyte ALPHONSE, eadem despicientem. qui rogatus, quænam felicem diceres; *Eum*, inquis, *qui, cum hac bona fucata sibi maximè arriserint, eadem deserit.* Legerat quandoq; illud Senecæ in Agamemnone:

— *Quicquid in altum
Fortuna tulit; ruitura lenat.*

Modicis rebus longius auum est.

Lucius Marinus Siculus, lib. 11. de Rebus Arrag.

CAROLVS V. IMP.

Iam ætate maturus, ac bello fractus, in Cœnobium regulariū D. Hieronymi secesserat. ad quem visendum cum venisset Franciscus Borgia, ac post triduum recessum pararet, ducentos aureos ab eo dono accepit. qui & dixit: *Exiguum id munus testor: sed iam bonis exutus, priuatam personam gero. cuius si statum consideres, numquam a me maius beneficium accepisse cognosces.* Ribadin. in vita Borgiæ lib. 2. cap. 12.

Vide Apophtheg. de CONTEMPTV MVNERVM & PECVNIARVM NEGLECTV.

BONVM.

BONVM.

LVDOVICVS BAVARVS.

DE vero Bono acturis præsentem se exhibet
LVDOVICVS BAVARVS: qui inquirenti, quæ-
nam bonorum nomine intelligenda censeret, ait;
Sola bona, quæ honesta. Ita ante eum in Paradoxis
Cicero. Heu quàm multi ab hoc scopo declinant,
quibus in ore & corde:

— *Querenda pecunia primum,*
Virtus post nummos. —

ANONYMVS.

At difficilis inter homines veri BONI cognitio.
vnde rogatus vir prudens & disertus, cur homo
facilius ad aliarum rerum quàm veri BONI cogni-
tionem deveniret; *Defectu*, inquit, *recti indicij.*
velut enim apud Plutarchum, Scythia iuravit, se mal-
le audire hinnientem equum, quàm canentem cytha-
rædum; ita paucis inest veri BONI sensus. quod venu-
stè admodum & doctè suo ævo etiam expressit Lu-
uen. Sat. x. cùm ait:

Omnibus in terris, quæ sunt à Gadibus usque
Auroram & Gangem, pauci dignoscere possunt
Vera Bona, atque illis multùm diuersa, remota
Erroris nebula. Quid enim ratione timemus,
Aut cupimus? quid tam dextro pede concipis, ut te
Conatus non pœniteat voti quæ peracti?
Ioan. Cuspin.

BONVS VIR.

CLEMENS ALEXANDRINVS.

RAram autem in terris producimus in mediũ
VIRVM BONVM: de quo rogatus aliquando
CLEMENS

CLEMENS ALF. ANDRINVS, quid sentiret; *Eum*, inquietabat, *hoc nomine appellari posse existimo, qui paucissima desiderat.* Semper enim inops quicunque cupit. Theat. vitæ humanæ.

PETRVS ALDOBRANDINVS CAR.

Hic sciscitanti, quodnam in terris potissimum referant mortales ex virtute præmiū; *Vt viri fiant*, inquit. Præclara vox! vir enim à virtute, & est & dicitur. Henric. Farnes. in Apoph. de Principe.

IDEM

Frequentiùs dicebat: *Bonis viris leges scriptæ non sunt, quia ultrò quod honestum est sequuntur.* quia *Oderunt peccare boni virtutis amore.* Ibid.

EVGENIA PHILIPPI FILIA.

Huic sola ea cura, vt viro bono desponfaretur. Cùm itaque eam pater in coniugem tradere destinasset filio Præsidis Aquileæ, iuueni moribus & forma corporis insigni, non tamen Religione orthodoxa imbuto; ita eum affatur: *Pater, maritus moribus non natalibus eligendus: illo enim, non parentibus eius utimur.* quod pulchrè expresse Poëta:

Aliena laudat, qui genus laudat suum:

At sua laudat, mores qui probat suos.

Theat. vit. hum.

Vide titulum de PRINCIPE BONO.

BREVILOQUENTIA.

PAPIAS S. IOAN. EVANG. DISCIP.

QVàm verum sit illud Aufonij,
Nemo silens placuit, multi breuitate loquēdi;
in præsentī dicendum. PAPIAS D. Ioannis Euangelistæ discipulus, videbat multum sermonis procacitate & cōpia Dei veritatem lacerari, & ad populum

lum conuersus; *Non, inquit, multa dicentibus, sed pauca & vera tradentibus auscultandum.* Euseb. hist. Eccles. lib. 3. cap. 39.

PAMBO ABBAS

Præclarus hac in re vir. Theophilo namque Episcopo se aliquando adeunti, & si spiritualem refectiorem postulanti; *Si, inquebat, taciturnitate mea & verborum raritate non reficeris, neque sermonibus meis reficeris.* Hist. Tripart. lib. 8. cap. 1.

S. ANTONIVS EREMITA.

Non minor hic Eremita quàm Breuiloquij cultor existit. Reuersus quippe ad discipulos, cum multa de Paulo Eremita intricatè diceret, eò quòd eidem Athanasij pallium laturus, reditum pararet; discipulis multa inquirētibus, solum hoc responsum præbuit: *Tempus loquendi, tempus tacendi.* Breuis vox, si literas & syllabas spectes; si sensum mentemque dicentis, perampla. Hieron. in vita Pauli primi Eremi.

ANONYMVS.

Iurisconsulto pluribus verbis rem exiguam per ambages deducere, ait non illepidè quidā illud Pythagoræ; *Hand est artis multis pauca, sed paucis multa dicere: si enim prius ex arte reputetur, quis eo in genere superabit hirundines aut picas?* Hinc benè monet in arte Poëtica Horat.

Quicquid præcipies, esto brevis: ut citò dicta

Percipiant animi dociles, teneantque fideles.

Ex lib. Rer. memorab.

FERDINANDVS IMP. & MILES.

Fideli relatu ad me peruenit, FERDINANDO Cæsare orbis habenas moderante, quendam, quòd multis annis eius obsequio se deuouisset, ac vitam
non

non semel ancipiti periculo exposuisset, solutionem effligitasse. Insinuatur IMPERATORI, adesse veteranum militem qui se praestoleretur. at ille, In aliud, magisq; opportunū tempus redeat oportet, inquit. MILES, quid ageret? instat, vociferatur: *Ecquid, inquit, tantūmne itineris frustra confecero? tribus tantūm verbis omne exequemur negotium: neque res magna est, Imperatorem tribus duntaxat verbis praebere aures.* Defertur iteratū ad FERDINANDVM: qui importunitate hominis victus, Veniat, inquit, ea lege, vt non plura quā terna verba deproinat paret alter, & ad Imperatorem ingressus, cū rogaretur, quid peteret. ita effatur: *Solutionem vel dimissionem.* cui FERDINANDVS replicādo, *Non dimissionem, ait, sed solutionem.* Incerti auct.

CÆCITAS.

PYGMENIVS PRESB. ROMANVS.

QVām grata nonnullis, ex se alioquin formidabilis, & perpetuæ noctis imaginem referēs CÆCITAS; monent illi ipsi, eī ordine prosequamur. Principatum inter eos obtineat PYGMENIVS: qui nihil æquius in vita tulit, quā se luminibus priuatum, ne Ecclesiæ hostes vel inuitas deberet intueri. Quare Iuliano Apostatæ factus obuius; qui ironicōs dicebat, Gratias dijs ago PYGMENI, quōd te videam; constanter respondit: *Et ego gratias ago Deo meo, quōd te non videam.* Tanto animo cæcitatem tulit, quanto tyrannum despexit. Beda in Martyr. Sabell. lib. 5 Euseb. & alij.

INARIVS CHALCEDONE. EPISC.

Consimilem expertus fortunam, non dissimilem
etiam

etiam constantiam exhibuit. Nam cùm ei crebriùs insonaret præfatus Apostata, Galilaum suum (ita Christum familiari voce per contemptum vocabat) pro visu recipiendo, quem ei senium & vigiliæ ademeraut, deprecaretur: animosè in eum debachatus; *Gratius*, aiebat, *ago Deo, qui mihi visum ademit, ne te hominem tam impium aliquando vel inuitus videre cogerer.* Fulg. lib. 6. cap. 2. ex hist. Ecclesiast.

ANTONIUS EREMITA.

Intellexerat & hic Didymum ægriùs ferre oculorum & luminis orbitatem. Quare ad eum properans; *Nihil*, inquit, *ô Didyme te offenda, quòd carnalibus oculis tibi orbatu videris: desunt quidem tibi oculi animales; sed latere, quòd eos habeas, quibus Deum videas.* parum esse reputans oculis corporis privari, modò mentis lumen in nobis retineamus. Hist. Eccles. Euseb. & Tripart.

I D E M

Iteratò Didymum affatus, rogabat, vtrùm se oculis captum doleret; eoque subticente, vrgebat responsum, ac tandem mœrorem fateretur, compellit. quo cõfitente, rursus ANTONIUS: *Miror virum prudentem eius rei dolere damno, quam formica & culices habent; & non latari illius possessione, quam Sancti soli & Apostoli meruerunt.* Insinuans, oculos mentis potiores corporeis luminibus. Socrat. lib. 4. Hist. c. 20.

PETRVS ABBAS CLARÆVALL.

Hic quoque oculorum lumine orbatu, dicebat: *Quam gaudeo, me è duobus inimicis, alterius molestia liberatum.* Marull. lib. 5. cap. 4. Sabell. lib. 3. cap. 7.

THEO.

THEOTIMVS ANONYMVS.

Ad alios transeo, qui magnum & præclarum illud oculorum donum, exiguæ voluptatis pretio, imprudenter non minùs quàm impiè commutarunt. Quis hoc loco B. Ambrosium fileat? qui de THEOTIMO quodam refert, quòd cùm grauitè ex oculis laboraret, eique à medicis coeundi cum vxore interdiceretur facultas, nisi oculis omnino priuari mallet; libidinis impatiens, ac parère recusans, cùm in ipso æstu se iam oculis orbari sentiret, clamarit: *Vale amicum lumen.* Quàm benè ille, & meritò cum Ethnico illo Rege exclamaret, Hei quantum bonum brevis voluptatis causa perdidit! Amb. sup. Luc. cap. 4.

POTOR ANONYMVS.

Eiusdem farinae iste. oculorum lippitudine afflatus, medicum vitiato lumini medelam flagitat. ille, Facilis ea erit, inquit, modò fomitem & mali huius cuiusdam tollas, potationem. ad quod ira pænè succensus noster Bacchicola, *Quid, inquit, potationem? non fecero, ut quoad vino delicias meas oculis postponam.* Ergo, subinfert medicus, omni lumine priuandus. *Esò,* ait POTOR; *malum certè cum incunditate oculos perdere, quàm cum dolore eos vermis in escam conseruare.* Auct. Serm. conuiual.

CALLIDE DICTA.

INNOCENTIVS VII. PONT. MAX.

NON acumen solùm dicendi suam habet vernerem; sed magis si in eo aliquod calliditatis, non malitiosæ tamen, specimen concurrerit. probat dicto factoque INNOCENTIVS VII. Huius

G

enim

enim mandato, cùm Andreas Mantineas pictor egregius Sacellum in Palatio Vaticano adornasset, Sacerdotium aliquod siue munus, Latino vocabulo Beneficium, filio suo per Pontificem dandum frustra sperabat. Iubente itaque eo septem vitia capitalia pingere, de industria fecit vt vacaret locus in quo ingratitude exprimeret. Interrogatus autem à Pontifice, cùm septem tantùm vitia sint, cur octauum addiderit; Tum, inquebat, quòd locus vacaret, tum quòd nullum vitium ingratitude magis inuisum. At INNOCENTIUS re intellecta; *Rectè tu sanè*, ait: *at quoniam ex hoc latere octo vitia apparent, quamuis septem tantùm sint; ita è regione, septem illis virtutibus, extra ordinem adiunge Patientiam.* Bern. Scardeonus, lib. 3. Hist. Pat.

EPISCOPVS ANONYMVS

Meritò priori adiciendus. Burgundi nobiles dum opiparo instructo conuiuio loci Antistitem aduocassent, virum doctum & facetum; vt sit inter sermocinandum, quidam mirari se dixerunt, suum Episcopum parum si annos spectent maturum, tantam caluitiem gerere, pilosque ante determinatam à natura ætatem decidere. cumque eius rei diuersum motiuum causamq; diuersi proponerent, quin & medicinæ peritos consulendos dicerent; *Minimè*, inquit ille, *medicorum consilio mihi opus: non enim natura defectum incuso, sed vos ipsos, qui me depilatis.* Callidè insinuabat suos nobiles admodum in id intendere, vt Ecclesiasticorum Prælatorum possessiones imminuant, & quilibet pilum aliquem suo capiti ex aliena cæsarie reportet. *Auct. Serm. conuiual.*

SIG.

SIGISMVNDI IMPERAT. ASSECLA.

Ciuiles nunc producimus, & inter eos primùm virum nobilem è familia Sigismundi. Ille etenim, cùm Sigismundo fluentum equo traiciente, fortè equum in medijs aquis vrinam reddere conspiceretur, facerè & callidè, *Quàm hic equus perfimilis, ait, est domino suo?* Eius autem rei causam requirenti Cæsari, eadem qua priùs libertate, *Hic enim equus, inquit, huius fluminis abundantiam sua vrina augere amplius enititur: ita etiam tua Maiestas erga eos se exhibet liberalem, quibus est omnium rerum vbertas.* Callidè licet iucundè insinuabat, Imperatorem debere esse, erga quosuis beneficum, qui benè de se meriti. Math. Castrit. de Hero. virt.

FRANC. SFORTIA.

Facetè ille, hic grauitè. Cùm enim insidijs armisque Pauli Vrsini exterritus profugisset vrbe Roma, & in Algido castra metatus esset, missus ad eum S. Angeli Cardinalis legatus; qui inter alia, *An, inquebat, SFORTIA Vrsum timebis, cùm sis sub columna tutissimus?* cui ille extemplò: *An non tibi Pater insanus videbor, si dum frustrà à surdo marmore opem imploro, bellua ingens, dente ac ungibus ferox, & humano sapè gressu incedens, mihi minime sit formidanda?* Non illepidè remota Columniorum auxilia designans, & Pauli Vrsini ingenium depingens. P. Iouius.

ANONYMVS

Interfuerat orationi admodum insulse, & nullius veneris. cùmque eum de re feliciter acta Orator exultàs rogaret, Numquid benè mea oratione misericordiam moui? *Magnam, imò maximam, re-*

spondebat ; *neminem namque fuisse existimo tam durum, cui oratio tua admodum miserranda non sit visa.*
Auct. Serm. coniuual.

HYRVS DVX MILITIÆ.

Adiungit se ceteris HYRVS Caroli VII. Franc. Regis auspicijs aduersus Britannos Dux. Hic enim, dum Rex cunctaretur vt melius voluptati operam daret, vrget, exercitui de necessarijs prouideatur. cūque eadem à Rege exspectaret, voluptatum apparatus, ludos & puellas ei exhibuit, petijtque quid de illis sentiret; Cui HYRVS: *Nunquam alium Regem, qui latius sua perderet, me vidisse.* Cuius dicti aculeo tactus Carolus, resipuit. Fulgos. lib. 6. cap. 2.

HISPANVS ANONYMVS.

In aliena causa iste, hic in propria. postulabat ab Alphonso Castulonensi rege Præfecturam Toleraniam. Quem cū Rex prima fronte reiiceret, quod iunior esset: indignabundus, *Et tu, ait, Princeps, cū adhuc lacte te infantem nutrix aleret, iam Rex eras: & quàm multi magnis officijs persunctorum, qui pueri tecum luserunt. Me ergo, quod tecum nunquam luserim, etate ingenioque parum valere existimas?* Mouit Alphonsum ea libertas, voti que compotem eum fecit. Fulgos. lib. 6. cap. 2.

CALVMNIA.

IESVS CHRISTVS.

Ad CALVMNIAM pergimus: quæ vt cum iniuria prolata, vitiola est; ita sapius iustæ castigationi permixta, reprehensione caret. Quo modo ea non semel vsus aduersus Phariseorū improbita-

probitatem SALVATOR : & quidem venientibus ab Ierosolymis Scribis & Phariseis , & rogantibus; Quare discipuli tui transgrediuntur traditionem Seniorum ? non enim lauant manus, &c. gravissimum in eos crimen retorquet, dicens : *Quare & vos transgredimini mandatum Dei, propter traditionem vestram?* id est, melius observatis ea, quæ vos præcipitis, quàm quæ à Deo profecta. Matth. cap. 15.

IDEM

Accedentibus Sadducæis, & signum de cælo postulantis, respondit non sine indignatione ; *Generatio mala & adultera signum querit : & signum non dabitur ei, nisi signum Ionæ Prophete.* Ibid. cap. 16. Marc. 8. Luc. 12.

AGAPETVS ROM. EPISC.

At quia longum foret persequi quoties idem DOMINVS ei aculatas in se calumnias retorserit, offert se mihi Christo in hoc genere proximus AGAPETVS. Qui à Theodato Gothorum per Italiam rege Constantinopolim Iustinianũ placaturus missus, cùm eum Eutychianæ hæresis labe infectum deprehendisset, magno eoque libero animo dicebat : *Ad Iustinianum Christianissimum Imperatorem venisse me arbitrabar : sed, quantum intueor, ad Diocletianum veni.* Iusta, licet calumniosa reprehensio, nec minori idcirco laude digna. Hist. Eccles.

ANTIOCHENI.

Nec malè illi. contententes frequentius cum Apostata Iuliano, multa in eum iactabant: cùmque rerum omnium pretia imminuisset, ac barbam prolixiorem aleret; *Tondeatur*, clamitabant, *eius*

barba, ut ad funes conficiendos proficit. Et quoniam superstitionis suæ causâ, taurum idolis immolare assueuerat, tauri imaginem in solido suo formari præcepit; quam videntes ANTIOCHENI, rursus eum proscindentes, iactitabant: *Iste taurus euer- tet mundum.* Hist. Tripart.

S. THEOPHILVS.

Impius iste aliquando, at postmodum iuxta sui nominis etymon, Sanctorum catalogo adscriptus; cum Dorotheam virginem iudicis Prætorium e- gredientem, Deo gratias agere, quòd ad Paradisum hinc euocaretur, audiuisset: in eam hoc modo (erat quippe Sapritij Præsidis aduersus Christianos cau- fidicus) calumniabatur: *Eia tu, quæ dicis te spon- sam Christi, mitte ad me de Paradiso sponsi tui mala & rosas.* quod eam fecisse, & suum calumniatorem in martyrij societatem traxisse, subsecutus euentus docuit.

Sur. tom. i. in vita,

FREDERICVS III. IMP.

Vide CONTVMELIA.

DUX SAXONIÆ FREDERICVS.

Claudam hoc agmen inclyto FREDERICI Ducis inclyti exemplo. Ille, (quod utinam in omnibus nostri sæculi Principibus foret) aures calumnian- tibus obturare solitus: &, si qui fortè ex ea homi- num fæce molestiores essent, *Accipiam*, inquie- bat, *delationes vestras, si coram presentibus in faciem dicturos spondeatis, quæ de absentibus desertis.* assen- tiuntur namque aliquando delatoribus Principes, re non explorata in præiudicium innocentis.

Peuccerus in Lect. Chron. An. 1572.

Vide Apoph de MALEDICENTIA, & CONVI- TIIS, item LIBERE DICTIS.

CAN.

CANTOR.

BRYSAEVS PRÆSES PARISIENS.

Cantandi peritiam & vsum, non admodum
vtilem & decentem Principibus viris, suo di-
cto explicauit BRYSAEVS Conc. Parisiens. Præses.
qui, cum à Rege Anglorum ad Ludouicum xi.
Franc. Regem Oratores mitteretur, & ille quo mu-
nere eos donaret (meditabatur enim munus ali-
quod exigui pretij) inquireret; respondit: *Turba*
cantorum tibi est, quorum melodij parum oblectaris,
eos tamen magnis impensis alis: quos, quia facile care-
bis, Oratoribus vniuersos dando censeo. Gaguinus
in vita Ludouici.

ALPHONSVS ARAGONVM REX.

Quid verò ARAGONIVM ALPHONSVM memo-
rem? Obstrepebant (vt in Principum aulis) tibici-
nes, & varijs clangoribus eius aures obtundebant:
ille arrepto, quod fortè ad manum, Ciceronis vo-
lumine, clara voce intonare cœpit: *Apagite Musi-*
ci, apagite. adest qui mecum dulciora misceat,

Princeps Romani Tullius eloquij.

Panorm. & Æn. Syl. de Dict. & Fact. eiusd.

ANONYMVS.

Alius mentis iste. Filium quem vnicū ex conti-
ge suscitauerat, bonarū artium disciplinis cum in-
stituisset; Musices artem & cantandi peritiā tandem
addiscere eum imperauit. dicebat enim: *Per hæc*
(Cantum videlicet & Musicam) ingenium mollitur:
nihilque post exantlatos labores homini gratius eueni-
re potest. Quàm scitè & benè Horat. in Arte Poët.

Dictus & Amphion Thebane conditor arcis,

*Saxa mouere sōno testudinis, & prece blanda
Ducere quò vellet. ———*

Auct. Rer. memorab.

CASTIGATIO. CORREPTIO.
REPREHENSIO.

I E S Y S C H R I S T V S.

Quāntum boni iusta CASTIGATIO correptio-
quē secum adferat, substitutis clarissimorum
virorum imaginibus prosequemur. Primus huius
aciei ductor ipsa Veritas C H R I S T V S: qui, sa-
nata ipso Sabbato muliere, quæ duodeuiginti an-
nis infirmata fuerat, ob id reprehensus ab Archi-
synagogo & Phariseis; *Hypocrite*, aiebat, *vnusquis-*
que vestrum non soluit bouem aut asinum à præsepio,
& ducit adquare? hanc autem filiam Abraha, quam
alligauit satanas decem & octo annis, non oportuit solui
à vinculo isto die Sabbati? additque Euangelista:
Cum hoc diceret, erubescabant omnes. Optimai illa
& vera Apophthegmatis natura. Luc. cap. 13. &
simile habes Matth. cap. 12. & Marc. 3.

S. FRANCISCVS

Sui Domini ac Magistri egregius imitator. Pe-
tenti cuidam ad Ordinem à se institutum recipi,
cū dixisset pauperibus sua distribueret, si paupe-
rum consortio iungi vellet; & is parum memor mo-
nitorum, in amicos omnia sua transtulisset, redeun-
ti ad se, dixit verus pauperum Patriarcha, dura eum
feriens increpatione: *Vade viam tuam frater musca:*
nondū existi de domo & cognatione tua: à carne incepti-
sti, & rimosum spiritali fabricæ fundamentum colloca-
sti. Indignum enim pauperū societate eum reputa-
bar,

bat, qui pauperes defraudasset. Sur. tom. 5. in vita.

PAVLVS PONTIFEX.

Hic quoque, cū Iudæum quendam, qui quæ-
stus gratia varijs in locis Baptisimum suscep-
erat, baptizare vellet: & subitò è baptisterio aqua eua-
nuisset, dixit: *O homo, aut veteratoris partes agis, aut
Baptismum ignorans suscepisti.* Socr. lib. 7. Hist.
Eccl. cap. 17.

EDOVARDV5 ANGLIÆ REX,

& PHILIPPVS VALESIV5 REX FRANC.

Illa exempla inter sacros. quis nunc carpet vnū
aut alterum ex Ciuili ordine inseri? Cū regalibus
Angliæ insignibus (videlicet Leopardis) etiam
Franciæ Lilia coaptasset EDOVARDV5, & ob id à
PHILIPPO Francorum Rege redargueretur, quat-
tuor hos versus, barbariei illius ætatis indices, ad
eum remisit:

Rex sum regnorum bina ratione duorum:

Anglorum regno sum Rex ego iure paterno;

Matris iure quidem Francorum nuncupor idem.

Hinc est armorum variatio facta meorum.

quibus PHILIPPVS illicò alios hos eiusdem valo-
ris & ponderis replicauit:

Prædo regnorum qui diceris esse duorum,

Francorum regno prinaberis atque paterno.

Matris ubique proles ius semper non habet ullū.

Succedunt mares huic regno, non mulieres.

Hinc est armorum variatio stulta tuorum.

Corozetus.

LVDVICVS XI.

Subtilis hic & industrius. cū fortè ad eum
venisset quidam ex Ducibus, latum expeditionis
ante Cameracum factæ nuntium deferens, qui &

G 5 ponde-

ponderosum torquem (quem ex reliquijs spoli-
rum Ecclesiæ Cameracensis conflatum Rex suspi-
cabatur) circum collum gestabat, & alius eum ma-
nu contingere niteretur; clamabat Rex: *Cave, ne te
sacrilegio commacules; est enim res sacra.* Subtiliter
taxâs suum Ducem, quod etiam rebus sacratis ma-
nus commaculasset. *Corozetus.*

SANGVINEVS LVCRETII CVIVSDAM FILIVS.

En quanti mali scintilla, neglecta castigatio. Nar-
rat Boëtius de SANGVINEO illo, quod, cum nimium
in castigando corripiendoque remissum se gessisset
pater, ille ob delicta laqueo adiudicatus, patri ex-
tremum vale daturus, nasum dentibus præciderit,
dicens: *Si me à teneris corripuisses, huc non devenis-
sem.* Verè ille & benè:

Blanda patrum segnes facit indulgentia natos.

Boët. de Disciplina Scholar.

Vide Apoph. sequentia, & de REPREHENSIONE.

CASTIGATIO MODESTA.

IESVS CHRISTVS.

Quemadmodum verbum bonum (vt est in
Prouerbio) multiplicat amicos, ita & mode-
sta castigatio. Testis erit DOMINVS noster, qui Ni-
codemo, quem secum differentem audiuerat, per-
contanti, Quomodo homo iterum nasci posset?
nō quidem de se incredulo, sed de modo dubitanti;
modestè respondit: *Tu es magister in Israël, & hæc
ignoras?* q. d. Tu legem quam doces, ignoras? Re-
darguit ergo eum, quod de modo huius regenera-
tionis tanquam dubius inquireret, qui tamen eum
ex le-

ex lege, vt doctor, scire deberet. Ioan. cap. 3.

IDEM

Ætate adhuc tenellus, repertus à parentibus in templo, cum Legis peritis differens; dicentibusque illis, Fili, quid fecisti nobis sic? magna animi modestia, *Quid est, inquit, quòd me querebatis? nesciebatis, quòd in his quæ Patris mei sunt, oportet me esse?* Luc. cap. 2.

BENIAMIN DIACONVS

Cùm in carcerem missus ab Isdigerde Persarum Rege fidem negare iuberetur; eam iussionem corripiciens, *Quo, inquit, ô Rex, honore dignus, qui suum relinquens regnum, inuadere nititur alienum?* dicente autem illo, *Mortis supplicio.* sapientissimus DIACONVS respondit: *Quid ergo non iuste patiatur homo, qui Mundi creatorem deserens, vnum conseruorum suorum deificare voluerit, & illi debitum cultum, alteri exhibuerit?* Theodor. hist. Tripart. cap. 33. lib. 10.

S. EPHRÆM.

Suprà de ADMONITIONE.

Item vide Apophth. de ÆTERNITATE.

CASTIGATIO DVRA, ET SEVERA.

S. BASILIVS.

DVrilis quidem ille, non tamen extra omnes modestiæ terminos. Cùm enim cum Valentis Imperatoris coquus primarius, Demosthenes nomine, audacter reprehendisset, sermonem barbarissimo inficiens, subridens aiebat: *Hem! vidimus Demosthenem sine literis.* Illo verò stomachando progrediente, *Tuum est,* iubebat BASILIVS. *solerter inspicere,*

spicere, quomodo fercula condiantur: nostrum, quâ ratione sacra mysteria tractentur. Theod. lib. 4. cap. 17.

PAMBO ABBAS.

Non minùs hic sapienrer ac seuerè illo altero. Nam cùm ad eum B. Nelania vasâ argentea trecentarum librarum detulisset, rogans vt rerum suarum esset particeps; dixit: Deus tibi mercedem rependat. cumque illa benedictionem expectaret, Domine, inquit, vt scias quantum sit, sunt 300. libræ argenti. cumque is ne ad hoc quidem annueret, tandem silentij claustrum abrumpens, *Ea, inquit, à te attulisti filia, non est quòd sciam quantitatem ponderis. Qui enim montes & sylvas appendit staterâ, multò magis nouit quantitatem tui argenti. Si auerem mihi hæc dares, rectè pondus diceret: si Deo qui ne obolos duos despexit, tace.* Seuerè castigabat promittentes in bono illo opere inanis gloriæ stimulos. Pallad. in vita.

S. ANASTASIA MARTYR.

Emicuit quoque nobilis hæc Seueritas in fæmineis pectoribus. ANASTASIA namq. à Põtifce idolorum rogata interpretationem sermonis cuiusdam à se prolatis; *Tu, aiebat, non es, qui hoc discas. Nemo enim qui sapit, commiscuit vnguentum vasi putri.* Meminerat illius Sponsi sui, non oportere margaritas effundi ante porcos. Sur. tom. 6. in vita.

CASTIGATIO LIBERA.

IESVS CHRISTVS.

FRequens liberæ castigationis apud eum vsus: quod vel tunc potissimùm comprobauit, cùm iam

iam manibus traditus nocentium, crebrius in eos insultaret, diceretque: *Tanquam ad latronem existis cum glady & fustibus comprehendere me? Quotidie apud vos sedebam docens in templo, & non me tenuistis.* Matth. cap. 26.

S. PAVLVS APOST.

Non minori libertate Vas electionis PAVLVS: productus enim in Concilium, cum Princeps Sacerdotum Ananias os eius percuti iussisset, insurgens, *Percutiet te Deus, Paries dealbate*, inquit, & *tu sedens iudicas me secundum legem, & contra legem iubes me percuti.* Verè animosa & constantie index reprehensio. Act. cap. 25.

S. REMIGIVS.

Dum Clodouæum cum tribus Cathecumenorum milibus ad baptisterium procedentem, & inter candidatos magnificè apparentem, altos & Christianæ humilitati dissentaneos præ se ferentem spiritus intueretur Antistes REMIGIVS; *Mitis*, inquit, *depone colla Sicamber: adora quod incendiisti, incende quod adorasti*, hoc est, inanibus deorum simulachris exultis, deinceps Deum verum in basilicis quas igne prius vastabas, agnosce & venerare. Grauis & efficax castigatio, non sine fructu prolata. Hincmarus in vita. & Greg. Turon.

S. IOANNES CHRYSOSTOMVS.

Et hic personam cuiusvis respicere nescius, dum statuam Eudoxiæ Augustæ, quæ non procul ab Ecclesia sua erecta, loco derurbare vellet; iniquè feriēs Augusta, aduersus eum Synodum conuocare parat. quod ille suspicatus, notissimam illam in Ecclesia protulit Homiliam, cui exordium: *Rursus Herodius insanit, rursusque turbatur: denuò saltat, de-*
nuò ca-

nudò caput Ioannis in disco concupiscit accipere. Socrates Tripart. hist. lib. 10. c. 15.

S. ELEVETHERIVS.

Illum etiam dum multis blanditijs aggredere-
tur tyrannus, vt à cōstantia mentem repelleret, pro-
bra hæc ab eodem remunerationis loco accepit : *O
lupe Arabice, qui Christi onibus insidiaris: nunquam
mihi persuadebis, vt ab hac pia constantia desistam.*
Metaphr. Lippom. tom. 2.

SERGIVS II. PONT.

Vide CHRISTIANISMVS.

CASTITAS.

IESVS CHRISTVS.

VNde te, virorum pariter ac fæminarum de-
cus, & præcipuum firmamentum, inuocem?
Tu illa es, quæ sub iugo rationis, imperum fœdæ li-
bidinis refrænas, per edomitas vitiorum furias (Au-
gustini verba refero) munda & honesta totius cor-
poris habitudo. Ades igitur & cognosce, quàm
præclarè de te sentiant omnes boni. Et quidem illi-
batæ pudicitie fons CHRISTVS IESVS, multis ad se
concurrentibus, cùm multa præclarè in parabolis,
dixisset, mirum in modum hanc virtutum omnium
altricem commendauit, vbi ait : *Sint, lumbi vestri
præcincti, & lucerne ardentes in manibus vestris.* Ec-
quando enim lumbos præcingimus? nisi (vt expo-
nit Gregorius Homil. 13. in Euang. l.) dum carnis
luxuria per continentiam coarctamus. Luc.
cap. 12.

B. VIRGO MARIA.

Vide titulum de ADULTERIO.

S. PETRVS

S. PETRVS APOSTOLVS.

Quid autem de Apostolorum Principe dicemus, qui huius virtutis amore coniugem repudiavit? Hinc pro se alijsque confidenter loquitur: *Ecce nos reliquimus omnia, & secuti sumus te: quid ergo erit nobis?* quibus verbis se vxori quoque renuntiasse, vel ex eo constabit, quòd CHRISTVS ilicò hoc responsum subnectat: Amen dico vobis, nemo est qui reliquit domum, aut parentes, aut fratres, aut vxorem, aut, filios, propter regnum Dei, &c. *Quin* Ethnicus Poëta Tibullus in Epistolis inquit;

*Vos quoque abesse procul iubeo, discedat ab aris
Cui tulit hesternâ gaudia nocte Venus.*

S. IVLIANVS ANTIOCHENVS MARTYR.

Hoc etiam in eo mirabile, quòd nuptijs cum Basilissâ virgine celebratis, suscepit perpetuæ castitatis votum; quo factum, vt brumæ tempore, rosarum ac liliorum fragrantiam in cubili senserit: stupescentiq; puellæ ac roganti, *Quis hic odor?* ille, *Virginalis munditiæ*, respondit. cuius quidem suauitate capta, à virginitatis seruandæ proposito nunquam recessit. Sur. tom. i. Marul. lib. 4. c. 7.

S. VANDO ABBAS.

Non minor casti propositi constantia Abbatis VANDONIS fuit. Pipini enim nepos, à Dagoberto regni successore ducere vxorem compulsus: neque tamen vt castitatem violaret, potuit compelli. Nuptam itaque hoc modo alloquitur: *Quæso, Deo potius, quam Mundo seruiamus.* itaque matrimonio nondum consummato, vterque monasticam vitam amplectitur; & dum in Spiritu seminant, de spiritu vitam æternam metunt. M. Marulus ibid.

THEO-

THEONAS SCHYTIOTICI MON. ABBAS.

Et ipse non sibi, sed parentibus obsecutus, conjugij iugum tulit. cæterum quinquennium coniugij emensus, de continentia seruanda deinceps cogitat. quod cum vxori frustrâ suadere etiam nititur, tandem ait: *Ego te ô mulier abstrahere à morte non possum, nec tu me separabis à Christo. Melius est mihi cum homine, quam cum Deo habere dinortium.* Verè insignis animi index vox. Cassianus
Coll. 21. cap. 9.

S. ÆGIDIUS.

Deus bone! quantus castitatis sectator cultorque ÆGIDIUS? cui in ore aliquando: *Quid nos Deo magis commendat, ei que charos reddit, nisi illa mentis castitas, qua sensus omnes custodit.* cumque in laudanda castitate progredieretur, quidam matrimoniali vinculo constrictus, Ego, inquit, vxore mea contentus, alijs fæminis abstineo. Cui ÆGIDIUS: *Putas non posse hominem ex proprio vino inebriari?* Sur. in vita, tom. 2.

S. BERNARDVS.

Insignis etiam Pudicitie custos hic existit. cum enim tertio ad eum intempesta nocte venisset forma eiusdem capta, impudica mulier, vt ad flagitium cum pelliceret, manu ac voce, Fures, inclamat, & latrones. Arguunt primo manè socij, quod somnando immoderatiùs clamasset, Latrones. quibus, *Verè, inquit ille, & extra iocum somniumque latrones aderant: nam mulier quedam pretiosissimum pudicitie mee thesaurum ablatura, tertio venit.*

Auct. vitæ ipsius lib. 1. cap. 3. Sur. tom. 1.

THOMAS II. EBORAC. EPISCOPVS.

Dignus quoque memoria sæculorum iste. Cui agrotan-

agrotanti dum medici solum fœmina: vsum morbo remedium adferre possẽ iudicarent, easque adhiberet vrgerent incunctanter, cùm illi, tum consanguinei; & iam fœminã decentis formæ adduxissent, noluit eam contingere; inquiens: *Propter salutem carnis tãdem moritura, immortale Pudicitia decus nõ amittam.* Preclarè de illo dici potest, quod de Michaële Verino posteritati consecratum reperimus:

Sola Venus poterat lento succurrere morbo;

Ne se pollueret, maluit ipse mori.

Polyd. lib. 1. cap. 3.

S. IPHIGENIA, VIRGO.

Sed vt fœminis quoque suas hîc partes demus, res ipsa postulat: ne, si ijs contenti tantùm erimus quæ iam diximus, ipsæ dedignentur sequi sexum alienum. Adducamus huc igitur sponfas Christi, & inter eas primam statuamus post Virginem matrem, (cuius pudicitiam laudasse, detraxisse foret,) IPHIGENIAM Ægippi Æthiopum Regis filiam. Hæc Matthæi Apostoli prædicatione, vera fide illuminata, Virginitatem vouit: & alijs quæ eam vouerant, præerat sedula gubernatrix. sed quid? paterni regni successorem Hirtacum in maritum accipiat, ab eodem impellitur. quo spreto, *Æterni,* ait, *Regis sponsa sum, nec mihi eo relicto alteri nubere fas.* neque minis, neque instantibus iam flammarum periculis, à sententia amoueri potuit. Abdi-
dias in vita Matthæi.

S. LUCIA, VIRGO.

Et hæc Pudicitiam vitâ habuit chariorem. Iuueni enim iungi noluit, vt iungeretur Christo: & ad idololatriam compulsâ, mansit immota in fide rupes. Quare minitanti Paschasio, Ego te faciam
H ad

ad lupanar trahi, vt cùm fueris scortata, fugiat à te Spiritus sanctus: *Nunquam, inquebat, inquinatur corpus, nisi de consensu mentis: si namque me inuitam feceris violari, castitas mihi duplicabitur ad coronam.* Sur.tom.6.in vita.

S. AGNES VIRGO ET MARTYR.

Neque tu, fidissima Pudicitiae tutela AGNES, silebere. quæ, dum te deperiret Præfetti tuæ vrbs filius, nondum pubertatis annos egressa, cum animosè despexisti; dicens: *Recede à me fomes peccati, nutrimentum facinoris, pabulum mortis: iam ab alio amatore preuenta sum, qui annulo fidei suæ subarrauit me.* O senectutem infantilis mentis! ô iuuenilis animi canitiem! Sur.tom.6.in vita.

S. EUPHRAXIA VIRGO.

Et hanc etiam Antigoni filiam, quia Romano patricij generis iuueni à parentibus antè pacta, quàm Religioni se daret, fuerat, cùm eidem nubere per Theodosij Imp. literas cogeretur, respondisse tradunt: *Sponsum habeo in celis, non in terra: & certum mihi extrema omnia perpeti, quàm fallere fidem illi datam.* Quid priùs miremur, nescio: an senilem teneræ ætatis in respondendo sapientiam, an verò puellaris animi in proposito constantiam? In vitis PP. Sur.tom.2.

GVNZONIS DVCIS FILIA.

Neque hanc pudere debeat, si primis illis iungatur: cuius virginittis flos etiam suum odorem per vniuersam Galliam diffudit. Vt enim erat Arbonæ Ducis filia, à Segeberto Galliarum Rege in coniugem petita. at quid sponsa Christi? *Æterno Regi desponsata sum*, ait. Cui & nunc merited in cælesti illo solio iuncta, quæ dum hîc viueret, pluris fecit Cæstitatis

statis quàm Franciæ regnum. In vita S. Galli
lib. I. cap. 21. Sur. tom. 5.

VIRGO ANONYMA.

Sentiebat item illa, vbi diuersus sexus est, diuersarum cogitationum pugnas incidere necessarium: cum namque B. Martinus eam inuisere cogitaret, aditu negato, dixit: *Pater sancte ora pro me, quia à viro nunquam sum visitata.* Rarum etiam Pudicitiae exemplum. Hieron. Epist. ad Oceanum.

ELIZABETH VIDVA.

Est etiam viduis sua castitas. vnde & eas honorare præcepit Apostolus, quæ verè viduæ sunt. Talis indubiè erat ELIZABETHA Lantgrauio tradita: quæ, mortuo coniuge, dum ab Episcopo Bambergenfi ad nuptias incitaretur, respondit: *Si id coneris, fixum mihi truncatis naribus, vel lacerata facie me ita deformare, ut qui me ducere velit, futurus sit nemo.* Itaque oblatam fortunæ felicitatem respuit, sola castitate gaudens. Conrad. Concion.

MVLIER AQVILEENSIS.

Satis de illis, quæ Deo suam castitatem voto obstrinxère, hoc loco dictum: neque enim is animus omnia persequi. ad alias transeo: quæ licet alterius ordinis, eiusdem tamen propositi & mentis. Iactet suam Lucretiam Roma, habet etiam suam Aquileam quam proferat. cuius virilis animus maligno errore fortunæ muliebri corpus sortitus est. Hæc enim vt erat ingenua, à Barbaro hoste capta, ad stuprum rapiebatur. Quid ageret? ad preces conuertitur, & vix tandem impetrat, vt in superiorem domus partem sibi liber aditus fiat. quo facto, ea parte occupata quæ flumini imminebat, ad Hunnum conuersa, *Vis me, ait, potiri? me sequere.* & ex

alto præcipitem se in flumen dedit: magis de corporis, quàm salute animæ prouida. Sabell. lib. 5.

GVALDRATA PVELLA.

Hanc ad calcem adiicimus. quæ cùm esset formâ & corporis habitu admodum decoro, ab Orthone III. qui tum Florentiæ, vt se deosculandi copiam faceret, expetita. at illa: *Nullius meherculè, quàm eius quem maritum habitura sum, suauium accipiam.* Placuit, & meritò, ea vox Principi, ac quæ illam protulerat, Guidoni Germano, viro armis inclito, in matrimonium data est. vsque adedò Deo & hominibus grata castitas. Bapt. Fulgos. lib. 6. cap. 1.

CENSVS. TRIBVTVM.

IESVS CHRISTVS.

NON minore apud Deum loco existimandum est esse eum, qui debito tributo, quod in potestatis recognitionem subditus pendit, quàm qui requisito obsequio, superiorem suum defraudat. Hinc Phariseis cum Herodianis ad CHRISTVM tentandum accedentibus, dum quærunt, Licétne censum dare Cæsari, an non? CHRISTVS non quod liceat tantùm, sed quid fieri debeat, imperans; visâ numismatis quod exhibebant inscriptio-
ne & imagine, *Reddite*, inquit, *quæ sunt Cæsaris, Cæsari: & quæ Dei, Deo.* quod alio in loco, his verbis Apostolus: Cui honorem, honorem: cui tributum, tributum. Matth. cap. 22.

I D E M

Dum venientem Capharnaum pro didragmate
(erat

(erat is nummus fortassis valoris trium solidorum) interpellant, Petrum in domo prauertens, *Quid tibi videtur*, inquit, *Simon? Reges terræ à quibus accipiunt tributum vel censum? a filiis, an ab alienis?* & illo dicente, *Ab alienis*; subinfert CHRISTVS: *Ergo filij sunt liberi*. declarans naturales filios non solere parentibus pendere tributum aut censum. Ibid. cap. 17.

CONSTANTINVS IMP.

Mitis admodum & temperatus, vt in alijs omnibus, circa hanc Censuum exactionem fuit CONSTANTINVS: ab cuius ore sæpè sapius audita est memoranda illa vox: *Communes regni opes securius à communitate afferuantur, quam si eas nos ipsi recondamus*. Verè prudens Imperator, qui suam potentiam in ciuium potentia collocabat. Euseb. hist. Eccles. lib. 1. cap. 10.

PETRVS SABAVDIÆ COMES.

Forti animo, licet parum æquo hic. Monitus namque apud Othonem 1111. per Cancellarium eiusdem, feudales literas nonnullarū vrbiū quas pridem acquisiuerat, exhiberet; euaginatū ensem protendit, & *Hæ*, inquit, *literæ, quibus eas acquisiui*. Camerar. Meditar. hist. cap. vi.

CHARITAS ERGA DEVM.

Vide DEI AMOR & HONOR.

CHARITAS ERGA PROXIMVM.

IESVS CHRISTVS.

Sanctorum exemplis dictisque nunc inuestigandum, quo animi adfectu proximus (sub quo
H 3 omnem

omnem hominem comprehendimus; omniū enim vnus est pater Deus) prosequendus à nobis sit. Et quidem roganti se DOMINVS, Magister quod est mandatum magnum in lege? respondit: *Diliges Dominum Deum tuum, &c. & proximum sicut teipsum.* Tunc utiq. proximum sicut teipsum diligis, si quod tibi non vis fieri (vt explicat Scriptura) nec illi feceris. Matth. cap. 22. Marc. 12.

S. PAVLVS APOST.

At subit aliud non minùs illustre charitatis exemplar, Gentium doctor: qui anathema voluit esse pro fratribus. cū enim autem multa coram Agrippa Rege de sua conuersione ac mortuorum resurrectione in medium adduxisset, & is diceret, In modico suades me Christianum fieri; subiecit: *Opto apud Deum & in modico & in magno, non tantum te, sed & omnes qui audiunt, hodie fieri tales, qualis & ego, exceptis his vinculis.* Act. cap. 26.

S. IOANN. EVANGELISTA.

Amicum quoq; erga omnes se ostendit IOANNES EVANGELISTA, qui cū Ephesi moraretur plenus dierū, ita vt vix inter manus discipulorū ad Ecclesiam deferretur, nec posset in plura verba vocē contexere, nihil aliud proferebat, quàm, *Filioli, diligite alterutrum.* at cū discipuli tædio affecti, quod eadē semper audirent, rogarēt, Magister, quare hoc semper loqueris? dignam IOANNE sententiā respondit: *Quia præceptū Domini est, & si solum fiat, sufficit.* Hieron. in Cōm. Epist. ad Galatas; & Breuiar. Rom.

S. IOANNES CHRYSOST.

Ille amicum suum Basilium per industriam ad Episcopatum induxerat, eo quod se in iudicio periclitantem magnis periculis liberasset. alijs autem hoc

hoc factum improbantibus; *Ego*, inquit, *aliter amare non didici*. Coniecturam enim fumebat CHRYSOSTOMVS, eum non secùs Christi oues amaturum, quàm amicum dilexerat. Chrysoſt. lib.2.de Sacerd.

S. GREGOR. NAZIANSENVS.

Cùm omnia ei ex animi voto succederent, & ob id plurimum in se inuidiam concitaret, iamque in eius locum alius substitueretur Episcopus: ipse, quid fieret sentiens, *Absit*, inquebat, *ut mei causa simultas aliqua in Dei sacerdotibus oriatur. si propter me est ista tempeſtas; tollite, & mittite in mare, & desinet à vobis quassatio*. En virum sanctissimum, etiã paratum quauis perpeti, vt cum proximo pacem concordiamque conseruet. In vita eiusd.

S. DOMINICVS.

Hic quoque mirus charitatis cultor, hanc frequenter vsurpabat vocem: *Plus in charitatis codice didici, quàm in vniuersa Scriptura*. Nec malè; quia plenitudo legis, est dilectio. In vita eiusd.

S. MARTINVS.

Egregium item charitatis fraternæ exemplaris fuit. Moriturus enim, dum quererentur discipuli, quòd se sine solatio relinqueret, ad preces cõuersus; *Domine*, inquit, *si adhuc populo tuo sum necessarius, non recusò laborem: fiat voluntas tua*. O virum inefabilem! nec labore victum, nec morte vincendum, qui nec mori timuit, nec viuere recusauit! Sulpit. in vita.

B. IGNATIVS LOIOLA.

Nec minùs ille hoc in genere illustris. Cùm enim Lutetiæ quidam nefario pellicis amore teneretur, cumque omni via & modo ab eadem auellere ne-

quicquam tentaret; tandem opido egressus, in lacum, itineri, per quod alter ad turpes suas delicias iturus erat, conterminum, se ceruice tenus immergit, venientem expectat, præsentemque è longinquo ita compellat: *Perge miser ad fœdissimas tuas voluptates: imponentem tuo capiti ruinam non vides? hinc ego me tui causa tamdiu macerabo, donec iustissimum Dei furorem in te paratum auertam.* Percussus homo tam insigni charitatis exemplo, stat, pedem refert, & mentem. Ribad. in vita.

B. FRANCISCUS XAVERIUS.

Vt vitæ genere cum priori, ita & in charitatis huius vinculo par. Amicis namq; ne in Chinam pergeret ob præsens periculum dissuadentibus; *Non aliud, respondit, mihi in votis, quam vel morte mea Chinarum salutem representare.* Sciebat certè spei metum cedere, ubi maiora periculis proposita sunt præmia. Hor. Turf. lib. 3. cap. 15. in vita eiusdem.

CIVILIA

Require in Apophthegm. de AFFECTU,
& AMICITIA.

CHRISTI HONOR, AMOR, ET LAVS.

IESVS CHRISTVS.

NVnc ad salutis nostræ Auctorem confugimus: qui si huic etiam operi, ad cuius honorem id aggressi sumus, benignus adspiret; illæsa (ut aiunt) rate in portum incolumes deueniemus. Et quis non merito honore cum prosequatur, cuius opera omnia ineffabilia, humani ingenij captum longè

gè excedunt? Immeritò ergo Principes Sacerdotum & Scribæ, audientes pueros in templo clamâtes Hofanna filio David, indignati; & iure per CHRISTVM repressi, qui rogantibus, Audis quid isti dicunt? *Vtique, inquit: numquam legistis, quia ex ore infantium & lactentium perfecisti laudem?* Matth. cap. 21.

IDEM.

Dum in ingressu Ierusalem acclamaret populus, Benedictus qui venit Rex in nomine Domini; ac quidam Phariseorum dicerent, Magister, increpa Discipulos tuos; ait: *Dico vobis, quia si hi tacuerint, lapides clamabunt.* insinuans gloriam & potentiam suam prædicandam ab irrationalibus creaturis, si rationales conticuerint. Luc. c. 19.

S. PETRVS APOST.

Mirum, quantum hic sui magistri desiderio flagrarit. post cuius in cælum ascensum, vbertim lachrymas effudisse memoriæ proditum. rogatus autem, cur tantùm lachrymaretur; respondit: *Desiderio Domini.* qua etiam de causâ Gentium Doctor Paulus, cupiebat dissolui & esse cum Christo. Ex vita eiusdem.

S. THEODORVS MARTYR.

Et vt alios tacitus præteream, quid de THEODORO Martyre dicam? cui dum tormenta ob oculos poneret Publius, rogaretque, Mauisne esse cum tuo Christo, an verò nobiscum? inquit: *Cum Christo meo, & sum, & fui, & ero: ideoque non timeo tormenta tua.* Considerabat certè cum Apostolo, non esse condignas passiones huius temporis, ad futuram gloriam in nobis reuelandâ. Sur. tom. 6. in vita.

P. BORGIA SOC. IESV

Merito prioribus annumerandus: vt qui oblitus (vt habet Psalmista) populi sui, & domus paternæ, insonaret hanc vocem crebrius; *Percat ille amor, vt viuat in me, quem quero, Christi.* Nonne & illi viuere Christus dicendus est fuisse, & mori lucrum? In vita lib. 4. cap. 6.

CAROLVS V.

Erat hic animi magnitudine par, at pietate superior, & melior magno illo Iulio. Cum enim Saxonum & aliorum ingentes ac numerosas copias exigua manu fudisset, ad summum Pontificem de reucentu scribens, *Veni*, inquebat, & *vidi, sed Christus vicit.* non sibi, vt Cæsar ille olim; at victoriæ largitori, eius quoque laudem adscribens. Sur. in Hist.

IDEM.

Neque hîc prætereundû quod sequitur. vt enim erat vitæ sanctimonia in nobili illo genere clarissimus, in eodem prælio quod cum Saxonibus commisit, obseruauit imaginem Christi in cruce affixi, plumbea glande ab impio milite recenter traiectâ. Stetit, & ingemuit; atque elata voce ad Deum clamauit: *Domine si vis iniuriam hanc ulcisci, potes: ecce autem me vindicem tuum paratum iuuat.* Certè audiuit, & iuuat: prout subsecuta mox hostium dissipatio declarauit. Iust. Lips. Mon. Polit. lib. I. cap. 2.

CHRISTIANISMVS ET CHRISTIANVS.

S. DIACONVS.

TE te, mundi vinculum & firmamentum,
CHRISTIANA RELIGIO, pennato vomere ingredi-

gredimur: & quantum tui studium cū observan-
 da, tum amplificanda fuerit, paucis dicendum sus-
 cipimus. si enim omnia quæ in Sanctorum glorio-
 sa morte de te dicta sunt recensere voluero; nullum
 scribēdi finem inueniam. Ex multis igitur S. Dia-
 CONVM adducimus, qui de genere, domo, patria,
 fide percontanti tyranno, in medijs tormentis ni-
 hil aliud respondit, quàm, *Christianus sum. hoc mi-*
hi nomen, genus, patria, doctrina. aliud nihil sum. quo-
 modo etiam hic omnia reputauit vt stercora, solūm
 vt Christum lucrifaceret. Euseb. Hist. Eccles.
 lib. 5. cap. 1.

S. NICEPHORVS MARTYR.

Consimilis fortitudinis hic. cū Sapritiū presby-
 terum, ob supplicij quod iam iam imminebat hor-
 rorem, à fidei constantia deficientem videret; in la-
 chrymas solutus, vt persisteret rogauit. quo renuen-
 te; *Ego igitur, ait, pro ipso feriar: Christianus sum.*
 & lubens ceruicem tyranni gladio submisit. Sur-
 tom. 1. in vita.

PACIANVS EPISCOPVS.

Præclarum etiam iste suæ fidei testimonium red-
 didit, dum ad Sempronianum scribens ita loqui-
 tur: *Catholicum istud nomen, nec Marcionem, nec*
Apellem, nec Montanum sonat: nec hereticos sumit
auctores. Christianus mihi nomen est, Catholicus cog-
nomen. Illud me nuncupat, hoc ostendit: hoc probor,
inde significor. Collig. ex Epist. prima.

S. CHRISTOPHORVS MARTYR.

Cursum sistere volenti, non minori virtutis
 quàm corporis sui mole obsistit CHRISTOPHO-
 RVS. Ille namque accepto à Sami Præfecto cola-
 pho, *Repercussissem, inquit, nisi Christianus fuisssem.*

Re

Re & nomine se Christianum testatus; utpote cui proprium, pati. Sur. tom. 4.

SERGIUS II. PONT. MAX.

Ilius se lateri comitem adiungit SERGIUS, qui Lotharij Imperatoris filio de patris mandato Italiani populanti ac Romam cogitanti, ad Portas argenteas obuiam procedens, eum his verbis aggreditur: *Si pacato magis, quam hostili animo ad nos venisti; sique ad Christiani nominis utilitatem magis respicis, quam ad seniendi voluptatem; meo iussu ingredi: sin aliter armatus es, fores ne tetigeris: nam super caput enses habes scelerum omnium ultorem.* Vide quam perfecta Christianæ religionis charitas omnem expellat timorem. Platina in vita.

PIVS II. PONTIFEX.

Hunc Sergio velut in officio, ita & in hac laude successorem annectimus. qui *omnem sectam humana auctoritate firmatam ratione carere* assererebat. dicebat autem; *Christiana religio, etiamsi miraculis non esset confirmata, honestate sua recipi debuisset.* Plat.

IOVINIANVS IMPER.

Ad alios festino, qui in Ciuili ordine sua laude & gloria hinc carere non debent, aut possunt: cum, si nos subtraherimus, ipsam per se facta dictaque loquantur. Quis enim non meritò IOVINIANVM celebret? qui dum Imperij habenas suscipere inuitus cogeretur, eam conditionem electoribus proposuit: *Nolim Imperij administrationem accipere, nisi omnes quibus impero, Christiani esse velint.* O memorandam boni Principis vocem! Theod. lib. 4. cap. 7.

TERENTIUS DVX.

Vide ZELVS ERGA DEVM.

LADIS-

LADISLAUS HUNGARIÆ REX.

Vultis & aliud non minùs illustre? LADISLAUS Rex, vbi Hungaros, qui ex deuastata Transilvania magnam prædam auexerant, prælio fufos conspiciaretur, suumque militem acriter in eos sauire; *Parcite, clamabat, milites, parcite humano sanguini, sat cruoris hostilis effusum: fugientem capite multitudinem, vt si forsan, Orthodoxam fidem amplectantur, Dei populū multiplicemus.* Digna Christiano Principe oratio. Bonfinius lib. 4. Dec. 2.

IVGO DVX CARINTHIÆ.

Magnum item illius desiderium Christianam fidem propagandi: vnde cū aliquando magnifico apparatu plebeios & agricolas in conuiuium excepiisset, aulicos suos admodum tenui in mensa ab eis amouit. Mirantibus, cur (videbatur enim præter decorum) hos tam tenui, illos verò vt-pote agrestes, tam nobili conuiuium exciperet; respondit: *Pro animarum qualitate conuiuiū instruxi. Non enim tam puri sunt illi, qui alta palatia incolentes, fædo simulachrorum cultui se dedunt; quàm hi, qui humiles casas habitantes, ac Christi Euāgelio credentes, vnda Baptismatis expiati sunt.* Re verbisque castigati nobiles, paulò post se Vergilio & Annoni Episcopo, vt Christi sacris iniciaretur, instituentes præbuerunt. Sabell. lib. 3. Æn. 10. ex Æn. Syl. lib. 20. Europæ.

NORVEGIÆ INCOLÆ.

Hac gente nulla ante Christum agnitū in tuenda superstitione pertinacior: post susceptum verò, nulla constantior. ferunt enim olim quauis ex causa eos peregrinatos; cū autem primū reduces terram suam attigissent, pronos cadere in terram, & fa-

& facto Crucis signo, eam exofculari solitos, & exclamare: *O terra Christiana ante omnes. vsque adeo sui generis cultum præ ceteris extollebant.*

Cranz. lib. Noruegiæ cap. 11.

IAPONII INCOLÆ ANONYMI.

Hos etiam longè à nobis remotos terrarum spatio, nunc verò Christo propinquos, annumerare præsentibus visum: qui interrogati, quid de Christiana fide sentirent; hoc respondebant: *Nemo, nostra quidem sententia, rationis particeps, qui non auditis Christiana disciplina decretis protinus assentiat, ac pareat.*

Ita de illis Maffei lib. 1.

Epist. ex Epist. Xaverij.

CHRISTIANORVM AMOR, ET ODIVM.

S. LVDOVICVS PIVS FRANC. REX.

NEque id satis visum quibusdam, vt Christiani dicerentur: quin & summo apud eosdem in pretio Christianorum nomen erat, & salus. quorum vtrumque alij minùs piè aspernati. Priorem aciem ducat LVDOVICVS, qui ob insignia & præclara gesta PIVS dictus. ille enim dum in Syria cum exercitu ageret, rogabatur, nobilem quemdam Saracenum, qui Sultanum interfecerat, militari balteo donaret. at ille: *Absit à me, vt vel pro seruanda vita, vel morte declinanda, à Christiana religione alienum balteo donem.* Sentiebat solis Christianis illud honoris competere. Gaufred. de Bello loco, in vita eiusdem.

CAROLVS V. IMP.

Ætate, at non facti gloria posterior, nostri sæculi Cæsar CAROLVS. qui cùm in Africa constitutus, aduer-

aduerteret prælium, quod ocyùs committendum,
 non ex animi voto successurum; receptui canerent,
 imperavit: adiiciens nobilem illam vocem; *Malim*
unum Christianum servare, quàm mille Mauros,
Turcas, Pænosve interimere. O clementiam! ô mǎ-
 suetudinē! ô religionem! Zenocarus in
 vita, lib. 3.

IULIANVS APOSTATA.

Ille iam dictis vt ætate, ita & impietate prior; nō
 in Christum modò, sed & membra ipsius. ita vt ne-
 que Christianos ad se venire permetteret, neque
 eorum legationem nisi inuitus susciperet. Mo-
 uentibus bellum Persis legationem mittebant Ni-
 sibini, auxiliares copias postulantes: quos omnium
 Christianorum nomine impio hoc responso com-
 pellans; *Nec me ullum,* inquit, *subsidium laturum,*
nec pollute ciuitatis legationem suscepturum scitote:
nisi prius vos mecum in Paganismum descendisse in-
tellexero. Impiorum animus tum tranquillus, cùm
 plures in sui sceleris consortium trahit.
 Sozom. lib. 6. Hist. Eccles. cap. 4.

IDEM

Ad quæuis scelera pronus, ipsos Paganos in
 Christicolas armabat, animabatque. qui oppressio-
 nem illam aliquamdiu sustinentes, cùm ingraue-
 sceret indies, ad eum recurrunt: at is, vt erat, alter
 sui sæculi Nero, Quid exspectatis? solatiũ aliquod,
 aut lenimen? *Vestrum,* aiebat, *est, vt patientes ma-*
la sustineatis, hoc etenim praeceptum est vestri Christi.
 Ita impius IMPERATOR, impiè in Christi doctri-
 nam blasphemus, eius quoque cultores illudebat,
 ipso Herode deterior. Ibid. cap. 39.

IDEM

IDEM

Ecclesiasticorum bona diripi & in fiscum inferri præcipiebat, Religionem prætexens. dicebat autem: *Hac ratione eos magis expeditos reddo ad regnum calorum. Beati namque inter eos sunt pauperes, quoniam ipsorum est regnum calorum.* Pompon. Lætus in vita eius, G. Richt. in axiomat. Ecclef. cap. 80.

CHRISTI POTENTIA ET NOMEN.

IESVS CHRISTVS.

Q Vis dabit mihi nunc pennas sicut columbæ, ut ad augustum hoc CHRISTI nomen euolē, & non cum Icaro per nimium eius splendorem in præceps agar: *Quid enim Gentium simulachra (etiam Deo ita permittente) operata, si cum iis conferas, quæ huius nominis potentia freti viri sancti admiranda præstitere? cū ipsa Veritas dicat dilectis suis: Usquequo non petistis quicquam in nomine meo? petite, & accipietis. neque id dilectis solum; sed & improbis concessum, in nomine suo eicere dæmones, & alia supra hominem efficere. Vnde super his miratus Ioannes, Magister, inquit, vidimus quemdam in nomine tuo eicere dæmonia, qui non sequitur nos: & prohibuimus eum. IESVS autem ait: Nolite prohibere eum. Nemo enim est qui faciet virtutem, id est miraculum, in nomine meo, & possit eū malè loqui de me. (qua fronte enim malediceret illi nomini, quod in se experitur esse tam efficax?) Qui enim non est aduersum nos, pro nobis est. Admiranda nominis CHRISTI virtus: quæ etiam in alienis, & à se auersis pectoribus, suæ claritatis radios diffudit.* Marc. cap. 9.

S. PETRVS

S S, PETRVS & IOANNES.

Hoc ipsum contestati huius nominis amantiſſimi, PETRVS & IOANNES. introeuntibus namque in templum, dum Cæcus quidam ad portam quæ Speciosa dicebatur, de more eleemoſynam à tranſeuntibus petens procumberet, & ab his etiam ſtipem flagitaret, eamque, reſpicere iuſſus in eos, iam certò exſpectaret; PETRVS de meliori eleemoſyna cogitans, *Argentum*, inquebat, & *aurum non eſt mihi: quod autem habeo, hoc tibi do. In nomine Jeſu Chriſti Nazareni ſurge, & ambula.* Act. cap. 3.

ALEXANDER EPISCOPVS.

Inſignis quoque huius nominis cultor exſtitit iſte. qui videns nouas indies ſectas pullulare, cùm auctoritate Conſtantini coactum eſſet Philoſophorum concilium, qui cum Chriſtianis de fidei veritate conferrent: ille paranti dicere Philoſopho, *Tibi*, inquit, *in nomine Chriſti ſilentium impero.* manet ille ad hanc vocē elinguis: & quod ore non poterat, victus manum dat ALEXANDRO. reliqui viſo miraculo conuerſi, ac ſi Dominum audiuiſſent dicentem; *Si mihi non creditis, operibus ipſis credite.* Euſeb. in vita Conſtant.

S. MARTINVS TYRON. EPISC.

Iuliano Cæſare donatiua parante, quæ in milites, quò in prælium iam imminens alacriores deſcenderent, erogaret; miſſionem MARTINVS poſtulat, dicens: *Chriſti nunc miles ſum, pugnare mihi neſas.* motus ad iram Tyrannus, eum pugne instantis metu militiam iam detrectare obiecit. at MARTINVS, quaſi illato ſibi terrore conſtantior; *Si hoc*, ait, *ignavia adſcribitur, non fidei; ego die craſtino ſolo ſigni*

Crucis clypeo protectus, hostium cuneos in nomine Domini Iesu Christi penetrabo securus. quod & effecit.
 Sur. tom. 6. in vita.

S. THEODORVS MARTYR.

Neque huic vana in Christum fides, & inefficax desiderium. Custodiæ enim traditus, cum inedia consumeretur; ita ut vnicam panis vnciam cum pauxillo aquæ per diem acciperet; fidelis Christi athleta haud solito debilior, etiam oblatum cibum recusabat. dicebat autem: *Me alit Dominus meus, & Rex Iesus Christus.* Et quis umquam vidit iustum derelictum, aut semen eius quærens panem?
 Sur. tom. 6. in vita.

S. PAVLINVS.

Non erit hîc prætereundus PAVLINVS: qui Apostoli Pauli discipulus, cum eum persequerentur impij homines, magistri sui imitatus vestigia, suos his verbis hortabatur: *Ubique Christus adest, nobis etiam aranea murus fiet. at cum Christus abest, etiam murus fiet aranea.* quod reuera & ad literam in quodam Martyre impletum, testatur ex vita eiusdem, Breuiarium Romanum. Eusebius in Chronico.

ANONYMVS.

Concludam cum Cassiano: qui apud Alexandriam Senem fuisse commemorat, Christiana fide imbutum, quem cum varijs maledictis impeterent Infideles, ac tandem quærerent: *Quid miraculi umquam fecit Christus tuus? Christiano dignam vocem respondit; Hoc ipsum, ut ijs quas insertis non mouear iniurijs.* Cassianus.

CHRI-

CHRISTVM SEQVI

S. IGNATIVS.

Quanta res sit Christum habere vitæ suæ exemplar, & ad illud suos mores efformare, vel ex illo eiusdem testimonio euidens sit, vbi ait: *Qui sequitur me, non ambulat in tenebris, sed habebit lumen vitæ. cuius rei fiducia incensus IGNATIVS, vix cōceptum intra pectoris medullas ignem continere valens, ad bestias Romæ damnatus, Nunc inquebat, incipio discipulus esse Christi: nihil de iis que videntur desiderās, vt Iesum Christum inueniam.* Verè & piè Bernardus; Nil canitur suauius, auditur nil iucundius, nil cogitatur dulcius, quàm Iesus Dei filius. Euseb. lib. 3. hist. Eccl. cap. 30.

S. MALACHIAS EPISC. HIBERNIÆ.

Hic à nefario quodam Principe per dolum è templo vocabatur, firmandæ (vt prætexebat) pacis causa. cumque ne ad eum descenderet totus clerus suaderet, ille pacis cupidus, *Sinite, ait, me imitari magistrum meum. sine causa sum Christianus, si Christum non sequor.* Verè pectoribus nostris inferenda vox. quibus nomen dumtaxat Christianum in pretio, non vita. Sur. tom. 6. in vita.

NIVARDVS FRATER D. BERNARDI

Summa laude & admiratione dignus. cui puero adhuc, cum fratres, inter quos magnus ille Bernardus, ad Religionem pergentes in foro cum æqualibus ludenti dicerent; Niuarde frater, nunc te solum manet totius summa patrimonij: nos omnibus cedentes, Christum sequimur; ille, *Calum vos ergo possidebitis, ego terram? absit.* nihilque moratus,

puerilem animum in virilem commutans, fratres
sequitur, & cum illis Christum. In vita Bern.
lib. 1. cap. 3.

THOMAS MORVS.

An non dignus ille, qui prioribus iungatur?
Cum, ut erat summa pietate & religione, supplica-
tiones diebus rogationum fieri consuevit, pedes
comitaretur; monitus à suis, equum conscenderet,
dixit: *Nolo Dominum meum peditem equos subsequi.*
Dicebat autem id propter crucifixi imaginem, in qua
Christum venerabatur. Tho. Staplur. in vita.

CHRISTVM CONFITERI.

S. ROMANVS MILES.

Magna eos præmia manent, qui Christum hæc
coram hominibus confitentur, nec eum an-
nuntiare tam re quàm verbo erubescunt. tales enim
ipsemet coram Patre suo confessurum se explicatis
verbis promisit. quod intelligens (ut sexcetos alios
omittam) ROMANVS MILES, qui postquam plum-
batis flagrisque diu tortus, etiam ipsa latera mu-
cronibus rescinderentur; dixisse fertur ad impiissi-
mum Tyrannum: *Gratias ago, quod ampliores mihi*
oris patefacias meatus, quibus Christum predicem:
tot ecce landant ora, quot sunt vulnera. Dictum me-
rè & verè Romanum. Sur. in vita.

S. DIONYSIVS M.

Ille etiam meritò Romano adiungendus, qui Ro-
mæ à Diocletiano comprehensus, dum lætus ad sup-
plicij locum duceretur, solùm hoc toto itinere in-
geminabat: *Etsi millies occidi possem, tamen Domi-*

num meum Iesum palam confiteri non cessarem.
 Pet. de Natalibus.

S. EVELPISTVS.

Et hic cum Sodalibus prætorio Rustici Præfecti
 fistitur. quo rogante, Tu quisnam es, cuiusve reli-
 gionis? nil cunctatus, *Servus quidem Caesaris*, in-
 quit, *sed à Christo libertate donatus; eiusque beneficio,*
illius spei, cuius & isti quos hic vides, particeps factus.
 Sur. tom. 2. Lippelloo ibid. Metaphrast.

CIBVS.

IESVS CHRISTVS.

Scribis & Pharisæis ex eo quærentibus, quare
 tui discipuli transgrediuntur traditiones senio-
 rum? non enim lauant manus cum panem man-
 ducant. Ille, conuocatis ad se turbis, *Audite*, dixit,
& intelligito. Non quod in os intrat coinquinat ho-
minem. & paulo post: Non intelligitis quia omne
quod in os intrat in ventrem vadit, & in secessum
emittitur? significans, nullum cibum esse ex se im-
 mundum, aut coinquinare eum comedentem, cum
 nihil cibi cor hominis (à cuius pollutione homo
 coram Deo pollutus reputatur) ingrediatur, &
 quidquid in eo immundi per secessum eiiciatur.
 Matth. cap. 15.

PIOR MONACHVS.

Hic ambulando, vel aliud semper agendo, ci-
 bum sumere solitus. rogatus autem cur eo modo
 comederet? *Nolo*, inquit, *velut necessitate uti cibo;*
sed tamquam extraneum aliquid agere. Cur ita? per-
 contanti, *Ne*, respondit, *dum comedo, anima volupta-*
tem sentiat corporalem. Socr. lib. 8. Trip. hist. c. 1.

F. BERNARDINVS PALOMVS.

Narrantum etiam quod huic subiicitur. Adscribunt BERNARDINO PALOMO, homini supra modum faceto, inter cetera illud: *Cibi sumptio, ad loquendum & bibendum commodius, instituta est: atque si apud magnates id fiat, prius dedecus, posterius infamia aestimatur.* Floresta.

ISODORVS XENODOCHVS.

Vide tit. DE ABSTINENTIA.

LAVRENTIVS MEDICES.

Cum fatali lecto decumbenti cibi adferrentur, & eos porrigens rogaret, Quam sapiunt cibi illi? respondit, *Vt solent morienti.* quasi dicat, nihil in humanis relinqui solatij, aut dulcedinis illi, qui se videt moriturum. Ang. Politianus in Epist.

CLEMENTIA, MANSVETVDO, &c.

IESVS CHRISTVS.

INgredimur CLEMENTIÆ MANSVETVDINIS-QUE fines: cuius nomen cum ex ipso Numine petiturum sit, obuiam quoque & paratam habet commendationē. Ante omnia autem ipsum totius mansuetudinis fontē referam CHRISTVM DOMINVM: cuius humanissima facta ut fileam, vnicum tamen sermonem eius rei indicem recensebo. Mansuetissimus agnus ad victimam currit, maledicetur & irridetur: seque in exemplum nobis præbens; *Discite,* inquit, *à me, quia mitis sum, & humilis corde; & inuenietis requiem animabus vestris.* Veram nempe requiem, in cælo, & in terra: dicente Propheta, Man-
sueti

facti hereditabunt terram, & delectabuntur in
multitudine pacis. Matth. cap. 11.

S. ANSELMVS.

Vide EDVCATIO LIBERORVM.

ALEXANDER SEVERVS IMP.

Ad Ciuiles cursum flecto, quòd Sacrorum tan-
tus sit astus, vt verear, ne si illos attingero, diu nimis
immorandum foret. Ducatum hic præbet SEVE-
RVS IMPERATOR: cuius clementiam cum impro-
barent mater & coniux, ac, Molliorem tibi magis-
que contemptibilem Imperij dignitatē fecisti, ob-
iicerent; ille, *Sed securiorem*, respondit, & *duntur-
norem*. Quàm dispar à nomine vita, & mores! ac
rarijs verum illud,

Conueniunt rebus nomina quæque suis.

Bruf. lib. 3. cap. 13.

CONSTANTIUS IMP.

Adiungit se illi CONSTANTIVS. qui cum rapto-
rem cuiusdam virginis in exilium relegasset, & in-
dignarentur parentes non esse morte multatum;
Hactenus, respondit, *incusent iura clementiæ: sed Im-
peratorem, mitissimi animi legibus, præstare ceteris de-
cet.* Auct. Serm. conuiui. Item in vita eiusd.

CAROLVS MAGNVS.

Admirandam hic inter nostros gloriâ & gratiam
hac quoq; virtute collegit. vt enim Pipinum filium
transcâ, cui tertio, quòd in se coniurauerat, clemen-
ter ignouit; ad filiam veniam. Erat Eginhartus in
aula CAROLO ab epistolis; vir, vt illo auo, doctus &
prudens. At quid nō facit cæcus amor? in filiam do-
mini sui exarsit, & ipsa in eum vicissim. quid face-
rent? restinguūt (vt solent amâtes) furtiua sui copia,
& congressu: qui aliquamdiu latuit, donec hiemâte

quadam nocte, cū in secretiore cubiculo Eginhartus fuisset, & sub ipsam lucem exire vellet, videt multam niuem cecidisse. hæret, & timet ne à vestigiis deprehendatur vir in gynæceo fuisse. Consilio & astu subuenit amica, & illum in humeros sublatum & pendentem, dulce onus tulit. Ecce ô sortem miseram; æquam tamen. Videt id forrè ex superiore domus parte aurā captans CAROLVS. dissimulat, donec pleno die Principū conuentus. Hic rem narrat, rogatque (at nomina suppressit) qua pœna famulus qui sic in dominum, & filia quæ in patrem peccasset, digni? cui illi, Mortis. Tum vtrumque vocat, & coram se sistit. En, inquit, hi sunt qui peccauerunt. Tu Eginharte, tu filia, qui hoc ausi estis. (nec negandi erat locus; patrem, ac dominum, inspectorem, accusatorem, iudicem, & vindicem habebant.) Quid meruistis? Mortē, inquiunt illi. at CAROLVS: *Tamen mitem tu Patrem, tu Dominum videte. Ignoscimus lege hac quam dicam. Eginharte, hanc tuam latricem uxorem duces: concordēs estote, & mutuum deinceps inter vos ferte.* Dixerat. illi à summo metu in gaudium inexpectatum translati, grates agunt, & gratulationes futuri connubij accipiunt.

I. Lips. Monit. polit. lib. 2. cap. 12. num. 12.

CAZIMIRVS DVX SENDOMIRIENSIVM.

Nec nimis seuerum est quod addam. CAZIMIRVS, qui postea Polonorum rex, dum tempus aliquando falleret per lusum aleæ cum domestico suo Ioan. Conario equite, & alternaret (vti in illis fit) Fortuna: cū multa nox esset, placuit vno iactu de tota summa decidere. Is felix CAZIMIRO fuit: qui pecuniam ad se attraxit. Indignatus eques, & forti suæ

sua iratus, per calorem Principem inuadit, (capitale erat) & beneficio noctis euadit. primo mane CAZIMIRO sistitur puniendus. Expectatis hinc vindictam, aut ultionem, licet æquam? Nequaquam. at re bene considerata, Princeps, *Amici*, inquit, *iste minus quam ego peccauit: imò quidquid peccatum est, meum est. Calor mentem & manum ei mouit. at ego cur causam præbui? & oblitus conditionis meæ, quasi cum pari lusi? Imò tu Ioannes, non veniam à me solum, sed & gratiam accipe. utili me castigatione docuisti, ne quid imposterus Principe indignum committam.* Ita dixit, fecitque. En clementiam, patientiam, prudentiam. Ibidem.

RYDOLPHVS IMP. AVSTRIACVS.

Hic etiam cum post morum mutationem clementior factus esset, quam in ipso Imperij exordio; reprehensus, in prudentem hunc sermonem erupit; *Senerum & immitem fuisse me aliquando poenituit: lenem & placabilem, nunquam.* Memoranda, & verè Imperatore digna vox. Æn. Syl. lib. 2. Com. de reb. gestis Alphonfi.

LVDOVICVS XII. GALLIÆ REX.

At in isto etiam spectabilis hæc virtus fuit. cum enim in Regem esset euectus, accessit magna cum fiducia è domesticis vnus, postulans bona cuius cuiusdam Aurelianensis, qui (tristi illo tempore, quo inter Ludouicum & Carolum octauum grauis illa simulas, & diffidium) ex acerrimis Ludouici hostibus fuerat. Rex animo planè regio, *Tu verò aliud à me pexe, inquit, & meritis tuis gratia erit. De isto, omite: nam Rex Gallia (verba eius sunt) non vlciſcitur iniurias ducis Aurelianensis.* Dux enim antea cum hoc titulo fuerat: significabat ergo, dignita-

tem se, atque cum eâ etiam affectus mutasse. Refert Iust. Lips. *suprà*.

REX MYMONIÆ IN HIBERNIA.

Tempora confundimus, at in re eâdem. Orta aliquândo graui inter MYMONIÆ REGEM, & fratrem similitate, factum, vt à fratre Rex regno pelleretur. Pulsus ad Malachiam Episcopum fugit, à quo regio honore excipitur, ac simul ab eo instigatur, regnum quo per iniuriam pulsus erat, per vim reciperet. cui ille, *Nequaquam id fecero, ait: nolo enim pro terreno meo honore humanum sanguinē effundere, qui contra me de terrâ clamet ad Dominum.* Docuit ex necessitate parandam virtutem. Coll. ex Surio tom. 6. in vita S. Malachiæ.

ALPHONSVS ARAG. REX.

Te autem ALPHONSE silerem? qui hâc parem vix vllum, at superiorem certè neminem habuisti. Obfidebat Caietam pertinaciter rebellem, constabat obsessos inopiâ commeatuum premi: quod ipsimet fassi, inutilem turbam emittebât. Agitatum in consilio eam repellere in urbem, dedendam enim mox hac ratione. at noluit Rex eorum misertus. quare cùm ea potitus non esset, quidam obicere ausi, Nisi illos emisisses, iam vrbe potitus esses. Ille fortiter & constanter, *At mihi*, aiebat, *pluris tot hominum incolumitas est, quàm centum Caietæ.* Tamen nec ea defuit. nam ciues tam insigni virtute moniti, vltro se ei tradunt. Meminerat clementissimus Princeps illius Senecæ, quod

— *quisquis est placidè potens
Dominusque vitæ seruat innocuas manus,
Et incruentum mitis imperium regit,*

Ani-

*Animoque parcat : longa permensus diu
Felicis aui spatia, vel calum petit,
Vel lata felix nemoris Elisi loca.*

I. Lipsf. loco cit. Panorm. lib. 1. de Gestis eiusd.

IDEM

Percontanti, cur erga omnes, etiam malos, ita lenis esset; vocem facilis consonam respondit: *Quia bonos iustitia conciliat, malos clementia.* Panorm.

lib. 2. de Gest. Alphon.

IDEM.

Iterum cum de nimia eius lenitate quererentur ministri, eamque vix Principem decere dicerent: *Quid ergo, inquit, vultis vrsos & leones regnare? Hominum clementia, beluarum feritas propria est.* Vera dixit. Quo quis maior, & magis (ut sic dicam) homo est, hoc virtuti huic pronior, quæ ob id humanitas appellatur. Quare sapienter admodum Iuvenal. de hac virtute verba faciens Sat. 1. ait:

——— *Separat hæc nos*

A grege brutorum: atq; ideo venerabile soli

Sortiti ingenium, diuinorumque capaces.

& paulò post:

Principio indulsit communis conditor illis

Tantum animas, nobis animi quoq; mutuus ut nos

Affectus petere auxilium, & prestare iuberet.

Panormit. ibid.

IDEM.

Eiusdem etiam illa vox; *Malo multos mea clementia seruare, quam paucos seueritate perdere.* Unde etiam dicenti sibi cuidam: *Caue, ne tua hæc clementia in perniciem cedat: Imò verò, respondit, multa mihi perferenda sunt, ne in inuidiam cadam.* Ibidem.

IDEM

IDEM

Quid maximè aduersarios flecteret, rogatus; *Placabilitatis* ait, & *mansuetudinis nomen*. Vnde dum contra Venetos & Florentinos haud equidem iniuria bellum suscepisset, ac magno animo & viribus aduersus eos contendisset, Veneti oratores armato obuiam procedunt, pacem humiliter postulant. cuius conditiones, cum eiusdem procures intelligere desiderarent, ac se facilè quiduis à victo hoste impetraturos dicerent, ALPHONSVS respondisse fertur: *Nullum aliud data pacis pretium existimo, quàm hostibus genibus ad me aduolutis pacem dare.* O Clementiam! panè è Potentùm pectoribus proscrip-
ptam. Panorm. lib. 1. de Gestis eiusd.

CAROLVS V. IMP.

Et te vnicum Mansuetudinis præsidium CAROLE Cæsar in extremo hoc agmine colloco. Illi enim nihil grauius ingratiùsque, quàm aliquem capitis damnatum intelligere. Quare cum in Anglia nobilissimum quemdam iuuenem sententia Volsæi, qui iudiciis præerat, damnatum audiuiisset, pulchrè ludens, *Indignum*, aiebat, à cane lanij tam pulchram damam denorari. nam ille qui tot annis lanienam in Anglia exercuerat, lanij filius erat. Præclare Ouidius ad Cotim:

Conueniens hominum est hominem seruare voluptas:

Et melior nulla queritur arte fauor.

Chyt. in Orat. de Carolo V. Imp.

COEMITERIUM.

ELIAS-ABBAS.

COEMITERIA, quæ mortuorum domicilia, suntq; quasi publica quædã gymnasia, in quibus vera Philosophia, Mundi videlicet cōtemptus, docetur, alacri animo accedamus cum ELIA AB-
BATE. Ille enim cū sapiūs ad ferales has scholas suos remitteret, & illi quidnam emolumenti ex eo accessu consequerentur, inquirerent; dicebat: *Quale in domo figuli retulit Ieremias propheta.* Iste namque eō à Domino missus, cū vidisset vas super rotam, eiusque contractionem & nouam restaurationem, didicit dependentiam necessariam populi à diuina bonitate. Ita & nos, intuentes Sepulchreta, vitæ nostræ & mortis memoriã recolimus, quodq; gloria hominis stercus & vermis est: hodie extollitur, & cras non inuenitur. ac vt benè cecinit Poëta,

*Omnia sunt hominum tenui pendencia filo,
Et subito casu que valere ruunt.*

EREMITA ANONYMVS.

Rogatus, quomodo ad hanc publicam scholam accedendum esset, respondit; *Quo olim ad ludum Pythagoræ.* Ad eum enim primum accedentibus quinquennale imperabatur silentium, vt silendo melius tandem loqui discerent. Ita in hac mortaliū palæstra, silentio & tacita inspectione opus; cū ad prudentiū loquendum, tum ad rectiū iudicandū, & melius viuendū. Ex Stimulis virtut.

PVER ANONYMVS.

*Complorata iacent mastis ubi corpora bustis,
Garrula soluebant vocibus ora senes.*

Certa

*Certabantque iocis : ad quos puer ore protervus,
Sunt, ait, ad vestras gaudia quanta domos.
Consectos ætate senes , leuioque propinquos,
Ipsumque notans, esse sepulchra, domos.
Ex Epigramm. Sabini.*

COGITATIO, CONTEMPLATIO, MEDITATIO.

S. THOMAS AQUINAS.

QUAM verum Heracliti dictum, Plutarcho teste, vigilantibus vnum communem esse mundum, sopitos in suum quemque discedere, per cogitationem scilicet & contemplationem; reipsa inuestigandum. Atque vt Hieronymos, Augustinos, & alios insignes viros, apud quos magno in pretio contemplationis & sanctæ cogitationis studium, omittam; THOMAS AQUINAS, qui ob doctrinæ præstantiam Angelici Doctoris nomen obtinuit, Parisiis cum Philippo, vel (si Campano fides) Ludouico rege in cœna accumbens, animo alienatus, cum ne oculis quidem conuiueret, manu tandem percutiens mensam, exclamauit; *Aduersus Manicheos conclusum est. quod factum dum Rex admiraretur, THOMAS cum rubore respondit: Argumentum mihi in mentem venerat, quo Manicheorum dogma penitus euertendum.* Ita viri sancti etiam aliud exterius agentes, interiùs ad Dei gloriam promouendam semper intendunt. Fulg. lib. 8. cap. 7.

S. BASILIUS.

Aquinati se BASILIUS associet. qui non ignorans, quantũ pia consideratio ab impietatis studio mentem

tem auocaret, cūm rogaretur, *Quis frequenter irascitur? quis ad opera spiritualia piger est? quis actiones suas ad Dei gloriam non refert? hoc vnum ad singula respōdebat; Qui non semper cogitat Deum suarum actionum inspectorem esse. Hæc enim vna recordatio si esset assidua, contra omnia vitia medelam præbet.* Refert Th. Stapl. in Promp. astiu. pa. 404.

FR. ÆGIDIVS COMES S. FRANC.

At quoniam facilem in homine aditum parat fœda cogitatio, dicebat aliquando FR. ÆGIDIVS, *Cūm eiusmodi cogitatio accedit, eam abige: dicesque, Jam alius hospes meum domicilium occupauit.* Benè Ambros. Si non penitus libidinem nostro excutimus animo, tollimus eam magis nobiscum, quàm post nos relinquimus. Ibidem Dom. 2. post Pentec.

FRANCISCVS BORGIA SOC. IESV.

Vide infra, SVI COGNITIO.

S. ELIZABETHA.

Quæ etiam faminis in hac contemplandi laude acciderunt, referam. Pannonum regis filiam ferunt ita supra se sublatā, caelestibus rebus animum intendisse, vt Iesum se in nubibus videre palàm testaretur, sibi que dicere, Ego tecum sum. vnde & illa cunctis audientibus respondebat: *Ita Domine, tu mecum, atque ego tecum.* Magnum diuinæ liberalitatis beneficium, vt homo Deum alloquatur: maius, vt alloquentem audiat: maximum, vt vnà cum illo sit. Conrad. Concion. de S. Elizabeth.

CAROLVS MAGNVS.

Ille ad ceruicale pennam & encaustum cum membrana noctu reponebat, vicinūque lecto parietem cera illini curabat. percontanti eius rei cau-
sam;

fam; *Vt, inquit, si quid cogitanti mihi in lecto utile occurrerit, signem, & memoria signatum postero die remocem.* Conuenienter Aufonius,

Μελέτη τὸ πᾶν qui dixi, & dictum probo,
Meditationem id esse totum quod geras.
 Eginard. in vita Caroli, & Henr. Erphord.

CAROLVS V. IMP.

Eiusdem mentis, sed paulò aliter CAROLVS V. qui rem quampiam aggressurus, diu multumque cam animo voluebat: in publicum non prodibat, imò morbum quandoq; simulabat. dicebat enim; *Principum consilia deprehendi non debere, priusquam in opus deducta essent.* Theat. Zuing.

COGNITIO SVI.

ARSENIVS ABBAS.

SVI COGNITIONEM, quam veram Philosophiam dicebat Demonax, rem difficillimam Thales, tractandam per exempla suscipimus. Primum sit ARSENI, magni illius Abbatis, quem dum videret quispiam cum Ægyptio viro agresti multa differentem de cogitationibus, & non sine admiratione multa inquirentem; indignabatur, virum tantum, & tam celebrem, hominem idiotam de grauisimis rebus consulere: sed ARSENIUS, *Non quidē negauerim mediocriter me eruditum: huius tamen rustici illiteratam inscitiam me nondum fateor didicisse.* Sur. tom. 4. ex Palladio & Metaphr.

IDEM.

Eiusdem etiam percelebre illud, quod commemorat Dorotheus. solitum enim eum frequenter dicere asserit, *Arseni, ad quid venisti? nihil magis repu-*

reputans ad sui cognitionem assequendam facere,
quàm sapiùs meditari, ad quid huc venerimus.
Dorothe. doct. 10.

CONSTANTIUS MONACHVS.

Hunc Arsenio socium damus. nam cùm ad viden-
du n eum quidam è longinquâ regione Anconam
venisset, eumque quòd statura pusillus esset despe-
xisset, irrisorem suum oculo excepit. & , *Quantum*
gaudeo , inquit, *quòd tandem nactus sum hominem , à*
quo iure parui pendendus existimor. Seruum enim me
scio, & ut habitu, ita ad quoduis bonum opus pusillum,
ac prorsus inutilem. Longè aliter hic sentiebat, quàm
publica hominum lex :

Quà nemo in sese tentat descendere, nemo.

Sed præcedenti spectatur mantica tergo.

Greg. lib. 1. Dial. cap. 5.

FRANCISCVS BORGIA SOC. IESV.

Ille item dignus qui inter priores locum habeat.
Occurrenti namque Dynastæ Hispaniæ, eiùsque
vicem querenti, quòd inops veste attrita ambularet,
seque & valetudinem negligeret, respondit: *In me*
fore recipio, ut mihi caneam. Iter enim facturus, pro-
dromos binos præmitto tamquam exploratores, qui ho-
spitium mensamque adornent. Interrogantiq; Dy-
nastæ, Ecquòsnam illos? *Mei*, replicabat, *cognitio-*
nem, & pœnarum apud Inferos quas merui, contem-
plationem. Lib. 4. vit. eiusd. cap. 1.

RELIGIOSVS ANONYMVS.

Iste quoque interrogatus à confratre, Cur ego as-
siduè iudico fratres, eosque carpo? respondit; *Quia*
necdum te ipsum cognovisti. Nam seipsum qui novit,
fratrum vitia non aspicit. sed potiùs considerat,
num sibi quid vitiorum insuerit olim.

*Natura, aut etiam consuetudo mala: namque
Neglectis vrenda filix innascitur agris.*

ANONYMVS FRANCISCANVS.

Cùm esset hic Ecclesiastes summus, rogabatur, cur non eam energiam haberent sermones eius, quam Bernardini religiosi viri, quem ipse tamen eloquio superabat; Ego, inquit, comparari possum, carboni calido, sed non ignito: cui si alij carbones apponantur, ignem non concipiunt. At Bernardinus similis carboni ardenti, inflammatus diuino spiritu: cui si applicentur alij, ignem concipient. In vita S. Bern. apud Sur. tom. 7. pag. 432.

COLLOQVIA.

S. PERMENAS PRESBYTER.

Corrumpunt bonos mores COLLOQVIA praua, habet vulgatũ illud. & verè ita esse, suo dicto confirmauit PERMENAS vir sanctissimus, qui cũ Polycronio Episcopo Babylone martyrium subiit. Comprehensus namque à Decio, cùm is multa Polycronium rogaret, & ille nihil responsi redderet, quæsiuit Imperator, num mutus effectus esset. quod PERMENAS excipiens; *Non est, ait, mutus Episcopus, sed tacet, ne impiorum colloquiis inquinetur.* Marul. lib. 5.

S. LVDOVICVS EPISC. TOLOS.

Paris virtutis & animi hic: qui vana hominũ colloquia velut cane & angue peiora fugiebat. Dicebat autem, quod & verè sentiebat: *Grata mihi piorum & bonorum familiaritas: quia ab his eruditio & pietas, non secus ac ab aromatibus odor.* In vita eiusd. manuscr. Louan. in Biblioth. FF. Minorum.

S. Go-

S. GODOFREDVS EPISC. AMBIAN.

Nec minùs illustris iste, apud quem ea inualuerat consuetudo, comites itineris vel antecedere, vel remotiùs eos subsequi; accedere autem neminem. Rogatus autem cur id ageret; *Ne, inquit, otiosis sermonibus detur occasio.* suo exemplo contestatus, Deo dicatum, sacris contemplationibus, non inani- bus sermonibus intentum semper animum habere oportere. Sur. tom. 6. in vita.

COMPASSIO.

IESVS CHRISTVS.

MUIta alio in loco à nobis dicta, quæ ad hunc aptè deduci possent. pauca tamen in præsentì addemus, ne COMPASSIONIS limites neglexissè videamur. Huius autem illustre exemplum est DOMINVS IESVS, cuius tota vita quid aliud quàm continuata quædam compassio, & humanæ infirmitatis condolentia? videbat (vt grauiora seponam) turbam copiosam se sequentem triduùm, sine cibo: & conuocatis discipulis, *Misereor, aiebat, turba: quia triduo iam perseuerant mecum, & non habent quod manducent: & si dimiserò eos ieiunos in domum suam, deficient in via: quidam enim eorum de longè venerunt.* Matth. cap. 15. Mar. 8.

Quere ELEEMOSYNA, CLEMENTIA, &c.

ALPHONSVS ARAGONVM REX.

Neque ALPHONSVS inter Principes hac laude caruit. Cùm enim Stephanus Neapolitanus, sumpto nepenthe, cerebro nonnihil læsus esset, teneretque opida quædam regia, fuerunt qui Regem ad ea ipsa repetendum incitarent: quibus ille; *Inhumanum videtur iis etiam substantium auferre, qui-*

bus fors cerebrum & mentem abstulit. præclare infinuans, haud esse miseriam miserię superaddendam. *Æn. Syl. lib. 4. de Di&. Alph.*

ANONYMVS.

Refert de quodam, cuius nomen silet, B. Augustinus: quòd cùm in puteum altum incidisset, eiusque sortem quispiam miseratus, diceret, *Quomodo huc miser decidisti?* ille facete respõderit: *Quid rogas, aut refert quomodo inciderim?* age, *ut me educas.* Ita quosdam videas proximi necessitatibus subleuandis parum attentos, inquirere potiùs quomodo eas habuerint, quàm rationem præbere subsidij vel medelæ.

*Vide Apophth. de CHARITATE ERGA HOMINES,
& de MISERICORDIA.*

CONCORDIA.

D. LVDOVICVS REX FRANCORVM.

PErfequamur etiam læto & hilari stilo, egregium humani animi ab odio ad gratiam deflexum. Clarus in eo fuit LVDOVICVS GALL. REX, Diuorù numero adscriptus: qui non domesticos modò, sed & externos Principes, inter quos dissidium, ad concordiam reuocare satagebat. Quod cùm improbarent nonnulli, eos grauitè redarguens, *Quid,* inquit, *si externi me vidente, & simulante, armis dissideant: numquid per summā malitiam Regem Francorum id tolerare existimabunt; & in me regnumque aliquam perniciem machinabuntur?* Præterea periculum, ne iram Dei in me prouocem, qui summo fauore prosequitur eum, qui dissidentes conciliare nititur. memor sermonis quem in loco campestri Dominus
coram

coram suis habuit: Beati pacifici, quoniam filij Dei vocabuntur. Iouil. in vita eius cap. 89.

PETRVS ALDOBRANDINVS CARD.

Quàm autem vera sit illa Sallustij sententia; Concordia res parvæ crescunt; asseruit suo dicto PETRVS ALDOBRANDINVS: cui in ore aliquando; *Civium felicitas non solum ex concordia nascitur, sed ea etiam quasi quodam pabulo nutritur.* Henricus Farnesius in Apophth. de Principe.

I D E M

Dixisse sæpenumerò commemoratur; *Duo sunt Concordia vincula: beneficium & gratia: quorum alterum benevolentiam connectit accipientium; alterum largientium amorem & studium stabili charitate confirmat.* Ibidem.

ALEXANDER SEVERVS IMP.

Post illos primum hic cum postulat ALEXANDER SEVERVS: qui vitæ suæ postremum instare terminum cum aduertisset: filiis ad se vocatis, supremum hoc vale, ac æternum monumentum dedit: *In id unum incumbite, Benè inter vos conveniat: locupletem militem, ceteros contemnite.* Prævidebat providus etiam illo instanti Imperator, filios regnandi libidine de successione dimicatuuros: & nisi milites pecunia flecterent, penitus interituuros esse. Dion. Nic. & Xiphil. in vita eiusd.

IOVIANVS. IMPERATOR.

Quid ille? Rogatus aliquando responsum daret Macedonibus supplicantibus; *Odi, respondebat, omne contentionis genus: concordiam autem unice amplector & amo.* Verum esse illud Horatij testatus;

Felices ter, & amplius,

Quos irrupta tenet copula: nec malis

K 3

Diunt-

*Diuisus querimoniis,**Suprema citius soluet amor die.*

Niceph. Call. lib. 10. cap. 40 hist. Eccles.

CONSTANTINVS MAGNVS

Merito in hunc Illustrium numerum referendus. Cui cum in Nicæna Synodo varij supplicantium libelli, quibus mutua querimoniæ exprimebantur, traderentur; omnibus ad concordiam excitatis, vniuersos dilacerabat, dicens: *Mei muneris non est talibus in causis indicem agere, aut proferre sententiam.* Sozom. lib. 1. cap. 16.

ALPHONSVS REX ARAG.

Verus Concordiæ patronus persæpe dicebat: *Si Romanorum temporibus vixissem, etiam templum Ioni Positorio construxissem.* Rogantiq; causam, *Vt ita*, inquebat, *de rebus acturi, in eo primum conuenirent, & contentionem omnem deponerent.* Significabat autem nihil Reipub. perniciosius, quam si cum Patribus plebs contentiones misceat. Panorm. lib. 3. de Gestis eiusdem.

COMES PALATINVS

Rogatus, quod esset potissimum Concordiæ vinculum; *Religionis*, aiebat, *similitudo, & de diuinis cultibus consensio.* Peucerus.

CONFESSIO PECCATORVM.

IESVS CHRISTVS.

CONFESSIO, quæ animarum salus, vitiorum dissipatrix, oppugnatrix dæmonum ab Augustino non immerito appellatur, utilitatem ac inefabilem necessitatem prosequamur. quam vti Do-

MINVS,

MINVS ac SALVATOR noster Sacramentorum nouę Legis auctor instituit: ita etiam pluribus locis commendauit. & Petro liquidem, post insignem illam confessionem: *Tibi, inquit, dabo clauēs regni celorum, & quodcumque ligaueris super terram, erit ligatum & in calis: & quodcumque solueris super terram, erit solutum & in calis.* Quid enim per clauēs, nisi scientia discernendi inter lepram & lepram insinuatur? Quid per ligare & soluere, nisi sententię, post causę cognitionem, prolatio? Hoc ipsum & alio loco verbiſque post resurrectionem, in discipulos insufflans, dixit: *Accipite Spiritum sanctum, quorum remiseritis peccata, remittuntur eis: & quorum retinueritis, retenta sunt.* Matth. cap. 16. & Ioan. 20.

S. ANTONIVS.

Eamdem confessionis necessitatem, atque utilitatem, confirmauit iste. *Magnam enim esse, dicebat, ad virtutem viam; si singuli vel obseruarent quod gererent, vel vniuersas mentis cogitationes fratribus referrent.* Videbat certè ægrè peccatum cōmitti, quod alij debet manifestari, & quasi cum pudore proferri. Athan. in vita eiusd.

D. LVDOVICVS FRANC. R.

Et hic in id vnum incumbere potissimū, vt fīlium natu maximum, hac Confessionis virtute imbueret. Cui etiam moriturus, inter cetera salutis monita dicebat: *Elige tibi Confessorem, & idoneum, & probum: qui sapienter quid agere, quid fugere debeas, doceat.* O nimis disparē huius Principis à nostri cui plerisq; Magnatibus animū! Ionuill. in vit.

CLAVDIVS VIEHEMONTIVS.

Vide IOCOSE DICTA.

Require Apoph. de SALVTE EIVSQ. CVRA.

CONFESSIO FIDEI.

IESVS CHRISTVS,
& PATER LVNATICI IN EVANGELIO.

Post peccatorum confessionem, eam quæ fidei est, conuenienter subdimus, sine qua prior illa nihili facienda; magni verò, si coniunctam eam habeat, æstimanda. LVNATICI PATER, (cuius meminit Euangelium) rogatus à DOMINO, *Si potes credere, omnia possibilia sunt credenti.* continuò exclamans, motus commiseratione erga filium, cum lachrymis protestabatur: *Credo Domine: adiuua incredulitatem meam.* Et ita, vt habet Aug. Conc. 7. in Ps. 118. incredulitatem suã adhuc inhærentem, inuitò confitebatur: neque tamen fidem diffitebatur. & hinc filio sanitatem impetrauit. Mar. cap. 9.

S. PETRVS & IOANNES.

Vide PRÆDICATIO VERBI DEI.

BENIAMIN DIACONVS.

Vide CASTIGATIO MODESTA.

S. TIBVRTIVS MARTYR.

Sed & hunc meritò celebrauerim. Qui à Fabiano Præfecto compulsus, prunis ante se positis thura Diis ponere, aut easdem discalceatis plantis calcare; facto crucis signaculo, super eas ingreditur, dicens: *Depone infidelitatem Fabiane; disce solum Deum, quẽ confitemur, dominari creaturis. Tu tantum præsta in nomine tui Jouis; &, si potest, faciat te non*
sen-

sentire dolorem. Sur. tom. 1. in vita S. Sebastiani.

CLERICVS ANONYMVS.

Longum foret enarrare quàm fortiter viri sancti hac Confessionis virtute vsi. quare pluribus aliis, alium in locum relegatis, quid de CLERICO quodam commemoret Gregor. Turon. videamus. Ab Arrianis custodiæ traditus, cùm Personarum trinitatem in naturæ diuinæ vnitatem multis rationibus adstrueret; nec minis, nec muneribus, sententiam mutaret, induci poterat: tandem in equuleum sublatus, dum rogaretur, Quid credis? nihil aliud respondebat, quàm, *Credo in Deum Patrem, & in Iesum Christum, Filium eius unigenitum, atque in Spiritum sanctum, ex utroque procedentem.* Greg. Turon. de Glor. Mart. lib. 1. cap. 82.

Vide Apophth. de FIDE & FIDELITATE.

ACHEMENIDES.

Inuitant me etiam, & excitant quæ sequuntur. ACHEMENIDEM referam, qui à Tarane Persarum rege, quòd fidei semina in Perside sparsisset, accusatus; *Vniuersitatis*, aiebat, *Deum nequaquam abiuro, vt tibi amicitia iungar. Maius crimen, diuinam, quàm regiam ledere maiestatem.* Niceph. lib. 14. Hist. cap. 20.

IDEM

Illic honoris & amicitiae regiae, hîc munerum contemptor. Sumptuosas namque vestimentis à præfato Tarane donatus, postquam id factum sensit, vt ita lentis beneficiis à proposito dimoueretur; excandescens, concissas eas à se reiecit, dixitque: *Si eius gratia me Religionem longè optimam mutaturum putas, en munus tuum, vna cum impietate, habet.* Ibidem.

K 5

CANV-

CANVTVS ANGLORVM REX.

Addamus & hunc, cui præclarum huius rei testimonium præbent Annales. Cùm à coruis aulicis (Assentatores appello) circumuentus, omnia ad nutum eius vultumque conuerti iactitarent: ille, iis inspectantibus, sedem regiam in maris litore poni curat. cui insidens, *Tu mare, inquit, ditionis mea es, & terra in qua sedeo, est mea: tibi impero, ne in terram meam ascendas: (iam enim erat maris accessus) nec membra domini tui madore perfundas.* Dixerat. Seruat suum fluxum mare, & immenso imbore domini sui sinum perfundit. Tum ille: *En, quàm ego omnibus imperito? Quin sciant omnes qui terram incolunt, vanam & falsam esse regum potentiam; atque vnum eo nomine dignum, qui verè imperium inhibet calo, terra, mari, ac diademate Cruci imposito, deinceps pietatis & modestiæ cultor existit.* Ita

Regum timendorum in proprios greges,

Reges in ipsos imperium est Iouis.

Saxo Grammat.

Vide Apophth. de CHRISTI CONFessione, & NOMINE. Item de IDOLORVM VANITATE, &c.

CONIVGIUM.

IOANNIS BRITANNIÆ DVCIS F.

DE CONIVGIO dicturis, primum se exhibet IOANNIS BRITANNIÆ DVCIS FILIVS, quem cùm pater in matrimonium tradere destinasset Isabella Scotorum Regis filia; rogat, qualis futura sibi vxor esset. Cui pater: Prudens est admodum, & decenti corporis forma: quæ, vt nostri sanguinis generisq; fiat particeps, digna est; verùm omni eloquen-

quendi venere caret. *Talem*, inquit filius, *optavi*
semper: nam satis multum prudentia mulieri inesse
existimaui, si norit dignoscere inter thoracem &
indusium mariti sui. quasi dicat: Quæ nouit se mori-
 bus mariti accommodare, & malos dissimulare, bo-
 nos imitari. Corozetus de Dict. Fact. memor.

THOMAS MORVS.

Hic duas vxores succ. sinè habuit, & vtramque
 admodum paruæ stature. Rogatus, cur tam exiguas
 duceret; illud Democriti respondit: *Quia ex duo-*
bus malis, minus putari eligendum. Tho. Staplut.
 in vita eiufd. cap. 13.

EVGENIA PHILIPPÏ FILIA.

Vide VIR BONVS.

Vide etiam plura in Apophth. de MATRIMONIO,
MARITO, & VXORE.

CONSCIENTIA BONA.

S. T. BVRTIVS MARTYR.

BONA CONSCIENTIA, quæ velut suaue nepen-
 thes, omnem vitæ mœrorem ac solitudinem
 repellit, & iuge conuiuiû in Prouerbiis nuncupat
 Salomon, paucis illustranda. Veniat in medium TI-
 BVRTIVS: qui dum Fabiani tyranni iussione, ociùs
 Christi fidè negare variis tormētis propositis com-
 pelleretur, immota & inconcussa mente, in genero-
 sam hanc vocē erumpens, *Decerne*, respondit, *quod*
libet. *Omnis nobis vilis est pœna, ubi pura est comes*
conscientia. Sentiebat autem cum Apostolo, gloriam
 nostram esse, conscientiaē propriæ testimonium.
 Sur. tom. 1. in vit. S. Sebast.

S. HILA-

S. HILARION.

Quin & de S. HILARIONE testatur B. Hieronymus : quòd, cùm iam morti proximus, & modicus calor in corpore teperet, nec quidquam viui hominis, præter sensum, superesset, apertis oculis loqueretur : *Egredere, quid times? egredere anima mea, quid dubitas? Septuaginta propè annis seruisti Christo, & mortem times?* Verè libenter ille moritur : & venientem (vt Christianè loquitur Seneca) nemo hilaris mortem excipit, nisi qui ad illam se diu composuerit. puta, cui conscientia mentem explet dulcedine & pace. Hieron. in vita.

LVPVS SENONVM EPISC.

Quis autem de LVPO Senonum Episcopo non malè opinetur, qui eum præcessoris sui filiam tenerimè diligere conspexisset? tamen ipse se taxari intelligens, eam in publico est amplexatus, dicens: *Non offendunt obloquentium verba, quem propria non inquinat conscientia.* Quæ res illo æuo fortassis tollerata: hoc verò, non sine graui scandalo tentanda. Marul. lib. 5.

ANONYMVS.

Illustre & illius responsum, cuius nomen silentij sigillo obseratum. Rogatus enim, quid nos potissimùm delectare soleat; *Conscientia*, aiebat, *pura, & spes bona* Vnde non sine causa dictum à Sapiente : *Læti cordis os florescit.* Anton. Serm. de puro corde.

SEBASTIANVS LONDINENS. LVDIMAG.

Nostri æui est, quod addam. Exhibuerat SEBASTIANVS Scholę Londinensis rector, inspectante Elizabetha Anglię regina, Comœdiam miro cum plausu : & mercedem petere iussus quam vellet,
Con-

Conscientie, aiebat, libertate donari velim, quò Catholicam vitam impuè vinere valeam. Veram quippe libertatem cum Periandro ex stimabat, Rectam conscientiam. Benè & doctè Quid. in Fastis:

Conscia mens ut cuique sua est; ita concipit intra Pectora, pro facio spemq; metumque suo.

Rastell.

Vide Apophth. de INNOCENTIA.

CONSCIENTIA MALA.

IUDAS ISCARIOTES.

AT numquam securus est reus animus : mala enim mens propriis cōscientiæ stimulis agitur: quibus etiam Regius vates sauciatus, clamabat; Peccatū meum contra me est iēper. Eadē lue infectus IUDAS proditor, videns Iesum Iudæorū sententia damnatū, aliquo tactus dolore, peccati conscientia stimulante, referens triginta argenteos, iam ad desperationem ductus; *Peccavi*, inquebat, *tra-*
dens sanguinem iustum. Cui illi respondentes, dicūt: Quid ad nos? tu videris. Insinuabant cuiusque testimonium esse propriam conscientiam : & quæ ex eā & ab eā procedunt. Ac quemlibet nostrū

Nocte dieq; suum gestare in pectore testem.

Matth. cap. 26.

VOLSÆVS EPISCOPVS.

Fuerat hic inter primos Henrico VIII. Angliæ Regi auctor, quòd Catharinam Aragoniam repudiaret. At vt impiorum consilia rarò stabilem sortiuntur finem; non diu pòst, dum velut reus læsæ maiestatis Londinum supplicio afficiendus perduceretur; furiis conscientiae inquinatæ agitatus, *Vti-*
nam,

nam, ingemebat quasi desperabundus, *nihilò magis diuinæ maiestatis læsæ reus fuisset! Nunc autem, cum nihil prius habuerim, quàm eâ relictâ Regi inferuire; & in Deum peccavi, & in Regem.* Haud malè in Epigrammate suo Pictorius :

Istud habet damni vitium inter cetera: quòd mens

Palpitat assiduo flagitiosa metu.

N. Sander. de Schism. Anglic. lib. 1.

CONSILIVM ET CONSILIARIIL

FREDERICVS CÆSAR.

CONSILIVM omne, à quocumque proficiscatur, à Deo esse, auctor est B. Augustinus : vnde & Consiliarios ipsos præstantiores esse cōuenit, ac vita & moribus superiores. Quis enim in cœno fontem requirat? quis de turbida lympha potum petat? Considerabat id FREDERICVS, qui aliquando pro concione Consiliariis suis dicebat: *Vtinam consiliarij mei in palatij vestibulo duas res deponerent! sic enim & ipsi recta consulerent, & mihi etiam de consiliis eorum indicare esset facillimum.* Interrogantibus autem quamnam illæ res essent? *Simulatio*, aiebat, & *dis-simulatio*. Docebat autem, Consiliariorum priuatos affectus sapè obstaculo esse, quo minùs rei, bonoque publico Principes rectè consulerent. *Æn. Syl. lib. 3. Comm. de Reb. Alphonfi.*

IDEM

Ladislauum Hungariæ Regem, adhuc puerum, apud se educabat: neque deerant qui eum clam per-dendum suaderent : per cuius mortem vtpotè summam rerum obrineret. Verùm pius & prudens Imperator, *Cur me, inquit, diuitè potius, quàm pium de-sidera-*

*federatis? Ego sanè diuitias non ita amo, ut iis tam impium facinus, improbis vestris consiliis persuasus, at-
tentem. Et hic iterum suo exemplo docuit, consilia
impia, eorumque auctores è Principum pectoribus
aulisque extirpandos. Supra me esse debet, inquit
Augustinus, cui me committere paro. Ibidem.*

ALPHONSVS REX.

Rursus se hîc interit ALPHONSVS, verè magna
huius operis pars. Hunc, cùm senex naturâ & ata-
te audacior argueret, quòd contra Patrum decreta
bellum capesseret, dixit: *Regum consiliarij instar re-
gum esse, regumque animos habere oportet.* Plura ta-
men aliquando consiliariis priuatisque conueniunt
quàm Regibus. Ita Parmenioni pecuniam cudere
licuit, Alexandro non licuit. Panorm. lib. 1. de Gest.
Alphon. & Æn. Syl. de eiusd. Dictis.

IDEM

Sciscitanti, quos Consiliarios maximi faceret; Li-
bros, respondit: *quia ab his sine metu, sine gratia, que
nosse cupio, fideliter audio.* Panorm. lib. 3. de Ge-
stis Alphonfi.

IDEM

*Reges ab alijs regi, ducesque ab alijs duci, perab-
furdum esse dicebat. Notabat autem eos, qui, cùm
splendidis titulis Regni Imperijque gaudeant, suo-
rum tamen Consiliariorum velut macipia existant,*
Panorm. lib. 2.

HENRICVS VIII. ANG. REX.

Vide DOCTRINA IN PRETIO HABITA.

CAROLVS VIII. FRANC. R.

Ante illum CAROLVS VIII. Rex Christianissi-
mus, monitus à Legato Aquitanie, ne Anglorum
consi-

consilio auxilioque vteretur, sibi satis esse virium bello suscitando: ad quemdam ex adstantibus conuersus, *Vides, inquit, sollicitantem eum, ut bellum moueam, quod ex usu Gallia futurū dicit. an & tibi idem visum?* quo dissentiente; Rex, *Sum*, inquit, Gallia studiosior, quàm hic orator existimat. Cum enim vnus modo sit in Gallia Rex, vellem eam à senis Regibus gubernari. Prudentis est omnia prius experiri consilio, quàm armis. Phil. Comin. lib. 4. de Reb. Gallia.

ALPHONSVS ARAG.

Eiusdem etiam mentis ALPHONSVS, quem paulò antè nominauimus. Qui, Cathalanis suadentibus, ut sibi adhuc ætate rerumque usu immaturo, septem viros prudentia doctrinaque insignes adiungeret, quorum consilio fretus, sua omnia dirigeret; laudauit consilium, adiecitque: *Si horum septem, vel vnum tantum dederitis, continuò illi regnum & regimen cessero.* insinuans, raras aues in terris esse bonos Regum consiliarios: at plerosque ex eorum genere, de quibus Iuuen.

Defessa in oculis quos sportula fecit amicos.
Panorm. lib. 2. de Gest. eiusd.

CAROLVS V. IMP.

Require supra, COGITATIO, CONTEMPLATIO, &c.
item GYBERNARE.

CONSOLATIO.

'IESVS CHRISTVS.

Rationem in consolando valere plurimum, auctor est Cicero: ideoque Christiana solatia, quia in ratione fundata, solida sunt & efficacia.
Quis

Quis enim tales eas fuisse negabit, quas DOMINVS NOSTER pluries benignè est clargitus? vt autè Cannanæ, Magdalenæ, & alios innumerabiles trās-
 eam, cùm discipulis & Apostolis suū ex hoc mun-
 do ad Patrem transitum insinuasset, vt mœstis me-
 delam consolationis adferret: *Si, inquit, abiero, mit-
 tam Paracletum ad vos. & infra; Cum autem vene-
 rit ille Spiritus veritatis, docebit vos omnem verita-
 tem. Docet autem rebus afflictis nihil diuino solat-
 io efficacius.* Ioan. cap. 16.

S. PAVLVS APOSTOLVS.

Ille etiam veræ consolationis dulcedine perfu-
 sus, volens eam participare iis, qui secum in naui
 erant graui periculo expositi, aiebat: *Adstitit mihi
 hac nocte Angelus Dei, dicens: Ne timeas Paule, Cæ-
 sari te oportet assistere: & ecce donauit tibi Deus omnes
 qui nauigant tecum.* Act. cap. 27.

S. PAVLA ROMANA.

Meritò hæc Paulo supponitur, quam in rebus
 anxiiis hilari animo decātasse accepimus illud Psalm-
 istæ: *Quare tristis es anima mea, quare conturbas
 me? Spera in Deo.* Hieron. in Epitaph.

S. LYDWINA.

Certet etiam cum hac LYDWINA, patria Batava:
 quæ tanto consolationum recreabatur cumulo, vt
 earum pondere se opprimendam diceret, nisi ali-
 quando etiam à Domino humiliaretur. *Bona, in-
 quiebat, est consolatio, quam non tumor inflat: sed ti-
 mor consolidat.* In vita eius apud Ioan. Brugman.

S. SABINA.

Eiusdem & sexus & fortitudinis illa. cui cùm
 nefarij homines minarentur, ni Diis sacrificaret, in

L. prosti-

prostibulum coniiciendam: presenti se recreans solatio, *Sancto*, inquiebat, *Deo id cura erit.* Sur. tom. 1. in vita Pionij.

PRINCEPS SARACENVS ANONYMVS.

Huius autem egregium & memorabile dictum, ad calcem, licet extra præscriptum virorū ordinem, adiicimus. Hic quandoque ad captiuos in Ægypto Franciæ procures accessit, rogans, vtrum & illi in Deum crederent ex Virgine natum, cruci affixum, mortuum? &c. quibus affirmantibus, *Macte igitur animo*, inquit, *parum adhuc id erit, tantillum pro eo sustinuisse, qui pro vobis ad mortem usque decertauit. Qui si tanta fuit potestatis, quod seipsum e sepulchro suscitauit, breui vobis speranda ex his calamitatibus liberatio.* Seriam veramque consolationem fuisse, probauit secuta libertas. Ionuil. in vita D. Ludouici, cap. 42.

THOMAS MORVS.

Huius admirandam omnium rerum virtutem multa loquuntur. Quid illustrius, quam quod carceri mancipatus, nullum dolori locum daret? & qui ad se excitandum accurrerent, ipse nouo quasi solamine recrearet? *Mundus*, aiebat, *carcer est, ex quo ad causam dicendam suis singuli diebus euocantur. Quod autem meus carcer aliorum Principum, carcere sit minor, beneficii loco habeo: cum e malis minimum sit eligendum.* N. Sanderus de Schism. Anglic. lib. 1.

Vide Apophth. de FIDV CIA IN DEVM.

Item,

RES ADVERSÆ.

CON-

CONSORTIVM, CONVERSATIO.

S. PETRVS APOSTOLVS.

Qui cum sapientibus graditur, inquit Prou. cap. 13. Salomon, sapiens erit. Vnde Apostolorvm PRINCEPS, cum multi discipulorum Iesu retrò abirent, & non iam cū eo ambularent; rogatus à Domino, Numquid & vos vultis abire? aliorum nomine respondebat: *Domine quò ibimus? verba vite eterne habes. & nos credimus & cognouimus, quia tu es Christus Filius Dei.* declarans suo dicto extra Christi consortium nusquam fidelibus tutum esse refugium. Ioàn. cap. 6.

S. IOAN. APOSTOLVS.

Si quantum mali ex sordidâ conuersatione emergat cognoscere velimus, quantumque boni honestorum ac bonorum conuictus reportet, indagare; intucamur IOANNEM APOSTOLVM. Hic enim lauandi gratia balneum ingressus, cum ibidem vidisset Cerinthum hæresiarcham, continuò exsiliens, illotus recessit, dicens: *Fugiamus hinc, ne & ipsa balnea corrumpant, in quibus veritatis hostis Cerinthus lauat.* Docebat impiorum (quorum numero adscribendus Cerinthus) consortia vbique locorum deuitanda. Euseb. lib. 3. hist. Eccles. cap. 22. Iren. lib. 5. cap. 3.

ARSENIVS ABBAS.

Hic etiam omnium omnino conuersationem commerciumque fugiebat. Rogatus autem, cur ita solus viueret, cum multis ipse prodesse posset, tum sermone, tum vitæ exemplo; *Non possum*, inquit, *diuidere me Deo & hominibus, ut utrisque complaceam.* Sur. in vita eius, tom. 1.

S. HVBERTVS.

Aliter ille. cùm aliquando martyrij desiderio flagraret, ac meminisset necis B. Lamberti, sui quondam collegæ; inter pias lachrymarum exuberationes conquerebatur, *O infelicem me, cui tanta peccatorum congeries, ut viri tanti martyrium subeuntis consortio indignus sim.* Ita nimirum se imperfectioris arguebat, ut quò esset perfectior, eò magis sibi met videretur exiguus. Sur. tom. 6. in vita.

S. LAVRENTIVS MARTYR.

Meritò inter alios celebrandus LAVRENTIVS, qui Sixtum Episcopum ad martyrij palmam prope- rantem conspicatus, hac voce in publico aggreditur. *Quò progredieris sine filio pater, quò Sacerdos sine Diacono properas? vide an idoneum ministrum elegeris, cui commisisti Dominici sanguinis dispensationem? & mihi iam tui sanguinis consortium negas?* Ardebat videlicet illi in morte coniungi, cui dum viueret, sæpiùs per ministerium & animi vnionem fuerat coniunctus. In vita eiusd. apud Sur. & Sulpit.

INNOCENT. VI. PONT.

Ille, ut ceteris adiciatur, domi habere noluit nisi viros probatos; idemque facerent Cardinales, monuit. dicebat autem: *Nostri & omnium Ecclesiasticorum vita, ceteris exemplo esse debet ad imitationem Saluatoris nostri, cuius tota vita ad humani generis imitationem respiciebat.* Platina in vita.

Vide SOLITVDO.

CON-

CONSTANTIA RELIGIOSA
 ET PIA.

S. PETRVS APOSTOLVS.

SEquitur RELIGIOSA ET PIA Christianorum
 CONSTANTIA, quæ in Sanctis vtriusque sexus
 emicuit. Nullâ certè re, nostra hæc Religio magis
 abundat, magis se commendat, & adfirmat. Pauca
 itaque in historiis sparsa collegimus, & in iis petram
 Ecclesiæ PETRVM: qui velut ceterorum caput &
 ductor, Christo de passione multa dicente, càm
 audiuiſſet omnes in eo scandalizandos, *Etsi, ait,*
omnes scandalizati fuerint, sed non ego. Qui etiam
cùm Christus respondisset, Quia tu hodie in nocte
hac, priusquam gallus vocem dederit, ter me es ne-
gaturus: amplius loquebatur; Et si oportuerit me
commori tibi, non te negabo. Quod licet ex præsum-
ptione dictum fuisse videatur, habet tamen aliquid
religiøsæ Constantiæ admixtum: vtpotè cùm illa
assertio non nisi ex vehementi in Dominum adse-
ctu processerit. Matth. cap. 26. Luc. 22.

PACOMIVS ABBAS.

Quid de illo dicam? cui id vnum curæ semper
 fuisse commemorant, iuniores ad piam hanc & re-
 ligiosam Constantiam adhortari. Ita enim dicebat:
Frustrà ad salutis branium currimus, nisi curramus
sic ut comprehendamus. Frustrà cum hoste conſigimus,
nisi certemus ut vincamus. Marul. lib. 5. cap. 8.
 Metaphrast. & alij.

THEODORVS MONACHVS.

Hic Pacomij discipulus, professionis suæ initio,
 multùm à matre sollicitatus, ad sæculum rediret,

numquam assensum præbuit. cum autem litteras al. Antislite loci attulisset, quibus libera ei fieret recedendi facultas, Christum præferens, regredi noluit; *Ne*, inquit, *scandalizantem oculum à me proiectum, iteratò requirere videar.* & ita esse maluit Dei filius, qui matris esse recusauit. Marul. lib. 5, cap. 8. in vitis P P.

EREMITA ANONYMVS.

Refert Cassianus ERFMI CVLTOREM vsque adeò vitæ solitariæ flagrasse desiderio, vt dum fasciculum litterarum è patria accepisset, ne aperire quidem illum dignatus sit, sed in ignem conieceroit, hoc dicto: *Ite cogitationes patriæ, pariter concremimini: nec me ulterius, ad ea quæ fugi, renocare tentetis.* Cassian. Monast. instit. lib. 5. cap. 32.

DIDACVS ANDRADAS SOC. IESV.

Non immeritò illum celebramus, quem etiam hæc virtus extulit. Erat enim P. Ignatio subcenturiatus: cumque pugionibus confossus in pelagus præcipitaretur, socios ad pugnam spirituales cohortatus, *Pugnemus*, aiebat, *socij fortiter, sanguinis prodigi: Christi enim sanguine redempti sumus.* Quid hîc prius mirabimur, an admirabilem niuei pectoris constantiam, an verò religiosam illam in Dominum suum Christum fiduciam? In vita F. Borgiæ, lib. 3. cap. x.

Vide in Aphor. de ANIMI FORTITVDINE, MARTYRIO, item FIDV CIA IN DEVM, &c.

CONSVE TVDO.

S. BERNARDVS ET ANONYMVS.

CONSVE TVDO, quæ quasi secunda, & (vt cum Augustino loquar) affabricata natura dicitur, paucis

paucis perstringenda. eam enim vincere, dura est pugna; vicisse, maxima victoria. Certè D. BERNARDVS, cùm in Franciæ finibus agens, nobilem offendisset in tantum luxuriæ vitio deditû, vt quolibet die eodem se inquinaret; eum seuerâ oratione, at nihil proficiente admonuit. Qui dum se abstinerenullo modo posse assereret, *Quæso*, inquitabat BERNARDVS, *saltem aliquales cura Deo inducias facito, vt minùs ad triduum.* Annuit ille: & ecce triduo expleto, *Nunc in honorem Deipare*, inquit vir sanctus, *tantumdem præsta.* parer: tum tertio BERNARDVS, *Semel adhuc has inducias posco in honorem omnium Sanctorum.* & ille rursus eas paciscitur: donec sponte BERNARDO se insinuans, diceret: *Nolum amplius diurnas, sed perennes cum Deo inire inducias.* Tantum prodest inueteratam peccandi libidinem contraria assuefactione sensim eradicare. In vita D. Bernardi, & 7. part. spec. Spirit. cap. de consuetud.

S. IOANNES CHRYSOSTOMVS.

Quanta verò innatæ iam consuetudinis vis sit & vsus, suo dicto asseruisse Ecclesiæ Doctore CHRYSOSTOMVM, auctores sunt Ant. & Max. Serm. de consuetud. dicebat autem: *Nihil tam firmum est in rebus humanis, quàm veteris consuetudinis tyrannus.* Hinc verè Ethnici alteram naturam dixère consuetudinem, eiusque imperium grauissimum, nam vt rectè Iuuen.

——— *Laqueo tenet ambitiosi*

Consuetudo mali. ———

LYDOVICVS PALATINVS. COMES.

Præclarus ille vir, iure inter præclaros Ciuilis ordinis, à nobis solus recensebitur. Cùm enim quid-

nam eligendum optandumque altercarentur nonnulli : interrupto sermone , *Eligenda est*, ait, *optima vite ratio, quam consuetudo reddet suauissimam*. Meminerat illius Stagiritæ : Multa quæ natura sua non sunt delectabilia , cùm fuerint assuetudine superata, tandem fiunt delectabilia. Timoth. Berck. in Orat. Fun. Ludouici.

ANONYMVS.

Ille autem interroganti, quidnam homini inter cetera esset suauissimum; *Id*, ait, *quod tota vita consuevit*. Quare Orosius de Ormesta lib. 1. præclare sentit: Dum, inquit, perpetuò in vita sua tranquillitatum & deliciarum sereno assuefacti sunt, ad omne vel modicum obductæ solitudinis nubilum commouentur. Polyanthea.

CONTVMELIA.

FREDERICVS III. IMP.

Sicuti nec ob calorem Ægyptum, neque Scythiam ob frigora, fulmen sentire ferunt: ita è conuerso, nec summa potentia, neque extrema fortunæ humilitas, à CONTVMELIA hominem tutum reddit. quod eleganti dicto, felix aliàs in eiusmodi, illustrauit IMPERATOR FREDERICVS. Ille etenim Romam profecturus, cùm vidisset Cosmæ Medices opes maximas, dixisse fertur : *O quæ conuitia contumeliasque perpeffus, antequam hoc modo locupletatus est*. Innuens, eos qui ex humili emergunt, multorum odiis exponi: dum ea insita sit mortalibus natura, recentem aliorum felicitatem ægris oculis intueri. Æn. Syl. de Dict. Alphonfi.

AQVI-

AQVITANVS ANONYMV

Percontanti Carolo vi i. Franc. Regi, qua tandem ratione fidem sibi tot præclaris rebus perspectam falleret; *Non tuo, aiebat, Here regno, non orbis imperio adduci possem, non omnium thesauris: contumelia tamen, & stomachosa iniuria possim.* Quod verè est contra illud vulgatum: Cadentem in virum bonum, non herere contumeliam. Æmil. in vit. Lud. 12. Gall. reg.

CONVITIA ÆQVO ANIMO
PERPËSSA.

FREDERICVS III. IMPERATOR.

Huiusce rei exempla suppeditant S. Litteræ, & SS. vitæ. vtpotè quibus nihil magis in voto, quàm pro nomine Iesu contumelias conuitiaque perpeti. Sed neque Ciuile agmen suis hîc caret. Antesignanum agat proximè nominatus FREDERICVS: qui, dum multa in eum maledicta iactassent homines improbi, ad Procere conuersus, *An nescitis, inquit, Principes quasi signum ad sagittas expositos? turres enim præaltas fulgura feriunt, humilia tecta prætereunt.* Appositè Seneca in Epist. Malis displicere laudari est, nec vllam auctoritatem habet, vbi qui damnatus est, damnat. Æn. Syl. lib. i. com. De reb. Alphon.

ALPHONSVS REX ARAG.

Proximos illi honores occupet ALPHONSVS. audierat namque quosdâ de se benè meritos, linguam à conuitiis non temperare: *Regum, inquebat, quod olim Alexander, est, non solum bene facere: sed mala etiam patienter audire.* Panor. lib. i. De eius gest.

Nec minor illo LUDOVICUS, qui Carolo octavo superstiti adhuc, multis & grauibus laceratus contumeliis, eo vita functo, cum in regni hereditatem successisset, & calumniatores sibi fuga consularent, absentes suapte sponte reuocauit, dicens: *Prinati personam exui. Rex quippe constitutus, hæcce conuitia neque curo, neque vliscor.* Annal. Franc.

Vide Apophth. de PATIENTIA, MANSVETUDINE, &c.

CONVITIA IN AVCTOREM RETORTA.

IESVS CHRISTVS.

Veluti in maledicendo promptissimi sunt nonnulli, ita non minus ingeniosi alij, vt maledicta in auctoris sui caput retorqueant; mira aliquando cum elegantia & lepore. Calumniabantur IESVM Pharisei, quod in Beelzebub dæmoniorum principe eiceret dæmonia. at ille; *Filij vestri in quo eiciuntur? & paulò post: ipsi indices vestri erunt. Omne regnum in se diuisum desolabitur, &c.* Matth. cap. 12.

INARIUS EPISCOPVS.

Vide CÆCITAS.

VITELLIUS CORNETANUS CARD.

Nuntiauerat illi Alphonsus, se Marte iudice eum arma indecenter tractantem, eò inopiæ redacturum, vt tamquam infimi ordinis sacrificulus, misfarum solènia etiam denario peracturus sit. cui ipse; *Non abnuo, aiebat, conditionem, vt magni Regis Sacella-*

cellanus efficiar. Regis nuntium quod serium videbatur, eludens. Iouius lib. 1. Elog.

RICHARDVS VITVS.

Admodum facetè ille : non minùs ingeniosè hic. Disputabat enim cum homine nefario Anglocaluinista, potentiore ad bibendum quàm disserendum, de clauibus Ecclesiæ. cumque sibi eas datas constanter ille & pertinaciter assereret ; *Credo, respondit VITVS, tibi perinde ac Petro eas esse datas: verùm hoc discrimine, quòd huic regni celestis, tibi verò cerenisiaræ cellæ. hoc enim rubicundum tui nasi promontorium indicat.* Ex Martyr. Angl.

THOMAS BIRACVS.

Neque inferiores hoc in titulo alij. Conuocarat aliquando Patriarcha Hierosolymitanus ad certam causam discutiendam plures aduocatòs. cumque vnum ex illis acriùs castigasset, THOMAS BIRACVS præ ceteris liberius in eum erupit : cui Patriarcha, Vt video, ait, malum caput habes. At ille vt erat promptus, *Verè, inquit, & benè: nam si bonum caput haberem, meliori loco res nostræ essent.* Te igitur culpas? infert Patriarcha. *Non me,* respondit THOMAS, *sed caput incuso.* ipsum scilicet Patriarcham, qui reliquis præerat, incusabat. Pogg. Florent.

SFORTIA COTIGNOLA.

Ei quoque dum à Sergiano magno Seneschalco ad exprobandam generis nouitatem ligonis fabula obiectaretur, *In hac, inquit, vt video stirpis origine conuenimus, cum Adamus mortalium primus terram foderit: sed ego certè quod iure diffiteri non potes, illo meo ligone multò euas nobilior, quàm tu tuo pene & penina.* Quo scommate lepidè hominè transfixit.
 cum

cum in eo tanta cum inuidia dignitatem, stuproque sitam, & patrem eius ad Prætoris tribunal ignobilem scribam, adulteratoq; testamento falsi damnatum, scitissimè notasset. Paul. Iouius in vit. Iac. Mutij, cap. 84.

HOSPES ILLYRICVS ET VANDALVS.

*Ebrius oclusas pulsabat VANDALVS aedes,
In quibus ILLYRICI sanguinis hospes erat.
Impatiensque mora, cum nigra bile tumeret,
Hospite confestim non reserante domum:*

Ecce quid Illyricum, clamabat, & inter asellum

Quo pecus est nullum turpius, esse rear?

Ille refert contra: Dubius quid talia quaris?

Anne vides quòd sint inter vtrumque fores?

Ex relatis Auctori.

QVERALDVS LEGATVS REG. ARRAG.

Ad Africæ Regem missus Legatus, nobili cœna apud eum excipitur. Aduocantur etiam procerum nonnulli, quibus Rex mandat, clam ossa derosa colligant, & ad QVERALDI pedes proiciant. Postquam epulis exempta fames, mensæque remotæ; apparet ossium cumulus. tum quispiam à Rege subornatus, Quid hîc, inquit, ossium est? profectò lupo hîc cœnauit, non homo. Cui QVERALDVS Regem intuius, *Mihine, inquit, ô Rex cum lupis fuit negotium? Luporum enim carnem & ossa simul arrodere: quod tui isti commessatores fecere. ego ut homo, carnem sumpsi, ossa in humum ieci, in canum pastum & oblectamentum.* Pontanus.

HISPANVS ANONYMVS.

Sisterem, nisi faceta HISPANI cuiusdam & libera responsio, quam Franc. Swertius F. inter alia mihi fuggerit, retardaret. Solimanno Mahumetano solenne

Tenne erat, in loco quo aluum solitus exonerare, depictas conseruare Christianorum Principum effigies. Itaque necessitate naturæ compulsus, dum eò se conferret, HISPANVM, quem inter ceteros ministros fortè alebat, ad se vocat. Et ostensa Philippi 11. Regis imagine, Eo, inquit, honore apud me est tuus Princeps. Cui HISPANVS (mirare quòd tam liber apud Tyrannum) Credo, ait, non sine causa M. T. hunc isti loco consecrare. Illius enim vel solum in imagine representati aspectus, in tantum tua viscera commouet, ut sine medicorũ ope, natura se sua sponte quasi deficiens resoluat, & quidquid ei superabundat, eiciat.

SCVRRA ET TORTOR.

Vnum adhuc huius farinae à Georg. Sabino carmine descriptum, ad extremum adscribam:

Vsurpare ioco Pastoris verba Menalce,

Omnibus & solitus dicere SCVRRA fuit:

Efficiam posthac ne quemquam voce laceffas:

Ipsus hæc semper verba iocantis erant.

Ast ubi iam capitis meruisset crimine pœnam,

Multa quòd intulerat probra nefanda bonis:

Cumque foret laqueo iam suspendendus, eodem

Bucolico ludens carmine TORTOR, ait:

Efficiam posthac ne quemquam voce laceffas,

Fracturus torto iam tibi fune gulam.

Require ARTIVM CONCERTATIO.

CONVIVIVM.

IESVS CHRISTVS.

CONVIVIVM omne tribus constare oportere, Cex Menalippa Varronis colligitur: Lectis viris, lecto ioco, lecto tempore. quale fuisse illud quod sub-

subiungimus, quis audeat inficiari? DEI namque FILIUS, cum Matthæum publicanum ad Apostolatus apicem euexisset, eius domum ingressus, cum eodē, & pluribus aliis publicanis ac peccatoribus, quibus extremum vale, amicorum more, Matthæus dabat, discubuit. Pharisei verò indignati, *Quare*, dicūt ad CHRISTI discipulos, cū publicanis & peccatoribus manducat Magister vester? quorum accusationem audiens IESVS, ait: *Non est opus valentibus Medicus, sed malè habentibus.* insinuans, quod reficiendo nos corporaliter, etiam possumus accumbenti proximo nostro cibos suppeditare spirituales: & ea esse tum demum lectissima conuiuia, in quibus non tam curæ est corpus pascere, quàm proximi infirmitates, quæ tum vel maximè se produnt, dirigere & sustentare. Matth. cap. 9.

D. LVDOVICVS FRANCORVM REX

Viros pios & religiosos ad mensam adhibebat, cumque duos ex illis in aurem colloquentes aduertisset, grauiter eos obiurgauit; *Malè*, inquit, *facitis domini mei clàm colloquēdo: clara voce si quid dicendum, exponite: ne quisquam vos malè de se loqui suspicetur.* Significabat autem, non nisi urbana in conuiujs communicanda: seria & grauiā, in aliud tempus & locum differenda. Ionuī. in eius vita, cap. 94.

S. HVGŌ EPISC. LINCOLNIENSIS.

Ille Regum & Magnatum conuiuia despiciebat. cumque venissent aliquando à Rege missi, qui aduentum eius iam diu Regem præstolari nuntiarent; *Satiùs*, aiebat, *est terrenum Regem absque me prandere, quàm æterni Regis mandatum ab humilitate mea negligi.* Erat autem singulari sollicitudine
erga

erga sepulturam mortuorum. Sur. tom. 6. in vita.

Petrus Aldobrandinus Card.

Aspernabatur hic splendor & regales apparatus, praesertim in conuiujs. Vnde cum Romae plurimi solum in id intenderet, ut aduentantes heroes maiori splendore & gloria exciperent, interrogatus à quodam Principe, cuius mensam maximè laudaret; *Masmissæ Regis*, inquit, *potius* (ille enim semel interdum vesci solitus, idque sine pulmento) *quàm Cleopatra*. quæ, vno ferculo Antonio præparato, centies sestertiū absumpsit. Henr. Farnes. in Apophth. de Princ.

IUGO DVX CARINTHIÆ.

Vide CHRISTIANISMVS.

CORREPTIO.

S. IOANNES BAPTISTA.

INGrediamur pelagus CORREPTIONIS FRATER-
INÆ, quæ innata vitia, aut consuetudine vitiosa nobis insita, rectæ rationis freno coercet. Liberalem admodum hoc in beneficio Christum Dominum existisse, documēto sunt Sacrae litteræ. In quibus etiam de eiusdē PRÆCVRSORE memoriæ proditum: quod cum videret multos Phariseorum & Saduceorum venientes ad baptismum suū, sciens eos simulato magis quàm sincero animo id agere, *Progenies*, inquit, *viperarū, quis demonstravit vobis fugere à ventura ira? Facite ergo fructum dignum pœnitentiæ*. Seria correptione, quid faciendum esset, amicè designabat. Matth. cap. 3.

CÆCVS EVANGELICVS.

Inter cetera notatu digna in hoc Cæco, vnum illud

lud est, quòd calumniantibus Phariseis tam animosè, at verè responderit. & quidem dicentibus se Moysis discipulos, ac Christum nescire unde sit; *In hoc*, aiebat, *mirabile est, quia vos nescitis unde sit, & aperuit oculos meos. Scimus autè quia peccatores Deus non audit: sed si quis Dei cultor est, & voluntatem eius facit, hunc exaudit.* Pulchra & efficaci argumentatione, stolidas Pharisaorum calumnias corripit & refutat. Ioan. cap. 9.

LATRO POENITENS.

Quis non miretur etiam in LATRONE, cui dolores omni ex parte obrepserāt, hoc correptionis beneficiū non potuisse occultari? Videbat & audiebat commilitonem suum & supplicij socium, in Christum blasphemias iaculantem: & non sustinens, increpabat eum, dicens: *Neque tu times Deum, quòd in eadem damnatione es?* & culpam in se agnoscens, ac Domini innocentiam intrepidè confitens, subiiciebat: *Nos quidem iustè: nam digna factis recipimus: hic verò nihil mali gessit.* Luc. cap. 13.

S. IOANNES EPISCOPVS

Nolebat vinquam corripì alienos mores aut vitia. Itaque domesticos obiurgabat grauius, quòd raptorem quemdam morte dignum iudicassent. Dicebat autem: *Et qui scitis, si ille iam peccare destitit, cum vos non cessetis?* Iure ista vir sanctus. cum nemo sciat, num amore an odio dignus. M. Marulus lib. 5.

ORENTVS ABBAS MONTIS SINA.

Æternam quoque memoriam meretur apud posteros iste. Dominica quadam die Ecclesiam ingressus est inuerso fago, ita vt de foris totus villosus appareret.

reret. Conſpiciantur hoc religioſi, & Abbatem erro-
 ris monēt, ac duriuſculè redarguunt, quòd ita com-
 paruiffet coram exteris. Quibus ille: *Vos euertiftis*
Sina, & nemo quidquam vobis dicit. at ego, quòd ſa-
gum inuerterim, dicitis: Quare cōuertis ſagum tuum?
Ite, corrigite quod euertiftis, ego quoque corrigā quod
euerti. Præſt. Spirit. cap. 126.

Vide Apophth. de ADMONITIONE, CASTIGA-
TIONE, & REPREHENSIONE.

CRVDELITAS, TYRANNIS.

LVDOVICVS XII. GALL. REX.

Nihil tam atrocis ſupplicij ac cruciatus exco-
 gitari potuit, quo non digni iudicati fuēre
 Chriſtiani olim, ſub immaniſſimis quibuſdam Ty-
 rannis: & noſtro æuo Catholici in Anglia, ſub
 Henrico VIII. eiufque herede Elizabetha. quare
 de iis hoc loco taceamus, ſuadet eorundem, quòd
 breues eſſe volumus, copia. Ad aliorum dicta per-
 gimus, & facta: quorum quidam crudelitatem in
 ſuos amplexi, quidam eandem deſpectui habuere.
 Certè LVDOVICVS XII. cū aliquando de tyran-
 nide ſermo incideret, dixiſſe fertur: *Credite. Plebs*
& ruſtici Tyrannorum ſunt paſcua; Tyranni autem
demonum. Præclara & veritati conformis vox. ma-
 lè enim imperando (vt habet Pub. Syrus) ſummum
 imperium amittitur. Annal. Franciæ.

CONRADVS REX NEAPOL.

Non dicto ſolū, ſed & facto, longè alterius
 mentis CONRADVS NEAPOLITANVS. Ille enim ex-
 pugnatâ Neapoli circa annum 1253. eiufdem mu-
 ros ædeſque regias demolitus eſt, ac templum in-

M
greſſus,

gressus, cùm vidisset in eo equum miræ vetustatis effrenem, ilicò ei frenum addidit. utque eam quam animo conceperat seruitutem & crudelitatem declararet, eidem hoc distichon subscribi imperavit:

Hactenus effrenis, domini nunc flector habenis:

Rex domat hunc æquus Parthenopensis equum.

Corozetus, de Dictis memor.

PROSPER COLUMNA.

Ab illo etiam profecta quandoque hæc vox, cùm iam Mediolanum in prædam suo militi dedisset: *Mediolanum est instar oloris, cuius plumas si extraxeris, pulchrior apparebit.* Ibidem.)

FREDEGVNDIS GALLIÆ REGINA.

Transgredimur ad alium sexum, & cum eo ad FREDEGVNDEM, alteram sui ævi Cleopatram. Hæc enim repulsis per vim & dolum duabus Franciæ reginis, tandè etiam in coniugem Chilpericum machinatur malũ. dum enim coram illo flagitium suũ, quod cum Landrico genere nobili viro patrabat indies, miro casu confessa esset, isq; de vindicta cogitaret, præuenit: & Landrico ad se vocato, *Perimus*, ait, *utrumque incanta mea voce.* ac rem ordine narrat, additque: *Quid stupes? virũ ostende. patiendũ quippe, aut parandũ est scelus.* Quã voce incitatus Landricus, Chilpericum serã nocte à venatione redeuntem conficit: rumore sparso, ab externis insidiis perpetratum scelus. An non meritò de illa etiam dixisset Ouid. quod de alio quodam?

Senior es tristi Busiride, sanior illo,

Qui falsum lento torruit igne bonem:

Quique bonem Siculo fertur donasse Tyranno,

Et dictis artes conciliasse suas.

I. Lips. Mon. Pol. lib. 2. cap. 2. num. 6.

CRVX,

CRUX, CRUCIFIGI.

IESVS CHRISTVS.

STatuamus nunc præstantissimum ac ter nobile Redemptoris nostri trophæum CRUCEM. quæ Iudæis quidem scandalum, & Gentibus stultitia; iis autè qui salui fiunt, id est nobis, Dei virtus est. Videamus quanta animi alacritate ad eam aspirarint viri sancti. Et DOMINVS quidem IESVS, qui salutem humani generis (vt canit Ecclesia) in ea constituit, vt vnde mors oriebatur, inde vita resurgeret; longa illa altercatione cū Nicodemo de nocte habita, exponens & significans qua morte esset moriturus, *Sicut, inquit, Moyses exaltauit serpentem in deserto, ita exaltari oportet Filium hominis: vt omnis qui credit in ipso, non pereat, sed habeat vitam æternam.* clarè insinuans, æneum serpentē à Moyse in deserto erectum, cuius adspectu sanabantur omnes qui ab ignitis serpentibus læsi, Crucis suæ imaginem adumbrassè. Ioan. cap. 3.

IDEM.

Cū Imperator Nero in Petri Apostoli necem conspirasset, plures ei, Roma abscederet, persuadebant. Id eo cogitante, & iam proximè imminens martyrium fugiente, ecce visibili specie conspiciendum se præbet DOMINVS IESVS. Agnoscit eum Petrus. &, *Quò inquit vadis Domine?* at ille, *Vado Romam iterum crucifigi.* Intellexit Petrus sibi insinuari, quòd Romæ eum vincula & carceres, ac tandem Crucis opprobrium maneret. Egesip. lib. 3. cap. 2.

S. PETRVS APOSTOLVS.

Quare ea Domini voce accensus, cū mortis

M 2

crucif-

crucisque sententiam Neronis imperio accepisset, & iam diu Christo cruci configi desideraret, iudicem compellabat, ne eo modo quo Dominus eius cruci affigeretur: sed ut is capite, ita ille inuersis vultuibus attolleretur. Dicebat autem: *Verè non me dignum indico, eo modo in cruce extendi, quo Dei Filius in ea extensus & passus fuit.* Ibidem.

S. ANDREAS APOST.

Neque hic minùs suo fratre illustris, in Crucis gloria suo sanguine promouendâ. Dicenti etenim sibi Præfecto Aegææ, Nisi me obtemperanter exaudieris, crucis supplicium quod tu mysterium nuncuras, in te metipso experire; *Ego, responder. si Crucis patibulum expanescerem, Crucis gloriam non predicarem. Ego Crucis Christi seruus sum, & Crucis tropheum optandum mihi potius quam timendum.* Sur. tom. 6. in vita.

I D E M

Crucis patibulo adiudicatus, dum ad locum venisset ubi paratam eam conspicabatur; diuini amoris zelo tactus, & Crucis gloria ineffabili accensus, in hæc verba prorupit: *Salue crux. Securus & gaudens venio ad te: ita tu exultans suscipias me discipulum eius, qui pependit in te: ut per te me recipiat, qui per te me redemit.* Ibidem.

S. THEOPHILVS.

Ille quoque Crucis desiderio inflammatus, cum à tortore in equuleum sublatus esset, inclamare cœpit: *Ecce iam Christianus sum, quia in Cruce suspensus.* Subfannientibus autem plerisque eorum qui adstant, *Gratias ago tibi Christe, inquit, quia in signo tuo leuari me permisisti.* Sur. tom. 1. in vita S. Dorotheæ.

B. IGNA-

B. IGNATIVS LOIOLA.

Pia Deoque sacratę virgines, sanctitatis eius opione commotę, ad eum carceri inclusum litteras dederunt, Christianę consolationis plenas. In quibus & eos qui huius rei causę fuerant, accusabant: eiusque iniurias miserati, dolorem suum testabantur. At ille; *Miror, inquit, vos, quibus crucis Christi mysterium pertractatum esse oportuit, immensos glorię thesauros in Cruce inclusos ignorare. Ego quidem gaudeo, quod maiora pro Christi nomine sustinere dignus inueniar.* Ribad lib. 1. cap. 15. in vit. eiusd.

LAMBERTVS CONSVL HARLEMEN.

An non dignus iste, qui cum prioribus signa conferat? A tumultuantibus Calvinistis, quod Romanę Ecclesię auctoritatę defenderet, in vincula coniectus, tandem patibulo adiudicatus est. Quod cum è longinquo intueretur, *Quid, inquit, extimescimus Lignum? Etenim si olim Dominum glorię crucifixerunt, quid nobis eius servis expectandum? Anne maior servus domino suo?* P. Opmerus in Martyrol. Hollan. manu-scripto.

CRVCIS SIGNVM.

CONSTANTINVS M. IMP.

Quem priores illi ega Crucis trophęum honorem, eundem aut certę non ab similem, signo eiusdem exhibuerunt alij. Et quidem MAGNVS ille CONSTANTINVS, cum Dei auxilium in se expertus esset, ista im saluiferum hoc trophęum sue imaginij attribuit. idque ex ære fustum, Romę celebri admodum loco erigi mandauit, atque hæc Latini sermonis verba inscribi: *Hoc salutaris signo, vero for-*

titudinis indice, *Vrbem vestrā è tyranni iugo ereptam, in libertatem vindicavi: Senatumque & pop. Rom. in pristinum splendorem restitui.* Verè illi etiam aberat gloriari, nisi in cruce Domini nostri. Euseb. lib. 9. Damasc. orat. 3. de Imag.

LIBERIVS II. ROM. IMP.

Non impar Constantino iste, sed alio in laudis genere. Dum enim (vti fit) palatium suum obambulare, aduertit tabulam marmoream Crucis signo notatam, inter alios pavimenti lapides constratam. Hæret, rei que indignatione commotus, *Indignum,* aiebat, *Crucis signum pedibus conculcari, quod hominum frontibus oporteret inscribi.* eamque ilicò leuari imperat. Paul. Diac. hist. Longobar. lib. 3. cap. 6.

THEODOSIVS M. IMP.

Veluti natalium muneris que Imperatorij splendore, ita & hac virtutis laude, cum primis illis certat perillustis THEODOSIVS. Signa namque cum Eugenio tyranno conferre paranti, cum Ordinum ductores prælium differendum suaderent, eò quòd hostilium copiarum numero superari se dicerent: religiosissimus Imp. *Absit*, inquebat, *id agamus. Exercitui meo Crux præit: illius copias Hercules ducit.* ac Cruce fretus, in hostem irruens, palmam reportauit. ratus non esse metuendum Herculem, ubi Crucis armatura adesset. Niceph. lib. 12. cap. 39.

CAROLVS V. IMP.

Neque ab his degenerauit nostro æuo CAROLVS V. IMP. Austriacus. qui in Tunetana expeditione de Polemarcho sollicitus, cum idoneum reperiret neminem, vexillum Christi in cruce pendentis imaginem habens, in altum sustulit: *Et hic,* inquit,

inquit, *Dux noster erit : Rex regum, Dominus Deus exercituum.* O egregium Principem ! & , si quis alius , verè Heroum Diuorumque agmini , cœnium calculo , associandum . *Ægid. Corozetus & alij in vita.*

ANONYMVS.

Ille etiam rogatus , in quo potissimam Ecclesiæ gloriam ciminere arbitraretur ; *In Cruce* , respondit : *quia inter ipse lucet ærumnas decus.* Strigel. part. 3. loc. pag. 66.

CUNCTATIO.

FREDERICVS III. IMPER.

Tolerabat hic æquo animo omnia cunctator salutaris. Quoties enim apud eū fieret rerū comploratio , quod aut hæc illave futura essent , respondisse ferunt : *Necdum tempus est illa emendandi.* nec tamen illo superstitite illud tempus impletum ; quando autem implendum , nescitur . *Cranzius, lib. 2. Saxon. cap. 33.*

IULIANVS IMP.

Quid autem IULIANVM dicam ? dum in frequenti turba quidam eum his verbis compellaret aduersus inimicum suum : Thalassius inimicus tuus nostra per vim eripuit : *Agnosco* , ait , *ab illo fuisse me laesum ; proinde dic illi , ut mihi potiori inimico prius satisfaciat.* mandauitq ; Præfecto , ne prius cognosceret de illorum negotio , quàm ipse cum Thalassio rediret in gratiam . Quod itaque alter adduxerat ad maturandam vindictam , Cæsar torfit in cunctationem . *Eras. lib. 8. Apophth.*

CVRA PROXIMI.

IESVS CHRISTVS.

QVam suæ dispensationis mercedem à Principe pastorum consecrari sint, qui proximi sibi commissi salutis & curæ aduigilant, superfluum huc in medium adducere iudicavi. Propositum itaque paucos, eosque selectissimos huiusce muneris selectatores, persequi. Ordiamur ab eo, qui hîc Principatum gerit, CHRISTO DOMINO. Concesserat aliquando in desertum, & turbæ eum detinebant, videntes admirabilem eius virtutem, ne ab eis discederet. Quibus ille ait: *Quia & aliis civitatibus oportet me euangelizare regnum Dei, quia ideo missus sum.* Insinuabat autem omnium omnino ouium suscipiendam curam, ne vlla earum, vitio & negligentia Pastoris pereat. Luc. cap. 4.

S. AMBROSIVS EPISC. MEDIOL.

Egregius commissi sibi gregis protector, cum templo suo ab Arrianis egredi cogeretur, eoq; planè cedere; *Spontè, inquiebat, hoc non fecero: ne lupis ovium septa contradere videar, aut Deum blasphemantibus. Hic si placet, occidite.* Gloriosum ducebat, pastorem cum ouibus, & pro iisdem, in propria causâ, mortem oppetere. Socrat. lib. 9. cap. 20.

S. GREGORIUS THAVMATVRGVS.

Ille quoque sanctitate & doctrina illustris; at signis miraculisque illustrior, ob quorum præstantiam THAVMATVRGVS appellatus; cum innumerales Neocæsareæ & alibi ad fidem Christi suo exemplo eloquioque traxisset è vita laboribus fractus migraturus, rogabat, quot adhuc superessent in

in Neocæsariensi vrbe infideles: cumque respōsum
esset, Septemdecim; *Gratias Deo* inquit, *totidem erāt*
fideles cū accepi Episcopatum. O miram Pastoris
vigilantiam: quem etiam morientem gregis sui cu-
ra sollicitabat. Niceph. lib.6. cap. 17. Brev. Rom.
17. Nouemb.

S. GODOFREDVS EPISC. AMBIAN.

Præerat adhuc, priusquam ad Episcopatum sus-
cipiendum raperetur, Cænobio parū celebri &
dotato: instantique Rhemenſi Antistiti, alterius,
quod tum fortè Rectore carebat, longè præstantio-
ris cū nominis, tum fortunæ, gubernacula susci-
peret; exclamans, *Neque, ait, possum, neque si possem,*
velim pauperulam sponsam ditiori præferre. Genero-
sè admodum significabat, magnos honores grauio-
ra etiam onera curasque comitari. Sur. tom. 6.
in vita.

S. THOMAS CANTVARIENSIS.

Præclarus ille vir, neque hoc loco silentij nube
inuoluendus. Suadebat ei Antistes quidam ex suf-
fraganeis, quò cum Rege pacem seruaret, seque ex-
tremo vitæ discrimine eriperet, Episcopatu cederet.
Cui ille generoso non minùs quàm forti animo:
Non ea conditione Episcopatum suscepi, ut Regi eum
tradam: sed ut pro illo meipsum etiam, si ita opus, im-
pendam. Vnde postmodum in exsilium pulsus, ad-
monitus fortassis à priori illo Antistite, molliùs
cum Rege ageret, æquè illustre responsū dabat:
Clauum tenco, & ad somnum me vocas? insinuans,
boni pastoris esse animam suā pro ouibus ponere.
Sur. tom. 6. in vita. Th. Stapl. in Prompt. morali.

IOANNES EPISC. ROFFENSIS.

Require Apophth. de RATIONE REDDENDA.

CURIA.

LUDOVICVS XII. GALL. R.

LVeticæ Parisiorum obambulans, obuios quosdam sibi habuit è Senatu, velocissimo gressu ad Curiam properantes. & *An non inquit ad proceres, hi ad nundinas videntur proficisci?* Imitatus Stratonem & Dioclem, qui se mutuo ad messem auream inuitabant, Curiam nundinas appellabat. P. Æmil. in vita.

ANONYMVS.

Viderat & ille frequentius, quemdam è familiari-
bus ad Curiam discurrentē, & obuio, Quò, inquit,
tam festinus? Ad Curiam, respondit ille. Cui alter;
Imprudenter agis, an ignoras vulgatum illud:

Curia dat curas, non sit tibi Curia cura?

Curarum ergo expers esse vis? à Curia abstine.

Monebat Plutarchus, ad aulas accedendum velut ad ignem: neque propius, ne vraris: neque remotius, ne affligaris. Gregor. Richter in axiom. Polit.

AVLICI ANONYMI.

Quàm verò curialium & aulicorum vita periculis plena, ob voluptatum copiam, & effusam libertatis ac omnium pænè flagitiorum libidinem, docuere AVLICI DVO, quorum memoriam in Confessionibus suis facit B. Augustinus. quos dicere solitos testatur, *In palatio quid non fragile, plenumque periculis? & per quot pericula deuenitur ad maius periculum!* Iure igitur miraculi loco habet Hieron. Epist. ad Saluinam, Nedibrium adolescentem nobilem, in media aula nutritum, contubernalem Augustorum, quorum mensæ ministrat orbis
cuius

cus sunt) terræ & maria seruiunt, inter omnium rerum abundantiam, in primo ætatis flore, tantæ verrecundiæ fuisse, vt virginali pudorem vinceret, & ne leuem quidem obscœni rumoris in se fabulam daret. August. lib. 7. Confess. cap. 6. & refert Guil. Baldasenus lib. 1. cap. 13. in Stimulis virtutum Adolescentiæ.

Vide AVLA; AVLICA VITA.

CVRIOSITAS REPRESSA.

IESVS CHRISTVS.

Curiosum neminem dicebat Plautus, qui non sit maleuolus. Hinc rogatus Euclides, quam rem Dij potissimùm detestarentur, respondit, Curiositatē. Certè DOMINVS & REDEMPTOR noster, cùm accessissent ad eum Iudæi, & quidem ex illis Principes sacerdotum & Seniores, qui multa curiosius inquirebant, quâ potestate omnia sua faceret; & indignos eos quibus directum daretur responsum testatus, *Interrogabo, ait, & ego vos vnum sermonem: quem si dixeritis mihi, & ego vobis dicam, in quâ potestate hoc faciam. Baptismus Ioannis unde erat: è celo, an ex hominibus?* dicentibus illis, *Nescimus: Nec ego,* inquit ipse, *dico vobis, in qua potestate hæc facio.* pulchrè reciproca hac interrogatione, eorum quæstionem eludens. Matth. cap. 21.

S. AVGVSTINVS

Inquirenti curiosius Afro, quid ante mundi creationem faceret Deus; respondit: *Curiosis parabat infernum.* profanam audaciam graui dicto compescens. Idem Apophthegma carmine redditum, adscribo ex Epigrammat. Georg. Sabini:

Dum

*Dum Libycus Christū pater AVGVSTINVS in oris
 Afferit, ac peragit munus in ade suum:
 Et miranda refert populo primordia mundi,
 Esse docens verbo cuncta creata Dei:
 Impius assurgit, verbisque procacibus Afer,
 Ergo opifex rerum quid faciebat? ait,
 Et quibus intentus falliebat tempora curis,
 Mundus adhuc nondum cum fabricatus erat?
 Præsul ad hæc Libycus, fabricabat Tartara, dixit,
 His, quos scrutari talia mente iuuat.*

SISINNIVS NOVATIAN. EPISC.

Ille bis quolibet die in balneo lauari solitus; percontanti verò, cur cū esset Episcopus, bis in die ablueretur; *Quia*, inquit, *temporis excludor angustis, ne tertio lauer.* Suidas.

ANTIOCHENVS ANONYMVVS.

Quid autem, vt & ciuilia recenseamus, iste? Rogabat eum Libanius Sophista Apostatæ Iuliani fautor, quid nunc Fabri filius (Christum per contumeliam intelligens) ageret. At is, vt erat vir bonus & disertus, *Non otiaur*, dicebat, *ô Sophista, quem tu hoc nomine appellas: parat enim Iuliano tuo loculum.* Tripart. hist. lib. 6. cap. 44.

RVDOLPHVS IMP. AVST.

Non minùs ingeniosè, facetè tamen, & in re ludicra, hic. Tabæ propè confectus, festinabundus, Confessore suo comitatus Spiram, quæ Ducū Cæsarumque olim sedes, nunc tumultus, maturabat. causam verò rogatus; *Quia*, inquebat, *ad sepulchrum mihi properandum, vt alios reges conueniam.* Cuspinus.

FREDERICVS DVX AVST.

Nimirum curiosus rerum indagator, sæpè mutato

tato habitu solus inter agrestes versabatur, cum quibus mercede diurna & arās, & alia quāvis faciens, tam de seipso quā purpuratis suis colloqui consueverat. Interrogatus autem, cur id faceret; *Neque enim, ait, alio modo de me verum audire possum.*

Æn. Syl. lib. 3. Comm. in Panorm.

Vide huic simile de Duce quodam Norico, Tit. de VERITATE.

CIVIS ANTVERPIENSIS.

Addo familiare, & nostri ævi folique. Non ita pridem homo facetus Antuerpiæ, merces qualdam per baiulum sacco coopertas, secum in alienas ades asportari curabat: scititantiq; obuius cuidam, *Quid mercium iste baiulus tecum defert?* respondebat: *Idco obuelam, ne quis sciret.* Idem Ægyptium quemdam olim ad similem quæstionem respondisse, auctor est Erasmus, & Plutarchus.

IOAN. FVNCCIVS.

Quā sit autem deforme & turbulentū vitium curiositas, quā πολυπραγμοσύνη vocant Græci, docuit IOAN. FVNCCIVS. qui Regiomonti capite truncandus, hoc distichon pronuntiasse dicitur:

Disce meo exemplo, mandato munere fungi:

Et fuge cen pestem τὴν πολυπραγμοσύνην.

Abr. Bucholz. in indice Chronolog.

CHABANVS COMES.

At CHABANVS COMES præ ceteris omitti non debet. Dum enim copias Ludouici .i. Franc. regis circa Lutetiam duceret, missus à Ludouico Ioan. es Ballua Episc. Eboicensis, ut eas perlustraret. Quo facto, CHABANVS paulò post Regem compellat, & Oro, ait, *M. T. me Eboicas proficisci permittat.* Inquirenti autem causam Regi, *Vt, inquit, de sacer-*
dori-

dotibus sacrandis puniendisq̃ue scrutinium faciam.
 Insinuare volebat, cuiuslibet tua in arte & munere ad-
 hibendam fidem. Rob. Gaguin. in vita Ludo-
 uici XI.

DÆMON, ET QVOMODO EI RESISTENDVM.

I E S V S C H R I S T V S.

Discamus quoque generis nostri perpetuo infi-
 diatori technas necere. est quippe serpens lu-
 bricus, cuius si capiti, id est, primæ suggestioni non
 resistitur; totus in intima cordis, dum non sentitur,
 illabitur. Et quidem SALVATOR noster eiusdem
 impetitus insidiis in deserto, cū variis modis eius
 animum licet incautus venator pulsaret, eundem
 feuerè reprimens, *Vade*, inquit, *Satana. scriptum est*
enim: Dominum Deum tuum adorabis, & illi soli ser-
uias. Vnicum resistendi illi remedium edocens, soli
 Deo seruire. Matth. cap. 4.

I D E M

Cū obliiceret Iudæis, diceretq̃ue: Vos facitis
 opera patris vestri. responderent autem illi: Vnum
 patrem habemus Deum. subintulit post quædam:
Vos ex patre diabolo estis, & desideria patris vultis
facere: ille homicida erat ab initio. Ioan. cap. 8.

D. ANTONIVS ABBAS.

Magnus hic ad Dæmonum insultus impetusq̃ue
 propulsandos Athleta, rogatus à discipulis, quæ-
 nam arma diabolicas impugnationes certò & vali-
 dè repellerent; *Signum crucis*, inquiebat, *& ardens*
in Christum fides, inexpugnabilis sunt viris Deo dica-
tis & aheneus murus, aduersus Dæmonum machina-
tionēs. D. Athan. in vita.

APOLLO

APOLLO ABBAS.

Iste etiam comites de ratione Diabolo resistendi anxios adhortabatur, machinationes eiusdem in principio cogitationum propulsarent. Dicebat enim, *Contrito namque capite serpentis, totum corpus extinguitur.* Palladius.

PITHYRION ABBAS.

Hic quoque Eremitis dicere solitus, *Qui vult expellere à se Demones, is prius in seruitutem redigat prauas animi affectiones. Qualem enim animi quis affectionem superarit, eius etiam Demonem à se eiciet.* Ibidem, in vita eius.

MACARIUS ABBAS.

Ille etiam fratri, quem nequam Spiritus occulta suasionem eò induxerat, ut crederet se inutiliter in solitudine vitam agere, quod nemini beneficeret, salutare consilium dedit: ut quoties in eiusmodi cogitatus incidisset, responderet; *Hoc saltem in solitudine utiliter ago, quod amore Domini mei Iesu, a rugiolo isto non decedo.* Cessarunt ibi praestigatoris insidiae, ubi amoris Christi datus est locus. In vitis sanctorum P P.

DETRACTIO.

S. AVGVSTINVS.

Acrimina difficilem aurem habere nos oportere, aiebat Seneca, & cum eo B. AVGVSTINVS: qui nihil magis oderat, quam detractiones & calumnias. Quare refectionis loco hoc distichon inscribi maiori caractere curauit:

*Quisquis amat dictis absentum rodere vitam,
Hanc mensam vetitam nouerit esse sibi.*

Vnde

Vnde dum quidam ab eo inuitatus, multa de alio quodam effutiret, indignatus AVGVSTINVS, *Vel, inquit, hos versus oblitterato, vel detrectare abstineto: alias mihi succedendū.* Augusta illa, & verè Augustiniana vox. cui nescio, an hoc æuo parem reperiās. Monebat olim Horatius in Sermon.

--- *Absentem qui rodit amicum,*

Fingere qui non visū potest, commissā tacere

Qui nequit: hic niger est, hunc tu Romane caneto.

Possid. in vit. eiusd. cap. 21.

S. IOANNES EPISCOPVS.

Eiusdem animi IOANNES EPISCOPVS. qui etiam publicè peccantes taxari incusarive vetabat: *Fieri quippe potest, aiebat semper, ut peccatum pœnitendo delenerint. Iniquum est enim id ab homine petulanter exprobrari, quod clemēter à Deo esset condonātū.* Verè & præclarè Hieron. in Oseam: Nihil tam facile, inquit, quàm alios viles facere: quia alterius vituperio laudari nos arbitramur. Marul. lib. 5. cap. 1.

SIGISMVNDVS IMP.

Deferebatur ad eum, Germanos passim obloqui, & honori suo detrahere. Qui subridens, *Anne, ait, vobis graue videtur, illos malè de nobis loqui, cum nos malè agamus?* insinuans, multum aliquando è nostrâ parte dependere, vtrū benè an malè audiamus. Æn. Syl. lib. 2. de Gest. Alphonfi.

DEVS.

IESVS CHRISTVS.

Contemplemur iam summum illud bonum, *Comnium rerum A & Ω, DEVM. & quid præclarè,*

clarè, licet timidè aliquando, de eo dixerint nonnulli, proponamus. Mediator Dei & hominum CHRISTVS IESVS (cui, vtpote Diuinæ naturæ hypostaticè vnito, certa hac in re fides) Adolescenti roganti, Magister bone, quid faciam, vt habeam vitam aternam? respondit: *Quid me interrogas de bono? vnus est bonus* (videlicet originaliter, ex se, & absolutè) *Deus*. quasi dicat, *Qualis ego, vt homo, quem tu me solum existimas, non sum.* Matth. cap. 19. Marc. cap. 10. Luc. 18.

S. ATTALVS MARTYR

A tyranno per contemptum interrogatus, quod nomen haberet Deus; dixit: *Qui plures sunt, nominibus discernuntur: qui autem vnus est, non indiget nomine.* Verè Simonides simile quid percontanti Hieroni tyranno, Quanto diutiùs, inquebat, confidero, tanto mihi res videtur obscurior. Euseb. libro 6. Eccl. hist. cap. 3.

EVAGRIVS EPISC.

Non minùs doctè quàm argutè EVAGRIVS. qui, dum quæstio de Diuinitate incidisset; *Ego quidem inquit, Diuinitatem definiendam non esse assero, ideoque silentij tantùm oratione adorandam, quia ineffabilis est.* Venit hîc in mentem illud Statij:

Nulla autem effigies, nulli commissa metallo

Forma Dei: mentes habitare & pectora gaudet.

Socrates.

PIVS II. PONT. MAX.

Haud aliter PIVS PONT. qui quoties Dei, eiusque naturæ meminerat, illud identidem insonabat: *Diuina natura credendo meliùs, quàm differendo inuestigatur.* Platina in vita.

N

D. LV.

D. LVDOVICVS FRANCORVM REX.

Illum prioribus non iniquè adiungimus. à quo cùm in cœtu Religioforum Seneschalcus Campaniæ sciscitaretur, *Quid est Deus?* & ille cogitabundus hallucinaretur, quæstionem resoluit, inquires: *Res adeò bona & præstans, ut nihil ea melius præstantiusque dari, vel excogitari possit.* Idem longè antea, Ethnicus aliàs, de suo loue Horatius:

Vnde nil maius generatur ipso.

Nec habet quicquam simile, aut secundum.

Ionuil. in vita eiufd. cap. 94.

DEI COGNITIO.

S. IVLIANVS MARTYR.

SI cognitionis præstantiâ ab obiecto metiri necesse est, ut tradūt Philosophi: ecquis eam COGNITIONEM nobilissimam negauerit, quæ circa nobilissimū ens, quale est Deus, versatur? Haud ignorabat id IVLIANVS: non Apostata ille, sed Christi Martyr illustris, cuius inuictum animum cùm emollire verbis Martianus non posset, diceretque: *Extendatur ad verbera, ut vel sic eius stultitia omnibus innotescat: Non est, inquebat, stultitia Deum nosse, sed gloria.* Sur. tom. 1. in vita.

S. POLYEUCTVS MARTYR.

Eiusdem & æui & animi POLYEUCTVS. de cuius conuersione cùm Paulina vxor quereretur, ac præsertim quòd 12. idola sua comminuisset; eam suauiter irridens, *Si solus, ait, deos tuos duodecim viti & contriui, ecce deorum egena es. Adestum ergo mea coniux, & faxo Deum verum cognoscas.* Maximum (ut verè etiam erat) beneficium se coniugi præ-

præstiturum existimabat, si eam ad veri Dei noti-
tiâ capeffendam valeret inducere. Sur. ibid. in vit.

HVGO DE S. VICTORE.

Huius item memorandam sententiam silentio
præteriiſſe, nefas. vtpote à cuius ore profectum ali-
quando : *Sicut nullum est momentum, quo homo non
utatur, vel fruatur Dei bonitate & misericordia ; sic
nullum esse debet momentum, quo eum præsentem non
habeat in memoria. Omne enim tempus in quo de Deo
non cogitas, hoc te reputa perdidisse.* Lib. 1. de
Claust. animæ.

DEI BENIGNITAS.

S. IOANNES BAPT.

Discutiamus etiam quàm diues in misericordia
Devs, quàm in gratia munificus. sine quo ni-
hil firmum, nihil stabile, nihil sanctû. Indignatione
aliquando cōmotis IOANNIS discipulis, quòd Chri-
stus baptizaret, ac multi ad eum confugerent; ait
ad illos: *Non potest homo accipere quidquam, nisi fue-
rit ei datum de calo. Quod enim ille præ alio magi-
ster plures habeat qui se sequantur (inquit Chrysost.)
Dei donum est.* Ioan. cap. 3.

S. MARTINVS

In Alpibus deuia & inuia secutus, in latrones in-
cidit. è quibus vnus vibrata in caput eius securi,
mortem minabatur, nisi ferientis dexteræ ictum a-
lius sustinuiſſet. Rogatus autē, num timuiſſet; *Mi-
nimè, inquit, numquam eram securior : sciebam enim
Dei misericordiam maximè in tribulatione adfuturam.*
In vita eiusd. Sulpit.

S. ÆGIDIUS

Amicum quo familiariter utebatur, rogabat aliquando: Credisne te à me diligi? eoque annuente: *Noli*, ait, *hoc credere. Solus enim creator verè diligit creaturam, cuius dilectioni amor creatura comparari nequit.* Ex Sent. aureis eiusd.

RELIGIOSVS ANONYMVS.

Hic quoque sciscitanti curiosius militi, num Deus peccatorum misereretur; *Túne*, respondet, *ubi chlamys tua lacera, cam protinus abiicis?* quo negante, adiecit: *Ita nec Deus custodit quippe eos, quos ad imaginem suam creauit.* In vit. PP. fol. 300.

PETRVS ALDOBRANDINVS CARD.

Quin etiam Dei consilio Reipub. de bono Principe prouideri dicebat ille: Clemente enim VIII. in Pontificem electo, rogatus, quorum suffragiis ad tantum honorem deuenisset; respondit: *Non fit summus Princeps, sed factus de calo recipitur.* neque enim rationi consonum est, ab hominibus fieri eum qui plus potest quàm hominum vis & natura. Henricus Farnes. in Apoph. de Princ.

LIBERIVS II. IMP.

Neque erat ab hac mente alienus LIBERIVS. qui quòd in pauperes profusior, à coniuge Augusta oburgatus, dum immensum thesaurum fortè in palatio reperisset; *Vides*, aiebat, *quàm fidelis est Deus noster, qui plura retribuit, quàm nos eius amore elargimur.* Paul. Diac. hist. Longob. lib. 3. cap. 6.

PHILO IVDÆVS.

Hic natione, at non religione Iudæus, missus O-rator ad Senatum Romanum. A quo, quòd honorem diuinum ei deferre recusaret, crebrius repulsam passus, re infectâ abiit: & ad legationis comites

tes conuersus, dignam illam Philosopho ingeminauit sententiam : *Matte animo : cum enim humana præsedia desinunt, incipiunt diuina.* Nam vt bene cecinit Naso, 1. Pont. Eleg. 7.

Quamuis est igitur meritis indebita nostris,

Magna tamen spes est in bonitate Dei.

Ioseph. Antiq. lib. 18. cap. 10.

DEI POTENTIA.

IESVS CHRISTVS.

PAternae Dei benignitati, Potentiæ eiusdem amplitudinem subiungamus. vtpote in quo, per quem, & ex quo sunt, quæcumque sunt,

— *qui res hominum ac deorum,*

Qui mare & terras, variisque mundum

Temperat horis.

Quid autem hac de re VERBUM eiusdem INCARNATVM ? Multa de diuitiarum huius sæculi inordinato amore dixerat, eoq; stante, salutem acquiri non posse: cum super his mirati discipuli, rogant: *Quis ergo saluus esse poterit? quibus IESVS: Apud homines, inquit, hoc impossibile est: apud Deum omnia sunt possibilia.* quæ scilicet rerum perfectioni non repugnant, nec expressam contradictionem, si ita fiant, inuoluunt. Lubeat hîc recordari eius, quod de dîs Gentium sensit & cecinit Ouid.

— *Immensa est, sinemq; potentia cali*

Non habet: & quicquid superi voluere, peractum est.
Matth. cap. 19.

I D E M

Indignantî Pilato, dicentiq; Mihi non loqueris? Nescis quia potestatem habeo crucifigere te, &c.

N 3

respon-

respondit: *Non haberes potestatem aduersum me ullam, nisi tibi datū esset de super.* Omnis quippe potestas à Deo. & vt præclare Seneca ad lineam,

Omne sub regno grauiore regnum est.

Ioan. cap. 19.

S. IOAN. BAPTISTA

Gloriantibus Phariseis, quòd patrem haberent Abraham, adeoque legem acceperint, ac Dei populus essent, dicebat: *Nolite dicere intra vos, patrem habemus Abraham. Dico enim vobis, quoniam potens est Deus de lapidibus istis, (hos eos fuisse arbitrati sunt quidam, quos Dei iussu Iosue ex Iordanis alueo sustulerat) suscitare Abrahæ filios.* Matthæi, cap. 3.

S. THEOPHILVS.

Admirandum quod sequitur. Acceperat Angelico ministerio THEOPHILVS à Dorothea virgine aurea mala, & rosas, quæ ironicè ab eadem, dum ad supplicium duceretur, seq; ad Paradisum sui sponsi properare diceret, postulauerat: & in Iesu Christi laudes protinus erupit. Quare ad Sapritium Præfitem mittitur, qui ilicò, *Quid est, inquit, quod foris loquebaris? Cui ille: Laudabam Christum feliciter, quem hætenus infeliciter negavi.* Dicenti quæ rursus Sapritio, *Miror te hominem doctum, illud nomen voluisse usurpare, quod hætenus tanto odio es persecutus: At hinc, aiebat, apparet, verum esse Deum, quod me conuertit ab errore ad veritatem.* Sur. tom. 1. in vita S. Dorotheæ.

DEI

DEI DILECTIO ET HONOR.

S. MARIA MATER DEI.

PRæmissa Dei omnipotentia, beneficentiâque, quibus humanum genus ad se trahit, superest de eiusdê etiam erga eum dilectione, cultu, obsequio-
que dicamus. Et illa quidem suo exemplo nos docuit BEATA VIRGO: quæ accepto cælesti nuntio, eum ad montana Elisabetham visendi gratiâ pergeret, & illa beatam eam diceret, innatæ humilitatis limites non egressa; *Magnificat*, inquit, *anima mea Dominum: & exaltavit spiritus meus in Deo salutari meo.* quasi dicat, Tu me beatam prædicas ob beneficia à Deo in me collata: at ego magnis laudibus collatorem ipsum prosequor. instruens nos, si gloriari oportet, in Domino gloriandum. *Lucæ, cap. i.*

S. DOROTHEA VIRGO.

Et quoniam à femina propter eminentem eiusdem excellentiam, vel potius ab omnium faminarum Principe orsi sumus: dabunt mihi hanc veniam viri, si & alteram eiusdem sexus, & virtutis, eis præponam. DOROTHEAM virginem ferunt, dum à Sapphito tyranno compelleretur, iuxta mandatum Principum Augustorumque suorum diis immortalibus litaret, respondisse: *Deus qui in calis est Augustus, ipse imperavit mihi, ut soli sibi serviam. quare videndum, cuinam Imperatori obtemperandum.* *Sur. tom. i. in vita.*

S. FRUCTVOSVS.

Quod prius faminarum, nunc virorum exemplis confirmemus. A Galieno Imp. cõpulsus FRV-

crivosus, idola venerari: aliàs morte mulcendus. At ille; *Nolo*, inquit, *sacrificare diis Galieni, sed æternum Deum, ac ipsius Caesaris creatorem colo venerorq̃ue*. Ad quod alludens Prudentius, ita canit:

*Iussum est Caesaris ore Galieni,
Quod princeps colit, ut colamus omnes:
Æternum colo Principem, dierum
Factorem, Dominumq̃ue Galieni.*

In vita apud Sur.

S. EVLOGIUS FRUCTUOSI DIACONUS.

Presbyteri sui exemplum EVLOGIUS Diaconus imitatus est: qui vnà cū illo ad martyrij palmā promerendā deductus, cū rogaretur: Numquid & tu Fructuosum colis? respondit: *Non colo Fructuosum, sed eum quem colit Fructuosus*. insinuans, viros sanctos honorandos quidem, quoad etiam hoc carcere mortali detinentur: Deum verò solum adorandum atque colendum. Augustinus de diuers. Serm. 101. cap. 2.

S. THOMAS AQUINAS.

Nunc eos percurramus, in quibus mirè coruscans Dilectionis erga Deum resplenduit scintilla. Quid enim de THOMA AQUINATE dicam? De quo & illud memoriæ æternæ consecratum, cū Neapoli ad imaginem Crucifixi oraret ardentius, hanc vocem audiuisse: Benè scripsisti de me Thoma; quam ergo mercedem accipies? cui ille: *Non aliam Domine, nisi te ipsum*. Ea enim amantium natura, velle esse in amato. Breuiar. Rom. 7. Mart. Item in vita.

S. LUDOVICVS EPISC. TOLOSANVS.

Et ab huius ore quoties ad Regni clauum assidere compelleretur, profecta nobilis illa vox: *Dini-*
ria

ria meæ Christus, desint cetera. Omnis copia quæ Deus meus non est, mihi inopia est. Quàm meritò cum regio Psalte huic canere permissum: Dominus pars hereditatis meæ, & calicis mei. Ex membrana vetusta in biblioth. F.F. Minor. Louanij.

PRINCEPS ANONYMVS.

Lubeat etiam aliis ordinis exempla in medium adferre. Principem fuisse accepimus, virum, vt prior ætas tulit, egregiè prudentem & pium. Hic rogatus cur munitas arces suo in regno construi vetaret, in firmum sui suorumq; præsidium; respondit: *Vnica mihi arx est, eaque munitissima: ea videlicet de qua Salomon ait: Turris fortissima nomen Domini: ad quam confugiens iustus liberatur.* Georg. Richter in Axiom. æconom.

DVX ANONYMVS.

Postulabat Dux Christianus ab Indo Toparcha, cui sol erat deus, expeditum cursorem. quo impetrato: Dic age, inquit, vter vestrum potentior, hic adolescens, an tu? Ego sanè, respōdit Toparcha, qui huic vt id præster, impero. Tum Dux: *Ita tibi de sole sentiendum. Cursorem illum velocissimum, Regis æterni ministrum: quare non ille, sed auctor dominusq; illius adorandus atque colendus.* Placuit Christiani viri dictum, & verè quod intendebat, effecit. Ios. à Costa, lib. 5. hist. Ind. cap. 5.

ANVS ANONYMA.

Ingerit se hinc nescio quæ ANVS: cuius in vita B. Yuonis celebris mentio. Yuone enim designato Oratore à Ludouico Pio Gall. Rege ad Sultanum Damascenū; accedit, vt ANVM sibi obuiam habuerit, altera manu testam prunis plenam, altera phialam aquæ gestantem. Miratus ille, quid sibi id vel-

let, inquit. Illa, *Hoc igne Paradisum comburere, & quâ infernum extinguere volo.* Ecquid tam arduam rem moliris? inquit Yuo: *Vt nemo,* respondit illa, *imposterum bene operetur præmij spe inductus, metuq; pœnurarum nullus a scelere desistat: sed ut omnes vero amore, quem Deo debemus, accensi, rectè vivamus.* Hæc tam grauem piæ ANVS vocem obstupuit Yuo, & laudauit. Ionuil. in vita Ludouici, cap. 57.

DEI TIMOR. *vide* TIMOR DEI.

DISCENDI CVPIDITAS.

SALVIVS IVLIANVS.

Tantum in nobis scientiæ cognitionisq; amorem innatum refert Cicero, ut nemo dubitare possit, quin ad eum hominum natura, nullo etiam emolumento inuitata, rapiatur. In cuius quidem rei confirmationem, vnum SALVIVM IVLIANVM producemus. qui licet eximia iuris cognitione clarus, frequenter in ore habebat: *Et si alterum pedem sepulchro immissem, adhuc discere desiderarem.* Placuit hoc laudatissimis viris, & meritò. cum nunc passim illæ voces, *Adultior sum quàm ut discere quicquam valeam.* Tamen, ut sapienter Cato,

Scire aliquid laus est, pudor est nil discere velle.

Refertur Pandect. lib. 4. tit. de Fid. comm. l. apud Iulianum.

ALPHONSVS ARAG. REX.

Sunt & alij huius generis: sed omnes æquat & superat ALPHONSVS. Intellexerat à familiaribus, regem quædam Hispanum dicere consuetum, non convenire Principi litteras; & ira commotus, *Bonus*, aiebat, *non hominis illa vox.* atque è contrario gloriabatur, se totū vetus & nouum Testamentum,

vna

vnâ cùm glossis, decies & quater euoluissè. Verè co
 elogio dignus, quòd à Carolo Magno maiorem
 fortunâ & virtute Principem orbis non vidit.

I. Lips. Mon. Polit. lib. 2. cap. 7.

I D E M.

Neque vno illius dicto exemploq; contenti eri-
 mus. Habebatur sermo de rerum pretiosarum ia-
 ctura, cùm cum persanctè affirmasse ferunt: *Ma-
 lim gemmas, vniones, aut quascumque inestimabiles
 margaritas perdidisse, quam vel minimum librum.*
 Sciebat namque in libris occultatam sapientiam,
 quam ex iis qui velleret, hauriret. Panorm. l. 4. de
 Gest. eiusd.

I D E M.

Vide CANTVS, LIBRI, &c.

CAROLVS IIII. FRANC. REX.

Huncetiam CAROLVS imitatus, qui scholas Pra-
 genes ingressus, magistros de liberalibus artibus
 altercantes, per horas quaternas mira cum volupta-
 te & attentione audiuit: cumque molestius id fer-
 rent Purpuratorum aliqui, & horam cœnæ effluxis-
 se Regem monerent: *Mibi*, inquebat ille, *minimè
 effluxit: nam cœna mea hæc est.* Rarum in Principe
 exemplum. Æn. Syl. lib. 4. Comm. in Gesta
 Alphonfi.

CONSTANTINVS DVCAS IMPERATOR.

Et hic licet ignarus litterarum, magnus tamen
 earundem fautor & amicus existit. quippe qui sa-
 pius illud vsurparet: *Malim ex doctrina, quam im-
 perio nobilitari.* Zonar. tom. 3. Annal.

Vide infra DOCTRINA IN PRETIO HABITA.

DISCORDIA. Pete ex Apophth. de

CONCORDIA.

DIS-

DISPVATIO.

SPIRYDION EPISCOPVS, ET ANONYMVS
SOPHISTÆ.

A Pud Homerum ridetur à procis Vlysses, quòd panis frustula peteret, non enses, neque lebetes: ita & ridendi illi, qui differendo solùm id agunt, vt friuolas captiunculas obiciant, & ipsùm tractandæ quæstionis fundamentum evertant. Tales enim cùm ad Nicenam Synodum conuenissent, & quosuis cauillationibus suis impeterent; SPIRYDION vir bonus, & verus Israelita, recitata fidei formulâ, SOPHISTAM principẽ aggressus: *Si credis, inquit, constanter responde, nec logomachiis istis in Dei contemptum utere.* Illic ille; *Credo.* & comites intuitus, *Quantum interest, ait, de rebus nudis absque fuso disputare, & inanibus sophismatibus tempus consumere?* mirantibusque subitam illam animi conuersionem assentatoribus suis, *Quamdiu, inquit, res verbis agebatur, verba opposui: at postquam cum verbis vis quædam ex ore huius senis erupit, nihil ampliùs verba aduersus eam valnere.* Admodum eleganter Chrysost. In aliis certaminibus laureas referunt, qui victores redeunt: at in disputationibus diuinis, solis debetur corona, qui se rei magnitudine victos ingenuè fententur. Ita Niceph. lib. 8. cap. 15. Sozom. lib. 2. cap. 3. Cedrenus, & alij.

IVLIANVS CARDINALIS.

Erat in Conc. Florentino Imperator Palæologus: qui, dum grauis illa incidisset altercatio de processione Spiritus sancti, multa se in Græcorum fauorem annotasse, at domi suæ (quæ erat in Græcia) as-

fer-

tenuasse dicebat. Cui IULIANVS: *Cum in certamen se sciret sua Maiestas descendendum: non oportuit arma domi relictâ, sed in contentionem allata.*
 P. Æmil. lib. 10.

PETRVS ALDOBRANDINVS CARD.

Non minùs differendo, quàm elaborando doctrinam parari insinuabat hic; dum enim quidam disputantium circulos effugeret, aiebat: *Tu id addiscendo facis, ut dum disputationem refugis, nihil addiscas.* Hinc benè Minerua armata veteribus pingitur; quia doctrina non nisi acriter pro eâ disceptantibus, præda fiat. Henr. Farnes. in Apophth. de Principe.

IOANNES PICVS MIRAND.

Huiusce propositi pariter & animi IOAN. PICVS. qui percontanti, quânam disputationes maximè prodesse existimaret; aiebat: *Quæ pacato animo ad inuestigandam veritatem, priuatum, ac semotis arbitris exercentur. Obesse autè illas, quæ in propatulo fierent, ad ostentationem dumtaxat, aut captandam vulgi auram, atque imperitorum applausum.* Ioan. Franc. in vita Pici.

DIVINATIO, AVGVRIVM, &c.

S. ATHANASIVS.

Non impium illud culturæ Dæmoniorum genus Sortilegium proponimus; sed liberum & fortuitum futurorum euentuum, certum tamen frequentius prænuntium. Quod etiam in viris magnis locum suum habuisse, testes sunt historiæ. Certè ATHANASIVS ab Arrianis præstigiator habitus, dum urbem Alexandriam aliquândo ingressus esset: factum,

factum, vt cornix in aëre volitans crocitaret. quo audito, Græci eum scommate quasi impostorē persecuti, rogant quid cornix portenderet; qui vrbane & sine felle, *Cras, inquit, insonat: quod Latinis posterum diem designat. significat autem, crastinum diem, quo annuam hic celebratis festiuitatem, non ex animo vobis cessurum.* Ita euenit: nam postero die mandatum ab vrbe ad eos missum, inexpectati mali nuntium. Niceph. lib. 9. cap. 35.

IOANNES XXI. III. PONT.

Hic antea Balthasar Cossa dictus, Bononiâ, vbi litteris operam dederat, Romam proficiscebatur. Rogatus autem cur Romam tenderet; *Vt me Pontificem faciam*, respondit. nec inuanum. haud diu enim post ab Alexandro v. ad Cardinalatus honorem euectus, ei in Pontificatu sub nomine IOAN. XXI. III. successit. Bapt. Fulgos. lib. 3.

NICOLAUS V. ET PIVS II. PONT.

Simile est quod subiicimus. Erat Thomas Sarzanus Orator Eugenij III. ad Casaream maiestatem in Germaniam missus: cumque Alpes traiceret, incidit fortè in Æneam Frederici III. legatum. cumque in eandem domum diuertissent ambo, & Æneas parcius in victu ageret, subridens Thomas, *Ecquid, inquit, tantopere victui parcimus: numquid vterque nostrum ad Pontificatum promouendus?* verè vterque promotus. Thomas sub NICOL. V. & Æneas sub PIV. II. nomine, Pontificatus honore præfulsit. Bapt. Fulgos. lib. 1. cap. 3.

PAVLVS II. PONT.

Quo die Franciscum Ruueram ad sacrum Senatum promouit, dixisse fertur: *Hoc die successorem meum elegi.* Ridebāt alij Pontificis dictum, at Franciscus

ciscus, sumpto Sixti nomine, PAVLO vita functo
successit. Ibidem.

CLODOVÆVS GALL. REX.

Demus etiam suum locum ciuili ordini, & qui
eiusdem ductor, CLODOVÆO. Quid iste? inquires.
Castra metaturus aduersus Gothos, munera Diuo
suo tutelari Martino Turonam mittebat: mandans
ea deferentibus: *Ingressuri templum, obseruare quæ
futuri euentus ex bello quod paramus, coniecturā pos-
sent præbere.* Parent illi; & ecce templi limen sub-
euntes, audiunt monachos, vespertinas horas Deo
persoluētes; & quidem illud Psalmi Dauidici: *Pre-
cinxisti me virtute ad bellum. captatōque omine
felici, ad Regem redeunt, omen nuntiant, quod e-
uentus declarauit non fuisse vanum.* Ibid.

LEONARDVS RVVERAS.

Erat hic Francisci illius, de quo iam antè, ex fra-
tre nepos; angusta re & virtutis gloria homo om-
nium ludibrio expositus. cū namque proprio no-
mine compellaretur, indignabundus, *Quin, ait, me
Comitem appellatis? Si verò de ducenda vxore ser-
mo haberetur, Nolum, dicebat, aliam, quàm pro-
pinquam Regis.* Tulit igitur Patruī, qui tum Ponti-
fex, fortuna; vt quæ de se per iocum prædicauerat,
re ipsa ad effectum deducerentur. Ibid.

ANONYMVS.

Neque missum faciam quod Senero Imper. ex
Anglia reduci non solum victori, sed pace etiam
æternum fundata, scurrā quidam factus obuius,
hunc in modum est vaticinatus: *Fuisti Caesar, to-
tum vicisti, iam Deus esto victor.* nec ita diu post
vita excessit Imperator. Eras. lib. 6. Apophth.

HEN-

HENRICVS SCHVARTZEBVRG. COMES.

Spectat huc etiam quod de HENRICO COMITE apud plerosque scriptum reperi. huic familiaris erat, si quando rem quampiam facere recusaret, hæc vox: *Si hoc fecero, mergar in latrina.* tulisse autem sui interitus præsagium in hoc prouerbio, docuit secutus euentus. Elfordiæ enim in cœnobio D. Petri (ubi cum Frederico Cæsare fuerat) in sordibus istis, collapsis latrinæ trabibus, suffocatus est. Phil. Cam. medit. Historic. cap. 86.

FREDERICVS ELECTOR ET IOANNES
DVCEs SAXONIÆ.

Erant hi fratres germani, Saxonie fortissimi Duces. Qui dum per Albim fluuium, recens soluta glacie, Wittebergam nauigio pergerent: factum ut congelatæ moles Albi innatantes, iter impedirent, nauemque quassarent. In ripam itaque egressi, vident naus carinam latè findi, ac latera resoluta decidere. quod interpretatus FREDERICVS, *Metuo,* ait ad fratrem, *post nos, nostræ nauis, id est, domus Saxonica dilacerationem.* quæ & subsequuta est. Peucertus lib. De diuinat.

THOMAS MORVS.

Emicuit etiam in hoc diuinandi beneficium. Narranti enim Annam Bolenam, quam Henricus Rex coniugem duxerat, incessanter tripudiare, *Hæc tripudia,* ait, *alium lusum adferent:* nostris enim capitibus quasi pila pedaria hæc eius tripudia ludunt: quin & ipsius caput hunc ludum subibit. Euenit vtrumque. Th. Staplut. in vita.

DIVI-

DIVITIÆ.

IESVS CHRISTVS.

AD DIVITIAS orationem conuertimus: quæ
ex Chilonis sententia, malorum thesaurus,
& calamitatum omnium viaticum. quorum vtrum-
que breui hoc, at graui dicto CHRISTVS DOMINVS
complexus est, cum adolescentem se volentem se-
qui, tristem abire propter sermonem quem dixerat,
(Si vis perfectus esse, vende omnia quæ habes, & da
pauperibus) vidisset: *Amen dico vobis, quia difficile
diues intrabit in regnum calorum. & iterum dico vo-
bis, Facilius est camelum per foramen acus transire,
quàm diuitem (stante videlicet diuitiarum amore)
intrare in regnum calorum.* Non negat tamen Eccle-
siast. quin beatus sit diues qui inuentus est sine ma-
cula, & qui post aurum non abiit, nec sperauit in
pecunia & thesauris. Matth. cap. 19.

*Sacra require tit. de DIVITIARVM & MER-
CEDIS CONTEMPTV, PECVNIA, &c.*

SIGISMVNDVS CÆSAR.

Hand aliter (quod inter politicos homines, eos-
que Principes, mirare) SIGISMVNDVS de diuitia-
rum natura & vsu sensit. Allata erant ad eum ex
Hungaria aureorum quadraginta millia: quæ cum
sub noctem in thalamo regio forent recondita, co-
gitare cœpit, quænam in vsum tantum pecunia-
rum impenderet: cogitantem somnus destituit: ita-
que vocatis iis qui à cubiculo, consiliarios duces-
que accersant, imperat. Vocati, intempesta nocte
accurrunt ocyùs, rem magnam autumantes. At Im-

O pera-

perator, arca aperta, illos aureos pro cuiusque meritis distribuit, dicens: *Ite, nunc securè nobis dormire liceat. nam quod somnum mihi ademerat, procul ab erit a limine.* Rarum, & cui vix vllum par exemplum. Benè Iuven. Sat. x.

*Pauca licet portes argenti vascula puri,
Nocte iter ingressus, gladium contumq; timebis,
Et motè ad lunam trepidabis arundinis umbram.
Cantabit vacuus coram latrone viator.*

Æn. Syl. lib. 4. Comm. in res gestas Alphonsi.

MAXÆMILIANVS CÆSAR.

Non inferior in hac laude Ludouico MAXÆMILIANVS. numquam enim penes se opum acervum, etiam si deferretur, remanere passus. Aiebat enim: *Hominum, non opum mihi demandata custodia: quibus si semel capiar, ilicò è rege seruus futurus sum.* Nam, vt iterum rectè Iuven. ibidem,

——— *Plures nimia congesta pecunia curâ
Strangulat, & cuncta exsuperans patrimonio celsus.*
Iac. Spiegel. in Comm. Æn. Syl.

ADOLPHVS NASSOVIÆ, REX ROM.

Verè igitur & præclarè iste. cùm multa de diuitiarum gloria iactari audiret, *Præstat*, inquebat, *vir sine pecunia, quàm è conuerso sine viro pecunia. animus est qui verè diuites facit.* Hinc Lucret. lib. 5. de Nat.

*Quid? si quis verâ vitam ratione gubernat;
Diuitie grandes homini sunt, vinere parcè
Æquo animo. neque enim est vsquâ penuria parui.*
Golzius.

DIVITIARVM CONTEMPTVS.

S. HILARION.

ADmirabatur eum Cicero in Off. qui diuitiis ac opibus non moueretur, eumq; spectatu dignum arbitrabatur. Admiremur igitur viros inter Christianos hoc gloriæ splendore insignes, spectemus HILARIONEM, qui Constantio Imp. sibi decem auri libras offerenti, eò quòd candidatum quèdam grani nequitix spiritu liberaisset, hordeaceum protulit panem, dicens: *Qui tali cibo aluntur, non maioris estimant aurum, quam lutum.* Hier. in vita, cap. 8.

S. THADDÆVS APOST.

Miremur etiam THADDÆVM: quem Abgaro Edissænorum Regi, aurum sibi ob miracula perpetrata & iacta Euangelij semina offerenti, respondisse tradunt: *Si nostra relinquimus, quomodo accipiemus aliena?* Sciebat illud Osee cap. 9. Desiderabile argentum vrticam hereditabit, lappa in tabernaculo eorum. Euseb. lib. 1. Hist. cap. 15.

S. BASILIUS MAGNVS.

Vt in aliis omnibus, ita & hic magnus mirandusque BASILIUS. Cui dum Cæsareæ Præfectus suadere niteretur, in gratiam Imperatoris fidem negaret, promitteretque fauoris & opum copiam; *Hæc homini Christiano, inquit, non conueniunt: sed adolescentulis, usque qui talibus promissis capiuntur.* Trip. hist. lib. 7. cap. 36.

S S. MAXIMVS ET OLYMPIADES.

Quo tempore Christiana pietas in Perside inuita permanebat, Decio tyranno oblati sunt isti. à
O 2 quibus

quibus dum facultates flagitaret, *Libēter*, inquit; *nostræ enim facultates & aurum, Christus est. ad hunc accedito, & veris diuitiis abundabis.* Baronius. Lip-pel. tom. 2.

S. EUPHRAXIA ANTIGONI FILIA.

Ecquis EUPHRAXIAM magnis illis viris adiungi à nobis indignabitur? quæ patricij generis adolescenti à parentibus quasi desponsata, sumpto religionis velo, continentiam Deo vouit. promittenti quæ Theodosio Imp. opulentam dotem si acquiesceret; *Opes*, inquebat, *meæ Christus est: tu tuas aliis dato.* Labet hanc breui carmine etiam illustrare:

*Quam non regna iuuant, non Lydius aurifer annis,
Nec quas terrarum sustinet orbis opes.*

*Hæc aliæ cupiant: cupit hæc modò paupere cultu,
Securo Christum tramite lata sequi.*

Sur. tom. 2. in vita.

FREDERICVS IMPERATOR.

Habet & hinc suas partes FREDERICVS. cum enim Ladislaum Hungariæ Regem protegeret, & in suo palatio institueret, non defuere qui clam perendum puerum dicerent: utpote cuius morte opes plurimas regnaq; consequeretur. At IMPERATOR: *Ego sanè non ita amo diuitias, ut impiis consiliis persuasus, propter eas tam impium facinus attentem.* ô egregium, & verè regium sermonem! Æn. Syl. lib. 3. Comm. de Reb. Alphonfi.

*Require Apophth. de MÛNERVM CONTEMPTV,
MERCEDIS NEGLECTV, &c.*

DOCILITAS.

THEODOSIVS IMPER.

AD DOCILITATEM vela dantes, unde melius quam à THEODOSIO exordiemur? tradiderat filios in disciplinam Arsenio viro docto, iisq; æterna memoria dignum semper verbum proloquebatur: *Si tales vos exhibeatis, ut vitam moresque ad disciplinam & Dei leges componatis; propensum me fore scitote, imperium in manus vestras tradere: sin minus, conducibilius erit privati vos personam agere, quam sine ulla doctrina imperare.* Niceph. lib. 12. cap. 23. hist. Eccles.

CAROLVS MAGNVS.

Illustrius est quod addam. Instituerat CAROLVS, verus amor & delictum humani generis, Seminarium, in quo tenuioris fortunæ adolescentes non alebantur modò, sed & omni disciplinarum genere exercebantur; & alterum, in quo nobiles instruerentur. Vbi autem illos præ his ampliorem in studiis progressum fecisse animaduertisset, eos ad dextrâ segregatos, hoc sermone compellabat: *Magni virtute estote filii: vos manet sacerdotia & dignitates non aspernanda.* Conuersus verò ad alios: *Vos, inquit, comperi dicto imperioque nostro inobedientes. Deum testor! nihil penitus commodi honorisque à me ad vos profecturum.* Auentinus lib. 4. Annal. Boior.

DOCTRINA.

PIVS II. PONTIFEX.

DOCTRINAM, quâ pulchrior ac nobilior nulla est possessio, in præsentem adducimus, & pro ea

O 3

PIVM

PIVM II. PONTIFICEM. cuius memoranda vox:
Cui plura nosse datum est, eum maiora sequuntur dubia. Cur ita? Fit namque ut ubi rem quāpiam accuratè inuestigaueris, tum demum ea in animum veniant, quæ ad rationem perfectionemq; illius plenè indagandam conducere videntur. Platina in vit.

IULIANVS CARDINALIS.

Huic in Bibliotheca assiduè lectitanti dum quidam obiecisset, Quid hîc inter mortuos solus latitas? cur non exis ad nos, qui suauiter viuimus? Imò, inquit, *hi famâ viuunt: tu verò neque nomine, neque re.* Sensit & hic cum Diogene, vitam sine litteris mortem. Æn. Syl. lib. 3. Comm. de gest. Alphon.

TILIVS NOBILIS REG. FRANC.

Erat hic ex illis qui Francisci primi vestigia se-
 ctatus, litteras (quæ antea sordidæ inter nobiles reputabantur) in aulam Franciæ reduxit. cui proinde in ore frequens illud: *Litteræ Equestris ordinis dignitatem confirmant, & ab ignobilitate vindicant.* Refert Greg. Richterius in Axiom. Polit.

ALPHONSVS ARAG. REX.

Iterùm ALPHONSVM compello: à quo profectum aliquando, *Malim priuatam vitam agere, quàm eruditione carere.* ita enim eum affecerant litteræ, ut Ioan. Efernitanus rari iudicij ingenijque vir clarissimum hoc de eo tulerit testimonium, nisi Rex fuisset, eximium Philosophum futurum fuisse. Panorm. de gest. Alphon.

*Require Apophth. de LIBRORVM
 DELECTV.*

DOCTRI.

DOCTRINA IN PRETIO
HABITA.

LEO IMPERATOR.

Cum tanta tamque celebris sit ERUDITIO, quis miretur eam magno in pretio habitam aliquando apud magnos? LEO IMP. qui Martino successit, dicenti cuidam ex Eunuchis, quod Eulogio philosopho frumentariam tessaram dari mandasset, militibus eiusmodi largitionem faciendam; respondit: *Vtinam is semper sit meorum temporum status, ut mihi liceat militum stipendia in litterarum magistros transferre!* Suidas.

ALEXANDER SEVERVS.

Ille Macedonem Alexandrum imitatus, quotquot in Italiam se conferrent viri doctrina præstantes, suo fauore complectebatur. ita ut aliquando apud exterarum nationum Legatos gloriari solitus sit: *Rari in orbe docti, quibuscum aut verbo aut scripto non fuerim locutus.* Laus digna Regibus, & quam hereditariam illis esse decet. I. Spinaeus lib.4. de Tranquill. animi.

SIGISMUNDVS IMP.

Miro etiam fauore complectebatur eos, quos in litterarum studio profecisse intelligebat. reprehensus autem, quod litteratos, obscuro aliàs genere & loco natos, foueret; *Quid ni,* respondebat, *amem eos, quos natura ceteris voluit antecellere?* Videbat certè ingenij ornamenta longè præclariora externis corporis donis. Iac. Spieg. in Æn. Sylu.

I D E M.

Quin idem ipse Georgium Fiscellum legis Do-
ctorem.

ctorem equestris militiæ insignibus donauit. Cumque is Basiliensem Synodum vnâ cū SIGISMUNDO subiisset, & doctoribus equitibusque suis deputaretur locus, dubius hæsit, cuiam se ordini associaret. tandem ad equites declinat. cui ilicò SIGISMUNDVS: *Stultè agis, qui litteris militiam præfers: nam ego milites mille vna die fecerim, Doctorem verò mille annis non fecerim.* meritò doctrinam militiæ præponens. Æn. Syl. lib. 4. Comm. in Gesta Alphonfi.

ROBERTVS REX NEAPOLIS.

Huic item & litteræ & litterati vsque adeò chari, vt aliquando audita ab eo regia illa vox: *Cariæres mihi litteræ regno.* Vtinam etiâ ea mens in alijs regibus nostri orbis! I. Lipf. lib. Monit. Polit. cap. 7.

ALPHONSVS ARAG. ET NEAP. REX.

Eiusdem vt regni ita & animi ALPHONSVS. quem non semel in hanc vocem prorupisse tradunt: *Malim regnorum omnium* (septem ea numerabat) *iacturnam facere, quàm minimam doctrinam.* Affectum probauit effectus. Bibliothecas enim instituit, exornauit, auxit: viros doctos, non secus ac Mæcenas ille Horatianus, amore & honore summo est prosecutus: verè dignus longiori æuo princeps. Ibidem.

IDEM.

Et vt priori illud annectam: intellexerat quosdam Europæ principes viros ad Basiliensem Synodum destinatos: & quasi indignabundus; *Parum decere, aiebat, cū de iure diuinò humanoque sit discceptandum, nobilitatem potentiâve iactare: sed doctrinam & eruditionem requiri.* Æn. Syl. lib. 3. Comm. in Gest. eiusd.

IDEM.

IDEM.

Quò magis progredior, eò me in altum magis inuehi sentio. dabit mihi ergo hanc veniam viri illustres, si ALPHONSVS rursus propono. Ille equidem erga omnes beneuolus, solos illitteratos despectit; vixdum hominis eos nomine dignatus. Ennianum enim illud subinde obmurmurabat, *Vulturis* (genitiuus pro nominatiuo ad ritum priscum) *in syluis miserum mandebat hominem.* agrè eos homines vocitabat; in quibus nihil hominis, effigiem præter, animaduertebat. Panorm. lib. 1. de Cest. Alphonfi.

HENRICVS VIII. ANGLIÆ REX.

An dignus est, qui inter hos locum habeat HENRICVS? homo nefarius & crudelis, vnâ tamen (licet ad impium finem) voce, meritis fortassis clemētissimis optimisq; accenseri. Cogitabat de repudianda Catharina legitima sua coniuge, quam & repudiavit postmodum: vnde excidia hæc & bonorum clades: & summa ope enitebatur præclaros quous in suam sententiam pertrahere, adeoque Thomam Morum: cuius solius ad stipulatio tanti apud eum facta fuisset, vt diceret: *Malim solum Morum, quàm dimidiam regni mei partem, decreto institutoque meo assentiri.* At neque ad eam impietatem pertractus Morus, sed ad veram gloriam: iste ad æternam pœnam. N. Sander. lib. 1. de Schism. Angl.

MARGARETA SCOTIÆ REG.

In Scotiam transeo, vbi MARGARETAM Reginam video, iure primis illis annumerandam, si non præferendam. Obambulabat, vt fit, palatium, & ecce conspicatur Aliam Chartiet, virum notæ deformitatis, at eruditionis eximiae, obdormiscentem

O s inter

inter subsellia procubuisse. Accedit palàm, cum amplectitur, eleuat, & mirantibus (quis hæc facientem Reginam non miretur?) quoddam virum tam deformem exoscularetur: *Virum*, inquit, *amplexata non sum: sed os illud, ex quo tot insignes prodire sermocinationes.* Vnicum quod sciam in fœmina exemplum. inuisa namque eruditioni bona pars illius sexus. Auðt. Serm. memorab.

FRANC. SFORTIA.

Erat hic litterarum expers, amantissimus tamen eorum qui illas fouebant. Rogatus autem, cur litteras nesciret; *Quia*, inquit, *non didici vnâ eademq; manu librum tenere & gladium.* P. Iouius.

DOCTRINA FACTIS CONSENTANEA. *Require Apophth. de ACTIONE.*

DOLOR.

PASTOR ANACHORETA.

BEatos eos qui hîc lugent, quoniam postmodum consolabuntur, inquiebat Saluator. eiusque dicti memor PASTOR ANACHORETA, cum Arsenium lachrymis madentem esset cõspicatus, dicebat: *Beatus verè es Arseni, quod cum teipsum in hac vitâ luxeris, non erit opus lachrymis in futurâ.* Sur. tomo 4. ex Palladio.

F. BORGIA SOC. IESV.

Quantum autem vtilitatis successiui dolores homini Christiano adferant, tacitus secum considerabat FRANC. BORGIA: cuius assiduæ illæ ad Deum preces, vt deliciæ in cruciatum verterentur, ac dolores voluptati essent. Itaque Lermæ Comitissam cum mœstam videret, hoc dicto solabatur: *No-*
lenti.

lenti dolores Deus immittit, postulanti negat. Ri-
bad. lib. 4. cap. 5. vitæ eius.

DOLVS ET FRAVS.

LVDOVICVS XII. GALL. R.

Sinceritati contrarium DOLVM FRAVDEMQUE
miro ingenij acumine in Antonio Viuonio equi-
te detexit carpsitque LVDOVICVS. Cùm enim apud
eum referret Antonius se aliquando iuuenē adhuc
vituli pelle contactum, solitum in aucupium de-
scendere, quò aues falleret: ille hominem callidū &
fucatum perstringens, *Verè, ait, tu haud omnino ad-
huc eam pellem exuisse videris.* astutos enim & frau-
dulentos, vulpino nomine vulgò nuncupamus. Ita
olim Perſius in Satyris Damam ſeruum corripiens,
dicit:

*Pelliculam veterem retines, & fronte politus,
Astutam vapido ſernas ſub pectore vulpem.*

Annal. Franc.

MILES ANONYMVS.

De tribus exigeret cùm vilibus Euclio drachmis

Fœnus ab urbano milite; MILES ait:

Ne diffide, dabo: dubiisque ſeſellit auarum.

Dictis, accepto nam dedit are fugam.

Ex collectis & relatis Auctori.

DVX BONVS.

ALBERTVS AVSTRIACVS.

VT ſumptum elleborum concitatis priùs om-
nibus, ipſum ſe imprimis prodit, & egreditur:
ita fortiffimum Ducem, cohortatis & in ordinem
diſpo-

dispositis suis, inter primos egredi oportere, testatus est AVSTRIVS ALBERTVS. Cùm enim copias in Bohemos duceret, priusquam Romanis imperitaret, ac rogaretur, quèmnam suo exercitui ductorem præficeret; animosè profectò: *Si alium, quàm me ductorem exercitus petitis, frustra me Austriæ Ducem appellatis.* eum Ducis nomine dignum reputabar, qui reliquos duceret, & quem fortiter pugnantem, reliquus exercitus sequeretur.

-- *Cogit enim tantos perferre labores
Sola Ducis virtus, qui nuda fusus arena
Excubat, atque omni fortunam pronocat horâ.*
vt ait Lucan. Æn. Syl. lib. 3. de Gest. Alph.

LAURENTIVS ALMEIDA LV SIT.

Æquè fortiter atque animosè iste. cum Mahometanis nauali prælio decertabat; eaque quâ vehabatur navis, in supremum videbatur discrimen adducta: monitus ergo salutis suæ prospiceret, quasi minabundus istius consilij auctoribus, *Non, ait, mihi decorum id periculum euitare, & commilitones in eodem constitutos deserere: non mortem, sed infamiam extimesco.* Ofor. lib. 5. Hist. Eman.

ALPHONSVS ARAG. REX.

Dicebat aliquando ille: *Magnum est populi aduersus hostem Ducem esse: maius tamen civibus ad virtutem.* quare non ineptè olim Pausanias Plistonactis F. percontanti quònam pacto debellari possent Thraces; Si, inquiebat, eum belli ducem delegerimus, qui vir optimus est. vt videlicet non minus ad virtutem, quàm aduersus hostem ducatum præbeat. Panorm. lib. 4. de eiusd. Gest.

ID EM

Vt erat clementissimus, dum parta de hostibus
memo-

memorabili victoria triumpharet : victos captosq;
in triumphum adduci non est passus. dicens: *Potius
obseruatos hostes, quàm cefos, triumphandum.* nam

--- *Ignoscere pulchrum*

Iam misero, panēque genus vidisse precantem.
Panorm. lib. 1. de eiufd. Gest.

EBRIETAS.

BASILIVS . MAGNVS.

TUrpissimum dicebat Augustinus vino obrui
eum, qui ferro vinci nequiret: potandi libidine
superari, qui bello non posset. Certè BASILIVS,
quid esset EBRIETAS, percontanti, respondit: *Est
Demon spontè admissus in animum per voluptatem.
Mater malitia, impugnation virtutis, ex forti timidum
facit; ex modesto lasciuum; iustitiam ignorat, pruden-
tiam abolet.* Ant. & Max. Sermon. de Ebriet.

F. BERNARDINVS PALOMVS.

Huic autem sapius in ore: *Vinum duo potissimum
mala comitantur: si namque dilutum sumas, ipsum
corrumpis: si non diluas, ipse corrumperis.* Floresta.

ALHONSVS. ARAG. REX.

Considerabat eadem ille. ideoque rogatus, cur
præter Magnatum morem vini expers viueret; re-
spondebat: *Vino sapientia obscuratur. quare non de-
cet Regem, ut huius immodica computatione in animo
extinguat illud, sine quo Imperatoris aut Regis nomen
tueri non posset.* Sciebat enim quòd

Nox, & amor, vinumq; nihil moderabile suadent.
Panorm. lib. 2. de eiufd. Gestis.

I D E M

Aliàs per oportunitatem rogatus, cur vinum
tanta

tanta aqua dilueret? *Ne me, inquit, inebriet. Scio namque quantum Macedonis Alexandri gloria obfuerit ebrietas.* Ibidem.

IDEM

Rursus simile sciscitanti, cur videlicet in tantum Ebrietatem detestaretur, respondit: *Quia scio Furorem & Libidinem eius filias esse.* Probè igitur monet Horatius:

*At ne quis modici transfiliat munera Liberi,
Centauræa monet cum Lapythis rixa super mero
Debèllata.* — Ibidem.

GERMANVS ANONYMVS.

Instituerat Ferdinandus Imp. ludos publicos in nuptiis Hyppolitæ & Alphonsi filij sui. ad quos cum omnis generis sexusque homines conuenissent, eorumque celebritatem admirarentur; in media laudantium plaudentiumque corona, GERMANVS quidam vocem efferre, & inclamare cœpit: *Valeant ludi quibus nemo bibit.* Hem! egregium virum, & verè Epicuri de grege porcum, cuius omnis animus (vè inquit ille) in poculis & patinis! Pontanus.

CAROLVS V. IMP.

Addo facetum hoc nostri quondam Principis. Monebatur aliquando in castris Germano militi legem daret, ebrietatis vitandæ gratia. At ille, *Quid inquit, Germano Ebrietatem interdicerem? perinde id foret, ac si Hispanis furta aut rapinas inhiberem.* Corozetus, & alij.

Require Apophth. de CÆCITATE.

ECCLE.

ECCLESIA EIVSQVE IMMUNITAS ET AVCTORITAS.

IESVS CHRISTVS.

Prosequamur nunc ordine Aeterni Regis Sponsam in terris, columnam & firmamentum veritatis, ECCLESIAM : cuius auctoritatem potestatemque insinuans ipse eius DOMINVS, dum de obedientia illi præstanda sermocinaretur, *Si, inquit, Ecclesiam non audierit, sit tibi sicut Ethnicus & Publicanus.* id est, Si Ecclesiæ obtemperare noluerit; ne consortio eius utaris, siue in diuinis, siue in humanis. Ita enim Iudæi habebant Ethnicos & Publicanos, ut eorum mensâ & consortio se pollui arbitrantur. & verè non habebit vnquam Deum patrem, qui ECCLESIAM noluerit habere matrem. Matth. cap. 18.

S. HUGO EPISCOPVS LINCOLNIEN.

Immunitatis Ecclesiasticæ vindex & protector eximius, numquam se conscio quicquam in Ecclesiæ præiudiciū attentari permisit. vnde & Regum malleus, eâ ætate nuncupatus. Rogantibus autem amicis, ut maioris periculi euitandi causa, in re parui momenti, Regi contra Ecclesiæ auxilium ius ad stipularetur, dixisse fertur: *Ab sit, ut me vno laici, cuiuscumq; etiam dignitatis, Ecclesiastica libertatis privilegium infringant.* Sur. tom. 6. in vita.

I D E M

Cū fortè Diœcesis visitandæ causa iter ageret, obuiam habuit hominum sine ordine discurrentium turbam, qui furem ad supplicij locum de more deducere. Reus Episcopum adesse ratus, propius

pius pro consequenda benedictione adduci postulat. Eo viso EPISCOPVS, misericordia motus: *Soluite, ait, & finite abire. ubi enim Episcopus cum fidelium populo congregatus est, ibi est Ecclesia: neque minor immunitas debetur lapidibus vivis, quàm mortuis. Ibidem.*

S. THOMAS CANTVARIEN.

Ethic quoque in hoc amoris & sollicitudinis genere excelluit. mortem quippe sibi minitante scario: *Ego verò, aiebat, pro Domino meo mori paratus sum, ut Ecclesia Anglicana meo sanguine pacem & libertatem assequatur.* Thom. Staplūt. in Apolog. & Sur. in vita eiusdem.

INNOCENTIVS. II. PONT. ET FREDERICVS. II. ROGERIVS IMP.

Erat is FREDERICVS, qui in id solùm incumbēbat, ut Ecclesiæ auctoritatem integritatemque eneruaret. Quare à pluribus summis Pontificibus iustè diris deuotum, despexit INNOCENTIVS, ac Cæsaris nomine indignum iudicauit. Ille autem ore procaci hoc disticho in Pontificem lusit:

*Roma diu titubans, variisq; erroribus acta,
Corruet, & mundi desinet esse caput.*

cui PONTIFEX, ut erat summo ingenio, rescripsit:

Niteris incassum nauem demergere Petri:

Fluctuat, ast numquam mergitur illa ratis.

At sui impos FREDERICVS, denuò INNOCENTIVM perstringens, subiecit:

Fata volunt, stellaq; docent, animumq; volatus,

Quòd FREDERICVS ego mallens orbis ero.

Verùm intemperatum illud augurium eludens INNOCENTIVS, ita ad extremum respondit:

Fata

Fata volunt, Scriptura docet, peccata loquuntur:

Quòd tibi vita brevis, pœna perennis erit.

In Paralip. Ab. Vrs. Ioan. Wolf. tom. 1. Lect. memor. p. 323.

THEOLOGVS ANONYMVS.

Dignus item ille, qui se prioribus associet. Erat Regis Angliæ curator, homo nefarius, & Caluini lacte nutritus. Hic dū fortè DOCTORI THEOLOGO in conuiuio, die ieiunij ab Ecclesiâ indicti, assideret, carnesq; nolenti administraret, diceretq;: *Quam Scripturam adfers domine Doctor contra hunc cibum hodie comedendum? confestim ille verba Apostoli subiecit, inquiens: Nos talem consuetudinem non habemus, neque Ecclesia Dei.* quo dicto obstupuit alter, & obmutuit. Corozet.

PIPINVS REX GALL.

Magis admirandi laudandique hi, quò ab Ecclesiastico ordine sunt remotiores. In Galliam itaque secedenti occurrit PIPINVS REX, verus, si alius vllus, Ecclesiæ fautor & protector. Dum namque aduersus Longobardos castra mouisset, suos adhortatus, tandem hoc dicto sermonem finiit: *Eo consilio arma induimus, vt Apostolicam sedem ab omni mortalium iniuria vindicemus.* Hinc meritò ei nomen Christianissimi obtigit: quod ab eo, licet non eodem iure, omnes posterì vsurparunt. Barland. in Chron. Duc. Brab.

ALPHONSVS ARAG. REX.

Emittat hîc etiam suos radios ALPHONSVS: qui Piceno suo Marte Sedi Apostolicæ recuperato, cùm ab Eugenio P. P. vrbes aliquot dono offerrentur, fortiter recusauit, dicens: *Nequaquam quesius aut præda, sed Ecclesiæ tuendæ gratiâ hanc expeditionem*
P
susce-

suscepi. Heu! vbi nunc ille Principum feruor & zelus? Panorm. lib. 3. de Gest. eiusd.

ECCLESIAE BONA.

CLEMENS IIII. PONT.

ERat hic, priusquam sacris initiaretur, Bononiæ legum Doctor & Professor. Itaque cum ob merita & virtutes ad Romanæ Cathedræ honorē euectus esset, eiusque filia, quas ex priori coniugio binas habebat, dotem paternæ conditioni æqualem postularent, respondebat: *Papa non habet filias: sufficiens vobis sit, relicta à maioribus parentibusq; hereditas.* & ita inanes, raro, sed illustri exemplo dimisit. *Bap. Fulgos. lib. 4. cap. 3.*

LAVRENT. IUSTINIANVS PATRIARCHA
VENETVS.

Illud in Pontifice, hoc equè illustre in PATRIARCHA. Habebat namque consanguineum IUSTINIANVS tenuioris fortunæ quàm animi: qui cum apud eum instaret frequentiùs, filia suæ, quam unicam habebat, ampliori dote succurreret, quo nobiliori marito desponsaretur; prudens hoc & pium ab eo responsum accepit: *Considera queso, frater, si parum dedero, non est quo opus habes: sin' multum, defraudanero multos, ut uni satisfaciam. ac proinde quidquid meum est, ad cibos pauperum potiùs, quàm ad intortos crines aut margaritas, ab Ecclesia relictum est.* In vita eius apud Surium tom. I.

Vide Apophth. de BENEFICIIS ECCLESIAST.

AB ECCLESIA ARCERE
INDIGNOS.

BABYLAS EPISCOPVS.

Magno sanè pioque Ecclesię Dei zelo succensit
olim viri sancti, inidoneos ab eadem arce-
bant. domum Dei quippe per eos contaminandam
rati, qui se illa fecissent indignos. & quidem BABY-
LAS Deo sacrificium immaculatum offerens, cum
videret Numerianum per Ecclesię cancellos intro-
spicientem, magno ei animo obstitit, dicens: *Non
licet tibi cruore & idolorum sacrificiis polluto, tam pe-
tulanter in domum Dei ingredi, & diuina mysteria
contaminatis oculis contemplari* Nicephor. lib. 6.
hist. cap. 34.

POLYEVCTVS PATRIARCHA.

Neque minùs animosè ille. Ioanni enim Zimi-
sco, qui Nicephorum Phocam, cuius imperium af-
fectabat, interfecerat, ad imperij apicem cuesto,
dum in templum Constantinopolitanum diadema-
te iam iam insigniendus properaret, factus obuius,
ita eum aggrediebatur: *Non decet talem ingredi Ec-
clesiam, cuius manus adhuc stillant recenti sanguine
sui cognati.* Cedr. Cusp.

THEODOSIVS IMP.

Hunc autem zelum viris illustribus defuisse, ne
quisquam dicere audeat; monet THEODOSIVS IM-
PERATOR. dum enim de vniendis pacificandisque
Ecclesiis cogitaret, Demophilum Arrianę pestis
præfectum, eò quòd à scelerato dogmate discedere
abnueret, his dictis compellauit: *Si pacem concor-*

P 2 *diam-*

diamque declinas. fugere te etiam à sacris Basilicis præcipio. Indignum eum iudicabat sacra limina contingere, in quibus auctor pacis domicilium fixisset. Socrat. hist. Trip. lib. 8. cap. 10.

Plura require infra de EXCOMMUNICATIONE.

ECCLESIASTICI HONORANDI.

CONSTANTINVS IMP.

SI stulta illa & superstitiosa deorum cultrix antiquitas, nescio quid diuinum in Sacerdotibus Flaminibusque suis luspicata, summo eos honore ac veneratione prosequeretur: quis miretur eundem nunc impendi iis, quos Deus ipse, tamquam operis sui vicarios, Sponsa que suæ perpetuos protectores, constituit Ecclesiæ ministros. Quorum honorem reuerentiamque ita in omnibus tuendam existimabat CONSTANTINVS, vt illorū vitam detrectantibus, aures clauderet, diceretque: *Si in Episcopum aut Monachum fornicantem incidissem, sustulisssem chlamydem, ei que imposuisssem, vt à nullo oculo videretur.* Sciebat autem prudens Imp. talium delicta, leui & malignanti populo magnum ad vitia præbere incitamentum. Sur. to. 1. de S. Ioan. Eleemos.

PHILIPPVS AVGVSTVS F. R.

Et hic non nomine dumtaxat, sed re etiam ipsa AVGVSTVS. Ad quæ cum deferretur, Ecclesiasticos nimis latè suæ iurisdictionis limites extendere, ac crebrius Regi præiudicare, respondit: *Credo rem, quandoque se ita habere: at memor beneficiorum Dei, malim auferri mihi iura mea, quàm cum seruis Dei litigare, aut cum Ecclesia contendere.* Ita ille olim: nunc

nunc autem sola ea spolia iusta reputantur , quæ Ecclesiæ , eiusque ministris , quouis tandem modo detrahuntur : ita vt nostri sæculi pseudoprophetæ , pro concione non erubescant populo annuntiare , præcepto de nõ furando , Ecclesiasticorum prouentuum rapinas non vetari. Ionuil. cap. 93.

HENRICVS II. F. R.

Eodem in regno & virtute successor HENRICVS. Cùm Lutetiam more maiorum ingressus , publico epulo in palatio exciperetur , ambigerentque Ecclesiastici & sæculares Principes , quinam dextram sinistramve Regis clauderent ; *Meam*, inquit Rex, *dextram Ecclesiæ dedi, dedicatique*. Iussitque Ecclesiasticos Principes , non sine multorum fremitu , ad dexteram suam accumbere. Lud. Aurel. ex Anal. Franc.

EDVCATIO LIBERORVM.

S. LVDOVICVS F. R.

TOtius Reipub. fundamentum , LIBERORVM EDVCATIONEM dicebat Diotogenes Pythagoræ auditor : quia facile est tenellos animos componere , & quasi sub pollice ad quoduis ducere. Cuius rei exempla à LVDOVICO auspicabimur. qui priusquam se quieti componeret , vocatis filiis , facta dictaque Principum proponebat ; tam eorû qui laudabilem vitam duxerant , quàm qui nefariam. moneratque ; *Illorum exempla animis vestris inculcate : vt & meliores euadere , & ab omni flagitio , prouectiores effecti , abstinere valeatis*. Significabat enim in iis potissimum instituendos adolescentes , quibus vsuri sunt , cùm ad virilem peruenerint ætatem. Ita glori-

riatum de seipso legimus Persium, quòd à Cornuto, viro erudito & Philosopho eximio, adhuc puer liberalibus disciplinis imbutus fuisset. ait enim Sat. 5.

*Cumq; iter ambiguum est, & vita nescius error
Deducit trepidas ramosa in compita mentes;
Me tibi supposui: teneros tu suscipis annos
Socratico Cornute sinu: tunc fallere solers
Apposita intortos extendit regula mores,
Et premitur ratione animus, vinciq; laborat,
Artificemq; tuo ducit sub pollice vultum.*

Ionuil. in eius vita, cap. 87.

IDEM

Vt erat pietate & modestia eximius, cuicumque se operi daret, salutiferæ crucis signo frontem, petusq; & os præmunire solitus. Dicebat enim: *Ita me mater puerum instruxit.* Corozetus.

S. ANSÆLMVS.

Egregius hic morum vitæque institutor. qui intelligens cœnobij cuiusdā Præpositum durius cum iis agere, qui se religioni eiusque obedientiæ deuouerant, eosque deteriores indies euadere; *Quàm benè*, inquebat, *nutrimentum expenditis, qui de hominibus bestias nutritis?* Surius in vita. Edinerrus, & alij.

IDEM.

Eiusdem etiam paterna illa vox, dum de liberorum educatione interPELLARETUR: *Cupitis*, inquit, *pueros optimis ornari moribus? necesse est, ut cum seueritate disciplina, paterna pietatis & mansuetudinis lenamen eis impendatis.* Ibidem.

GISBERTVS DVVENORDIUS.

Quid verò iste? Erat vir genere & religione nobilis.

bilis. cui cū agyrra quidam stigmaticus, magistri
 sui proponeret sequenda vestigia; *Quid ais, inquie-*
bat, sodes? non est quod meque teque fatiges. quæ enim
puer imbuti, senior respiciam? Sanè,

Quo semel est imbuta recens servabit odorem
Testæ diu.

P. Opmerus in Mart. Holl. manuscr.

ELECTIO.

APOSTOLI CHRISTI.

AD ELECTIONIS exempla progredientes, unde
 melius quàm ab APOSTOLIS CHRISTI ordie-
 mur? qui graui illa oratione à Petró habita, propo-
 fuerunt eligere virum aliquem ex iis qui Christum
 secuti fuerát, in locum proditoris Iudæ, vt vnà cum
 eis testimonium præberet resurrectionis Domini.
 Et statuerunt duos, Barfabam & Matthiam: oran-
 tesque dixerunt, *Tu Domine qui nosti corda omnium,*
ostende quem elegeris ex his duobus unum, accipere lo-
cum ministerij huius, & Apostolatus, de quo præna-
ricatus est Iudas, vt abiret in locum suum. Quo-
 rum exemplo monemur, non nisi certa delibera-
 tione, ac personarum cognitione præuia, per di-
 uini nominis inuocationem, ad quamuis electio-
 nem procedendum. Act. cap. i.

HONORIVS IIII. PONT.

Hunc vnicum dumtaxat Ioannēm Buccamatium
 Episc. Tusculanum ad sacrum Senatum suo Pon-
 tificatu adsciuisse tradunt: ac pluribus ob id indi-
 gnantibus, dicebat: *Boni tantum & docti, in tantum*
collegium adoptandi. Plat. in vit.

SIGISMVNDVS IMP.

Non longè à scopo hoc aberrabat SIGISMVNDVS. qui diu multumque de Procerum delectu in suam curiam sollicitus; *Eos reges, inquit, in terris beatos existimo, qui ciectis ex sua curia superbis, viros mansuetudine & misericordia præclaros, assessores habent.*
Æn. Syl. de Dict. Sigism.

VALENTINIANVS IMP.

Æuo superior, ast animo hic par cum priori VALENTINIANVS. Contendebat apud eum Episcoporum concilium, vt Mediolanensibus Antistitem deligeret. Verùm ille, *Maiores, inquit, hac prouincia, quam que nostris viribus queat sustineri. vos itaque diuinâ repleti gratiâ, melius hocce negotiû transigetis.* Neque id malè. decet enim electionem ab iis fieri, qui paris ordinis aut conditionis cum eo qui eligendus. Theodoret. lib.4.

ELEEMOSYNA.

IESVS CHRISTVS.

AD ELEEMOSYNAM transitum facimus, quæ ardentium criminum globos beneuolentiæ suæ fonte refrigerat, & irriguo largitatis obruit incendia delictorum. Huius autem præstantiam dignitatemque paucissimis verbis expressit SALVATOR, dum ad prandium vocatus à Phariseo, accubisset; ac intra se reputans Phariseus diceret, quare non esset baptizatus ante prandium. reprimens enim insulsam eius intentionem mentemque DOMINVS, tandem subdidit: *Verumtamen quod superest, date eleemosynam: & ecce omnia munda sunt vobis.* Ita olim pauperum pater Tobias: Eleemosyna ab omni

omni peccato & à morte liberat, & non patietur animam ire in tenebras. Luc. cap. 11.

ZACHÆVS PUBLICANVS.

Hæc cùm ita sint, quis non excussio tenacis auaritiæ compede ad liberalitatem gradum feret, & de iis saltem quæ suæ supersunt necessitati, aliorum indulgebit inopiæ? ZACHÆVS publicanorum princeps, & ipse diues, ante Dominum constitutus; *Ecce, ait, dimidium bonorum meorum do pauperibus.* verè dignus, cuius domui salus facta est à Domino. Luc. cap. 16.

SERAPION MONACHVS.

Neque hic immemor diuinæ promissionis, Qui pronus est ad misericordiam, benedicetur. Cùm enim præter tunicam, pallium, & codicem Euangeliorum haberet nihil, duobus pauperibus factus obuius, alteri pallium, alteri tunicam obtulit. cumq; ià nudus sederet, interrogatus, *Quis te despoliauit?* protento codice quem sub alis gestabat; *Hic, inquit, me nudauit.* Alios postmodum conspiciatus mendicantes, codicem vendidit; pretiumque illis distribuit, dicens: *Domini verbum est: Vende omnia quæ habes, & da pauperibus.* quod necdum se impleuisse putabat, donec seipsum postmodum in seruum venderet Gentilibus, vt eos ita Domino lucraretur. Verè pius ac misericors SERAPION, & meritò Seraphicis ordinibus post mortem adscribi dignus. Pallad. in Vitis PP.

S. LAURENTIUS MARTYR

A Decio tyranno quæstione agitatus, vt argentum indicaret quod Philippum Philippi Augusti filium olim Ecclesiæ obtulisse constabat; protensa in pauperes manu, quibus illud iamdudum erogauerat

uerat: *Apud hos*, inquit, *Philippi argentum depositum seruat*ur. At Decius illud sibi putauit: qui, vbi veræ diuitiæ veræque gloria esset, ignorauit. Ambros. Off. lib. 2. Prudent. in Peristeph.

S. IOANNES PATRIARCHA ALEXANDRINVS.

Quid autem de illo dicam? cui in pauperes innata liberalitas & beneficentia, Eleemosynarij nomen peperere. Ministris enim conquerentibus, quod iis qui peterent eleemosynas, intermiseret se puellam quædam comptam ac ornata, rogarentque num illis quidpiam dari vellet? ille in omnes æquè benivolus; *Si*, inquit, *discipuli ac distributores mei Christi esse vultis*, parete diuino eius iussu, qui iubet dari petentibus. Quod est contra illos qui nimium curiosè inquirunt de vita & statu mendicantium, ut eis quidquam elargiantur. Sur. tom. I. in vita.

I D E M.

Quin & de eodem illo posteritati relictum, quod, dum in ærarium publicum Reipub. necessitatibus subleuandis referre iuberetur, quidquid in pauperum vsus indies erogabat, responderit: *Iustum non est, ut quæ celesti Regi sunt consecrata, terreno prodantur*. Ibidem.

S. LVDOVICVS FRANCORVM REX.

Neque obscurum benignæ liberalitatis exemplar iste. ut enim erat genere, ita & largitate vitæque innocentia clarissimus: nam quocumque locorum se conferebat, centum & viginti (duplicato autem numero tēpore quadragesimali) pauperes per singulos dies cibus regiis alebat. quibus etiam, maximè solennibus diebus, ministri & pincernæ officium exhibebat. Quare cum ob id cauillarentur fami-

milia-

miliares; *Meliùs*, aiebat, *hos sumptus in pauperes conféro, quàm in luxum. Hac enim ratione, opes regnumque stabilitur.* Iouul.in vita, cap.84.

VRBANVS PONT. MAX.

Ea autem quæ in sinu miserorum reconduntur, in cælum inferri, palàm testatus est VRBANVS. à quo cùm Cæcilie martyris thesauri, quos dispensandos acceperat, poscerentur: quoniam indigentibus eos impenderat, aiebat: *Cæcilia thesauros manus pauperum in cælum sustulerunt.* Faciamus ergo nobis amicos de Mammona iniquitatis, vt cùm defecerimus, recipiant nos in æterna tabernacula. nam vt benè etiam Martial.

Extra fortunam est, quidquid donatur amicis.

Quas dederis, solas semper habebis opes.

In histor. Cæcilie. Marul. lib.1. cap. 2.

ALEXANDER V. PONT. MAX.

Celebratissimus quoque hoc in genere ALEXANDER. qui vsque adè in egenos munificus, vt aliquando vix quidquam sibi superesset in vsum. Vnde & per iocum dixisse commemoratur: *Fui diues Episcopus, pauper Cardinalis, mendicus Pontifex.* Exulabat ergo ab eius pectore impius habendi error, qui aliàs cū re & ætate solet accrescere. iuxta illud:

Crescit amor nummi, quantum ipsa pecunia crescit.
Platina in vita.

AIDAMVS LINDIFARNENSIS EPISC.

Erat Osualdus Angliæ rex, egenorum alumnus inenarrabilis. vtpote qui omnes ad palatium confluentes, in attrio sustentabat. Cumque aliquando maior esset numerus quàm apparta cibaria, ne vacuos dimitteret, escaria lance comminuta, argenti fragmen-

fragmentis supplevit, donavitque. Quam regis liberalitatem AIDAMVS (qui fortè aderat) miratus, & apprehensam munificam illam dexteram ex osculatus; *Tam prompta*, inquit, *in dando manus senescere non debet*. At neque cōsenuit. aiunt enim eandem adhuc integram, reliquo corpore absumpto, in tumulo asseruari. Beda hist. Anglic. lib. 3. c. 6.

ARCHIEPISCOPVS ANONYMVS.

Memoratu dignus etiam hic. qui, Oeconoמו suo conquerente quòd plures domi aleret quàm necessitas exigeret; omnium nomina, tam eorum qui necessarij, quàm qui inutiles videbantur, separatim scribi mandauit. Illis itaque visis, aiebat: *Hos dicis necessarios, illos verò inutiles. Alantur igitur hi, quia eorum ego indigeo: illi autem, quia mei indigent.* Sufficiens eam causam pauperum inopiæ subleuandæ ratus, quòd nostri indigant. Phil. Diez tom. 2. part. 4. Sermon. in Dom. Palm.

PIVS V. PONT. MAX.

Claudamus inclyto exemplo, quod ætas nostra sensit, & vidit. Lue contagiosa Urbem deuastante, crebrius ingentem auri vim verè PIVS tum PONTIFEX MAX. ægrorum inopiæ subleuandæ erogabat: cuius etiam tali Pontifice digna audita vox: *Ea nunc tempora sunt, ut & calices aureos & Ecclesiæ thesauros oppignerari velim, quò Christi membris subueniatur.* Ribad. in vit. Borgiæ lib. 3. cap. 5.

S. PAULA.

In eodem sanctitatis genere Faminæ quoque æternæ sibi laudis locum vendicant: quæ eodem etiam impulsæ spiritu, hunc affectum Christo in pauperibus exhibuerunt. Te te igitur compello,
PAV-

PAVLA: cuius in largiendo profusa benignitas æternum apud Superos trophæum statuit. Tu enim, ne rogantes vñquam repulsam paterentur, pecuniam mutuo, inò ad vsuram accipere solita; ac prodigalitatē accusata, *Deum testor, inquis, me pro illius nomine cuncta hæc agere. Et id vñum in votis mihi, ut ipsa mendicans moriar, & alieno sindone hoc meum corpusculū inuoluatur. Ego enim si petiero quidquam, multos inueniam qui mihi tribuant: mendicus si à me non acceperit, quæ etiam de alieno possum retribuere, & mortuus fuerit, à quo requiretur anima illius?* Sic lampadi infundens oleum, id est, virginitatis decus misericordiæ operibus exornans, admissa es ad spōsi nuptias, ineffabili etiam misericordiâ sempiternum fruitura. Hieron. in Epitaph. Paula.

S. LVCIA.

Et tu etiam in hunc virginum chorū referenda: quæ omnibus bonis ad votum erogatis, cū diis litare compelleris, hoc vñicum obmurmuras, & inclamas: *Sacrificium Deo acceptissimum est, visitare pupillos & viduas in tribulatione eorum.* Verè beata, quam nunc misericordiæ remunerator Deus inter cælestes illas sponsas sponsam suam collocauit. Martyrol. Sur. tom. 6.

S. ELIZABETH PAUPERVM MATER.

Hæc item nondum marito Langrauiō viduata, ob assiduam in pauperes benignitatē, MATER eorumdem parentisq̃ue nominabatur. Quos enim in plebe oppressos aduertebat, illis familiariter admodum utebatur. Rogata autem, cur tam nobilis famina talibus se coniungeret, *Vt, inquit, eis subueniendi liberior mihi detur facultas.* Quid? cū esset Regis Pannonum filia, quoties suis ipsa mani-

bus

bus neuit texuitque, vt de laboris fui peculio eleemosynas largiretur? ita vt non incongruè de illa dici possit; Manum suam misit ad fortia, digiti eius apprehenderunt fusum, &c. Conrad. Minor. Concion.

IOANNES GANDIÆ DVX.

Et ne solis iis qui in sacramento hoc ordine, totā hanc laudem attribuisse videamur; IOANNEM GANDIÆ DVCEM referemus. & hic in egenos paterno animo. cum enim Curia praefectus pares eleemosynis rationes facultatesque non esse expostularet: *Ita, dicebat, statuo; mihi potius omnia ad vitam necessaria deesse, quam Christi membris, patiar.* Est sanè manus pauperis gazophylacium Christi; & quidquid pauper accipit, Christus acceptat. Da ergo pauperi terram, vt accipias cælum: da micam, vt accipias totum.

*Quisquis enim cupide non expendenda recondit;
Que nulli tribuit, pauperibus rapuit.*

In vita Borgiae, lib. i. cap. ii.

AMEDÆVS SABAVDIÆ DVX.

Vide IN PAUPERES LIBERALITAS.

PLACILLA THEODOSII VXOR.

Par misericordiae exemplum cum prioribus fuit hæc. Reprehensa à suis, quod bonam vitæ partem pauperum miserabiliumque personarum miseriæ curandæ absumeret, suasque facultates liberaliùs in eos distribueret: non minùs fortiter, quàm magna illa Elizabeth, respondit: *Imperatori conuenit id aurum elargiri: mihi verò manuum opus pro imperio ipso, ei qui id semel contulit, offerre.* & appositè hæc sibi eam laudem vindicabit, de qua Sapiens: Manum

Manum suam aperuit inopi, & palmas suas extendit ad pauperem. Niceph. Call. lib. 12. cap. 42.

ELOQVENTIA.

PETRVS ALDOBRANDINVS CARD.

Mercurio Caduceum in manu affinxit vetustas. quo significatum voluit, ELOQVENTIÆ interuentu statim omnes controuersiarum cadere tempestates: nam

Ille regit dictis animos, & pectora mulcet.

Vnde dixisse commemoratur CARDINALIS ALDOBRANDINVS: Nullum est imperij vallũ firminus, quàm quod in eloquentie campo est fundatum.

Addit enim inualide robur facundia causæ,
vt habet Lucan. Henr. Farnes. in Apoph. de Princ.

IDEM

Interroganti, quis felicissimè regeret; *Non, inquit, qui opulentia aut robore plurimum pollet, sed qui eloquio & facundia.* verè Alciatus:

Cedunt arma togæ, & quæuis durissima corda

Eloquio pollens ad sua vota trahit.

Ibidem.

PRINCEPS ANONYMVS.

Rogabat hunc quispiam, quænam artes hominem in altissimo honorum culmine collocarent; *Duc, ait, una Imperatoris, altera Oratoris boni.* Nec id malè: ab hoc enim pacis ornamenta retinentur, ab illo belli pericula repelluntur. Greg. Richt.

EPI-

EPISCOPVS.

S. IULIANVS MARTYR.

A Ut nullum esse, aut rarum Episcopum, qui omnia ad tantum ordinem requisita habeat, auctor est lib. 1. aduers. Pelag. Hieronymus Episcopos nihilominus, quod paternam suorum curam gerant, vel saltem ut id agant, sedulò incumbere debeant, patres appellabat S. IULIANVS. percontanti namque Præfecto, num Episcopi illi quos secum aggregauerat, eiusdem discipuli effecti essent; respondebat: *Discipuli non sunt, sed patres: per ipsos enim veram nativitatem suscepimus.* Non existimabat itaque indignū cum his patribus ad veram patriam properare. Sur. tom. 1. in vita.

S. AMBROSIVS.

Huic Calligonus, qui Valentiniano à cubiculo, insultabat sapius, rogabatque, Tu me viuo contemnis Valentinianum? caput tibi auferā & vitam. At ille verus pastor, suo gregi inuigilans, *Vtinam,* aiebat, *impleas quod minaris. Ego lubens patiar quod Episcopi: tu facies quod spadones.* Episcoporum quippe aduersa quænis perpeti potius, quàm commisso gregi vniquā paterna sollicitudine, saltem in iis quæ necessaria sunt, deesse. Ambros. Epist. 33.

SISINNIVS NOVAT. EPISCOPVS.

Fuit hic eruditione ac dicendi lepore summus. qui cū Acacium Episcopum inuideret, quidā sciscitatus, cur veste Episcopo insueta vteretur; & ubinam scriptum reperisset, presbyterum alba veste uti posse. Cui ille; *Tu,* inquit, *mhi dicito, ubinam scriptum sit, Episcopum nigra uti debere.* & adiecit: *Sal-*

Iomon nos cohortatus est : Sint tibi vestimenta alba. & Saluator noster eadem etiam usus, & in eâ Moysen & Eliam Apostolis exhibuit. Socrat. lib. 6. Hist. Eccl. cap. 20.

ATTICVS EPISC. CONSTANTIN.

Venerat hic consecraturus Episcopum in Nicæam. Vbi cùm Asclepiadem Antistitem reperisset, ætate maturum, quot in Episcopatu annos transgisset, inquit : eoq; dicente, *Quinquaginta : Felix homo es, inquit, tanto tempore boni operis curam agens.* Alludebat ad illud Apostoli: *Qui Episcopatum desiderat, bonum opus desiderat.* Tripart. hist. libro 12. cap. 11.

CHRISTIANVS II. ARCHIEPISC. MOGVNT.

Quid verò ille? Rogabat eum Guilielmus Imperator, sibi consilio suo in militari negotio subueniret. ad quem CHRISTIANVS non nomine dumtaxat, sed reipsa, *Episcopi, inquebat, est docere verbum Dei, non pugnare : Christus namque Petro mandauit, ensẽm cohiberet.* Brusch. in Episc. Germaniæ.

ARCHIEPISCOPVS ANONYMVS.

Erat in Granatensi regno Archiepiscopus, vir vnicè in egenos munificus ac liberalis : quorũ etiam familiam domosque visitabat interdum. Rogatus itaque à Ferdinando de Talanera, cur, cùm esset Archiepiscopus, in tantum se deliceret, vt etiam ad populares casas se conferret, præter decorum illius status; respondit: *Tu crede, si fores Episcopus, amplius admirareris quæ non facio, & deberem facere, quàm ea quæ nunc præsto.* Floresta.

S. LVDOVICVS EPISC. TOLOS.

Quapropter celebrandus ad extremum etiam iste, qui dum ex longa huius mundi nauigatione in

Q

salutis

salutis æternę portum volens libensque properaret; memor occupationum quibus in Episcopali munere fuerat irretitus; *Vero verius est*, inquebat, *Episcopalem dignitatem non tam grandis esse nomen honoris, quàm oneris.* In vita eiusdem, impressa apud Motetum, cap. xviii.

CONSTANTINVS IMPERATOR.

Verùm Episcopalis muneris dignitatem primus inter Christianos Principes CONSTANTINVS MAGNUS agnouit. quem ita ad Episcopos locuti commemorat Eusebius: *Ego communis quidam Episcopus sum, sed vos eorum quę in Ecclesia; ego vero eorum quę extra eam sunt, à Deo constitutus Episcopus, seu speculator & superintēdens, videor.* Quā etiam distinctionem in Regum coronatione ipsi Reges ab Ecclesia accipiunt. ita enim, dum à Pontifice inunguntur, ad eos dicitur: Accipe coronam regni tui, quam sanctitatis gloriam & honorem, & opus fortitudinis intelligas significare: & per hanc te participem nostri ministerij non ignores: vt sicut nos in interioribus pastores & animarum rectores intelligimur; ita & tu contra omnes aduersitates Ecclesię Christi defensor existas. ita Pont. Rom. Euseb. de vit. Constant. lib. 4. cap. 24. Th. Stapl. Dom. 22. post Pent. in Prompt. morali.

EVANGELIVM.

S. ANTONIVS EREMITA.

Fortissimus sanctę Ecclesię paries & fundamentum EVANGELIVM sese offert pertractandum. De quo sanè etsi nullum esset aliud, præclarum habemus ANTONII EREMITÆ testimonium. Vene-

Venerant ad eum iam senem Religiosi, qui vitę nor-
mam pręscribi sibi postulabant. Ille sumpto Euan-
geliorum codice, *Ecce, ait, omnia hęc, ad benę beatęq;
vivendum necessaria.* Dicere poterat illud Davidis,
Lucerna pedibus meis verbum tuum, & lumen se-
mitis meis. Balæus Cent. I.

S. BARTHOLOMÆVS APOSTOLVS.

Inciderat apud eum mentio de Evangelicę do-
ctrinę vtilitate & fructu. de quo iste : *Euangelij lex
brevis est, & longa.* Notabat autem Evangelij codi-
ces numero & litteris paucos & breues: explicatio-
ne verò, ac potissimùm imitatione, operosos ac lon-
gos. Dion. cap. I. Theol. myst.

SERAPION ABBAS.

Quin & ille, cùm iam se omnibus indumentis
exspoliasset, vt Christi membra contereret, & nu-
dus federet; roganti, Quis te pater spoliavit? prola-
to, quem sub alis habebat, Evangeliorum codice;
Hic, inquit, me nudauit. Propter fidem enim Euan-
gelij, in quo tam pręclarę promissiones Eleemosy-
nis factę leguntur, ita se exspoliavit. Palladius.

SIGISMVNDVS POLON. REX.

Hic quoque cùm esset verę Catholicus, à non-
nullis Lutherano elleboro dementatis sollicitaba-
tur, vt puram reformatamq; noui Evangelij do-
ctrinam (ita eam appellant) suo populo proponi pa-
teretur. quibus heroico animo; *Non est, inquit, in-
ueniendum de Euangelij puritate inquirere: Episcoporum
id munus, quorum ego iudicio libens me libensq; sub-
mitto.* Prudenter cum Vlyssę aures claudebat, ne Si-
renarũ fallaces voces in sui exitium excipere coge-
retur, instar aspidis surdę, & obturantis aures suas,

Q

que

quæ non audiuit vocem incantantium. Surlus in
Comm. Rerum in orbe gest.

IOANNES RVRIAS MINISTER EDENBURG.

Quo laudis honorisve priores, eodem vituperij
gradu collocandus iste. Dūm namque nouata reli-
gionis buccinam palam inflaret, binas ad fugge-
stum bombardas deferre solitus. asserebat autem,
*Fratrem Euangelicum paratum esse debere, non verbo
tantum, sed & armis, si opus foret, Euangelium propu-
gnare.* Guill. Rastellus.

THOMAS MORVS.

Reiciendos verò eos Euangelij interpretes, qui
propriis viribus fisi, à communi Ecclesiæ explica-
tione sponte aberrant, testis est THOMAS MORVS.
Obiiciente namque Tindallo (quem MORVS re-
prehenderat, quòd vocem Ecclesiæ in congregatio-
nem, & Presbyteri in seniore verterat) dulcissi-
mum eius Erasimum ita vertere, respondit: *Si dul-
cissimus meus Desiderius praua illa intèntione sic vertis-
set, qua Tindallus; dulcissimus meus Desiderius, ne
quidem mihi dulcis esset.* Th. Staplur. in vita.

EVCHARISTIÆ SACRIFICIUM ET SACRAMENTVM.

IESVS CHRISTVS.

AMplectamur nunc spirituale illud alimētum,
quod sumptū reficit, nec deficit: miremur au-
gustum illud nouæ Legis sacrificiū, verè, si vllum a-
liàs, propitiatorium. cuius proinde dignitatem ex-
primens DOMINVS IESVS, Pharisaïs dicenti-
bus patres eorum manducasse manna in deserto,
iuxta

iuxta illud; Panem de cælo dedit eis manducare; aiebat: *Non Moyses dedit vobis panem de cælo: sed Pater meus dat vobis panem de cælo verum. Panis enim Dei est, qui de cælo descendit, & dat vitam mundo.* Ioan. cap. 6.

IDEM

Litigantibus Iudæis, & inuicem cauillantibus, quomodo carnem suam dare posset ad manducandum; respondit: *Amen dico vobis: nisi manducaueritis carnem Filij hominis, & biberitis eius sanguinem, non habebitis vitam in vobis, &c.* Quibus verbis, & Eucharistiæ dignitatem, & miram necessitatem explicauit. Facebant igitur, qui hîc verum Christum sub speciebus contineri negant: cùm ille suam carnem & sanguinem, non in figurâ aut signo, sed verè ac realiter, nec per fidei apprehensionem tantùm, sumi ac manducari expressis verbis præcipiat, Ibidem.

S. ANDREAS APOSTOLVS.

Egregius Christi athleta ANDREAS, magnum etiam augustissimo huic Sacrificio splendorem suo dicto addidit. Ægeæ namque Proconsuli Achaïæ crucis supplicium minitanti nisi idolis sacrificaret, respondebat: *Ego omnipotenti Deo, qui vnus & verus est, omni die sacrifico, non thuris fumum, nec tauro-rum mugientium carnes: sed immaculatum agnum. cuius carnes posteaquam omnis populus credentium manducauerit, agnus qui sacrificatus est, integer persenerat & viuus.* Ex passione eiusd. scripta à Presbyteris Achaïæ, Sur. tom. 6.

S. LAVRENTIVS PATRIARCHA VENET.

Quàm verò præclara res sit, crebrior huius Sacrificij oblatio, documento sit B. LAVRENTIVS PA-

Q3

TRIAR-

TRIARCHA. utpote qui numquam valens ab eâ cef-
fauerit, ex quo die eam faciendi potestatem acceperat.
Percontantibus autem, cur tam assiduus sacris ope-
raretur; dicebat: *Qui, cum posset domino suo frui,*
non fruitur; facile declarat se curam eius non habere.
Hinc venerabilis Beda asserit, Sacerdotem non le-
gitimè impeditum, qui celebrare omittit, quantum
in se est, priuare sanctam Trinitatem laude & glo-
ria, Ecclesiâ spirituali Christi beneficio, ac seipsum
medicina & remedio. Sur.tom. I. in vita.

HUGO DE S. VICTORE.

Huic animam agentis, cum Monachi SS. Eucha-
ristiam, quam anxie sibi dari expetiuerat, ob conti-
nuum vomitum diu dare detrectassent, tandem non
consecratam hostiam ritu ceremoniarumque consuetis
deferunt. Quam cum ager esset intuitus: *Mise-*
reatur, inquit, vestri Deus: cur mihi illudere vo-
lulistis? non est iste Dominus meus. Illi rubore confusi,
sacratam adferunt: qua visa, exspirauit. Hugo
Ranulphus lib. 7. cap. 19. in Polychron.

S. NICOLAVS DE TOLENTINO.

Ille ad extremum usque spiritum sacro hoc Eu-
charistiæ alimento reficiebatur. vnde in extremo
vitæ discrimine, ipsoque agone, idipsum in viati-
cum petiit sibi administrari. rogantique cur tam
ardenti desiderio in illud ferretur; *Vt, aiebat, tanto*
viatico munitus, non deficiam in via, ad patriam cele-
stem profecturus. & si ob demerita mea improbus Be-
lial hostis mihi occurrerit, possim fidenter dicere; Domi-
nus mihi adiutor, & ego despiciam inimicos meos.

Sur. tom. 5.

B. FRANC. XAVERIVS.

Et quoniam in tam augusto mysterio diabolicæ
frau-

fraudis malitia irrepsit, qua verum in eo Christi corpus contineri ambigat humana fragilitas: præsentissimum huic malo remedium dicebat XAVERRIUS. rogatus namque, quo tandem modo occurrentes super hoc scrupulos quis animo eximeret, respondit: *Pia & diligenti ipsius mysterij frequentatione.* Horat. Turfelli. lib. 4. c. 23. vit. eiusd.

CORNELIVS MVSIVS.

Fuit is MVSIVS, quem Delphi Bataui sedulum Pastorem habuerant, & in immeritam crucem intempestâ nocte egerant. Is ergo, sui populi infano furore percepto, cum plures in sacrario superessent consecratae hostiæ, ne in impiorum manus deuenirent, mente ad Deum conuersa, omnes absumpsit, dicens: *Hoc sumpto viatico armabor ad martyrium: nec deficiam tam salutari refectus sacramento.*
 P. Opm. in Mart. Holl. manusc.

D. LVDOVICVS F. R.

Sed quid illos tantoperè miremur, quos ad tam ardua mysteria consignauit vocauitque ipse eorundem institutor & auctor Christus Dominus: cum & alij æmulæ posteritati consecrati sint, qui non minus in hoc genere Religionis præstantes? Ducat hanc aciem Christianiss. REX LVDOVICVS, cuius hac de re celebris memoria. Sciens namque pius & religiosus Princeps, quod Fides non habeat meritum, ubi humana ratio præbet experimentum; & quod in augustissimo hoc mysterio, ut doctè in Hymno suo D. Thomas Aquinas,

*Quod non capis, quod non vides,
 Animosa firmet Fides
 Præter rerum ordinem.*

dum fortè Missæ sacrificio cum Proceribus in palatij Parisiensis sacello interesset, & illi puerulum formæ præstantissimæ in manibus celebrantis conspicerent, & admirarentur, Regemque vt videret impellerent, respondit: *Qui non credit, vadat & videat. Ego credo, & fidei meritum libens conseruo.* noluit enim sibi aliquando à Domino dici, *Quia vidiisti me, credidisti.* Beati namque qui non viderunt, & crediderunt. Refert præter alios, F. Ioan. Vi-guerius, in Instit. ad Christian. Theolog. cap. de Eucharistiæ sacramento.

RVDOLPHVS IMP. AVSTRIACVS.

Proximum Ludouico locum sibi vendicat AVSTRIACVS RVDOLPHVS: in quo quàm varium pietatis studium emicuerit, subiecto exemplo illustratur. Erat adhuc in modicâ fortunâ, nec nisi comes Hapetsburgensis: & vt nobilitas illa solet, cum paucis equis ad venationem exiuerat. pluuius & infernus erat dies, viæ sordentes & fractæ. Ecce occurrit Parochus ægro viaticum pedes laturus. Is aspectus pium pectus perculit, & equo defiliens; *Me vehi,* inquit, *& te qui Salvatorem meum portas, pedibus incedere? indecorum vel impium sit: conscende, & equum hunc cape.* Pareat alter. & hic capite nudato subsequitur, ad ipsas ædes infirmi deducit, ab iis eodem habitu reducit, Sacerdos officio attonitus, & mente à Deo motâ, benè abeunti dixit, & simul Imperium ipsi posterisque prædixit. & ab hac religiosa stirpe, illustris illa & omni pietate insignis Austriaca domus, quæ etiam modò Christianum orbem moderatur, incrementum sumpsit.

I, Lips. Mon. Polit. lib. 1. cap. 4.

PHILIPPVS II. HISP. REX.

Verùm inter cetera Austriacæ domus exempla, minimè nobis omittendum, quod de PHILIPPO II. Hispaniarum Indiarumque rege suggessit à se obseruatum ex historia Gallica Petri Matthæi, Ioannes Brantius Antuerpiæ vrbis Grapharius. Cordubæ (quæ Hispaniæ ciuitas) anniuersario ritu Christi corpus circumferebatur. dies æstiuus erat, & feruens. comitabatur reuelato capite PHILIPPVS, solisque ardorem Austriacæ pietate superabat. At è dynastis vnus, regiæ salutis anxiam curam gerens, monet æstum vitare. cui pius Princeps: *Isto quidem die, sol aut ledere aut offendere quemquam nequit.* Sole namque iustitiæ suos radios emittente in tantum incalcescebat, vt alterius ardores etiam vehementes pro nihilo duceret. verè dignus ea laude Princeps, quod ex nobili illa stirpe, vix vllum pietate & religione parem habuerit, superiorem autè neminem.

LAURENTIUS MEDICES.

Hic quoque admiratione imitationeque dignus. cui dum fatali lecto decumbenti, SS. Eucharistia toties expetita deferretur; è lectulo quasi exiliens; *Procul à me absit,* inquit, *vt patiar Iesum meum, qui me finxit, qui me redemit, ad me venire. tollite hinc obsecro, vt Domino occurrā.* dicebat quippe cū Centurione Euangelico: Domine non sum dignus, vt intres sub tectum meum. Ang. Polit. in Epist.

HENRICVS VIII. ANGLIÆ REX.

Liceat & hunc superioribus addere: qui licet ab obedientia Sedis Apostolicæ desciuisset, maximo tamen honore SS. Eucharistiæ Sacramentum est profecutus. Itaque non diu ante mortem, sub vnica

Qs. specie

specie communicaturus, cum è sella assurgeret Christi corpus adoraturus, & Zwingliani, posse regem illâ inualetudine sedentem Eucharistiam percipere, dicerent: *Si me, inquit, non modò usque ad terram delicerem, sed & sub ipsam terram submitterem: ne sic quidem satis honoris sanctiss. huic Sacramento viderer delaturus.* Vtinam in omnibus talis! & fuisset profectò, nisi perditorum consiliis, ac propriis concupiscentiis nimium acquievisset. Sanderus lib. 1. de Schism. Angl.

THOMAS MORVS.

Henrico Angliæ regi eiusdem regni Cancellarium subiicio. quem nullo vnquam die Missæ sacrificium neglexisse, memorant historiæ: ita vt aliquando cum illi intenderet, à Rege vocatus nò discederet, donec integrè absolutum foret. Vrgentibus autem, Regem eius aduentum præstolari, aiebat: *Meliori Domino obsequium præsto, & id mihi primum erit perficiendum.* Th. Staplut. in vita.

EXCOMMVNICATIO.

ARSENIUS ABBAS.

HActenus de augustissimo illo Ecclesiæ Sacramento: nunc de censoria eiusdem virgâ, quam EXCOMMVNICATIONEM nominant veteres, dicendum. quâ qui tacti & notati, Ecclesiæ castris excluduntur, & magni illius Sacramenti, aliorumque benedictione, fratrumque communicatione priuantur. Prouidum illius vsum expressit ARSENIUS: qui in iuniores etiam grauiter delinquentes, rariùs huc mucrone stringebat. dicebat enim: *Iuuenis excommunicatus vinculum illud spernit: proiectior verò*
velo-

velociter eius dolore corrigitur. Socrat. lib. 8. cap. 1.
 Trip. Hist.

GREGORIUS. VII. PP.

Hunc meritò subnecto; quem nullus aut fauor,
 aut metus, à iusta huius mucronis iaculatione di-
 mouit. Conceperat in animo Henricum IV. Imp.
 hoc anathematis gladio coercere. obstant magna-
 tes, & Regem non ita faciliè anathematizandum cla-
 mant. Quibus PONTIFEX: *Dum Petro Ecclesiã suam*
Dominus committeret, dicens: Pasce oues meas. exce-
pitne reges? Non excepit sanè. generalis enim tra-
dicta potestas, Quodcumque ligaueris & solueris
super terram, &c. Platina in vita.

B. FRANC. XAVERIUS.

Cùm autem ij qui hoc Excommunicationis gla-
 dio feriuntur, extra Ecclesiæ limen eiiciantur: me-
 ritò eorum commercia colloquiaq; vitanda erunt.
 Et quidem FRANCISCVM XAVERIVM ad Sinas
 pergentem cùm rogaret magni nominis vir, Præ-
 fectum diris deuotum salutaturus cōueniret: *Egon*
aiebat, hominem fidelium cōmunionem exclusum ad eam
salutandi causa? & post pauca: Me quidem amicum,
non habebit, quamdiu habuerit inimicum Deum.
 Hor. Tursell. lib. 3. cap. 14. in vita.

VALENTINIANVS IMP.

Neque ab hac mente alieni fuere ciuilis ordinis
 viri primates. Quid enim de VALENTINIANO di-
 cam? Acceperat is à fratre Arriano litteras, quibus
 auxilium contra Gothos efflagitabat. Quibus ille:
Nefas homini bellum gerenti cum Deo opem ferre, cui-
us potius temeritas meritò coercenda. Theodor. li-
 bro 4. hist. Eccl. cap. 28.

THEO-

THEODOSIVS IMP.

Ab Ambrosio Episcopo anathemate ictus, cum admissum scelus lachrymis vberim detergeret, venit ad eum Ruffinus, tanti doloris causam sciscitatus. Cui IMPERATOR, *Tu*, inquit, *Ruffine ludis, & mea mala non sentis? ego gemo calamitatem meam, quia seruis & mendicantibus patent templa Dei, & Dominum suum exorantes ingrediuntur: mihi verò ad eum ingressus non patet, insuper & cali mihi clausi.* An non hic etiam, ut plerique Principes, se vi & armis anathematizati Episcopo opponere potuit? potuit certè. at diuinæ potestati, quam Ecclesiæ suæ in hereditatem reliquit, obistere nec debuit nec voluit. Socrat. Trip. hist. lib. 8. cap. 10.

OTHO. BRANDEBURG. PRINCEPS.

Quàm autem fœda res sit cum Excommunicatis familiariter uti, etiam ratione carentia animalia exemplo nobis sunt. Anathemate ob demerita percussus à Ludolpho Antistite OTHO BRANDEBURGENSIS, per ludibrium mensæ assidens, canibus frustra carniū obiecit: *Videamus*, inquiens, *an ab excommunicatis* (quod vulgò dicitur) *carnes accipere recusent canes?* Certè recusarunt. Ille saturitatem causatur, canemque tridui inediâ maceratum adduci iubet. at nec ille carnes obiectas attigit. eoque miraculo territus, Ecclesiæ paruit. Chronic. Magdeburg.

EXEMPLVM.

IESVS CHRISTVS.

INstructio redditur animus in futuris, quando præteritorum commouetur exemplis: auctor est Cassia-

Cassianus. hinc MUNDI REDEMPTOR transiturus ad Patrem, postquā abluisset pedes discipulorum, rogabat eos; *Scitis quid fecerim vobis? & paucis interiectis: Exemplum dedi vobis, ut quemadmodum ego feci vobis, ita & vos faciatis.* Ille demum magister aliorum vocari dignus, qui se illis præbet bonorum operum exemplum. Ioan. cap. 13.

S. MARTINVS EPISCOPVS TVRON.

Detinebatur ille vi febrium in lectulo per multos dies: neque tamen idcirco à Dei opere cessabat. & pernox in oratione ac vigiliis, fatiscentes artus spiritui seruire cogebat, nobili illo strato cilicio & cinere recubans. Rogatus autem ut saltem vilia ac modica stramenta suo corpori pateretur supponi; *Non decet, aiebat, filij, Christianum nisi in cinere mori. Ego si aliud vobis exemplum relinquo, ipse peccavi.* Probè ac scitè ille:

Sic agitur censura, & sic exempla parantur,

Cum index alios quod monet, ipse facit.

Sulpit. in vita.

MACARIVS ABBAS.

Simili etiam modo MACARIVM respondisse tradunt. Cùm enim apud eum verba faceret religiosus quispiam de abstinentia, eamque sibi admodum duram videri diceret; ille, *Confide fili, ait: per annos viginti, ego neque pane, neque aqua, neque somno satiatus sum.* Ita suo exemplo alterum ad abstinentiæ virtutem incitabat. Socrat. lib. 8. hist. Trip. cap. 1.

S. TRANQVILLINVS.

Audiuerat iste Zoën vxorem Nicoftrati pro Christo neci dandam; eiusque exemplo permotus, *Quid, inquit, femina nos ad martyrium precedant? indignum.*

gnum. Itaque se Christianum professus, lapidibus obruitur. Sur. tom. I. in vit. S. Sebast.

S. LUDOVICVS F. R.

Et de illo memoriæ proditum, quòd, cùm inquisiisset ex quodam aulicorum, lauarétne suorū pedes feriâ quinta maioris hebdomadæ, & ille sibi hoc indecorum videri diceret, subintulerit : *Quid, indecorum ? non debes abhorreere quod suo nobis exemplo exhibuit Dei filius, qui hoc die discipulorum pedes lauit. Quanto minùs tu faceres, quod modò Angliæ Rex, qui leproforum pedes hoc die non lauare tantum, sed exosculari etiam consuevit.* Ionuill. vitæ eius cap. 84.

RELIGIOSVS ANONYMVS.

Factam de Ludouico mentionem, haud iniuria sequetur FRANCISCANI cuiusdam RELIGIOSI prudentia. Aperuerat huic Ludouicus Caroli II. Siciliae Regis filius, dum in Cathalonensi detineretur custodia, se votum Deo fecisse perpetuæ castitatis, & capiendi institutum D. Francisci. cumque dubius hæreret, quo tandem loco propositam rem exequeretur ; pius pater dilationis periculo ob oculos posito, quantumque suo exemplo splendoris aliis allaturus sit, demonstrato, *Cogita, inquit, quantum exempla bona prosunt : magnorum namque virorum non minùs memoria, quàm presentia est utilis.* Ex vita S. Ludouici Episc. Tolos. cap. x i. impressa apud Ioan. Moretum.

S. DOROTHEA VIRGO.

At in femina quoque satis illustre habemus exemplum. Dicente Sapritio Præsidi virginì DOROTHEÆ, diis sacrificaret, ni legibus acta amaris, exemplum timoris dare eligeret, hoc responsum dedit:

dedit: *Omnibus dabo exemplum timoris Dei: ut hi qui timent Dominum, homines rabidos non timeant.*
 Sur. tom. 1. in vita.

FRANCISCVS I. GALL. REX:

Prodeat hîc etiam in arenam FRANCISCVS. quem solitum dicere iis, qui è Casario carcere reducem ad restaurandas copias incitabant, auctor est Peucerus: *Vos non interfuisitis prælio ad Papiam.* ita semper animo se offerebat infelicis illius prælij crudele exemplum. Peucerus in lect. Chron. anni 1574.

EXPROBRATIO.

LVDOVICVS XI. GALL. REX.

Veluti in quibusdâ carpendi reprehendendiq;, ita in aliis mira exprobrandi venustas. quæ tanè, si in vlllo alio, certè in LVDOVICO XI. emicuit. Intellexerat namque is Nicolaum Paulinum Burgundiæ Cancellarium, suis opibus hospitale exteris recipiendis crexisse, & dotasse. Fuerat autem ille seuerius admodum in exigendis multis, & (vt vulgò fertur) ad rem familiarem attentus. Quod festiuè notans LVDOVICVS; *Hoc*, inquiebat, *rationi consentaneum, vt qui plures pauperes effecerit, tandem illis excipiendis hospitale instituat.* Taxabat simul ludicum in multando rigorem, in pauperum verò causis ignauiam & teporem. Corozetus.

BRISÆVS PRÆSES.

Priorem Ludouicus, hic artem arte deludens, ipsum Ludouicum aggressus. Iuerat ad venationem exiguo vectus equo, & Præsede suo BRISÆO comitatus: cumque esset proprij & consilij, & cerebri, neque facilè consiliariorum decretis auscultaret,

taret, oportune regabat BRISÆVS: Vnde sereniff. Rex tam robustū nactus est equum? cui Rex: Quo- modo hæc tibi in mētem veniunt, cum sit adeo pu- fillus? *Quia te*, respondit ille, & *consilium tuum* fert. Gaguinus, in vita Ludouici xi.

PETRVS NANVS.

Nomine pusillus, magnus ingenio ille PETRVS. Erat apud Canem Scaligerum cum Vguccio, per- ditis iam Luca & Pisis Italiæ urbibus: cumque il- lis esset conuiuia, & de Edonibus mentio incideret; Vguccius illato sermone, se iuuenem quaternos al- tiles capos, perdices totidem, & plura eius generis, vnicâ cœnâ absumere solitum narrauit. At PETRVS dictum excipiens; *Non est*, inquit, *quod hæc à te iu- uene comesta admiremur: cum iam maturus, nec planè dentibus instructus, duas vrbes vno prandio absum- pseris*. Fama quippe erat, Vguccium, si se ab inchoa- to prandio temperasset, satis temporis habiturum fuisse ad sedanda nascentis tumultus initia, & utrā- que urbem saluandam. P. Iouius lib. i. Elog.

ANONYMVS.

Audiamus quid etiam ille. Vidit matronā quam- piam cultu fastuque tumescentem, ac veste indu- tam, in quam bonam fundi & agrorum partem ab- sumperat. cumque illa conquereretur, quod nimio indumentorum pondere grauaretur: *Quis miretur*, inquit ille, *cum amplius quàm quattuor terra ingera circumferas*. In Epigram. Tho. Mori.

AMALABERGA FRANCIE REG.

Et ne ab hac dicendi venere immunes fēminas arbitremur, AMALABERGAM ad calcem damus: quæ indignè ferens coniugis in bello ignauiam, & ini- quam sortem, dum fortè illustriores aliquot conui- uas

uas ille præstolaretur, dimidiam ei triclinij partem apparat. Percõtanti marito, & ægrius ferenti, quidnam id rei esset; respondit: *Qui parte regni exuitur, etiam triclinij parte cedat oportet.* P. Æmyl.

FACETE DICTA.

S. MARTINVS.

SI omnia illa persequi voluerimus quæ in hunc locum adduci possent, cùm de ratione Apophthegmatis sit, habere coniunctâ faceto acumini grauitatem; vereretur quòd manus scribentem deficeret, & solus hic titulus operoso volumini materiæ subministraret. Ne tamen hîc etiã nostris partibus deesse videamur, è multis pauca libauimus, huic loco propria. Viderat fortè B. MARTINVS ouem iam recens tonsam, &, *Euangelicum*, inquit, *mãdatum ista complenit: duas habuit tunicas, & vnã largita est non habenti.* & ad discipulos conuersus; *Ita & vos facere oportet.* Sulpit. in eius vita, Dial. 2. cap. 12.

IDEM

Subulcum in veste pellicea conspiciatus, *En*, inquit, *Adam eiectus de Paradiso in veste pellicea suus pascit: sed nos, illo vetere deposito, nouum Adam potiùs induamus.* Ibidem.

MARCVS EPISCOPVS ARETHVSÆ.

Quin & in re seria iocari aliquãdo plures. MARCVS quidem Arethusæ Episcopus innumeris cruciatibus ab infidelium turba affectus, & in sublime feruentissimo æstu leuatus, vt apum vesparumque configeretur aculeis, in tortores iocatus; *Abiecti vos*, inquit, *qui humi repitis: erectus verò ego, & excelso loco collocatus.* Verè excelsus, quem victrix to-

R

leran-

lerantia fecerat omni humanâ crudelitate superiorem. Theod.lib.3. hist.Eccl.c.16.

EPHRAIM SYRVS.

Bellè etiam iste. Transegerat ieiunio plures dies, cibumque à ministro deferri sibi mandat. at is ollam confringit, & obsonio pauimentum perfudit. quem pudore pariter ac timore correptum conspiciens; *Bono animo, ait, fili : quandoquidem enim obsonium ad nos venire renuit; age, nos ad illud accedamus.* & ad ollæ fragmenta confidens, comedit. Nicephor. Call. lib.9. cap.16.

NICOLAUS V. PONT. ROM.

Intellexerat hic quosdam in Vrbe, qui bonos doctosque versus concinnarent : & *Bonos*, aiebat, *esse nego. cur enim ad me illi non deferuntur, qui etiam malis pateo?* Molestè ferebat homo sapiens, esse in sua Vrbe viros doctos, & à se ignorari. Hermol. Barbarus, in Præfat. Castigationum suarum in Plinium.

LVDOVICVS CRASSVS F. R.

Fastidio eiusmodi narrationum. Quis enim modus, si omnia enumerauero? tamen vt ad politicum latus me conferam, pauca ex illo depromā. & quidem in Fræcia, video LVDOVICVM CRASSVM. Hic in prælio contra Anglorum regem ab equite quodam vrgebatur, qui etiam apprehenso per frenum equo Regem captum inclamabat. at ipse, gladio exerto, equitem obruncat, dicens : *At ne quidem in latruncolorum ludo solus Rex capitur.* Corozet.

LVDOVICVS XII. GALL. REX.

Eiusdem vt nominis & regni, ita lepôris heres iste. Intellexerat Franciscum, qui postmodum regni gubernaculis successit, spe prouentuum percipiendorum,

dorum, magno se ære alieno grauare. vnde anxium eum compellat; *Vacuo*, inquit, *animo sis oportet.* & hanc fabellam subiungens, *Equitabam*, dicebat, *quandoque cum patre, & proximus mihi videbar vrbis: visisque templorum pinnis, cum in via languerem.* En, aio, pater, *confecta via.* *Aberamus adhuc stadiis pluribus: ille autem ad me; Adolescens*, inquit, *ne post-hac visis templorum pinnis, iter te executum arbitrere.* tacitè innuens, indignum esse, spe & specie largitionis, nondum adepti principatus commoda percepturum se existimare. P. Æmil. in vita.

IDEM

Cuidam ob vulnerum cicatrices in facie acceptas glorianti; *Hæ ipsæ verò*, inquebat, *tibi monumento futura, ne fugiens umquam faciem auertas.* Corozetus.

ROBERTVS NORMANDIÆ DVX.

Quanta verò in hoc Principe venustas, audite. Profectus erat religionis ergò Solymam, & in itinere morbum contrahit, qui eum à progressu retardaret. Quid tandem? Locorum agrestes, dato pretio, accersiri imperat. qui Principem humeris suis per reliquum viæ deferant. Interea è domesticis vnus Normandiam repetit, & num quid suæ genti nuntiatum velit, Regem interpellat. ille; *Dices vidisse te demones ferentes Robertum Ducem in cælum.* innuens se ab idolorum cultoribus gestari, quos dæmonibus comparabat; & Hierosolymam, cælo. Pol. lib. 8.

IDEM.

De eodem quoque memoriæ proditum, quòd Constantinopolim profectus, cum perbenignè à Constantino exciperetur, qui & aktiotes sellas sine

R 2

pului-

puluinaribus tam illi quàm ceteris Normandiæ Ducibus apponi curauerat, continuò vestē exuerit, eamque globi instar complicatam sibi supposuerit. quod ipsum etiam comites imitati. Exemplū autem iam epulis fame, omnes veste relicta recessere. Monet abeuntes Constantinus subridens, indumenta resumerent. Ad quem Dux: *Non est, inquit, mos Normannis, sedes secum deferre.* Ibidem.

MAXÆMIANVS IMP.

Hic item à mendico frater salutatus, & fraterno amorī condignam elemosynam elargiri rogatus; ubi ab Adami stirpe hanc consanguinitatem deduxerat, obolum vnum duntaxat dari iussit, adiiciens: *Abi, & à quolibet fratrum si tantumdem receperis, crede, breuē me diuitiis superabis.* Corozet. de Factis memor.

ALPHONSVS REX. ARAG.

Serius ille quidem in omnibus, & supra modum prudens, in faceto etiam hoc agmine non infirmum locum accepit. Senensibus quippe, qui se bello Italico quasi medios continuerant, ita vt in neutram partem inclinarentur, per diuisos iam milites spoliatis, dicebat: *Verè Senensibus exenit, quod iis solēt, qui mediam domum incolunt; vt ab infernè habitantibus fumo, à supernè verò urinā vexentur.* Panor. lib. 4. de Reb. gest. Alphonfi.

IDEM.

Habebat Iacobus Alamanus, homo Christianus quidē, at Iudeis parentibus natus, venale D. Ioannis aureum simulachrum, quingētorum aureorum pretio coemendum. Ad quem ALPHONSVS subridens: *Non tu sanè ineptus es, & maioribus tuis dissimilis, discipuli & præcursoris imaginem tantū astimans.*

mans, cum illi Ioannis magistrum & Regem Iudeorum non nisi triginta argenteis vendiderint. Panorim. lib. I. de Gestis eiusd.

ANONYMVS PICTOR.

Ferunt etiam Coloniae Agrippinae pictorem, sed & potorem (hoc enim illi generi commune) solitum Christi imagines apud caupones pignori dare: rogatumque, cur non diuenderet potius ampliori pretio; respondisse: *Ergo me Iudeum, quam Christianum manultis? absit.* Aen. Sylu. lib. I. Comm. de Reb. gest. Alphonfi.

THOMAS MORVS.

Ille quoque suam grauitatem tot Reip. muneribus comprobata, ita suauis quadam urbanitate con-
diuit, ut nescias an fuerit Senator grauior, an amicus iucundior. Proponebat Cardinalis Wolfæus in Concilio, expedire Reipub. eligeretur aliquis qui Regis absentis personam repræsenteret: seque pro eo declarandum insinuabat. Annuunt omnes, vno MORO excepto. quem irâ commotus Cardinalis compellans, Ostendis, ait MORE, te stultum Confiliarium, qui solus resistas. Cui MORVS euestigio: *Magna ergo gratia Deo agenda, quod maiestas Regia in hoc suo Senatu unicum tantum stultum habeat.* Th. Staplur. in vita, cap. I 3.

IDEM

Theatrum, supplicij locum, conscensurus; manum sibi, quod facilius ascenderet, porrigi postulabat, dicens: *Inuua me ut conscendam, in descensu nemini molestus futurus.* Ita ex facilitate ingenij similes facerías, etiam rebus grauissimis insparsit. Th. Staplur. cap. I 3. vit. eiusd.

NICOLAUS FLORENT.

Intuebatur ille equitem plurimis aureorum torquum circa collum spiris incedentem; & egregiè ludens, *Hem! inquit, ceteri stulti unica vincti catena tenentur: at huius tanta est infamia, ut pluribus vix queat coërceri.* Poggius in Facetiis.

ANONYMVS COQVVS.

Hic item cùm præ senio Mediolanensium Principi ampliùs deferuire vix posset, vnicum ab eo in gratiam omnium meritorum postulauit sibi præstari. quo rogâte, *Quidnam illud? Vt asinus etiam fiam,* respondit. ac stultæ petitionis causam sciscitanti Principi, *Quia,* aiebat, *video eos quos extulisti adeò ambitione & superbia inflatos, ut iam pane in asinos transferint.* Ibid.

ANONYMVS MERCATOR

Mare insuetum peragrabat, & fortè præ nimia agitatione stomachum euacuare cōpellebatur. cui ex adstantibus alius: *Verè tu gratus es & beneficij memor: quòd pisces, qui te toties pauère, repaschas.* Th. Morus in Epigram.

CONVIVA ANONYMVS.

Eiusdem lepôris etiam istud. Ad conuiuium vocatus inurbanus quidam, poculum ab altero accepturus, vidit in eo muscas demersas. quas dum collegisset, hausto poculo, rursus eas iniecit. mirantur conuiuæ, & cur id agat inquirunt. ad quos ille: *Ego quidem muscas numquam sumo: sed nescio, num quis vestrùm eas pro deliciis habeat.* Breui Epigrammate id complexus est Thomas Morus:

*Muscas è cratere tulit conuiuia, priusquam
Ipse bibit: reddit rursus ut ipse bibit.*

Addidit

*Addidit & causam, Muscas ego non amo, dixit;
Sed tamen è vobis nescio num quis amet.*

FAMILIA.

NICOLAUS V. PONT. MAX.

MAGnum virtutis morumque documentum
esse probè instructam FAMILIAM, suo dicto
testatus est NICOLAUS PONTIFEX eius nominis
Quintus. à quo dum sciscitaretur quispiam, prius-
quam esset in Pontificem electus, qualis haberetur
Eugenius quartus tunc superstes; *Faci e id cognitu,*
aiebat: qualem enim familiam vides, talem illius re-
ctorem Principem esse puta. Auct. Serm. conuiual.

FESTINATIO.

NICOLAUS III. PONT. MAX.

REm opportunè aliquando & nulla interposita
mora aggredi, admodum utile iudicabat NI-
COLAUS III. PONT. utpote qui vacantibus Eccle-
siis pluribus, in id incumberebat assiduus, ut eis de
viris timoratis prospiceret. causamque tantæ celeri-
tatis interrogantibus, *Magnum,* dicebat, *tum in mo-*
ra est periculum, cum non desunt, qui diuina etiam
cupidiissime occupata diriperent. Summa itaque in
agendo erit prudentia, si rerum temporumque quali-
tati res nostras accomodemus. Platina.

PETRUS ALDOBRANDINUS CARD.

Huius quoque non minùs egregium dictum. In-
quiebat autem: *Vbi urget temporis angustia, accele-*
randum non est, sed maturandum. Illud enim incon-
siderati est animi, hoc verò prudentis. Henr. Far-
nes. in Apophth. de Princ.

FESTI DIES.

THOMAS MORVS.

DEos genus hominum miseratos dicebat Plato, quòd remissiones laborum illis statuerent, solemnina videlicet FESTA. At Christianis alio in vfu eorum institutio : vt iis videlicet omnium largitori Deo gratiæ agantur, aut ij quos apud eundem patronos habemus, digna veneratione celebrentur. vnde tâta religione eadem obseruasse dicitur THOMAS MORVS, vt iis etiam, dum in carcere solus degeret, vestibus melioribus sibi allatis indueretur. Mirantibus verò, cur solus cùm esset, id faceret, respondit: *Non ad conspectum populi, sed ad Dei honorem festa colo, & honestè induor.* Volebat certè non interno mentis tantum, sed & externo corporis splendore dies festos celebrari. Thom. Staplut. in vita.

I D E M.

Neque prætereundum, quòd cùm accepta mortis sententia, diutiùs ab eius executione quàm vellet detineretur, tandem instante festo Translationis S. Thomæ Cantuariensis, Cras, aiebat in Vigilia, *vehementer gestio ad Deum migrare: esset enim ille dies mihi admodum conueniens.* eumque quem optabat diem, suo Martyri Deus suauissimè concessit, in quo & Patroni, cuius nomen gerebat, & sancti Apostoli (incidit enim illud festum in Octauam S. Petri) pro cuius primatu sanguinè fundebat, celebris memoria in Ecclesia fieret. Thom. Staplut. in vita, cap. 19.

FIDES,

FIDES, FIDELITAS ERGA DEVM ET HOMINES.

IESVS CHRISTVS.

FIDEI FIDELITATIS QVE bonum exequimur, si-
 ne quo nulla inter homines, imò & Deū ipsum,
 consistere potest aut debet societas. Cumque Fides
 alia Theologica sit, Moralis alia : de vtraque nobis
 sermo. Priorem autem crebris in locis insigni sua
 commendatione exornauit SALVATOR. & quidem
 à se postulantibus cælestem cibū, dicebat : *Ego sum*
panis vite: qui venit ad me, non esuriet : & qui credit
in me, non sitiet in æternum. quod aliàs etiam Mar-
 thæ insinuauit, cū diceret: *Qui credit in me, etiam si*
mortuus fuerit, uiuet. Verè Christiani ædificij fun-
 damentum & basis est **F I D E S**, per quam Ecclesiæ
 auctoritas integritasque firma & stabilis perseuerat.
 Ioan. cap. 6.

I D E M

Deprecantibus eum super sua infirmitate duo-
 bus cæcis, Creditis, aiebat, quia hoc possum facere
 vobis ? quibus dicentibus : Vtique Domine. con-
 tingens eorum oculos, adiecit: *Secundum fidem ve-*
stram fiat vobis. & aperti sunt oculi amborum. Tan-
 tum apud Deum impetrare potest firmus nostræ
 mentis circa eiusdem potentiam assensus. Mat-
 thæi cap. 9.

I D E M

Quærentibus quibusdam, Quid faciemus, vt
 operemur opera Dei ? respondit, dixitque : *Hoc est*
opus Dei, ut credatis in eum quem misit ille. Opus er-
 go diuinum est, credere. Præclare Augustinus Ser-

R 5

mone

mone 18. sup. Ioan. Ambula per fidem, vt peruenias ad spem: spes non edificabit in patria, quem fides non consolatur in via. Ioan. cap. 6.

I D E M

Dicenti sibi Martha, cùm Lazarum suscitaturus aduenisset; Domine, iam fœtet, quatrduanus enim est, respondebat: *Nōne dixi tibi, quia si credideris, videbis gloriam Dei?* Ioan. cap. 11.

S. PAVLVS APOST. ET SILA.

Quid autem illi? Seruabantur Philippis in custodia, viditque carceris custos vtrumque diuinâ ope vinculis exutum: & mente mutatâ in melius, proci dens ad eorum pedes, *Domini*, inquebat, *quid me oportet facere vt saluus fiam?* qui dixerunt: *Crede in Dominum Iesum, & saluus eris; tu, & domus tua.* Act. cap. 16.

S. PHILIPPVS.

Vide Apophth. de BAPTISMO.

S. MARTHA.

Contendunt etiam cum his Fœminæ, & quidem in prima acie. Soror Lazari MARTHA roganti Domino, crederetne ea quæ de fidei firmitate & resurrectione paulò antè dixerat; *Vtique*, aiebat, *Domine, ego credidi, quia tu es Christus filius Dei viui, qui in hunc mundum venisti.* Ioan. cap. 11.

S. ZŒE MARTYR.

Sed dicet fortassis quis veritatis calumniator, facile fuisse mulierculam spe resurrectionis fraternæ in hanc vocem erumpere: alia proinde adducenda exempla. Quid igitur ZOE Christi sponsa, & martyr? Orabat in Natali Apostolorum ad cōfessionem S. Petri, & ab improbis paganis circumuenta, ad
Præ-

Præfectum ducitur. Instat hic, & Marti sacrificet, compellit. Cui illa: *Mulierem Marti sacrificare compellis, ut ostendas Martem vestrum, utpote libidinosum, feminis oblectari. At verò si ille potuit impudicissimæ Veneri pudorem eripere, mihi certe Trophaum fidei in fronte gestanti praeualere non poterit. Quis non hîc cum Ecclesia concinet,*

Fortem virili pectore

Laudemus omnes faminam.

Sur. tom. I. in vita S. Sebast.

S. AGNES VIRGO ET MARTYR.

Vide ANIMI FORTITVDO.

FLECTIVS CONIMBRICÆ PRÆFECTVS.

Ad ciuilia exempla vela damus, & ea quidem quæ non Theologicam illâ vti prima, sed morâlê fidem, quam & fidelitatem dicimus, representant. Primum suggerit Hispania in FLECTIO viro nobili, arci Conimbricæ atque vrbi à Sanctio Rege Præfecto. At Sanctius improuidè regnum administrabat; ita vt Pontifice (is Innocentius fuit) auctore, cura tutelaque regni ad Alphonsum eiusdem fratrem transferretur. Constans & fidelis suo regi FLECTIVS, & oppugnationem & arma Alphonsi excipit; nec flectitur, donec Sanctium in exilio Toleti mortem obisse renuntiatum. Incredulus tamen inducias postulat, quò Toletum ipse ire, & coràm arbitrari valeat. impetrat. Cùm ergo venit, Regemque suum fato functum sepultumque videt, tumulo aperto, cum suspiriis, ipsas vrbes Conimbricenses clauas in manus demortui Regis dat, hæc verba miscens: *Quamdiu te viuere ô Rex indicabam, quidquid à fidei homine, & in tua verba iurato, exigi expectarique potuit, id præstiti. Vnum superest, vt clauibus*

tuae urbis tibi redditis, solum me iuramento omnibus denuntiem. Ita abiit, & legitimo pro Rege Alphonsum agnouit. I. Lips. Mon. Polit. lib. 2. cap. 13.

EMANVEL PORTUGALIÆ REX.

Ille quoque seditionis in Castellæ Regem excitatæ auctores, cum suis rebus diffidentes suppetias poscerent, acriter redarguit. cumq; ipsum regnum offerrent, dicebat: *Numquam ullum imperij additamentum, fide & officio antiquius habiturum me scito- re.* Ofor. lib. 12. de reb. Emmanuel.

TRIUMPARA REX COCINI.

Vestrâ pace, Christiani Principes, hominem gente quidem & solo, at non animo & mente barbarû, vobis adiungo: Regem orientalis Indiæ TRIUMPARAM. Venerant ad eum Lusitani, cum quibus etiam fœdus pacemq; panxit. Mox in suspectam gentem conspiratio, omniumque vna mens, Regem Cocini pertrahere, Lusitanos quos suæ fidei creditos acceperat, traderet necandos. Ille verò obniti, & palàm negare, dicereque: *Omnia se potius, quam fidem amissurum.* Vita enim, aiebat, *spatium breue ac definitum: perfidie macula sempiterna est.* Iamque ob id victus pulsusque, cum antiquum fortunæ statum rursus offerrent; hac lege, si eos traderet; abnuit, dicens: *Sceptrum & vita eripi potest, fides non potest.* Verus fidei amator & cultor nouerat, quod ante eum Seneca, Fidem sanctissimum esse humani pectoris bonum; quodque nulla necessitate ad fallendum cogitur, nullo præmio corrumpitur. I. Lips. Mon. Polit. lib. 2. cap. 13.

THEDORICVS AFRICÆ REX.

Quid præterea hic? Domesticum habebat, quo fami-

familiariter utebatur, magnum fidei cultorem. qui cum Regi gratificari se posse confideret, si eiusdem cum eo Religionis normam acciperet, ad Arrianos defecit. Quo cognito, Rex amicum suum ultimo supplicio affici mandat, dicens: *Si Deo tuo fidem seruare recusas, quomodo mihi, qui homo sum, eam seruabis?* Theod. lib. 2. Collectaneorum. Cedrenus in Anastasio.

FRANCISCVS PRIMVS GALL. REX.

Claudamus inclyto & memorabili exemplo, quod magnus ille Galliarum Rex FRANCISCVS nobis donet. Ille Carolum Quintum Cæsarem in turbidos Gandenses properantem, comiter ac regaliter deduxit, sola fide Regis, & suâ fortunâ nixum. Mirantibus Galliæ proceribus Regis sui comitatem, quod tam bellam occasionem recuperandi Mediolanensem Ducatum præterlabi passus esset, hominemque à quo rei summa dependebat, ita dimisisset, in celebri conuentu cum multa in sui defensione adduxisset, adiecit: *Etiam si fides toto orbe exularet; tamen Regibus tenenda erit: qui eâ solâ, & nullo metu vique astringi possunt.* Notatu digna vox. & res sic habet. Alios Lex aut Pœna coercet, Principes Pudor & Fides. I. Lipsi. suprâ. Idem de Carolo v. commemorat Guil. Zenocarus in vita eiusd.

RVDOLPHVS DVX SVEVIÆ.

Tenet me ne aliò digrediar RVDOLPHVS, & illustribus viris si non inferi, annumerari tamen postulat. Dederat fidem Henrico IIII. Imp. à quo cum desciuisset postmodum, & in prælio quod contra eum ante Mersburgum gerebat, dextram amisisset; iamque ex vulnere langueret; ostensa sibi manu, conuersus ad eos qui eius prælij auctores, ac fidei
data

data memor; Ecce, inquit, *hæc est manus quâ fidem Henrico domino meo dedi: nunc tandem confiderate, num inſtè ab eius obedientia defecerim.* Strigelius 2. Sam.

FIDVCIA IN DEVM.

S. HYGO EPISCOPVS LINCOLNIENSIS.

Fidei vt agnata est FIDVCIA; ita non incongruè eiufdem tractationem, illius ſubſequetur explicatio. Nocte quadam grauibus infeſtatuſ curis HVGGO LINCOLNIENSIVM PRÆSVL, cùm eas excutere non poſſet, turbari animo cœpit. ac primo mane ad ſe reuerſus, grauiter ingemilſcens, *Heu!* inquebat, *deliqui, quòd non vti hominem Chriſtianum decet, omnem curam ſuper Dominum, iuxta Prophetæ monita, iactaui.* Sur in vita.

S. ANTONINVS

Præclarus vir, vocauerat ad prandium amicum quemdam: cumque panariæ cellæ præfectus eiufdem iuſſu omnes panes in egenos diſtribuiſſet, bile affectus quòd hoſpitem adduxiſſet, nihil prandio ſuperelſſe dixit. at Præſul, *Ne diffidas,* ait, *nam qui inmentis oportuno tempore eſcam tribuit, iſ certè nos homines paſcere non tardabit aut negliget.* F. Vincent. Mainordus in vit. Sur. tom. 2.

P. FRANCISCVS BORGIA.

De hoc traditum eſt, cùm Hiſpali moraretur, accidilſſe, vt nec cibum domi nec pecuniam haberet. datoque ſigno, cùm in triclinium conuenirent, ille paululum ſe colligens, Deum precabatur: moxque hilariore vultu, *Deo fidite,* inquit: *illi cura ſumus.* Dixerat: & ecce pulſans ad oſtium, ciborum canistrum

strum defert. quem is conspiciatus, *Disceite*, ait, *filij*
Deo fidere: cuius si gloriam querimus, animus corpori-
busque nihil umquam defore, pro explorato habetote.
 Ribadin. lib. 2. vitæ eiusd. cap. 10.

PHILIPPVS AVGVSTVS F. R.

Ducebat item ille copias aduersus Othonem
 Imp. causa Ecclesiæ tuendæ. cumque suos ad forti-
 ter pugnandum inuitaret, aiebat: *Viri commilitones,*
spem capimus rei benè gerendæ, præsertim cum aduer-
sus sacris interdictos & Ecclesiæ spoliatores dimicemus.
Nos enim etsi per humana fragilitatis tenuitate pec-
catores sumus; communionem tamen tenemus fidei &
religionis Catholicæ. Grandis fiducia: Deum non de-
 fore iis, qui pro sui nominis gloria dimicant. Ga-
 guinus lib. vi. de reb. Gall.

Vide Apophth. de DEI CVRA ET
 PROVIDENTIA.

F I N I S.

FREDERICVS IMPERATOR.

FINEM esse id cuius gratia quidpiam fit, auctor
 est Aristoteles: estque verè illud, quod actus no-
 stros probat. vnde FREDERICVS, percontanti quid
 homini optimum possit contingere, respondebat:
Bonus ex hac vitâ exitus. Verè, — dici beatus

Ante obitum nemo, supremæque funera debet.
 Æn. Syl. lib. 4. Comm. in res Alphonfi.

IDEM.

Erat dux Witenbergensis supra modum animo-
 sus, & vehemētior quàm æquitas aut ratio postula-
 bant. hunc FREDERICVS vir summa modestia co-
 hortabatur aliquando, temperatiùs & moderatè
ageret.

ageret. cumque is monita negligeret, solitus erat dicere FREDERICVS: *Cuius finis bonus, ipsum est bonum.* insinuans eam vehementiam (vti accidit) Duci aliquando nocituram.

*Sic Cræsum quoque vox iusti facunda Solonis
Respicere ad longe inssit spatia ultima vitæ.*
Phil. Camer. 3. part. Medit. hist.

F O E D V S.

FREDERICVS III. ELECT. IMP.

NVlla fœderum societas diuturna. multa siquidem incidunt quibus destruitur: animis præsertim vera benevolentia non coalescentibus. Dicebat FREDERICVS III. *In omni fœdere illos esse loco deteriore, qui fœdera seruarent.* Cur ita? quod eos durissimè plecti videamus ab hominibus, qui arctissimè fœdera custodiunt. Strigelius in Chronico part. 5.

ALCIATVS

Percontanti cuiusnam fœdera comparari possent, *Testudini*, respondit: *in quâ cum una solummodò chorda discrepare incipit, tota harmonia turbatur.*
Ibidem.

IACOBVS STVRMIVS.

Fieri autem vt sociorum vel noua semper confœderatorum accessione maior fiat voluntatum dis-iunctio, testatus est suo dicto IACOBVS STVRMIVS. Intuebatur ille Principes se vnde quaque fœderibus munire, eorumque fiducia multa attentare. at videns quantum ea parerent voluntatum & opinionum dissensum; *Quò magis*, inquebat, *accrefcit numerus confœderatorum, eo magis etiam decrefcit unio*
volun-

voluntatum, ex quâ omne robur & quies speranda.
Peucerus in lect. Chron.

FOENVS ET VSVRA.

ALPHONSVS ARAG. REX

A Qui cultor egregius, intemperatam illam habendi libidinem, quæ per iniquas vsuras suo æuo dominabatur, detestatus, rogabatur quidnam sibi videretur FOENVS; *Nihil aliud, inquit, bat ille, quàm anima fœnus.* ita enim ante eum Alfonso: — *Sic turpia lucra*

Fœnoris, & velox inopes vsura trucidat.
Panorm. lib. 3. de Gest. Alphonsi.

IDEM

Percontanti, quo apud eum honore essent Fœneratores; *Eodem, dicebat, quo Harpyia.* Illæ enim ex rapto viuunt, sicuti & isti. Panorm. lib. 4.

FORMA.

BARTHOLOMÆVS CAPRANVS EPISCOPVS
MEDIOLANENSIS.

Q Vantum ancipiti hoc FORMÆ bono oblectatus fuerit hic, vel ex eo colligimus, quòd numquam, nisi quos natura etiam corporis habitu exornasset, in suam familiam adsciuerit. Rogatus autem cur id faceret; respondit: *Quia turpes animi, turpia corpora incolunt: improbitas in egregio corpore vix comperta.* Ita quidem ille. Cautius tamen & verius Iuuenalis:

— *Rara est concordia forma*
Atque pudicitia: sanctos licet horrida mores
S Tra-

Tradiderit domus, ac veteres imitata Sabinas.
Æn. Syl. lib. 2. Comm. de Gest. Alphonfi.

PETRVS ALDOBRANDINVS CARD.

Etiam in Principe, præter virtutum splendorem, externam corporis formam suam habere laudem asserebat illustriss. Cardinalis ALDOBRANDINVS. dicebat enim: *Et si faciendum sit de Principe iudicium ex moribus: habet tamen Principis forma & decor non minimum ad maiestatem ponderis.* Henricus Farnes. in Apophth. de Principe.

FRANCISCVS BORGIA DVX.

Et quis hîc DVCEM BORGIAM transeat, verum humani generis delictum? Viderat Isabellæ Augustæ cadaver (quod à Cæsare iussus in regium monumentum efferri curabat) omnino deforme, & pædore oblitum. ac ingemens, cùm secum tacitus præsentia præteritis adunaret, tandem erupit: *Nimirum hæc rerum humanarum vicissitudo. I nunc, fragile illud formæ bonum demirare.* Hæcce tanti spectaculi consideratio ita eius mentem commouit, vt deinceps non nisi de interiori animæ forma cogitaret. Eleganter & doctè Ouid. lib. 2. Amor.

Forma bonū fragile est, quātumq; accedit ad annos,

Fit minor, & spatio carpitur ipsa suo.

Nec semper viola, nec semper lilia florent,

Et viget amissâ spina relicta rosâ.

Ribadin. lib. 1. Vitæ eius, cap. 7.

FORTITVDO ANIMI, vide ANIMI

FORTITVDO.

FOR-

FORTITVDO BELLICA.

IOAANNES ZISCA DVX HVSSITARVM.

NVnc illum virtutis actum proponimus, cuius ponderosissima vis, & efficacissimi lacerti, in BELLICA FORTITVDINE consistūt. nec me præterit, ZISCA Dux inclyte, principatum tibi in hac saltem scena assignari oportere. Erat Dux Hussitarum bellicosissimus, licet vtroque oculo priuatus: cumque iam morti proximus rogaretur, quomodo vellet tumulari; ille: *Pellem demortuo demite, ex eoquesympa- ni operimentum conficite. Hostes enim, vt viuentis ad- spectum ferre non potuerunt, ita nec mortui sonitum- ferent.* Aeneas Sylu. lib. 3. Comment. de Gestis Alphonfi.

CAROLVS IX. FRANC. R.

Illi proximus CAROLVS; qui, cæso in acie Mont- morantio, cuius erat ensẽ Regi præferre, quibus- dam eum honorem ambientibus respondebat: *Sa- ris virium mihi est ad gestandum ensẽ.* Annal. Franc.

ALPHONSVS ARAG. REX.

Redeo ad ALPHONSVM: qui naufragos auxilium implorantes cùm vidiisset, suos cohortatus, opem vt ferrent. Quod cùm facere pertimescerent ob exor- tam tempestatem, ipse nauem soluit; *Satius est, in- quiens, vnà cum sociis viris fortissimis occubere, quàm illos videre ante oculos extrema pati.* Panor. lib. 2. de Gest. eiusd.

I D E M.

Vide PERICVLVM.

S 2

CAROLVS

CAROLVS V. IMP.

Exiturus erat iste ad prælium contra hostes: statbatque in acie intra vallum & stationes armatus. at hostis magna balistarum vi eum repellere conatur. monentibus autem suæ salutis prospiceret, id solum obinurmurabat: *Canes qui latrant non sunt extimescendi: neque est quòd timeatis, cum presidio Dei satis vallati sumus.* Franc. Robertellus in Orat. funeb. habita Bononiæ.

PETRVS SABAVDIÆ COMES.

Hic autem feudum apud Othonem 1111. petiturus, duplici ante eum habitu comparuit. Latus dextrum auratis vestibus, sinistrum armis insigne. Othoni verò, quid inusitatus hic vestium habitus modusque portenderet, sciscitanti; *Aurum*, inquebat, gesto in dextra, ad honorandam maiestatem Imperatoriam: arma autem laeva sustinet, ut contra eiusdem maluculos ad extremum usque spiritum dimicem.

P. Camer. medit. Hist. cap. VI.

LVDOVICVS XII. GALL. REX.

Eiusdem virtutis & fortitudinis iste. Pergebat cum exercitu Mediolanum, & in itinere nuntium accipit, hostem oppidulum quod in transitu situm occupasse; tardiusque aduentare hospitio inibi deligendo. At ille: *Ego super corpora eorum hospitium accipiam, vel illi in meo.* Corozetus de Dict. memor.

STEPHANVS CONTARENVS.

Claudat hoc totum de bellica virtute CONTARENVS, natione Venerus. Hic Senatus iudicio rei maritimæ in Benaco lacu præfectus, dum quippiam aduersi nuntiatum esset, domum properans, euocata de superiori suarum ædium parte coniuge; *Scias*, aiebat,

aiebat, *me Benacensi ore prefectum, Senatu iubente.*
Tu itaque intra paucos dies, aut latum a me parva vi-
etoria nuntium exspectato, aut mortis mee litteras, qui-
bus hoc meum cadaver auita sepultura mandes.
 Ioan. Bapt. Egnat. lib. 6. cap. 4.

FORTVNA.

VILLEGISVS ARCHIEPISCOPVS MOGVNTIN.

Volubilis FORTVNÆ rotas voluimus, & simul
 in eis admirandam in magnis viris mutatio-
 nem: camque licet iniquam quandoque, æquo ta-
 men fortique pectore toleratam. Videamus ergo
 quot beneficiorum gradibus VILLEGISVM bearit
 rerum domina FORTVNA. Patre rhedario natus, ab
 Othone I I I. derepentè primus inter Electores ad-
 optatur. ne autem repentinus ille honor, cum su-
 pra id quod erat, efferret, sapiùs ructabat: *Vide*
quis sis, memento quis fueris. Vnde & rotas suo Mu-
 sæo appingi curauit, iis que subscribi: *Villegise prioris*
tua FORTVNÆ memor, quis nunc sis considera. Hæc
 rota postmodum insigne Archiepiscopatu Mogun-
 tinenfi fuit, atque ab Henrico I I. Imp. confirma-
 rum. Observabat ergo hic illud Aufonij:

Fortunam reuerenter habe, quicumque repentè
Diuës ab exili progredièrè loco.

Ioan. Zieglerus de Viris illust. Ioan. Naucerus ge-
 ner. 32. Bruschus de Episc.

BENEDICTVS XI. PONT. MAX.

Ille etiam genere obscuro ortus, ac tenui fortuna,
 virtute ad Pontificatus apicem euectus, primæ uæ
 paupertatis memor erat. Venerat namque ad eum
 mater: quâ splendidiori cultu, ac tali filio digno, or-

nauerāt matronæ Rom. quæ, vbi in conspectū eius-
dē venisset, dissimulauit Pōtufex se eam agnoscere.
ac monitus adesse matrē, *Egon*, ait, *tam specioso ami-
ctu matrem esse credam? non agnosco. matrem enim &
pauperem scio, & ignobilem.* Erubuēre cuncti, matri-
que eductæ pannosās exuias reddidēre. quibus
indutam, reducunt. Tunc genitricem amplexatus,
Hoc, inquit, *habitu matrem reliqui, & talem libenter
agnosco, recipioque.* Cranz. lib. 8. Metrop. c.46.

FRANCISCVS PRIMVS FRANC. R.

& CAROLVS V. IMP.

Horum vterque maxima Fortunæ luctatio fuit.
omnes enim illius insultus fortissimè & constanter
sustinuēre. Captus à Cæsarianis FRANCISCVS apud
Ticinum amnem, custodiæ in Hispaniis traditur.
quò perductus, aduertit muro palatij, quod ei car-
ceris loco erat, inscriptum illud CAROLI symbo-
lum, *Plus ultra.* & studio id factum suspicatus, vt
nempe suæ conditionis memor esset, variam & an-
cipitem belli aleam considerans, eodem caractere
subiunxit: *Hodie mihi, cras tibi.* quod intuitus post
dies paucos CAROLVS, firmum se formatumq; ad
omnes rerū euentus contestatus, laudabilem illam
sententiam subiunxit: *Homo sum, nihil humani à me
alienum puto.* Aucl. Serm. memorab. Peucerus de
Diuinit. Richt. in Axiomat.

GELIMERES VANDALORVM REX.

Quid verò huic simile ætas nostra aut sensit aut
vidit? Ducebatur iam victus & vinctus vnà cum
coniuge, liberis, familia regia, à Iustiniano Imp. in
triumphum: & non tactus iniquæ sortis casibus,
pleno & cachinnabili risu defluxit. cumque eum
ob

ob nimium dolorem mente alienatum existimarēt,
dicebat: *Rideo Fortune vicissitudines, ut qui modò
Rex fuerim, iam seruiam.* Et ita obtinet illud Lyrici;

*Fortuna lato sana negotio, &
Ludum insolentem ludere pertinax,
Transmutat incertos honores,
Nunc mihi, nunc alij benigna.*

Philipp. Camer. in Oper. success. cap. 12.

REX ANONYMVS.

Gelimeris exemplum aliud illi par non indecorē
sequetur, quod Nicephorus postumæ ætati conse-
crauit. Erat Sesostris Ægyptiorum Rex illustris, &
felix, qui Reges quàm plures & maximas nationes
suo imperio subiecerat. Verùm ex eo successu in
proteruam arrogantiam sublatus, currum aureum
& gemmatum construxit; in quo confidens, quat-
tuor ex deuictis Regibus qui eum protraherent, iu-
go imposito adhibuit. quod cùm crebrius fieret,
factum vt celebri quodam die vnus è quattuor istis
Regibus, oculis conuersis, assiduè volubilitatē rotæ
intueretur. Quem cùm Sesostris rogassèt, cur tam
frequenter oculos in rotam coniiceret; respondisse
ferunt: *Admiror, & cum stupore rotam considero;
dum eam instabili modo volui, & nunc quidem subli-
mia demittentem, rursus autem demissa sublimantem
conspicor.* Mouit ea responsio, & magis, cuius illa
index erat, rerum humanarum vicissitudo, ne illi
deinceps currum traherent: & Fortunæ inconstan-
tia, Sesostris suspecta, & despecta esse cœpit.

————— *Sic omnia verti*

*Cernimus, atque alias assumere robora gentes,
Concidere has. sic magna fuit censuque virisque,
Perque decem potuit tantum dare sanguinis annos,*

S 4

Nunc

*Nunc humilis veteres tantummodo Troia ruinas,
Et pro divitiis tumulos ostendit aurum.*

Niceph. lib. 18. cap. 29. P. Ioan. David in Orbi-
ta Probitatis, cap. 18.

ANONYMVS.

At nostri seculi & soli est quod subiicie. Occupa-
rat Alexander Farnesius Parmæ Dux, vrbiũ Chri-
stiani orbis ocellum Antuerpiam: cùm à viro nobi-
li admoneretur Marti valediceret, gloriam suam ad
summum apicem attigisse. & inquebat: *Solet For-
tuna, cùm ad summum venit, rotam volvere; & sum-
ma imis commutans, numquam diu stare.* Quis vati-
cinium illud verum fuisse negabit, qui subsecutam
eius fortunam mente complectitur? Ianfonius
lib. 5. Mercurij Gallo-Belg. pag. 500.

F V G A.

D. ATHANASIVS.

SAluti per fugam oportune aliquando consulen-
dum, confirmavit prudētissimus ATHANASIVS:
qui ab Alexandria Præfecto crebris insidiis peti-
tus, necessarios suos de eiusmodi procellis alloquēs,
*Scedamus, aiebat, ad tempus. Nubecula est, quæ ci-
tò evanescet.* Socrat. lib. 3. hist. Eccl. cap. 12. &
Theod. lib. 3. cap. 8.

I D E M

Probrio illi dantibus hæreticis quod fugeret, di-
cebat: *Si fugere mihi turpe; vobis, innocentem me per-
sequi turpius.* Socrat. lib. 3. hist. Eccl. cap. 6.

ALPHONSVS ARAG. REX

De fuga fugiendique ratione differentibus, Præ-
clare mihi dixisse videntur, inquebat, *qui fugienti
hesti argenteum pontem extruendum arbitratu sunt.*

Exilti-

Existimabat enim optimus Princeps, vel multo optabilius hostem in fugam vertere quàm occidere; vel certè pecunia sollicitandum, ab acie illæsus discedat. Panorm. lib. 4. de Reb. eiusd.

F V R T V M.

ALEXANDER SEVERVS IMP.

Quia ad ceteras virtutes & vitia cursum flectimus, FVRACITATIS etiã infamiam redarguamus: veluti & eandem redarguit olim ALEXANDER SEVERVS. qui tãtus huius delicti vindex existit, vt per præconem edixerit frequentius: *Nemo principem salutet, qui se furem cognoscit.* Æl. Lamprid.

I D E M.

Quin & Furti suspicione infames ne intueri quidem sustinebat: aded, vt cùm Septimus Arabinus, qui famosus furtorũ crimine sub Heliogabalo fuerat, inter Senatores Principem salutatum venisset, exclamarit: *O numina! ô Dij immortales! Arabinus non solùm vinit: sed in Senatum venit. fortassis de me sperat? tam fatuum esse me indicat?* Vnde iactabat etiam frequentiùs illam sententiam cognitã furibus:

Ὁ πολλὰ κλέψας, ὀλίγα δὲς, ἐμπεύξει.

Qui multa furatur, & pauca dat, effugit.

D. LVDOVICVS F. R.

Et ille furari dicebat pessimum, & pænè inter vitia supremum. rogatus autè causam; *Quia*, inquit, *res ablatae iusto domino restituere, ita molestum est; vt verbum ipsum dum profertur, os & linguam exulceret.* Alludebat autem ad verbum Gallicum (*rendre*) quod propter consonantiam duplicis *r*, dissonum & duriusculum redditur. Ionuil. in Vita eius, cap. 94.

S 5

FRE-

FREDERICVS DVX SAXONIÆ.

Et de hoc ferunt, quòd monitus, Quæstoribus ampliora stipendia constitueret, ne cogerentur aliquando præ inedia decerpere ex alieno, responderit: *Libens ego eis maiora stipendia assignauero, si certum mihi foret eos à furtis cessaturos.* Ita Nazianzenus elegantissimè dixit, plures ex iis qui præsunt, rapere ex facultatibus publicis, Briarei manibus: fuit enim (iuxta Poëtarum commentum) Briareus Gigas, cui centum erant manus. Philip. Camer. in Postil. part. 3.

HENRICVS BOCKHOREN APOSTATA.

Longè aliter iste, quem & carnis & æris sacrilega libido à fide & sacro ordine amoderunt. Habita namque re Venerea cum eis quibus erat à cōfessionibus, & ablatis quarundam Ecclesiarum pretiosis vasis, quæ, vt ruralis Archipresbyter, ad se deferri consuèda mandauerat: meritos carceres perhorrescens, ad commune sacrilegorum receptaculum Calvinistas fugiens, tandem Bredano Brabantiae opido impostor præficitur. Hic, dum iam pridem sacras aras, quæ in Beginasij sacello inuiolata remanserant, demoliri curasset, ipsumque sacellum in suum vsum coaptari, & simul Decalogum ritè in eo describi; Religiosus ordinis Cisterciensis fors illi aderat. Cui dum isthæc conspicienda exhibuisset, tandem percontatus ille, Quo iure hæc veris dominis erepta, in vestrum vsum coaptatis? an fortassis Decalogi, quem hic inscripsisti? Nil cunctatus IMPOSTOR, sermone patrio, *Papistarum*, ait, *ea bona sunt, & cuiusvis rapina subiecta, neque Decalogo comprehensa.* Ita diuinis præceptis sacrilegum illud genus indies illudit. Ex relatu Religiosi præfati.

GAR.

GARRVLITAS.

SENEX RELIGIOSVS ANONYMVS.

Cornicem à Pallade repulſam tradunt veteres, quòd meditationũ peruigilio infeſta ſit, mentisq; agitationem ſua garrulitate obturbet. Eadem de cauſa repulſum hoc GARRVLITATIS vitium à Religioſo quodam viro maturo, accepimus. Hic namque cum fratribus pergens ad S. Antonium, ſemper tacebat; illis mirum in modum garrientibus. ventum tandem ad Antonium, qui præuia ſalute, Mi Pater, ait, admodum facundos & bonos, vt video, naſtus es comites. Cui ille: *Boni ſunt quidem, ſed habitatio eorum non habet ianuam: quicumq; vult, intrat in ſtabulum, & ſoluit aſinum.* Indicabat autem eos ſupra modum loquaces, quidquid in buccam venerit effutire. In Vita S. Antonij.

ADRIANVS VI. PONT.

Mirum in modum facetus hic fuit. Venerat enim ad eum quis ex clericis domeſticis, homo intemperatæ linguæ, poſtulans Archiepiſcopatum de Calliard in Hiſpaniis. Cui ille ad poſtulata alludens, (calliar enim tacere Hiſpanis eſt) *Quomodo, inquit, eam dignitatem tibi conferri deſideras, cui tu omnino contrarius es, & impar?* Ingenioſè nimiã eius in dicendo libertatem reprimens. Floreſta.

ALPHONSVS ARAG. REX.

Conſiderabat etiam ille in multiloquio non deſſe peccatum. hinc garrulos intuitus, *Videte, aiebat, has veſicas.* Veſicæ ſiquidem humoribus infulſis diſtenduntur & tumefcunt, donec eum reſpuant: ita loquaculum illud genus. Panorm. lib. 4.

ANO-

ANONYMVS

Quidam iactabat se apud omnes maximum *οὐ-
πολύον*. cuius ostentationem de audientibus vnus
reprimens, *Non*, inquit, *τιμολόζεις* te, sed *σοφίαν* con-
spicor. pulchrè eius loquacitatem mutato nomine
redarguens. Theat. vitæ hum.

*Vide Apophth. de LIBERE DICTIS,
SILENTIO, &c.*

GLORIA.

S. BASILIUS.

TAndem Virtuti suum præmium rependimus,
GLORIAM. Exiguum quippe nobis vitæ virtu-
tisque exercitiæ curriculum natura circumscripsit;
immensum verò sempiternumque honoris & glo-
riæ: ad quæ sola via est Virtus. Hinc de illis differens
aliquando D. BASILIUS, *Si gloriam*, inquebat, *qua-
ris, & cupis superior multis videri, & in rebus mun-
danis clarus fieri; sis iustus, temperans, prudens, for-
tis & patiens in aduersis pro religione suscipiendis.*
Ant. & Maxim. Mon. Orat. de gloria.

ANTONIVS SYLVERIA LV SIT.

Denique non paruas animo dat Gloria vires: quæ
etiam arripuit attraxitque; ANTONIVM SYLVERIAM,
arcis Diensis Præpositum. Viderat ad eam expu-
gnandam copiosam Turcarum classem aduentare;
& ad nobiles suos serenâ fronte conuersus, *En*, in-
quit, *viri, tempus nunc, acceptam à maioribus gloriam
bellicam, debitamque tum Deo tum Regi nostro fidem,
nobis ob oculos ponendi. qua si intueamur, omnes hosti-
les apparatus periculaque pro nihilo ducemus.* Profuit
præ-

præfens Ducis animus ad palmam de tanta classe
obtinendam. P. Maff. hist. Ind. lib. 11.

HIERONYMVS. OLGIVS.

Non illum perinde fax honestæ mentis accende-
rat, sed eum imitatus qui Dianæ Ephesinæ tanum
exusserat, in Galeatium Sfortiam Mediolanensem
Ducem sicarij manus obiuit. Rogatus autem, quî
tantum facinus attentare ausus; *Solo*, inquiebat, *glo-*
ria & nominis postumi desiderio permotus. Cumque
iam suo corpo: i gladium admoueret carnifex, pau-
lulum se colligens; *Age*, dicebat, *Hieronyme, stabit*
vetus memoria tui facti: mors acerba, fama perpetua.
Quam doctè & verè Iuuenalis:

—— *Patriam tamen obruit olim*

Gloria paucorum, & laudis tituliq; cupido

Hæsi faxis cinerum custodibus.

Egnat. lib. 8. cap. 15.

COMES DOSSVNÆ HISP.

Non minimus vanitatis huius auceps iste. Ob-
uius namque cuidâ è regio palatio venienti, *Quis-*
nam, ait, *de me in palatio sermo?* alter pudore &
rubore pariter suffusus, Nullus, respondit; neque
qui ad laudem faciat, neque qui aduersus eam. Au-
dit ille, & indignatur propter adstantes, qui eum
virum magnum reputabant, & in omnium labris:
ac innocentem fustibus excipi, deinde 50. aureis
donari mandat, dicitque: *Iam tibi materies laudis &*
vituperij: utere, & adhibe in palatio. Floresta.

SEBASTIANVS DE FLECKENSTEIN.

Fuit hic nobilitate, rei que militaris peritia, infi-
gnis. cui dum inter dimicandum Turca quidâ sac-
culum nummis plenû, velut redemptionis prædium,
obieciisset, eum tamquam victoriæ remoram ex equi
fella

sella deiecit; *Ad Ditem vestrum*, inquit, *abite diuitiæ. non enim hic aurum, diuitias, aut alia malorum irritamenta quarimus: sed virtutis premium potius, & gloriam militarem.* Melch. Soiterus de bello Pannonico, lib. 2.

GLORIÆ VANÆ CONTEMPTVS.

IESVS CHRISTVS.

Quamuis iustam gloriam, quæ veræ virtutis honestissimus est fructus, repudiare levis sit animi: inanem tamen aucupari rumorem, vmbraſque falſæ gloriæ (quæ bonorum spiritualium latro, ſecundum Baſilium) conſectari, non minor leuitas iudicanda eſt. Talis autem eſt ea omnis quæ humanæ opinioni & laudi innititur. Hæc erat mens, hæc doctrina Mediatoris noſtri CHRISTI. quem dum admirarentur Iudæi ſuper eruditione & doctrina ſua, dicerentque: *Quomodo hic ſcit litteras, cum non didicerit?* verus humilitatis magiſter, *Mea*, inquit, *doctrina non eſt mea, ſed eius qui miſit me.* Ita quoties admiranda quædam opera fuerat executus, ſemper ne cui diceret verabat. nos inſtruens, vt ſi gloriari velimus, in Domino gloriemur: non enim qui ſeipſum commendat, ille probatus eſt. Ioan. cap. 7.

S. MARCELLVS ABBAS.

Sui magiſtri verus diſcipulus MARCELLVS, cum Energumenos exorcismo & precibus curaret, dæmonemque poſſeſſam manſionem relinquere compelleret, clamaretque ille; Iube nos exire, quia in nos accepisti poteſtatem; nihilominus in oratione perſeuerat. Siſcitant autem, cur dæmonibus ceſſuros

tos se confitentibus, nihil præciperet; *Quoniam*, ait, *dicentes me in eos accepisse potestatem, non agerent aliud, quam ut me vane gloriæ laqueis implicaret.* In vita eius apud Sur.

S. DOMINICVS.

Quid? nonne & DOMINICVM inanis hæc aura afflauit? Non afflauit certè. cum enim Tolosæ plures ad Christi fidem conuertisset, tamen Carcosiæ figebat domicilium. Rogatus cur non potius Tolosæ moraretur; *Quia*, inquit, *plures ibi me honorant: hic verò me omnes impugnant.* Maluit vir sanctus se persecutionis quàm inanis gloriæ stimulis conficiendum exponere. In vita eius, lib. 4. cap. 10.

S. ANTONIVS ABBAS.

Quin & hunc tradunt Martiano militum præfecto, pro filia quam nequitia spiritus possederat supplicanti, respondisse: *Ne me opem poscas, nam & ipse peccator sum: si in Christum credas, eidem pro filia tua supplex fiam.* Vnica responsione tria simul expressit bona: humilitatis obseruationem & gloriæ fugam, fidei virtutem, infirmitatis remedium. Athan. in vita.

S. IOAN. CANONICVS REGVL.

IN ANGLIA.

Et de illo memoriæ proditum, quòd cum Inclusam visitaret, vt spiritualibus eiusdem frueretur alloquiis; illa quasi primis verbis se visionem habuisse diceret, aquilæ videlicet circumuolantis; adderetque: Tu pater illa aquila es, pro excellentia meritorum tuorum. Quo audito ille recessum parat, dicitque: *Nos eo sine accessimus, vt mutuis sermonibus Dei gratiam conciliaremus. At video, malus demon- vitiorum nostrorum sagax explorator, per has inanes laudes*

laudes aditum sibi in animos nostros parat. Ita virginēs illæ, dum de virginitate sua gloriam foris expectunt, veluti fatuæ, in vasis suis oleum habere noluerunt. Sur. tom. 5. in vita eiusd.

S. PACOMIUS ABBAS.

Erat quoque hic admirabilis sanctitatis & prudentiæ: cum namque aduerteret quemdam ex suis duas paruas storeas à se vno die factas (cum reliqui non nisi vnā confecerant) ex aduerso sibi posuisse, vt ab eo laborantis prædicaretur industria, dixit adstantibus gemens: *Frater iste à mane ad vespēram vsque laborans, totum suum opus demoni consecrauit.* ac rogantibus eius rei causam, respondit: *Quia nihil sibi fructus ex eo opere reliquit, cum plus amarit gloriam hominum, quæ contemnenda erat, quàm Dei largitoris, quæ maxime diligenda.* Quare eum seuerè puniens, conceptæ vanitatis vitium præsentī medicīna sanauit. Ibid. tom. 3. in vita.

SARA ABBATISSA.

Etiā fæminis hīc sua laus. SARA quidem Abbatissa, Deo deuota, cum dæmonis suggestionē diu vexata, tandem eam repressisset, eiūque humani generis hostis apparens diceret: *Fateor, tu me viciisti: Non ego, inquebat, te vici, sed Dominus meus Christus.* In vitis PP.

IOAN. PICVS MIRANDVLA.

Et ne alterius ordinis viros hoc honore priuemus: quis IOANNEM PICVM fileat, qui humanam gloriam fumo persimilem æstimabat? dicebat autem: *Fama viuīs nonnihil, mortuis minimè profutura.* tantumque quod sciret ipse æstimabat, quantū Ecclesiæ utilitati, eliminandisque erroribus, conducere posse sciebat. Eleganter Boëtius lib. 2. Met. 7.

Qui-

*Quicumque solam mente præcipiti petit,
Summumque credit gloriam:
Latè patentes ætheris cernat plagas,
Arctumque terrarum situm:
Breuem replere non valentis ambitum,
Pudebit aucti nominis.*

CAROLVS V. IMP.

Require Apophth. de CHRISTI HONORE, &c.

LYDOVICVS XII. GALL. REX.

Addamus, quamquam æuo dissitum, sensibus & huic loco tamen assitum, LYDOVICI eius nominis duodecimi exemplum. Qui rogatus causâ Benedi-cti Scaligeri aduersus Venetos patrocina-retur (illi enim Veronam aliaque opida Scaligeris extor-ferant) *Non his*, respondebat, *mihi opus, qui pro di-nitiis titulos & tumulos auorum demum ostentare so-liti sunt.* innuens vanam illam & sine re esse osten-tationem, ac de eâ gloriari, stultum & stolidû. Hinc acutè nobilem quemdam, & desidiosum adolescen-tem redarguens Persius, ita loquitur:

*Hoc satis? an deceat pulmonem rumpere ventis,
Stemmata quòd Tuscorum millefime ducis,
Censorémve tuum vel quòd trabeate salutas?
Ad populum phaleras. —*

P. Æmil. in vita.

GLORIA CÆLESTIS.

IESVS CHRISTVS.

INani illa præmissa, superest vt VERAM ÆTER-NAM QVÆ GLORIAM nostræ menti infigamus. Cuius non immemor Petrus Apostolus, ad eam an-
T
helans,

helans, eiusdem retributorem DOMINVM rogabat: Ecce nos reliquimus omnia, & secuti sumus te; quid ergo erit nobis? qui scintillam aliquam illius Gloriæ præfigens; *Amen dico vobis*, ait, *quod vos, qui reliquistis omnia, & secuti estis me, in regeneratione, cum sederit Filius hominis in sede maiestatis suæ, sedebitis & vos super sedes duodecim, iudicantes duodecim tribus Israel. Et omnis qui reliquerit domum, &c. centuplum accipiet, & vitam æternam possidebit.* Matth. cap. 19. Mar. 10. Luc. 3.

S. FRANCISCVS.

Mirum in modum huius Gloriæ ardore succensus FRANCISCVS. Cùm enim interrogaretur quomodo tam tenui amictu hiemalis algoris asperitatem temperaret; respondit: *Si superna flammâ patriæ per desiderium contegeremur, facile nos ab hoc frigore tueremur.* Sur. tom. 5. in vita.

IDEM

Dum ob assiduas lachrymas oculorum imbecillitatem adeptus esset, ab eisque sibi temperandum dicerent, ni corporei visus vsu priuari vellet: *Non est*, inquit, *ob amorem luminis quod nobis cum multis commune est, visitatio lucis æternæ vel modicum repellenda: non enim propter carnem spiritus, sed propter spiritum caro lucis beneficium accepit.* Ibid.

S. FVLGENTIVS EPISCOPVS RVSPENSIS.

Fulgebat quoque hoc CÆLESTIS GLORIÆ amore FVLGENTIVS: qui Arrianorum persecutionem iuxta Christi mandatum fugiens, Romæ cùm peregrinaretur; visa urbis magnificentia, ad collegas versus, in hæc verba prorupit: *Quàm speciosa esse potest Hierusalem celestis, si ita fulget Roma terrestris? & si in hoc sæculo datur tanti honoris dignitas diligentibus*
vani-

vanitatem, quam præstabitur sanctis diligentibus veritatem? Magna certè, quam nec oculus vidit, nec auris audiuit, nec in cor hominis ascendit.

Sur. tom. 1. in vita.

S. PORPHYRIUS.

Similis etiam sententia est, quam in re non omnino dissimili protulit PORPHYRIUS Cazaorum Episcopus. dum namque ex causa quadam Constantinopoli existens, Theodosij iunioris infantem ingenti cum pompa ad sacrum Baptismiatis fontem deduci cerneret: Nos (inquit vitæ eius scriptor) mirati tantam gloriam. admirantibus autem dicebat S. PORPHYRIUS: *Si ea quæ paulò post evanescent, tantum gloriæ splendorem habent; quantum habitura sunt cælestia, quæ parata sunt sanctis & electis Dei?* Consideratione dignum quod ait S. Augustinus, Soliloq. cap. 21. & Enarrat. in Psal. 85. Peccatoribus se indies blasphemantibus dat Deus cælum, terram, fontes, fructuum vbertatem. Qui autem talia peccatoribus largitur, quid eum putabis servare suis fidelibus? Sur. tom. 1. in vita. Th. Staplut. Domin. Septuag. in Prompt. morali.

IVLIANVS ABBAS.

Videbat & is socios sua domicilia ampliare: & Vereor, inquebat, *ô viri, ne dum terrena dilatamus habitacula, minuamus cælestia: atque hæc nobis ad modicum tempus conveniunt, cælestia verò æterna.* In Vitis P P.

S. LUDOVICVS EPISC. TOLOS.

Erat is Caroli Regis Siciliae ex Maria Hungariæ Regina filius, de quo frequens nobis & illustris sermo. Hic terrenum regnum splendidam servitutem vocitabat: & *Si domum, inquebat, ac paternum*

regnum contemplor, paruum id est contemplantī ingen-
tia illa spatia, quæ sursum sunt: in quorum possessionem
animus admittitur, si se homo crexerit supra se.
Ex membr. vetusta in Biblioth. Fratrum minorum
Louani.

THEODORICVS EPISC. COLONIEN.

Vide Apophth. de MORBO.

S. DOROTHEA VIRGO ET MARTYR.

Prosequamur etiam ardens huius Gloriæ in in-
firmiori sexu desiderium. DOROTHEA VIRGO, à
Fabricio Præfecto aliquamdiu torta, cùm iam ad
capitale supplicium duceretur; Gaudeo, inquiebat,
me ad sponsum pergere, cuius Paradisus omnium flo-
rũ ferax amœniũ vernat, quàm dici posset. Verè non
erit ibi ampliũ neque luctus, neque clamor, sed
nec vllus dolor: quæ prima abierunt. Sur. in vi-
ta, tom. I.

S. MARIA OËGNIACENSIS.

Illi comitem se præbet hæc. rogata enim, num
ex laudibus humanis, aut diuinis reuelationibus, se
vanæ gloriæ stimulis titillari aliquando sentiret; re-
spondebat: *Comparisonem veræ gloriæ quam ego ex-
specto, nihil est, aut æstimari potest omnis humana glo-
ria, aut predicatio.* Sur. in vita.

RECAREDV8 HISP. REX.

Require ÆTERNITAS.

AMEDÆVS SABAVD. DVX.

Vide IN PAVPERES LIBERALITAS.

GRA-

GRATITVDO.

S. TRANQVILLINVS MARTYR.

OPrima beneficiorum custos est ipsa eorumdem memoria, & perpetua gratiarum confessio. vnde contendentem Agrestium Praefectum, Solem summo iure pro numine habendum; TRANQVILLINVS hoc modo compescuit: *Num, inquit, nauibus tibi alimēta ferentibus gratie agende potius, quàm Regibus? Si ergo Regibus asportata adscribitur annona; quanto magis vni Deo gratie agende, cuius nutu omnia elementa nostris vsibus deserviunt.* Sur. tom. 1. in vita.

S. SABA.

Hic Cœnobiorum multorum pater, Agarenis per cellam transeuntibus, apposuit melagriorum & arundinum radices. neque enim aliud ei in cibum. Illi regressi, caseos & dactylos referunt. Tum SABA, *Heu mihi!* inquit, *Barbari isti, parui nostri beneficii memores, referre gratiam munificè studuerunt: nos, qui bonis creatoris fruimur indies, nullam ei studemus referre gratiam per mandatorum observationem. Quæ venia? quæ excusatio?* Sur. tom. 6. in vita.

S. RYMOLDVS ARCHIEPISC.

Contendebant apud illum parentes, heroinam stemmate illustrem in coniugem, & simul Scotiæ adscisceret gubernacula. At ille soli Deo vacans, *Quid, inquit, Imperium, quid mulierum amplexus, mihi propediem emigraturo profutura sunt? cum nihil tunc sim habiturus, quod gratitudinis loco Deo, omnium bonorum largitori, quæam referre.* Ex vita eiusdem.

B. IGNATIVS LOIOLA

Cum linguæ Italicę puritati nequicquam incumberet, & vix vlla profectus spes superesset; *Ego, aiebat, à bonorum largit ore non plus accepi, conferam tamen in eius laudem hoc quidquid est, quod ut Deo redderem, ab ipso accepi.* Ribadin. in vita lib. 3. c. 3.

THEODOSIVS IMP.

Spectabilis insuper in THEODOSIO hæc Grati-
do fuit. Exhibiturus erat suo populo Circenses lu-
dos, & nuntium accipiebat, Tyrannum Ioannem in
Occidente interemptum: cæptoque desistens, po-
pulo qui spectatum aduenerat, denuntiat: *Relin-*
quamus hoc propositum, & ad Ecclesiam properantes,
Deo gratias agamus, cuius manus Tyranni præsum-
ptionibus obuiavit. Dixerat. & ecce fit frequens ad
Ecclesiam concursus, gratiæque ter maximo Deo
redduntur. Socrat. Trip. hist. lib. 11. cap. 18.

ALPHONSVS ARAG. REX.

Ille etiam hac gloriâ illustris, sæpius ad amicos
dixisse commemoratur: *Deo tribus potissimum de*
causis incessanter gratias ago: quòd me rationale ani-
mal esse dederit: quòd Christianum: quodque inter
Christianos, Regem. An non meritò Platoni præfe-
rendus? qui, cum etiam sibi de primo gratularetur;
adiecit, se diis gratias habere, quòd ciuis esset Athe-
nien-
sis, ac Socrate magistro vsus. Æn. Sylu. de
dict. Alphonsi.

CAROLVS V. IMPERATOR.

Conquerebatur apud eum domesticorum quif-
piam, quòd cum suæ Maiestatis obsequio omnem
operam impèdisset, minùs tamen sibi de celebriori
officio prouideri, quàm ceteris. At CAROLVS, *An-*
nescis, ait, quòd *Soli Luna est vicinior, eò minus ab illo*
acci-

accipiat luminis? Significabat autem id Magnatibus vsu venire, vt qui illis officio aut ministerio propinquiores, sint à promotione remotiores.
Chyt. in Orat. de vita Caroli.

GRAVITER DICTA.

ALPHONSVS ARAG. REX.

VT faceret & iocosè dicta suum leporem & venustatè, ita grauiter prolata suam etiam energiam habent & grauitatem. Durante inimica illa contentione, quæ erat inter Franciscum Sfortiam & Nicolaum Picinium, sciscitabantur Matricienses Legati ex ALPHONSO ARAGONIO, vtrum illorum sibi in amicitiam adsciscere vellet? Quibus ille: *Vtrosque tamquam amicos habeo, & ab vtrisque velut hostibus cauendum mihi existimo.* Sentiebat quippe perdifficile ita vnus familiaritate vti, vt alterius qui huic hostiliter insidiatur, offensam non incurras. Panorm. lib. 1. de Gest. Alph.

DVX VENETIARVM ANONYMVS.

An aliud à VENETORVM DVCE expectandum? Galliarù Rege ad Ticinum capto, factù vt eiusdem Orator, subtristi vultu Regis sui cladem nuntiaturus, adueniret in Palatium: quo tempore etiam Imperatoris Caroli legatus Ducem præstolabatur, lætus admodum, obtentæ iam palmæ deferens nuntium. conspicatusque vtrumque DVX (vt erat prudentissimus) quò se in neutram partem inclinari testaretur; *Faciam*, inquebat admodù grauiter, *iuxta mandatum Apostoli: Gandebo cum gaudente, & flebo cum flente.* Eoque dicto vtriusque animum placauit. Auct. Serm. memor. Corozet.

GVBERNARE.

SIGISMVNDVS IMPERATOR.

Velut is qui in puppi sedens flectit gubernacula, simul nauem ipsam flectit reflectitque: ita ad Reipublicæ clauum constitutus, eam regit dirigitq;. Quis illud ipsum intellexisse SIGISMVNDVM inficiabitur? apud quem dum quispiam gloriabundus vrbanos Magistratus despiciendos diceret, militumq; tribunos extolleret, excandescens, *Tace*, inquebat, *ô Thraso: nullâ nobis militiâ foret opus, si suas quisque ciuitates & imperia iustè rectèque gubernaret.* Significabat bellorum fomitem Prælatorum socordiam: adeoque nihil verius, quàm illud Horatij:

Quidquid delirant Reges, plectuntur Achini.

Æn. Syl. de Di&ct. Alph.

FRANCISCVS BORGIA DVX.

Quare prudenter dixisse fertur iste: *Qui ceteris præesse volunt, non vnâ omnes qui parent regulâ metiri oportet: sed bonos milites imitari; qui pro fistulæ capiti, machinam bellicam sulphureo puluere implent, ne dissiliat.* Ribad. lib. 4. vitæ eius, c. 8.

ALEXANDER SEVERVS IMP.

Tempora confundimus, sed in re eadem. Suspectos habebat SEVERVS IMP. eos, qui vltro honores ambirent, eosque Reipub. perniciosos existimabat. Itaque cum vrbi suæ Præfectum designasset, isque fugam capesseret, ne publico isti muneri deseruaret, retractum, reluctantem, & inuitum eodem nihilo minus ornauit, dicens: *Inniti, non ambientes in Rempublicam collocandi.* *Æl. Lampridius.*

PETRVS

PERVS ALDOBRANDINVS CARD.

Dignitate & ordine ceteris prior, non item auo
 ille. rogatus, quisnam benè gubernaret: respondit;
Qui vim habet numinis. Sensit autem cum Homero,
 neminem rectè gubernare, nisi ex dono Dei.
 Henricus Farnes. in Apophth. de Principe.

HÆRESIS, HÆRETICI,

AGATHON ABBAS.

INfandam humani generis luem perniciemque
 cum formidine attingimus. quâ infecti, velut
 caupones pessimi (vt est apud Hieronymū in cap. 1.
 Isaiaë) faciunt ex vino aquā, cū ē conuerso Chri-
 stus aquam mutarit in vinum. Verè monstrum hor-
 rendum, informe, ingens, cui lumen omne tam di-
 uinum, quàm naturale ademptum: Deo inimicum,
 bonis omnibus inuisum; & inter illos AGATHONI
 Abbati. Cui dum varia per calumniam imponeren-
 tur crimina, & ille humilitatis ergo omnia in se li-
 bens agnosceret; postremū eum Hæresis labe pol-
 lutum obiciunt. Tum ille: *Absit hoc malum ab ani-
 mæ meæ.* Quærentibus autem, cur ad Hæresis no-
 men commoueretur, alia verò crimina tam æquo
 animo sustineret; *Quia, ait, peccatorem me scio: hære-
 sim autem quæ à Deo separat, non fero.* In vitis PP.
 de patient. & humilit. Part. 2.

APHRAATES MONACHVS.

Ille hanc pestē minimè in semetipso: at neque in
 aliis hic sustinebat. Cū namque Valens Imp. An-
 tiochenos crudeli modo diuexaret, quod Arrianum
 dogma suscipere recusarent; APHRAATES eos con-
 firmaturus, celeri gradu processit. Vidit eum Impe-

T 5

rator

rator è porticu, & quo properaret, regat. *Oratum*, ait ille, *pro tuo imperio*. At hoc domi factū oportuit, inquit Valens. *Rectè dicis*, subdit APHRAATES, & *verè feci, donec Christianis in pace esse licuit. Tu autè nunc turbatis Ecclesiis ignem iniecisti, quem pro virili restringere conabor*. Huius ignis (proh dolor!) nimis euident & frequens testimonium exhibet Belgicum hoc solum: in quo vix pedem ponas, qui non ilicò exustas exesasque templorum machinas contingat. Theod. lib.4. cap.26.

S. POLYCARPVS MARTYR.

Iste Marcioni fortè obuiam factus, rogatusque ab eo, An me agnoscis POLYCARPE? *Agnosco*, respondit, *primogenitum Satanae*. Hac laude dignos eos reputabit, qui ab Ecclesiæ gremio transfugissent. Euseb. lib.4. hist. Eccles. cap.14.

HÆRETICI FUGIENDI.

PAPHNVTIVS MONACHVS.

CVM ergo tam nefanda pestis sit HÆRESIS, quis nō eam velut colubrum fugiet, & vt summam perniciem summo etiam conatu detestabitur? Viderat PAPHNVTIVS Maximum Episcopum inter hæreticos quadam occasione consedis; & assurgens, manuque eum trahens, *Haud patiar*, inquit, *venerabilem Episcopum in cathedra pestilentia sedere, & cum impuro hoc grege verbo communicare*. Hic erat antiquus ille feruor & zelus primorum Athletarum: qui simul etiam cum illis panè interiit abiitque. Sozom. lib.2. cap.24.

MOSES ABBAS.

Quid verò hic? Missus à Valente Imp. rogatu Mauiæ

Mauię Saracenorum Reginaę Alexandriam, vt Episcopali infula insigniretur; vidit Lucium Arrianum paratum sibi imponere manus. cui MOSES: *Abfit, vt tua manus me consecret. Tua namque inuocatione Spiritus sancti gratia in neminem descendit.* Cui Lucius: Vnde isthęc coniicis? *Non coniicio, inquit aliter, sed certissimum id mihi. pugnam etenim contra doctrinam Apostolicam, eięque contrariam proponis; verbisęque blasphemie impie facta coniungis.* Insignis castigatio, & ab omnibus laudata. Theod. lib. 4. cap. 21. Sozom. lib. 6. cap. 8.

SS. ALEXANDER ET CAIVS.

Illi item capite damnati, dum vnā cum Marcionistis ad supplicij locum ducti essent, vnicum illud deprecabantur, vt separatim ab iis occiderētur. *Ne,* inquebant, *sanguis noster cum illis misceatur, qui parum rectē de Catholica fide fuerunt opinati.* Tam timorata per ea tempora fuerunt Christianorū mentes, vt ne mortui quidem hęreticis se commisceri sustinerent. Bapr. Fulgos. lib. 1. cap. 3.

S. ALEXANDER EPISC. ALEXANDRIÆ.

Huius etiam præclara vox: *Par est, vt nos qui sumus Christiani, omnes qui contra Christum loquuntur, tamquam Dei hostes & corruptores animarum denitemus.* Et sanē, quę participatio iustitię cum iniquitate? quis consensus templi Dei cum idolis? Sozrat. hist. Eccl. lib. 1. cap. 3.

S. ANTONIVS.

Quid autem, ceteris si non præferendus, meritò tamen adiungendus, ANTONIVS? qui ne verbis quidem Manichęos vnquam dignatus. dicebat enim: *Talium amicitie atque sermones, non nisi mera anime perniciēs.* ac de Arrianis aliquando ita sentiebat,

bat, vt serpentibus deteriores diceret eorum con-
ciones. Athan. in Vita.

FRANCISCUS I. FRANG. REX.

Lubeat his etiam anneſcere priſcum illum Chri-
ſtianorum Principum feruorem, & quidem Chri-
ſtianiffimi Regis FRANCISCI; qui, quamuis ſœdus
cum Henrico VIII. Angliæ Rege inierat, nūquam
tamen à Sedis Apoſtolicæ obedientia ſe ſubtraxit.
quin Henrico per Oratores contra Rom. Ponti-
ficem ſuppeticas poſtulantibus, reſpondit: *Aliis in rebus*
fraternum animum exhibiturus ſum; ſed in his quæ
Religioni aduerſantur, nulli me affociauero. Verè di-
gna tali Rege vox, & à Polo, qui tum ſuperſtes,
non parùm laudata. N. Sanderus, lib. 2. de
Schifm. Anglic.

IDEM.

Quin æternę memorię conſecrari dignum, quòd
ſæpè adſtante Procerū conuentu, in hæc verba pro-
ruperit: *Si ſcirem brachium meum hæreſi infectum,*
reſcinderem, & comburerem. Vtinam nihil ab illo
mutati Regni illius ſucceſſores! Auctor rerum
Memorab.

PVERI ANONYMI.

Habeat & hic ſuum locum PVERILIS ætas, &
exemplum præbeat bonæ laudatæque indolis, &
cū hac huiusce virtutis. Narrat Theodoretus, PVE-
ROS quosdam Chriſtiana fide imbutos, in tantum
hæreticos abhorruiffe, vt cū fortè pilâ in foro lu-
derent, eaque è manibus prolapſa, ſub Lucij hære-
tiarchę aſinū tranſiret, eiufq; calcem tangeret; eam
contrectare noluerint, ſed inſclamauerint: *Contami-*
nata eſt, polluta eſt; neque, niſi per ignem expieretur, con-
rectanda. Lib. 4. hiſt. Trip. cap. 14.

HISTO-

HISTORIA.

ALPHONSVS ARAG. REX.

TE te rerum omnium, & Principum potissimum virorum, curiosa indagatrix compello: quæ res gestas Regumque Ducumque, & tristia bella ad ferros nepotes transmittis. Oblectatur tui præsentia ALPHONSVS, dum Capuæ decumbens ex febris, nihil solatij in morbi sui molestiis persentisceret. Q. Curtij Alexandrum in manus sumens, omnem ægritudinis languorem superavit, dixitque: *Valeat. Auicenna, valeat Galenus, & alij medici: vinat vnus Curtius restitutor sanitatis meæ.* Ant. Panorm. de Gest. illius, & Æn. Syl. de eiusd. Dictis.

CAROLVS V. IMPERATOR.

Sed & Historiæ scriptorem, virum bonum prudentemque, ac propositi tenacem esse debere, docuit nostri & futuri fortassis sæculi decus & æuiternum ornamentum CAROLVS V. IMP. Austriacus. Audiebat Ioan. Sleidani historiam, quæ res à se gestas continebat, coram se legi. & identidem dicebat: *Mentitur nebulo.* ad extremum adiiciens: *Quenam istorum scriptis veritas fidesque insit, cum veritatis fideique lucem in seipsis extinxerint?* In vita Caroli apud Surium & alios.

FREDERICVS SAXONIÆ DVX.

At quæ non vtilitas ex historiis? Curabat sibi præscribi historiarum epitomen Elector FREDERICVS, quam etiam in grauissimarum rerum deliberatione adhibebat: nec rarò dicebat: *Haud voluptatis ergò tantum historiarum cognitione oblector; sed potissimum, quòd ea ad bonè beateque viuendum vint*
exem-

exempla & commonefactiones ob oculos ponant. Historia namque meritò hoc encomio gaudere debet,

— quòd gestis præsit custodia rebus,
Et det, quod caueas, quodq; sequaris iter:
Priscaq; ne veteris vaneſcat gloria sæcli,
Gaudeat inuiſis eruere è tenebris:
Et ſua virtuti dare præmia, & impia rurſum
Sedula famoſis mittere facta notis.

Georg. Richt. in Axiom. Oeconom.

H O M O.

ISOCASIUS QUÆSTOR LEONIS IMP.

IMbecillitatis fragilitatiſque exemplum HOMINEM producimur, & ſimul ISOCASIVM QUÆSTOREM. qui, traditus ab Imperatore Leone ob certa quædam flagitia Iudici examinandus, cùm in habitu condemnati ad prætorium duceretur, percontanti, Viden' quo in ſtatu ſis? *Video, inquit, neque nonum id mihi, ſi homo cùm ſim, humanis caſibus ſubiiciar.* & hic, vt quòd um ille, nihil à ſe humani alienum exiſtimabat. Zonar. lib. 3. Annal.

CAROLVS V. IMP.

Require FORTVNÆ INCONSTANTIA.

ÆNEAS SYLVIUS.

Antequam primo illo honore præfulgeret, audiebat differentes quosdam de humanæ fortis fragilitate. &, *Comædia*, inquiebat, eſt vita, cuius ultimus actus in morte agitur. nemo bonus poëta habetur, niſi ad finem uſque omnes actus prudenter explicet. Præclare pariter & doctè monet Ethnicus:

Disciteque ô miſeri, & cauſas cognoscite rerum,
Quid

Quid sumus, & quidnam victuri gignimur, ordo

Quis datus; humanâ quâ parte locatus es in re.

Lib. 3. Comm. eiusd. de Reb. Alphonsi.

FERDINANDVS IMP.

Ille etiam humanæ conditionis memor, HOMI-
NEM caelo, terra, mari, arboribus brutisque dicebat
longè inferiorem. & sciscitanti causam, *Quia omnia*
hæc, inquiebat, tempestatem præsentunt; solus homo
mala sua nec sentit, nec prospicit.

Nam gens hominum fertur rapidis

Obuia fati, incerta sui.

Stygias ultrò querimus vndas.

Chron. German. Imp.

FRANCISCVS BORGIA DVX.

Hanc Ferdinandi considerationem nulla conue-
nientiùs quàm FRANCISCI BORGIAE subsequetur
sententia. Grauius eum affligebat. Tertianæ, ita ut
penè ipsas medullas suo æstu concoqueret. cum-
que vi morbi debilius factus iaceret; se recolligens,
Hen! suspirabat, quàm iam didici nihil esse in huma-
nis perpetuum. Quod idem mente aliquando com-
plexus Iustus Lipsius V. C. Epiraphio suo, quod
Louanij visitur, ipse inseruit:

HVMANA cuncta sumus, umbra, vanitas,

Et scæne imago, & verbo ut absoluam, NIHIL.

Ribadin. in vitâ Borgiæ.

THOMAS MORVS.

Quin, quòd tota hæc vita nostra nihil aliud sit,
quàm ad mortem damnatorum, in hoc mundo tam-
quam in carcere positorum, continua expectatio;
quòd alij ocys, seriùs alij euocantur; hac hypothesi
docuit vir & sapientia & sanctitate celebris THO-
MAS MORVS. dicebat enim: *Velut qui è carcere ad*
pati-

patibulum ducitur, quò dua quidem via ducunt, una breuis & recta, per circuitum altera; nescit quanam ducatur, nec longiorem sibi viam promittit propter alterius via incertitudinem: ita iuuenis, etsi videat senem per circuitum duci ad mortem, & ignoret an cò ipse ducatur, longiorem tamen ob id sibi vitam promittere non potest. Quis enim inter homines

— tam Diuos habuit fauentes,

Crastinum ut posset sibi polliceri?

Res Deus nostras celeri citatas

Turbine versat.

In vita Th. Mori, cap. 12. apud Staplur.

H O N O R.

ABBAS DE BAIGNE ANONYMVS.

Virtutem velut umbra sequitur HONOR: cuius proinde appetitus si moderationis fines non transfilit, reprehensione caret. Habuisse eum quemdam ABBATEM DE BAIGNE meminit Corozetus in suis Memorab. à quo cùm Ludouicus XI. peteret, Abbatia cederet; subtiliter & modestè, *Quadragesima*, inquiebat, *annis vacavi, ut priores alphabeti litteras A B addiscerem: at iam totidem requiro, ut subsequentes D C ediscam.* Significabat autem, se demùm post annù suæ professionis quadagesimum in Abbatem electum, & velle annis totidem eodem munere perfungi, priusquam cederet.

ALPHONSVS REX ARAG.

Esse autem vnicam ad honores viam, Virtutem, hoc modo declarabat ALPHONSVS. Suadenti enim sibi cuidam familiari, tranquillè dum posset & securè viueret, neque se tot tantisque periculis obiectaret,

etaret, respondisse fertur: *Non temerè à Romanis, & iis quidem sapientioribus, Honoris templo Virtutis san- num coniunctum est: ut in id nemini, nisi per illud, transitus pateret. Non itaque per voluptatem & o- tium;* ————— *sed semita certè*

Tranquilla per virtutem patet unica vita.

Panorm. lib. 1. de Gest. eiusd.

IDEM

Interrogatus, quid honor esset sine vtilitate; *Per- inde*, respondit, *ac si per acutum cernas, sed offensus caligine in tenebris oberres. Anne fortassis innuere volebat illud Poëta,*

————— *Virtus sine censu languet ubique.*

Panorm. lib. 2.

LVDOVICVS XII. GALL. REX.

Vide Apophth. de MANSVETVDINE, &c.

REX ANONYMVS.

Quàm verò apud quosdam illud obtineat, Ho- nores mutât mores, at rarò meliores, docet is quem subnectimus. Erat filius Carbonarij homo humili loco natus, qui populi sui suffragiis in REGEM deli- gitur: quo audito pater accurrit lætus, natumque splendore regio conspicatus, cùm se ab illo non vi- deri existimaret; An, ait, me cognoscis fili? cui ille, *Quid*, inquit, *pater, ego meipsum non cognosco, & quomodo te agnoscam?* Gotscal. Serm. 17. Part. æstiuâlis, lit. C.

ANONYMVS.

Aliud insuper adiiciam. Dum electus esset in Ar- chiepisc. Tolosanum Franciscus Simenez, amico, quem summum habebat, felicem suarum rerû suc- cessum nuntiauit. Cui ille; *De successu*, respondit,

V

qui

qui tibi ex animo euénit, gaudeo plurimum: & simul non parum doleo, me amicum nunc amisisse. respiciebat namque ad vulgatum illud, Honores mutant mores. Hinc laudatur illud Poëtæ:

*Natura celas vitia, es dum pauper: at illa
Imperium nactus conspicienda dabis.*
Floresta.

HONORIS CONTEMPTVS.

S. PETRVS APOSTOLVS.

CLaro illucescente Sole, minor umbra corpori comes: ita, quò plures quibusdam virtutum radij, eò minorem honorum umbram sibi comitem desiderant, in solum virtutum omnium largitorem Deum, quidquid est honoris & gloriæ, referentes. Præstolabatur Cornelius vir iustus B. PETRVM ad se accersitum, ei que obuius factus, ad pedes procidit & adorauit. At PETRVS eo se honore reputans indignum, eumque manu eleuans, dixit: *Surge, & ipse homo sum.* Actor. cap. 10.

S. MALACHIAS EPISC. HIBERNIÆ.

Hunc etiam honoris tituli que contemptum in MALACHIA habemus. qui vocatus & compulsus ad onus Archiepiscopale, omnibus quibus potuit modis, renuit. Anathema verò, ni pareat, minitantibus; tandem acceptauit, dicens: *Ad mortem me ducitis, sed obedio spe martyrij.* O virum insignem! nec honorem affectantem, neq; mortem pro Christo formidantem. Sur. rom. 6. in vita.

S. FRANCISCVS.

Et quid verus pauperum & humilitatis pater FRANCISCVS? Rogatus à domino Hostiensis (qui ordinis

dinis eiusdem protector, ac postmodum sub nomine Greg. ix. Pontificatum administravit) vtrū suos fratres etiam ad Ecclesiasticas dignitates vellet promoueri; dignam FRANCISCO vocem respondit: *Minores idē vocati sunt fratres mei, ne maiores fieri præsument.* Sur. tom. 3. in vita.

S. ANTONIVS EREMITA.

Hic item frequentibus litteris à Constantino Imperatore vocatus, venire recusauit: ne maiori honorū pondere grauaretur. dicebat autem: *Siquidem ad Imperatorem venero, Antonius ero: sin minus, Abbas Antonius.* Niceph. Callut. lib. 8. Eccles. hist. cap. 40.

FRANCISCVS BORGIA SOC. IESV.

Memorabilis etiam illius contra omnes honorum insultus constantia. abdicato quippe illustri Ducatu, mundiq; pompa pro nihilo habita, sepius oblatum Cardinalatus honorem recusauit. dicebat autem: *Deum precatus sum, ut mihi vita prius abire liceat, quàm titulis iterum bonisq; onerarer inuitus.* Erat tamen ille, cuius, si vilius alterius, virtuti meritis debetur honos. Quā benè & verè Boët.

Quid dignum stolidis mentibus imprecer?

Opes, honores ambiant,

Vt cum falsa graui mole parauerint,

Tum vera cognoscant bona.

Ribadin. in vita, lib. 2. cap. 3.

IDEM.

Venerant ad visendum eum officij causa Dynastæ. cumq; speciosis nimium titulis vterentur, tædio affectus, rogabat titulis temperarent; Ne, inquiens, Deo exprobrasse videamini, quod in me eximium vocationis beneficium contulerit: neve pluris

V 2

facere

facere videar quæ abiici, quàm quæ assumpsi. Idem
cap. 8. lib. 2.

IDEM

Vlyssiponam dum ingressus, Ioan. III. Rex misit,
qui eum salutaret. Hic cum, fessutne de via esset, in-
terrogaret; & (Domini) nomen iterum atq; iterum
repeteret; FRANCISCVS lepidè respondit: *Fes-*
sus quidem sum de via: sed magis (Domini) quàm mi-
oneras potius quàm honoras, appellatione. Idem
lib. 4. cap. 1.

BENIVOLVS QVÆSTOR.

Claudat hunc ordinem ille. Vocabat eum Iustina
Valètiniani mater, religione Arriana, & mādabat, le-
gē cōtra Catholicos promulgaret. id recusantē, ma-
ioribus cingulis inuitat. Ille verò se discingens, bal-
teum ante pedes Augustæ proiecit, dixitque: *Neque*
hunc honorem, neque maiorem expeto pro impietatis
mercede. Tripart. hist. lib. 9. cap. 20.

ALEXANDER SEVERVS.

Ingeramus calamū ciuilibus exēplis, & ex iis pri-
mum omniū depromamus ALEXAND. SEVERVM,
honores titulosque despicientem. Imperator crea-
tus, vix tertio lustro suæ ætatis emenso, ob virtutes
eximias, magnificis titulis à Senatu decoratus, nū-
quam præsens eos est passus. Aiebat enim: *Oportet*
ut res geste, maturiorque ætas ea nomina pariat. Ita-
que nomina quæ alij ad honestandam fortunā om-
nibus studiis sibi adsciscere laborarunt, ipse adhuc
adolescens, oblata non admisit. Lamprid. Ful-
gos. lib. 4.

CONSTANTINVS MAGNVS.

Vide tit. de LAVDE CONTEMPTA.

GODO-

GODOFREDVS BVLIONIVS.

Et quis hunc pro merito laudauerit? Erant eius consilio & armis expugnata Solyma: vnde Christiani principes, suis humeris subuectum, vno ore Regem proclamarunt. Hic verò regni titulum rogatus non abnuitt, aurcam autem coronam suo capiti superimponi omnino noluit, dicens: *Indignum est, aureo illic diademate hominem uti, ubi Rex regum* CHRISTVS *pro hominum salute spineam portauit.* Platina in vita Paschalis II. Pont.

CAROLVS MARTELLVS BRAB. DVX.

Neque in hoc vllum incrementum habuit regni tituliq; libido. Nam cum in Regem Franciæ post mortem Chilperici expeteretur, renuit, inquiens: *Imperare Regibus, quàm Rex esse malo.* Vnde hoc ei Epitaphium inscriptum:

*Ille Brabantinus Dux primus in orbe triumphans,
Malleus in mundo specialis Christicolarum.*

*Dux Dominusq; Ducum, Regum quoque Rex fore
sprenit,*

Non vult regnare, sed Regibus imperitare.

Barland. in Duc. Brab. pag. 16.

CAROLVS MAGNVS.

Est hîc etiam illustris CAROLVS. deletis Saxonibus, & finitimis populis debellatis, cum admodum metuerent ne tandem Imperator factus, se de illis totaq; gente vindicaret; ad eum prostrati veniunt, seque obsequio suo lubentes deuouent. quibus ille in brachia acceptis; *Nolo, inquit, vos mihi seruire, sed Deo.* Vera Christiani Principis vox.

Seb. Munst. lib. 9. Cosmog. c. 19.

WENCESLAVS BOHEMIÆ REX.

Non minoris animi WENCESLAVS. Rudolpho

Austrio vitâ functo, illi Romanū deferebatur imperium. sed quā virtute promeruit, eādem modestiā recusavit, asserens; *Satis superque mihi laboris est, paternam ditionem equis legibus gubernare: externis libens abstineo, eisque me dignioribus cedo.*
Munst. de German. lib. 2. cap. 499.

IOVIANVS IMP.

Require IMPERIVM EIVSQVE ADMINISTRATIONO.

FRANC. SFORTIA DVX MEDIOL.

Non parum etiam laudis meritis est SFORTIA, cū Mediolanensium & totius panē Lombardiæ parto imperio, urbem Mediolanum esset initurus. preparatum enim sibi cum triumphali honore auratum currum conscendere detrectavit, dicens: *Eiusmodi ornamenta Imperatorie maiestati debentur.* Quo facto, victoria illa, quæ rara erat, & hostes, & insolentis animi affectus, qui plerumque victoriam comitantur, superavit. Fulgos. lib. 2.

HORÆ CANONICÆ.

S. HUGO LINCOLNIEN. EPISCOPVS.

HORARIAS PRECES, Clericorum pensum, statuto tempore & ordine persoluisse, Deo gratum esse & acceptum, suo exemplo docuit Lincolnensium Antistes HUGO. qui etiam in itinere constitutus, numquam ab hac debita persolutione cessavit. quin, cū aliquando ceteri comites primo mane abirevellent, ille: *Quoniam ibimus, Horis matutinis nondum recitatis?* quibus eas differentibus, & iter accelerandum ne latronibus præda fierent asserentibus; HUGO, *Vos quod lubet facite*, inquit. Ego
sanè

sanè hinc non exco, donec solito more preces persoluam.
Mira res! solus ille postmodum subsecutus, liber
transiit: aliorum verò hi capti, illi spoliati, in prædo-
num manus deuenerunt. Sur. tom. 6. in vita.

S. LVDGERVS PRIMVS EPISC. MONASTER.

Memorable illud factum dum recolo, aliam
LVDGERI viri sanctissimi pietatem nec obliuisci
possum, nec prætereundam censeo. Euocatus hic à
Carolo Magno Imp. dum sub vesperâ venisset, pri-
mo diluculo ab Imperatore accersitur: eâ ipsâ horâ
perfoluendis de more Canonicis horis insistebat.
cumq; his expletis vêturum se respondisset, & iam
tertium à Cæsare nuntium acciperet, tandē in con-
spectum Caroli venit. qui, cur venire distulisset,
subiratus rogat. Ille vultu & mente intrepida; *Ego,*
Imperator, tuum mandatum ita in omnibus exequen-
dum putavi, ut Deum tibi ubique præferendum non
dubitarom. Quo responso delectatus Imperator,
gratias egit, quòd talem eum experiretur, qualem
esse crediderat. Thom. Staplut. in vita Thomę
Mori. Sur. in vita.

THOMAS MORVS.

Hic etiam isto in genere pietatis admodum fuit
liberalis. qui pro more, Sacerdoti, superpellicio in-
dutus, cōcinebat: monitus autem hunc humilitatis
modum Regi minimè placitum, tamquam digni-
tati eius minùs congruum, respondit: *Domino meo*
Regi displicere non potest, quod ipsius Regis Domino
obsequium impendo. Ibidem apud Staplut.

HOSTIS.

HENRICVS IIIII. IMP.

Non parum solatij mortem Inimici etiam cum gloria obitam adferre, paucis confirmabimus. Vitâ functo Rudolpho Imp. cùm eius cadauer mirifico apparatu tumularetur, quidã HENRICI IV. assentatores id haud æquo animo tulêre, eò quòd vix vnquam inter eum & Imperatorem conuenisset. At HENRICVS; *Sinite*, inquit. *Quàm velim omnes qui mihi aduersantur, hoc cultu fastuq̃ue tumulari.* Matt. Castrit. de heroic. virt. Princip.

CAROLVS IX. FRANC. REX.

Nec multum dissimili modo hic. Conspicabatur in furcâ suspensum Gasparis Colignij perduellis cadauer; & comitatui fœtorem non ferenti, *Hostis*, inquebat, *mortui bonus est odor.* Annal. Fr.

ERGA HOSTES CLEMENTIA.

RVDOLPHVS IMP. AVSTRIACVS.

Magna profectò ea virtus est; quæ, vt infinitam gloriam, ita & summum amorem laudemq̃ue apud omnes meretur;

Parcere subiectis, & debellare superbos.

Benè igitur RVDOLPHVS dicenti cuidam, se Ottacarum Bohemiæ Regem è medio sublaturum, si factò præmium apponeretur; respondebat: *Isi nos-
ter hostis sit, non efficiet tamen, vt iustitiæ & modera-
tionis fines transcamus.* Æn. Syl. lib. 3. Comm. de
Reb. Alphonfi.

IOAN.

IOAN. IMPERATOR.

Pari clementiæ iustitiæque zelo efferebuit IOAN-
NES. Cui dum insinuaret quidam se faciliè Henri-
cum suum ad regnum Bohemiæ cōpetitorem vene-
no sublaturum, aiebat: *Si me inscio hoc perpetrasses,*
& subornasses fugam ad me, Crux tibi merces futura:
& tu me modo huius sceleris auctorem petis? verè imi-
tatus Vatis Regij mansuetudinem, qui etiam suo-
rum hostium interfectores numquam est passus es-
se inultos. Ibidem.

SIGISMVNDVS IMP.

Quid autem de SIGISMVNDŌ loquar? cuius man-
suetudinem potentissimi affectus, ira atque gloria,
quater non potuerunt. Hic enim hostes bello supe-
ratos, non modò à delicti offensa liberare, sed &
inter familiares adoptare solitus: & ob id à Lauren-
tio Hungariæ Palatino reprehēsus, *Tibi*, inquebat,
utile videtur hostem occidere, quia mortui bellum non
excitant. At ego inimicum occido, dum parco: & ami-
cum facio, dum extollo. Præclarè sentiebat præclarus
Imperator, pulchrius esse benefaciendo, quàm po-
tentia hostē vincere. Tibi ergo CÆSAR clementiss.

Et tecum hoc commune deis, quod utriq; rogati

Supplicibus vestris ferre soletis opem.

Idem.

I D E M

Obiurgatus à suis, quòd fugatos hostes non in-
sequeretur, comprehensos verò occideret; *Satis*, di-
cebat, *vicit, qui hostes fugavit.* Utinam & nostri or-
bis Monarchis persuaderi posset, illam tum demum
esse victoriam, quæ sine sanguinis effusione contin-
git. Æn. Syl. lib. 2. de Gestis Alphon.

V 5

ALPHON-

ALPHONSVS ARAG. REX.

Age. ALPHONSI ARAGONII clementia, quàm clarum quàmque memorabile exemplum haberi debet? Cùm namque expugnato Stephato, Centuriones ac milites, qui Regi maledixerant, mirà cū humanitate excepisset, quos tamen morte mulctandos iudicabant alij; respondebat: *Malim ex clementia & humanitate erga hostes, quàm ex victoria laudem pacisci.* Quæ illa vox? egregia fanè, & verè regia: ac dignus qui eam protulit, eo elogio celebretur, quo Augustum Ovidius olim extulit, quòd

— nec ALPHONSO Deus est moderatior ullus,
Iustitiâ vires temperat ille suas.

Panorm. lib. 3. de Gest. eiusd.

I D E M.

Caietam vrbe[m] obsidebat, & compulsi Opidani præ inedia ad bellum inutiles vrbe pellere. In quos cū incidisset ALPHONSVS, monitus à circumstantibus eos trucidaret; *Nequaquam, ait, bellum contra puellas, feminas, senes, ac innocentem innocentem suscepimus: sed contra viros armatos, manus nobiscum de victoriâ concertantes.* & ita imbelli ætati sexuique pepercit. Hanc pietatem nostra tempora clamant, & desiderant: quibus (heu!) gloriosum, si trucidatis infantibus ac senibus, eam ætatem abducunt, quæ vel libidini apta est, vel labori, vel vtrique.

Panorm. lib. 1. de Gest. eiusd.

Require CLEMENTIA.

HVMILITAS.

IESVS CHRISTVS.

EXempla etiam eorum percurramus, qui à instantiæ vitio remoti, virtutum omnium alumnæ,

nam, veramque custodem, toto conatu sectati sunt. qui tanto maiores in cōspectu Dei apparere, quanto se apud homines reputarunt minores. Ut autem SALVATORIS nostri summam humilitatem taceamus, certè præclara eiusdem de hac virtute dicta iudiciaque nullatenus erūt prætereunda. Cū persoluto statere, à discipulis inquireret, quānam de re inter se altercarentur? accedentes rogabant: *Quis putas maior est in regno cælorū? & aduocans IESVS paruulum (quem alij fuisse Ignatium Episc. Antiochenum existimant; alij verius Marcellum Pont.) statuit eum in medio eorum, dicens: Amen dico vobis, nisi conuersi fueritis, scilicet ab hac stulta contentione & ambitione, & efficiamini sicut paruuli, nempe quoad sinceritatem, qua alter se alteri non præfert: non intrabitis in regnum cælorum. Quicumque ergo humiliauerit se sicut paruulus iste, videlicet humiliter de se sentierit per virtutem, ut ille per ætatem; hic maior est in regno cælorū.* Hinc præclare Ambros. *Quisquis cupit diuinitatis tenere fastigia, humilitatis ima sectetur.* Matth. cap. 18.

S. HILARIUS

Miræ humilitatis vir. Venerat euocatus ad Synodum, Leonis papæ auctoritate coactam, sed tardius quàm oportuerat: vetuit Leo ne quis assurgeret venienti. Ille conspicatus sibi locum non dari inter Episcopos, nihil molestè ferens, humi resedit; inquit: *Domini est terra, & plenitudo eius.* Herm. Gigas.

S. FRANCISCVS.

Ille etiam hanc virtutum omnium altricem misericè coluit. cū namque mensæ accumberet, & qui ex ordine refectionis tempore legebat, de Vir-
ginis

ginis Deiparae angustis quædam in medium proferret, continuò assurrexissè dicitur, ac humi prostratus, dixisse : *Numquid ego peccator ad mensam sedere debeam, cum Dei genitrici in ducitorio locus denegatus fuerit?* Marulus lib. 1. Exempl. cap. 8.

FR. EGIDIUS COMES S. FRANCISCI.

At quanta humilitatis vis sit & efficacia, non minus pie quàm acutè FR. EGIDIUS hoc simili explicavit : *Humilitas, inquit, mihi fulminis instar esse videtur, quod ferit quidem, sed nulla post se sui vestigia relinquit.* Ita sanè Humilitas omne peccatū non odit solū, verū etiam dissipat, & tamen ut homo in oculis suis nihil sit, efficit. Liber hîc atterere, quomodo humilitatis vim complexus sit Iac. Billius in Antholog. sacra; ubi ait:

O Deus! ô quantis vita est humana periculis

Subdita! quis tali vitet ab hoste necem?

Quoquò oculos verto, subeunt discrimina mille,

Tensa anime cernò retia mille mea.

O Deus! ecquisquam fugiet tot retia? Vano

Mens ea que fastu libera semper erit.

Surius tom. 7. in vita. Th. Stapluti. Dom. IV, Advenit. in Prompt. Morali.

S. HUGO LINCOLNIEN. EPISC.

Admirabatur summam eius humilitatē Guilielmus Lincolnienſium Cancellarius: ac dubitare cœpit, num qua mentem eiusdē attigisset elatio, dixitque : Domine, S. Martinus leprosum osculo sanavit; cur & tu leproſos quos oscularis, non sanas? cui incunctanter ille : *Osculum Martini leprosum sanavit, osculum autem leproſi animam meam sanat.* Illa est vera humilitas, ait in Moralibus Gregorius, quā quis

quis de se parua æstimat, & bona alterius sine liuore commendat. Sur.tom.6. in vita.

S. GREGORIUS MAGNVS.

Quid tantoperè priores illos miramur? Ipse GREGORIUS ad supremum honoris apicem præter voluntatem euectus, & dictis & factis in tanta dignitate humilitatem seruauit maximam, ita vt aliis de se præclara testimonia ferentibus diceret scriberetque: *Ego nihil sum aliud, quàm seruus seruorum Dei.* Quo nomenclaturæ titulo deinceps gausi summi Pontifices. Ioan. Diac. lib. 2. cap. 1. Marul. libro 1. cap. 5.

B. IGNATIVS LOIOLA.

Et ille summa spectantibus, ab imis suadebat incipiendum: nèue altum saperent, sed humilitate sibi viam ad excelsa munirent. dicebat autem; *Tum demum adificium stare poterit, si humilitatis fuerit fundamento constitutum.* Ribadin. lib. 5. vitæ eius, cap. 3.

FRANCISCVS BORGIA.

Hic quoque virtutum omnium & humilitatis potissimum cultor, quod die Hebdomadis maioris Christum discipulorum pedes abluentem Ecclesia recolit, ad Tyrones verba faciens; *Nullum, inquit, hodie in mundo locum reperi. Sextum enim iam annum ad Iudæ pedes illum mihi fingebam; nunc dum Christum attente considero iis aduolutum, lauare, tergere, osculari, nullum mihi inde expulso relictum video locum.* Idem lib. 4. cap. 1.

I D E M.

Quin & de eodem meminit præfatus auctor, quòd, cum in Præpositum generalem adscitus esset, electores collegas suos obnixè rogarit, se orationibus

bus

bus & consilio iuuant; *Iumentum*, inquit, *factus sum apud vos. Si oneri ferendo par non sit, onus cum clitellis tollitur. Idem vos facite, imperium tollite, si tanto oneri impar videar.* Ibid. lib. 3. c. 1.

S. MARIA MATER DEI.

Nunc ancillarum Christi humilitatem referamus: eo enim nomine se dignam dumtaxat reputabat DEI GENITRIX. ab Archangelo namque salutata, & Altissimi mater nuncupata, nullatenus eo titulo elata fuit; sed innatam humilitatem professâ, *Ecce, inquit, ancilla Domini, fiat mihi secundum verbum tuum.* Luc. cap. 1.

S. PAULA.

Graccharum hæc stirpe nobilis, humilitate nobilior; cum omnibus propter Christum exuta, hominum tamen aculeos euadere non posset, seque stultam à pluribus reputari intelligeret, in hanc vocem erupit: *Theatrum facti sumus mundo, & angelis, & hominibus. nos stulti propter Christum. sed stultum Dei, sapientia est hominibus.* Marul. lib. 5. cap. 2.

ROMANVS IMPERATOR.

Neque fuit ab hac virtute alienus ROMANVS. qui, cum in cœnobio, in quod à filiis dominandi libidine accensus fuerat detrusus, argueretur à fratribus quòd domum mundaret, respondisse fertur: *Luculentius regnat, qui seruorum Dei humilitatibus deseruit, quàm qui potentibus mundi peccatoribus imperat.* Benè in eundem ferè sensum Horatius:

*Latius regnes, anidum domando
Spiritus, quàm si Lybiam remotis
Gadibus iungas, & uterque Pœnus
Seruiat uni.*

Luitprandus lib. 5. cap. 1.

CARO

CAROLVS V. IMP.

Sed & inuictissimi Cæsaris nostri insigne ad humilitatem documentum est. Postremo eiusdem ex Germania recessu, cum Vlissinge ventos nauigationi propitios expectaret, factum, ut cum Seldio Ferdinandi fratris Legato in seram noctem de rebus feriis ageret. Iam & nox & lumina somnum postulabant: lignoque nolâ dato, nullo è ministris somno vinoque sepultis accurrêre, ipse CAROLVS candela arripit, Seldio quouis modo renitenti præfert: ei que per gradus ad quietis locum deducto; *Hoc tibi monumentum, ait, Cæsaris illius CAROLI habeto Seldi, tot exercitibus & satellitibus quondam stipati. quem nunc solum, & à familia etiam desertum, vides, & cui tu tot annis seruisti, ille tibi seruit, & lumen prætulit. Quid hoc Principe humilior? quid modestius? Sanè*

— quò fortuna altior

Enexit ac leuauit humanas opes,

Hoc se supprimere magis felicem decet.

Cythr. Orat. de Carolo v.

HVMILIS SVI ÆSTIMATIO.

S. IOANNES BAPTISTA.

SVbiiciamus magnæ huic virtuti suū effectum, qui est contemptus sui. Humilis enim hoc solo superbus (ut habet Bernardus Serm. 16. in Cant.) quod laudes contēnit. Ita Dominici aduentus præcursor & prænuntius, cum benè admodum & præclare apud omnes audiret, & Iudæi mitterent Hierosolymis Leuitas, qui prædicationis eius excellentia permoti, sciscitarentur quis esset; tamen neque

se

se Christum, neque Eliam, aut vnum è Prophetis confitens, aiebat: *Ego vox clamantis in deserto. Cum-
que instaret illi, quam potestate baptizaret; pro-
testatus suum baptisma non esse tantæ excellentiæ,
ac futurum erat illud nouæ Legis à Christo instituen-
dum; subiiciebat: Ego baptizo in aqua, medius autem
vestrum stetit, quem vos nescitis: ipse est qui post me
uenturus est, qui ante me factus est: cuius ego non sum
dignus, ut soluiam eius corrigiam calceamenti.*

Ioan. cap. 1. Mat. c. 3. Luc. c. 3.

CENTVRIO EVANGELICVS.

Quis illius humilitatem pro merito admiretur, quam ipse Saluator noster tantoperè admiratus perhibetur? miserat quippe ad eum amicos, seniores Iudæorum, qui super infirmitate filij deprecarentur. per quos etiam dicenti Domino, Veniam & curabo eum, ipse responderi iussit: *Domine noli vexari: non enim sum dignus, ut sub tectum meum intres. propter quod & meipsum non sum dignum arbitratus, ut venirem ad te; sed dic verbo, & sanabitur puer meus.* Luc. cap. 7. Matth. c. 8.

S. PETRVS APOSTOLVS.

Ille quoque conspiciatus se ad Domini præceptum conclusisse multitudinem piscium copiosam; proci- dens ad genua eiusdem, aiebat: *Exi à me, quia homo peccator sum Domine.* Luc. cap. 5.

S. FRANCISCVS.

Quid de isto dicemus? quæ, dum rogabatur quam de seipso opinionem conciperet, respondisse tradunt; *Maximi peccatoris.* inferenti quæ alteri, tuta ipsum conscientia id asserere non posse, inquit: *Si quantumcumque sceleratum hominem tantam fuisset Christi misericordia profecutus, arbitror sanè, quòd*
multo

multò me gravior exstisset. Sur. tom. 5. in Vita,
& Bonauent. cap. 5.

S. ÆGIDIUS COMES S. FRANCISCI.

Huic id vnum curæ, sui magistri præuiis insisteret
vestigiiis. Rogabatur aliquando, Quidnam agis
pater? ille: *Vix quidquam, nisi malum.* at, Quo pacto,
ait alter, cum sis Minorita? quem iteratò compellans
ÆGIDIUS, *Vter, inquit, paratior est: Deusne ad dan-*
dum, an homo ad percipiendam gratiam? Dicente illo,
Deus proculdubio ad dandum. Ergo, subintulit, *vi-*
den me vera dixisse, malè me facere, qui Dei gratiam
etiam paratam, non semper recipiam; nec in ea, uti par
est, ambulem. Sur. in Vita tom. 7.

S. LUDOVICVS EPISC. TOLOS.

Vtebatur religioso quodam consultore LUDOVICVS
TOLOSANVS ANIISTES, priusquam sacro ordine & habitu S. Francisci esset initiatus: dumque
maturè cum eo deliberaret, & humilitatis sibi vestigia
præfigeret, tandem ita orsus: *Scio nihil tam gra-*
tum Deo, quàm si vite merito magni, tamen non ma-
gni, sed humilitate infimi videamur: cum tanto quis
Deo sit pretiosior, quanto propter eum est vilior sibi.
Ex Vita eiusd. cap. xi. impressa apud I. Moretum.

SYLVANVS EPISC. TROIANVS.

Erat hic etiam vir sanctissimus, qui admiranda à
Deo orationis virtute impetrauerat. Et ecce importunè
eum sollicitant incolæ, ut nauem onerariam, quæ
immobilis permanebat, in mare suis precibus deduceret.
Ille humili vultu voceque, quasi indignabundus, *Absit,*
inquit, à me, qui peccator sum, istud postuletis:
neque enim id attentare est mearum virium,
sed iusti alicuius. Ita humiliter de se sentiunt veri

Dei ministri, quo inanis gloriæ inquietos stimulos euadant. Tipart. histor. lib. 12. cap. 8.

FRANCISCVS BORGIA SOC. IESV.

Priores illos minùs admirabitur, qui mentem oculosque in BORGIAM coniecerit. Venerat de via fessus, & hospitium extra opidum subire compellitur, ac in illo stramineum thorum. accubat cum eo Bustamantius, qui tota nocte imprudens emissio phlegmate (laborabat enim tussi) collegam fœdabat. primo diluculo, cōperto quod res erat, veniam precatur. cui humilis pater: *Non est quòd ea ex re labores: nec enim dignior vsquam me locus spūto aspergi aut fœdari potuit.* In vita eiusd. lib. 4. c. 5.

IDEM

Acceperat impostorem quemdam triremibus addictum, quòd se Franciscum Borgiam simulasset, iactassetque. quo intellecto; *Si, ait, triremibus addicitur, qui meum nomen sibi vendicat; quid de me fieri par est, qui non inane nomen porto peccatoris?* Ibidem cap. 1.

HYPOCRISIS.

IESVS CHRISTVS.

DEduxit me scribendi æstus ex salutifera humilitatis valle, ad impios subdolosque omnis nequitiae vestices, HYPOCRITAS. quorum conuersatio congregatioque, quia noxia & sterilis, idèd eos tanta diligentia & cura à nobis eliminandos, toties insinuauit DEI FIIVS: & luculenter quidem, pluribus concurrentibus ad audiendum eum, *Attendite*, dicebat ad discipulos, *à fermento Phariseorum, quod est hypocrisis.* eiulq; naturam & conditionem, alio

alio in loco, præsertim Matth. cap. 23. latè deduxit.
Prouidè etiam monet Ethnicus:

*Cedamus patriâ, vinat Arturius isthîc,
Et Catulus, maneant qui nigrû in candida vertât.*

Luc. cap. 12.

EVGENIVS CARD.

Quapropter non malè sensisse dicendus est iste.
Percontanti enim, quòsnam t̃ celestia maximos re-
putaret hostes; *Hypocritas*, replicauit. Quid ita? illi
enim falsis veri imaginibus, velut quadam Gorgo-
ne armati, cuncta euertere moliantur: quamuis in-
terim cælum ipsum ne corruat, humeris sustinere
videantur. *Auct. dict. Memorab.*

FREDERICVS III. IMP.

Memorabilis quoque & non silenda huius vox.
Audiebat dicentem quemdam è domesticis, se ali-
quando in ea loca peruenturum, in quibus nulli fo-
rent hypocritæ. & dicebat: *Ultra Sauromatas ergo,
& glaciale Oceanum tibi eundum: sed neque cum eò
veneris carebit hypocrisi locus, si modò & tu homo es,
non Deus.* Neminem inter homines reputabat, qui
non aliquâ sui parte fictus fucatusq; sit. *Æn. Syl-
uius de Frederico III.*

ALPHONSVS ARAG. REX.

Æquè illustre est quod sequitur. Cùm post Afri-
canâ victoriâ in Ænariâ insulâ venisset ALPHON-
SVS, audiens Antoniû Picentem ordinis Eremitarû,
magnum hypocritâ vermiculari morbo absumptum;
dixisse fertur: *Ideò Deus tantoperè in hypocritas se-
ruit, quia dum homines decipiunt, Deum ipsum tam-
quam sceleris mediatorem interponant. Ideoque ad-
huc viuentes ut plurimum plectuntur, ut intelligant,
mortales, quanta ea culpa sit, que Deum etiam in ipsa*

vita habeat indubitatum ultorem. Panorm. de
Gestis. & Æn. Syl. de Dict. eiusd.

IACTANTIA, *vide* OSTENTATIO.

IDOLA DII GENTIVM.

S. IVLIANVS MARTYR.

DÆMONIA GENTIVM DEOS pertractamus: de
quorum superstitiosa vanitate quia alio in lo-
co egimus, vnicum dūtaxat vtriusque sexus exem-
plum in præsentī proferemus, quo clarè nobis pa-
teat, quàm liberè eam aspernari olim viri sancti.
Et quidem compulsus iis litare IVLIANVS, abdicato
veri Dei cultu, hac voce Præsidentem compellabat:
Dij vestri lapidei sunt, aut erei. Si erei, meliores eis sunt
cucume, quæ ad hominum vsus è metallo conflantur.
Sin' lapidei, respuendi sunt: quia ex ipsis sternuntur
plateæ ad enadendum lutum. Sur. tom. 1. in vita.

S. ANASTASIUS MARTYR.

Vide ARGVTE DICTA.

S. CÆCILIA.

Nec minùs prudenter & animosè sponsa Chri-
sti CÆCILIA. quæ iussu ab Almachio Præfecto ido-
lorum acerrè thus imponere; *Nescio, aiebat, ubi-*
nam tuos oculos amiseris: nam quos tu deos dicis, ego
& omnes qui sanis oculis sumus, videmus esse lapides,
es, & plumbum.

Heu miseri! qui vana colunt, qui corde sinistro
Religiosa sibi sculpunt simulachra, suumque
Factorem fugiunt, & quæ fecère verentur.

Idem tom. 6. in vita.

S. AGATHA.

Vide ARGVTE DICTA.

Require

Require Apophth. de CHRISTO, & CONSTAN-
TIA RELIGIOSA ET PIA, &c.

IEIUNIVM.

IESVS CHRISTVS.

ARdentes demonũ sagittas IEIVNI frigore re-
stinguẽdas, dicebat Hieronymus: coq; corpo-
ris passiones certo certius sanandas, si debito modo
adhibeatur. Et quidẽ discipuli Ioannis accesserũt cũ
Pharisæis ad IESVM, rogantes: Quare nos & Phari-
sæi ieiunamus frequenter, discipuli autem tui non
ieiunant? audierant enim dicentem eum, se cũ pec-
catoribus versari, vt eos ad pœnitentiam vocaret:
vnde quasi inferũt, Quare ergo non doces discipu-
los tuos ieiunare? quibus ille, ex congruentia tem-
poris argumento sumpto, *Non possunt, ait, filij sponsi
lugere, quamdiu cum illis est sponsus: venient dies, cũ
auferetur ab eis sponsus, & tunc ieiunabunt.* Signifi-
cabat autem præsentiã suã esse causã lætitiæ
& hilaritatis se sequentibus: non luctus aut doloris,
cuius index est ieiunium. Matth. cap. 9.

SYLVANVS ABBAS.

Hic in deserto Scythiæ vnà cum Zacharia disci-
pulo die ieiunij iter faciens, ad cœnobiũ quoddam
diuertit: vbi comiter exceptus, manducauit. cumq;
inde secederet, discipulum in via bibentem repre-
hendit, quod eo potu ieiunium solueret. qui, iam
vterque illud soluimus in cœnobio, ait. cui SYLVA-
NVS; *Minimè, inquit: nam illud non ieiunij solutio, sed
charitatis communicatio fuit.* Existimabat itaq; pos-
se aliquid prægustari in sodalitiõ exteriorum: eum-
que morem Ægypti monachis celebrem fuisse, au-

ctor est Cassianus. Sabellicus lib. 2. Ebor. de Castig. corp.

ANONYMVS ANACHORETA.

Venerant ad eum Cassianus & alij quidam, quos admodum liberaliter accepit. Rogatus autem, cur in fratrum susceptione regulam ieiunij more Palestinæ non obseruaret; respondit: *Ieiunium semper mecum est, vos verò non semper. & quamuis ieiunium res sit utilis & necessaria: in nostram tamen voluntate est. Charitatis autem plenitudinem lex Dei exigit à nobis.* In vitis P P. cap. de Hospital.

ANONYMVS.

Eiusdem mentis iste. Diuerterant ad eum quoque duo Eremitæ illius incolæ: quos, licet ipse vespere de more cibum non caperet, humaniter ad cellam & mensam deduxit, dicebatque: *Ieiunium suam mercedem habet. Qui manducat propter charitatem, duo mandata implet: quoniam propriam voluntatem à se abdicat, & mandatum implet, reficiens fratres.* Ibidem.

MARCIVS ANACHORETA.

Neque minori admiratione dignum reor MARCIANVM: qui cum Anitum se inuisentem ad vescendum hortaretur, & is recusaret quod ante vesperam cibum non sumeret; Nos quoque, inquit, *eandem quam tu viam amplectimur & vitam: ieiunium cibo preferimus, quo etiam ante vesperam non utimur: at charitatem ieiunio prestantiorem scimus, utpote quæ lege Diuinâ præcipitur, cum illud sit nostri arbitrij & voluntatis.* Theod. in histor. Sanctorum Patrum, cap. 3.

S. BERNARDVS.

Arguebatur aliquando hic, quod ad hospitem aduen-

aduentum extra ordinem cœnasset. at, *Non ego, inquit, sed charitas comedit & bibit.* Aen. Sylu. lib. 2. Comm. in Panorm.

S. LEO PONT.

Quantæ verò vtilitatis sit cum bona rectiq; conscia mente ieiunium, crebrius inculcatum à LEONE accepimus. cui in ore ea vox : *Parum fructuosè corpori esca subtrahitur ; nisi mens ab iniquitate renouetur.* Hinc in quadragesimali Hymno canit Ecclesia :

*Sic corpus extra conteri
Dona per abstinentiam,
Ieiunet ut mens sobria,
A labe prorsus criminum.*

In vita eiusd.

S. HIERONYMV.S.

Ille etiam Saluiam ad hanc corporis castigationem cohortatus, *Melius, inquiebat, est stomachum tuum dolere, quam mentem : imperare corpori, quam seruire : gressu vacillare, quam pudicitia.* In Epist. ad eandem.

YPERICIVS ABBAS.

Hic autè percontanti, quid esset Ieiunium; *Frœnum,* aiebat, *Monachis aduersus peccatum. Qui autem illud abiiciet, velut equus furens desiderio fœmina rapietur.* In vitis PP. part. 2.

THOMAS MORVS.

Valet autem in Ieiunio, quod in aliis virtutum operibus locum habet, illud : Fides libenter accipit quidquid arduum videtur incredulis ; vt de Quadragesimali ieiunio scripsit Augustinus. at nostri temporis Politici & hæretici, iuxta Persarum & Ægyptiorum institutum (cui adhærere malunt, quàm Ecclesiæ Catholicæ & S. S. Patrum decretis) non

nisi propter modestiã quamdam, & carnis infrenate dominium abstinere, quocumque tandem die. quibus non minùs sapienter quàm facetè respondit THOMAS MORVS, Christi martyr celeberrimus; *Hoc si ita est, inquit, nec coniugati faciliè ieiunabunt, qui facilius remedium in promptu habent: neque etiam virgines, ne impudici iuvenes eas à carnis illecebris titillari aduertant: denique nihil hoc aliud est, quàm ut suam quisque libidinem prodat.* Th. Stapl. in vita eius, cap. 12.

Lege tit. de ABSTINENTIA & CASTIGATIONE CORPORIS.

IGNORANTIA.

COMES AVIONENSIS.

IGNORANTIAM, quæ, Boëtio teste, miseros trahit deuiò abducit, plures in seipsis laudasse accepimus; neque expendisse illud Senecæ in Octauia: *Inertis est, nescire quid liceat sibi.*

Ita Ludouicus Franciæ Rex, non ille quem pietas & doctrina commendauit, COMITEM AVIONENSEM in cœnobio S. Martini de Turri, inter canonicos in choro Psalmos decantantem, scommate & risu excepit. qui non minùs liberè, quàm eleganter subintulit: *Rex indoctus, est asinus coronatus.* Corozetus.

ANONYMVS.

Venerat ad presbyterum illiteratum & ignarum quispiam homo (vt apparet) facetus. qui dum multa ex eo inquireret de Scripturarum explicatione, alter se nescire fassus, hunc locû in medium attulit; *Littera occidit.* quod scitè excipiens ille: *Bene canisti,* ait,

ait, *mi Domine, ne te littera occideret, quia nullam cal-
les.* De quo ita lufit Th. Morus in Epigramm.

Magne pater, clamas, Occidis littera: in ore

Hoc unum, Occidit littera, ſemper habes.

Cariſti benè tu, ne te vlla occidere poſſet

Littera: nam nulla eſt littera nota tibi.

Vide Apophth. de DOCTRINA IN PRETIO

HABITA. item, INSCITIÀ.

IMPERIVM, EIVSQUE AD- MINISTRATIO.

IOVIANVS IMPERATOR.

IMPERIVM ob oculos ponimus: cuius prudens
rectaſque adminiſtratio, populũ ſeruitutis atq; in-
teritus euidentibus periculis eripit. Qui Iuliano
Apoſtatę ſucceſſit IOVIANVS, cùm ad imperiũ con-
cordibus populi votis vocaretur; clamabat: *Ego*
Chriſtianus ſum, infidelibus nolim imperare. inſi-
nuans non eſſe poteſtatem niſi à Deo, eaſque vten-
dum non eſſe apud eos qui Deum ignorant.
Niceph. lib. 10. cap. 13. Eutrop. lib. 11.

LEO MAGNVS IMPERATOR.

Et huius cæleſte dictum. Dum quidam ab eo vr-
bis præfecturam petiiſſet, eaſque alteri contra ſpem
data eſſet; apprehenſa Imperatoris purpurâ, *Qui,*
inquirebat, tali purpurâ ornatur, mentiri non decet.
Cui IMPERATOR: *Sanè hoc quoque Imperatorẽ decet,*
nemini cedere, aut ſubditum eſſe, maximè ubi id cum
Reipub. incommodo fieret. Cedrenus in Leone.

MICHAEL IMP.

Quid autem iſte? Hortabantur eum amici, ſe for-

X 5 titer

titer Leoni opponeret, remque armis experiretur. At is agrè ferens se ad bellum civile incitari, missò ad Leonem diademate & purpura, vltro imperio regnoque cessit, dicens: *Malum vitam propriam amittere, quam vel unam Christiani sanguinis guttam effundere, aut meo nomine effusam cernere.* Cedren. in vita.

THEOPHILVS IMP.

Eiusdem Cedreni auctoritate constat, THEOPHILVM Imperatorem contemplatum quadoque è vestibulo palatij nauè onerariam plenis velis portum petentem, rogasse cuius ea esset: dicentibus quibusdam, Theodoræ tuæ coniugis; *Quid, inquit, nescitis me diuinitus in Imperatorem euectum, vxorque mea nauclerum me facit? Anne vlla umquam reperta est Augusta, que maritum suum viderit mercatorem?* iussitque è vestigio nauem cum mercibus & armamentis flammis tradi. Ibid.

SIGISMVNDVS IMP.

Interrogatus, quem virum imperio dignum existimaret; *Eum*, aiebat, *quem neque res secunda extollerent, neque aduersa deprimerent.* Benè Claudian.

— *Tunc omnia iura tenebis,*

Cum poteris Rex esse tui.

Æn. Syl. lib. 4. Comm. de Reb. Alphonfi.

VALENTINIANVS IMP.

Quamuis autem eximia laude non careat recta imperij regni que administratio, suas tamen difficultates habet & pericula. ita vt verissimū sit illud, Honores onera. Cōtemplatus est id VALENTINIANVS Imp. à quo dum Salustius quidam, pro nauatâ in eiusdem electione operâ, eam gratiam posceret, vt præfecturæ oneribus quâ perfungebatur, liberare-

beraretur; *Ideòne*, ait, *hanc mihi molem imposuisti, ut ne digito eam attingeres.* Zonar. tom. 3. Annual.

ALPHONSVS ARAG. REX.

Voluebat idipsum animo ALPHONSVS. qui non ignorans perdifficilem regni imperiique administrationem, eò quòd tam varia essent iubditorum ingenia & sentus; dicebat: *Quàm optarem quemuis popularium meorum Regem fuisse! tum demum quippe experti, Regum Principumve curas agnoscerent.* Panorm. lib. 3. de Gest. ciuisd.

Vide Apoph. de REGE & REGNO, ac PRINCIPLE.

IMPIETAS. *Require* BLASPHEMIA,
IN CHRISTIANOS ODIVM, &c.

INCONTINENTIA. *Vide* LIBIDO.

INFERNVS.

ABBAS OLYMPIVS.

SVbeat nunc animum inextinguibilis ille ignis, Sin Dei furore (vt loquitur Scriptura) succensus: qui succensione non indiget, & ardore quo impios adurat, non caret: cuius vel sola cogitatio peccati libidinem refrenat, & in Dei amore proficiamus, impellit. Ita ABBAS OLYMPIVS, cùm cellulam per exiguam incoletet, quam & æstus impetebat & cyniphum aculeata turba, rogatus, quî in ea tanto tempore moraretur; *Libens*, respondebat, *istâ to- lero. ut futuris cruciatibus eripiar. Cyniphe quippe perfero, ut immortalem effugiam vermem; Ignem verò, sempiterni ardoris supplicia, perhorrescens.* Climac. in Prat. Spirit. cap. 141.

ALE-

ALEXANDER ABBAS.

Venerat ad eum quidam è fratribus Eremitis querulus quòd acedia animique torpore infestaretur; ideoq; locum mutare se velle affirmabat. Cui ALEXANDER: *Fili-signum est te neque calorum neque inferorum regnum in mente habere: nam qui ista concipit, crede, acediam non sentit.* Ibid. cap. 142.

FRANCISCUS BORGIA DVX GAND.

Et quis BORGIAM non eloquatur? Tertianâ laborabat graui & ardente: cumque alterno ac nouercali die recurrente, ignis medullas concoqueret; *Ecquanam*, inquebat, *illos flamma vrunt, qui ob flagitia apud Inferos aeternas pœnas sustinent: quiq; expiante igne, cum certa beatitudinis spe purgantur.* Ribad. in Vita, cap. 5.

THOMAS MORVS.

Prodeat hîc etiam MORVS: vir, si alius vllus, religiosus & timoratus. qui percontanti, quânam expeditum magis ad Inferos iter redderent; dicebat: *Luxus & libido.* quod etiam hoc disticho, Progymnasmatibus suis inserto, indicauit:

*Si quis ad infernos properat descendere Manes,
Huc iter accelerant Balnea, Vina, Venus.*

In Epigramm. Th. Mori.

SENEX ANONYMVS.

Res mira quam refert venerabilis Beda. Senex quidam vitę restitutus in Ereum cōcessit: vbi supra hominem austeram & religiosam vitam duxit. Increpabant vicini, quòd se enecaret. quibus ille in lacrymas solutus: *O vtinam vobis datum ea videre, quæ ego vidi! certo certius adfirmo, has pœnas nihil esse ad aeternas illas, quæ mihi visa.* Beda de Gest. Angl.

ANO.

ANONYMVS.

Fuit hic Ministellus Lutheranorum, qui magna vocis contentione in Purgantem ignem fuerat debacchatus, ita vt illum iam planè se sustulisse gloriaretur. cui vir quidam primarius: *Tu quidè Purgatorium dicendo sustulisti, vtinam etiam infernum auferres.* Nimirum, vt omni prorsus timore sublato, liberè in quoduis scelus prolabamur. Hist. nostri temporis.

INGRATITVDO.

CASTRVTIVS LVDOVICI IMP. PRÆFECT.

QVemadmodù nihil rationi conformius, quàm beneficium beneficio cōpensare: ita nihil magis ab ea remotius, quàm beneficiorù acceptorum obliuisci, & gratiā ingratitudine præmiari. Cōquerenti apud Pisas corā Ludouico Imp. de CASTRVTIO, quòd se probris affecisset, Guidoni Tarlato, ei-que ingratitudinem obiicienti, germano sermone respondit CASTRVTVS: *Bestia calcaribus & fustibus opus suum exequuntur: nec de ingratitudine credendum ei, qui numquam fuit gratus.* Imperatore verò in cachinnum soluto, Tarlatus, eo non salutato, equū conscendit, & abiit. Auët. Serin. Conuiu.

ALPHONSVS ARAG. REX.

Obiurgabatur, quòd in Aluarum Lunam, hominem planè sibi ingratum, tanta cōtulisset beneficia, quorù ne memoriam quidem haberet. &, *An ignoratis*, inquit, *ingenti beneficio non nisi ingenti ingratitudine satisfieri?* Et sanè:

Obruit ingentes ista procella viros.

Panorm. de Gest. eiusd.

FRAN-

FRANCISCVS BORGIA DVX.

Huius item frequens illa vox, præsertim cùm aucupio vacaret: *Carniuoras feras agreste ingenium exure, atque mansuetas reddi, quis non miretur? hominem verò rationis & orationis participem, tot tantisq; beneficiis ornatum, ad cò ingratum, ut vocanti Deo parere nolit?* Ribad. in Vita, lib. 1. c. 5.

ANONYMVS.

Quidam multis beneficiis affecerat hominem rusticum & agrestem: qui tamen benefactorè suum miris modis laceßere non desinebat. quod intuitus ille, *Hem!* inquit, *quàm verum est commune adagiũ:*

Si ungis, pungit: si pungis, rusticus ungit.

Auct. Sermon. Coniuual.

BELLISARIVS IVSTIN. IMP. PRÆFECTVS.

Require INVIDIA.

ALPHONSVS ARAGONIVS.

Quid? iam ingratitudinis limites emensum reuocat me & reducit ALPHONSVS. qui offensus cuiusdam, de quo optimè meritis erat, ingratitudine, hoc se dicto repressit: *Quare ego isti succenseo? cùm Deus ampliora in me beneficia contulerit, & ego longè Deo ingrator sim, quàm hic erga me fuit?* Ita hæc virtus in magnis & heröicis animis elucet: cùm indomitæ mentis sit, indomitæ etiam iræ laxare frēnos. Ioan. Strigelius.

THOMAS MORVS.

Videbat vir inclytus & summus, homines tam facilè beneficiorum obliuisci, tardè autem maleficiorum. & ait; *Beneficia pulueri; si quid mali patimur, marmori insculpimus.* Thom. Staplüt. in Vita, cap. 11.

INSCI-

INSCITIA.

ARSENIVS ABBAS.

Scire aliquid laus est, pudor est nil discere velle, saiebat magnus Cato. Sunt tamen qui etiam INSCITIÆ suos fructus & emolumenta adscribunt. Et quidem ABBAS ARSENIVS, percontanti Euagrio monacho Græcarum litterarū peritissimo, cur monachi Ægyptij rudes alioquin & indocti, tantis essent virtutibus ornati præ aliis; respondit: *Nos, qui alienis confidimus laboribus, nō possumus ita tamquam ex propriis fructum percipere: ij verò qui in propriis laboribus occupantur, meritò etiam proprios fructus colligunt.* Sur. tom. 4. in Vita.

S. ANTONIVS.

Famâ nominis eius permoti quidam Philosophi, cū ad eum venissent, & velut indoctum despexissent; ad illos conuertus, *Quidnam, inquit, prius est, sensus, an litteræ?* item: *Sensusne ex litteris, an è conuerso, ex sensu litteræ?* Asserentibus autem sensum esse auctorem & inuentorem litterarum, Ergo, intulit ANTONIVS, *cui sensus incolumis est, hic litteras non requirit.* Athanas. in Vita.

S. AVGVSTINVS.

Quid ille? audiuerat mira narrantem Potitianum de conuersione quorundam aulicorum ex lectione vitæ S. Antonij: & Alipium qui fors aderat, inuadens, *Quid? inquit, surgunt indocti, & calum rapiunt: & nos cum doctrinis nostris sine corde.* Ecce ubi volutamur in carne & sanguine. Coll. ex lib. 8. Confess. cap. 8.

DOMI-

DOMINICVS IDIOTA.

Erat is religiosæ & laudabilis vitæ, at planè infcius. cui cùm aliquando Gerardus à Nazaretho vellet litterarum elementa tradere, eaque addiscere ei esset perdifficile, dicebat: *Verè magis Deo placere potero instè vincendo, quàm si tempus perdidero horum quidquam inutiliter addiscendo.* Gerard. à Nazareth, cap. 6.

ANONYMVS

Roganti cuidam, cur infcij & indocti vsque adeò amplectantur suas commentatiunculas, & si quid fortè oportunius dicant: *Miraris?* inquit. *Quòdnam queso animal impensius amat suos fœtus, asino & simia?* Appositè certè, infcios alinis & simiis comparabat. Ita enim eorum personam induens Persius, cauillatur:

Non ego cùm scribo, si fortè quid aptius exit,

Laudari metuum: neque enim mihi cornea fibra est.

Auct. Serm. conuiual.

Huc refer Apophth. de IGNORANTIA,

DOCTRINA, & ERUDITIONE.

INTEGRITAS VITÆ, INNOCENTIA.

IESVS CHRISTVS.

INNOCENTIÆ puritatem, verum omnium virtutum fontem, amplectimur: quam Christianum populum decere, vel maximè ex eo constat, quòd DOMINVS NOSTER suos adhortatus, subiūgat quasi concludens: *Estote ergo prudentes sicut serpentes, & simplices sicut columbæ.* Et iterùm alio loco oves eos nominat, & agnos: oves quidem, vt innocen-

tia Christiana ouibus æquetur; agnos, vt agnorum naturam simplicem, mentis simplicitas imitetur.

Matth. cap. 10.

Require CONSCIENTIA BONA.

ALPHONSVS ARAG. REX.

At in ALPHONSO etiam admirabilis hæc virtus fuit. qui percontantibus suis, cur rariùs satellitio stipatus incederet; respondebat: *Innocentiam comitem habeo.* Innuebat autem REX prudentissimus, eum demum ab omni improborum incurſu munitum, qui propriam innocentiam habet comitem: adeoque verum esse illud Horatij:

Integer vita, scelerisq̃ue purus,

Non eget Mauri iaculis, nec arcu, &c.

Panorm. lib. 2. de Gest. eiusd.

ALBVQVERTIVS PROREX INDIE.

Veniat & ex vltimis orbis finibus ALBVQVERTIVS. qui, dum grauis tempeſtas ingrueret, & quâ vehebatur, nauis in discrimine eſſet, vidit puerum aquis in nauim deſluentibus penè ſuffocatum. quo, & ſimul animo arrepto, *Huius*, aiebat, *innocentiâ fretus, conſido me Chriſti benignitate è fluctibus emerſurum.* Audiit Chriſtus, adfuit, & emerſit. Oſor. lib. 8. de Reb. Eman.

INTEMPERANTIA.

MACARIUS ABBAS.

Quemadmodû omnes appetitiones ſedat Temperantia, & efficit vt rectæ rationi pareant: ſic huic inimica INTEMPERANTIA, omnem animi ſtatum inflâmat, conturbat, incitat. Vnde MACARIUS accedenti ad ſe è fratribus cuidam ſub meridiem,

Y qui

qui præ æstu aquam ad restinguendam sitim postulabat, eiusdem intemperatum bibendi desiderium temperavit, dicens: *Umbra tibi sufficiat: multi namq; nunc iter agentium, aut nauigantium, hac relevatione priuantur.* Socrat. Trip. hist. lib. 8. cap. 1.

ALPHONSVS ARAG. REX.

Neque caruit hac laude ALPHONSVS: qui, contemptus quàm insatiabilis esset humanus animus, & ——— quòd nemo quam sibi sortem

Seu ratio dederit, seu fors obiecerit, illa

Contentus viuat:

dicebat: *A diis olim, Ioue, Neptuno, & Plutone, omnia trifariam sorte diuisa; & quisque ea contentus, quæ sibi obtigit. Homini vero, neque quod satis, neque quod minus, satis umquam est.* Panorm. lib. 4. de Gestis Alphonfi.

INVIDIA.

BELISARIVS IUSTIN. IMP. PRÆFECTVS.

Aggredimur, -quo Siculi non inuenère Tyranni
Maius tormentum, ———

INVIDIAM, dirum homini exitium. Cuius viuum exemplar est BELISARIVS. dum namque subactis Vandalis, actoq; de Persis triumpho, Iustiniano Imp. suspectus redderetur, oculis eius iussu orbatur. At is tugurium ad viam regiam cōstrui curauit, vbi stipem à prætereuntibus sibi erogari, hac verborum formula postulabat: *Viator da obolum BELISARIO: quem Virtus extulit, cecauit INVIDIA.* Procop. & Crinit. lib. 9. cap. 6.

CAROLVS V. IMP.

Quid autem magnus ille CAROLVS? Postulabat ab eo

ab eo Dux Gandiæ Borgia, sæculum deferendi facultatem; & non obstante quòd prudenti eiusdem consilio opus haberet IMPERATOR, impetrauit. Tū adstantes ita compellans CAROLVS; *Ego de hoc factō, ait, sic sentio: plures eius emulos futuros, quàm imitatores.* Legerat fortassis illud Silij Ital. lib. 1. Bell. Pun.

Dum malus obtreētat facta immortalia linor,

Non finit adiutas ductoris crescere laudes.

Ribadin. in vita Borgia, lib. 1. cap. 20.

ACTIVS SINCERVS.

Re & nomine sincerus ACTIVS, hanc etiam pestem exosam habuit. cumque aliquando coram Frederico Cæsare altercatio incidisset inter Phyticos, quidnam potissimum oculorum perspicuitati conducere; variis varia suadentibus, subintulit ille: *Nihil vsque adeò huic morbo medetur, quàm Invidia.* Obstupuēre Imperator & medici. ad quos ACTIVS: *Numquid invidia omnia facit maiora & ampliora?* protulitque Ovidianum hoc distichon:

Fertilior seges est alienis semper in arvis,

Vicinumque pecus grandius vber habet.

Pontanus.

ANONYMVS.

Habebat hic Demeam, hominem inuidum, sibi familiarem. de quo rogatus, cur ita demisso in terram vultu & luminibus incederet; *Quia,* inquit, *alterius prosperitate dolet.* Hoc enim inuidorū proprium, obstipo capite lumine terram figere, & exporrecto labello aliorum felicitatem trutinari. Ex relatis Auſt.

IOCOSE DICTA.

CLAVDIVS VIEXMONTIVS.

POterat sub aliis præfens titulus contineri : at quia vrbano loco sua elegantia & lepos non deest, hunc etiam sub breuitate transcurrimus. CLAVDIVM VIEXMONTIVM referunt, dum confessionem cuiusdam excepiſſet, qui clandestinas demonis suggestiones detegere trepidabat, iocatum: *Na tu es fidelis diabolo ſecretarius. quippe qui times, ne fidem apud eum perdas, ſi peccata ab eo ſuggeſta, in confeſſione prodas.* In Inſtit. de ſal. Pœnit. peccator.

S. FRANCISCVS.

Commemorat de iſto Nauarrus, quòd rogatus quà perrexiffet homicida, qui iuxta eum tranſierat; manus per manicas emittens, reſpondit : *Iſthac non tranſiit.* videlicet per manicas. Vnde concludit cū Adriano Nauarrus: Qui ſic iniquè interrogatur, poteſt optimè reſpondere quod nescit, intelligendo non eo modo ſe ſcire, quo illud dicere teneatur. In Manuali cap. 12. num. 8.

LVDOVICVS XII. GALL. REX.

Lubens hunc infero, eiufque iocos laudo. Narrabat apud eum Alexander vir doctus, ex veterum monumentis, ſacerdotes olim ſolitos & cane & capella abſtinere : vt non attingere modò, ſed ne nominare quidem eis liceret. & ille; *Pefſimè, inquit, hoc ſeruatur ab Alebreti filio* (erat iſ. S. R. E. Cardinalis) *qui & capræ carnibus, Biarnenſium imitatus mores, pro deliciis vitur; & agmen canum venandi gratia ſuſtentat.* Paul. Æmil. in Vita.

I D E M

IDEM

Referenti cuidam, Valentinum Borgiam à Con-
saluo contra iusiurandum retentum, & vinctū mis-
sum ad Ferdinandum; Ergo, ait, *posthac pro Punicâ*
Hispanicam fidem sumus celebraturi. Idem.

ALPHONSVS ARAG. REX.

Claruit etiam hoc dicendi lepore ALPHONSVS.
quo Virgiliana lectione occupato, & quidem vbi de
Didonis morte agitur, dum fortè terramotus con-
citatus esset, aliis obstupentibus, *Anne*, dicebat, *mi-*
rum vobis videtur, si in morte tam celebris Regine
terra intremiscit? Panor. lib. I. de Gest. eiusd.

MINACIVS.

Quidam hoc nomine, dum alex iactu pecunias
& vestes perdidisset, nudus ante tabernam conse-
dit, grauitè eiulans. Cui è familiaribus vnus: Cur
in tantum ploras? quid habes? Ille, *Nihil*, inquit.
Cur ergo ploras? subintulit alter. *Idèò*, inquit M I-
NACIVS, *quòd nihil habeam.* Pog. in Facetiis.

DECOCTOR ANONYMVS.

Dum sua DECOCTOR subeuntem limina furem

Quærere speratas nocte videret opes;

Nocte quid in nostris circūspicis adibu? inquit:

Hic ego nil mediâ cernere luce queo.

ANONYMVS.

Habebat hic ancillam obesam & præpinguē, cui
pro deliciis erat frequens vsus salis & vini. rogatus
ille, cur ea ita perpetuò sisteret & excitaret sitim; ait:

Ne caro præpinguis, sale non condita, putrescat,

Nostra vorat multum Phyllis obesa salis.

Hinc ne concipiat duros vesica lapillos,

Se liquido semper perluit illa mero.

Collig. ex G. Sabini Poëmatib.

I R A.

IOANNES ABBAS ET PESIVS ANACHOR.

IRAM, quam Insanię initium nuncupavit Ennius, in proscenium post locos adducimus, quod hi plerisque aliquando subitę iracundię causa & fomes. IOANNES monasterij in Scythia ABBAS, cüm ad PESIVM Anachoretam visendum venisset, ab eoque inquisivisset quantũ in solitudine (in qua per annos 40. vixerat) profecisset; respõsum hoc ab eo accepit: *Sol omnia perlustrans, numquam me adspexit manducantẽ.* cui ilicò adiunxit IOANNES: *Neque me iratum.* Haud minoris meriti existimans nõ irasci, quàm corpus quotidiano ieiunio atterere. Benè monet Statius 8. Theb.

————— *Ne frena animo permitte calenti,*

*Da spatiũ tenuemq; moram: malè cuncta ministrat.
Impetus.*

Marul. lib. 3. Ebor. De pace & concord.

PASTOR ABBAS.

Mirum, quantum primores illos Eremiti incolas & Anachoretas deterruerit IRACUNDIA, & ad eam proclivitas. Rogabat PASTOREM familiarium quispian, quo sensu illud Evangelij accipiendum esset, *Qui irascitur fratri suo sine causa, &c.* *Qui* iustę irę causam definiuit hoc modo: *Tum demum ex causa irasci potes, si à Deo timeas separari: qui ob alias iniurias irascitur, sine causa irascitur.* Quàm remoti ab hoc sensu ij, quibus ob atomum excitatam bilis finditur. Ita vt

————— *Arcadię pecuaria rudere credas.*

In vitis PP. Marul. suprà.

MONA-

MONACHVS ÆGYPTIVS.

Illum prioribus subnecto, utpote eiusdem cum illis sensus. Interrogatus enim, cur in tantū se omnibus corporis voluptatibus subtraheret; respondit: *Vt hac ratione omnem Ira causam praece dam. Ira enim ut de voluptatibus generatur, ita etiam voluptatum suppressione sopitur.* Nic. Call. lib. II. hist. Eccl. cap. 43. ex Euagrio.

MACARIVS MONACHVS.

Addi meretur MACARIVS. qui sciscitanti, quid ita iniuriarum erga homines memoriam tenentes, vim animæ reminiscendi enecaremus; aduersus demones autem, cum acceptorum ab eis malorum reminiscimur, detrimentum nullum sentiamus; respondit: *Ideo hoc fit, quod prior illa affectio præter naturam, posterior secundum naturam sit.* Ibid.

IRRISIO.

FLANDRI POPVLI.

A Bominabilis est Domino omnis IRRISOR, & illufores deludit: ut habet inter Prouerbia Salomon. Quod FLANDRIÆ POPVLO olim euenit: rebellabant & tumultuabantur aduersus Ludouicum suum Comitem; qui Philippum Valesium Franc. Regem in auxilium vocabat. Quo audito, illi Gallum gallinaceum lineo panno expressum ediotiori loco collocant, & cum eo hanc vocem inclamant: *Cum hic gallus resonabit, Rex repertus* (ita Philippum, quasi illegitimè ad regnū vocatum, appellabant) *Casletum occupabit.* Ast & illud paulò post, & omnes eos occupauit: magno & merito eorundem damno. Ann. Franciæ.

Paullò mitior ille. Promouerat ad consilium hominem indoctum & inexpertem. accurrunt ad eum plures, qui de eiusdem inscitia conquerantur. quibus ille: *Quot numero estis in palatio?* alij, Cētenario, inquirunt. Infert LYDOVICVS: *Quid? vos tanto numero non sufficitis ad rem quamuis discutiendam?* & ita confusos dimisit. Corozet.

STEPHANVS MOLDAVIÆ COMES.

Irrupērant in eius fines plura Turcarum millia; quibus se ita fortiter opposuit, vt breui tēporis spatium omnes fuderit, profligarit, & bonam partem ceciderit, ac Oratores ad Byzantij Imp. cum muneribus & hoc dicto mittit: *Latrunculi aliquot Turcici, nescio cuius instinctu, meos fines depopulare ausi: sed, Deo comite, suae temeritatis mihi pœnas dedere. Si similes illis adhuc tibi supersint, velim ad me eos destinari, quò & illi meritas pœnas luant.* & ita tanti Imperatoris potentiam quasi sibilo & cachinno excepit. Paral. Ab. Vsp. pag. 452.

IVDEX, IVDICIUM.

IESVS CHRISTVS.

AD IVDICIUM properamus, & IVDICEM: qui, vt sol non alius pauperi est, alius diuiti, sed omnibus communis; ita nec personam spectare debet, sed rei æquitatem. Reprehensus COÆTERNVS DEI FILIVS apud homines agens, quòd Sabbato curasset; *Nolite*, respondit, *secundum faciem iudicare, sed iustum iudicium indicate.* Iudicare dignè de subditis nequeunt (inquit Greg. in Moral.) qui in subdi-

subditorum causis, vel gratiam vel odium sequuntur. Ioan. cap. 7.

I D E M.

Quin & verum illud Terentij esse, Iudicem videre oportere, ne quid accusandus sit; idem clarè edocuit, dum ad eum Scribæ & Pharisei adducunt mulierem in adulterio deprehensam. inclinans enim se deorsum, digito scribebat in terram: cumq; persequerentur interrogantes, erexit se, dixitque: *Qui sine peccato est vestrum, primus in illam lapidem mittat.* Quo audito, vnus post alium abiit. Natura quippe Apophthegmatis est, compescere aliis insultantes. Ioan. cap. 8.

CÆCVS EVANGELICVS.

Tantum autem meritò iudicare cuiuslibet licere, quantum in seipso expertus est; docuit suo exemplo CÆCVS ille EVANGELICVS, qui à Domino visum recepit. Iudæi quippe eum vocantes, compellant, Da gloriam Deo, nos scimus quia homo peccator est. qui respondit: *Si peccator est, nescio: vnum scio, quia cæcus cum essem, modo video.* Ioan. cap. 9.

LIBERIVS EPISCOPVS.

Rogabat hunc Constantius Imperator, subscriberet proscriptioni & excommunicationi Athanasij. qui prudenter & discretè, O Imperator, inquit, *iudicia Ecclesiastica decet cum maximâ proferri iustitiâ.* Trip. hist. lib. 5. cap. 17.

BOSO, REX ARELATENSIS.

Hunc eo iustius libet addere, quod verè iustitiæ iudicii que in seipso exemplum exhibuerit. Cum namque ob alapam Episcopo suo sacris operanti inflictam, apud Othonem primum Rom. Imp. capitis damnatus esset, & Archiepiscopus cum clero pro-

illo intercederet; ipsemet reus se eorundem supplicationi opponens, *Non est aquum*, inquit, *ut re-
ctum Imperatoris iudicium executioni non mandetur:*
cum non conveniat vel ullum verbum è principis ore
frustrà egredi. Munsterus libro 2. Cosmogr. de
Arelato.

ALPHONSVS ARAG. REX.

Clementissimus etiam ALPHONSVS, nūquam ita
mansuetudinis & noxiæ lenitatis ingressus est fines,
ut iudicij aequitatisve planè sit egressus. Quare cum
equitum suorum quispiam multa per luxum & li-
bidinem absorbuisset, & grauitè ære alieno oppri-
meretur; intercedentibus aliis, ne quod ære nō pos-
set, corpore lueret; respondit: *Si tantum pecunia in*
sui regis aut patriæ commodum expendisset, audirem.
nunc quoniam tantas opes impendit corpori, par est
ut corpore luat. Panorm. de Gest. eiusd.

TROCHONVS PRÆSES.

Habeat inter ceteros locum TROCHONVS Gra-
tianopolitani Senatus Præses. Erat vir nobilis, qui
furore potius percitus, rusticum ense districto ag-
grediebatur. Hic fugam capit: at frustrà, altero in-
stanter eum consequente. quid faciat? machæram,
quam fortè secum habebat, educit: minas adiiciens
iustæ defensionis. Alter vitæ prodigus, innocentem
vrget & pellit: donec ab eo ipso, & loco & vita per
machæram pellitur. Res ad TROCHONVM iudicem
delata: qui, æquitatè causæ attentâ, *Licuit*, inquit,
machæra se contra ensẽ tueri. & id rectè. cum liceat
vim vi repellere, adhibito (ut dicunt Canonistæ)
inculpatæ tutelæ moderamine. Eiusd. Trochoni,
in Decretis Curiz.

PRIN-

PRINCEPS ANONYMVS.

Adiiciam & aliud facetū. Quodam PRINCEPE ad venationem egrediente, Astronomus qui fortè in illius aula, rogatus qualis aura futura esset; serenam prædixit. quod audiens colonus, pluuiam asserit, idq; euidētibus signis. Vix nemora ingressus PRINCEPS, densissimus imber oboritur. Laudat itaque colonum suum; &, *Ita censeo*, inquit, *astrorum cursui posthac intendas: tu verò (ad Astronomum versus) ad rastra te promptius conferes.* Idem Georgius Sabinus ita expressit:

Dixerat Astrologus calum sine nube futurum,

Principe silvarum lustra petente suo.

Dixerat e contra ruiturum nubibus imbrem,

Vertere consuetus bobus arator humum.

Vix ingressus erat Princeps nemus ilice densum,

Cum subito pluuie præcipitantur aquæ.

Laudat aratorem Princeps, ipsumq; doceri

Astra: sed Astrologum sumere rastra iubet.

IVDEX CORRVP TVS.

INNOCENTIVS VI. PONT.

ABduci nōnumquam, imò plerumq; hoc quo, Iudices, & excæcari largitionibus potentūm, testis est experientia. Quod suis tribunalibus vitium proscribere conatus INNOCENTIVS, sacri palatij auditoribus stipendia cōstituit, ne muneribus pellekti, contra æquum decernerent. Dicebat autem: *Fame-lici non facile alieno cibo abstinent, si quouis modo obla-
ta sit edendi facultas.* insinuās quod in Sermonibus Horatius, ——— *Malè verum examinat omnis*

Corruptus index.

Platina in Vita.

ALE-

Re & nomine SEVERVS iniustitiæ vindex & victor iste. Intellexerat Vetronium Thurnium virum genere nobilē, munera ab his & illis accipere, quibus multa se apud Cæsarem posse persuadebat. eum itaq; comprehensum & palo alligatum, fumo suffocari iussit, & per præconem clamari: *Fumo puni-
tur, qui fumos vendidit.* Et mirum in modum suo fa-
uore prosequabatur eos,

— *est animus quibus*

Rerumque prudens, & secundis

Temporibus dubiisque rectus;

Vindex auara fraudis, & abstinens

Ducentis ad se cuncta pecunia.

Ex Chron. orbis refert Georg. Richter.

IVDICIVM NON TEMERE FERENDVM.

NICODEMVS.

Sapientiam Iudicis ex eo spectari, vt non solum quid possit, sed quid debeat etiam; neque quantum sibi permissum, sed quatenus commissum, ponderet; auctor est Tullius. His enim perpensis, non temerè quis ad ferendum de quodiam IVDICIVM se ingeret: quod etiam sentiebat olim NICODEMVS. Nam cum Pharisei multa de Christi operibus ex seruis Pontificum aliisque audirent inuiti, eos acrius perstrinxere, seductosque esse, imò & maledictos inclamare. quibus NICODEMVS (ille, qui venerat ad Iesum nocte) *Numquid lex nostra indicat hominem, nisi prius audierit ex ipso, & cognouerit quid faciat?* Non temerè ergo, sed ex causæ & æquitatis cogni-

cognitione procedendum insinuat. Ioan. cap. 7.

MOYSES ABBAS.

Quid de illo? accersēbatur vt de fratre qui deli-
 querat, sententiam diceret. Venit, saccumque arenā
 plenum humeris detulit. Rogatus, quidnam illud
 esset; *Peccata, inquit, mea sunt, quæ vix ferre praua-*
leo, minimè ergo aliena indicauero. Iac. de Vorag.

PASTOR PRESBYTER ET MONACHVS.

Venit ad PASTOREM religiosus quispiam, de cœ-
 nobio exire contendens, eò quòd cum fratre, qui
 malè apud quosdam audiebat, remanere nollet cui
 ille: *Ne facile malum credideris, quod audisti* cum-
 que alius se ex relatu viri fidelis id accepisse assere-
 ret, adiecit: *Si fidelis esset, numquam id tibi dixis-*
set. Idem.

S. FRANCISCVS.

Idipsum nobili exemplo etiam testatus est FRAN-
 CISCVS. qui, dum iter agens, incidisset in hominem
 miserum & nudum, ingemuit, eiusq; nuditati con-
 doluit. At frater illi comes; Quid, inquit, mœrore
 consumeris pater? et si hic indumentis indiget, ab-
 undat forsan concupiscentiis. FRANCISCVS amoris
 fraterni non dissimulator, iussit protinus suâ se tu-
 nicâ detegeret, & pauperem contegeret; addens:
Disce non tam temerè de proximo tuo iudicium ferre.
 ab eoq; veniam supplex peteret, mandauit. Ful-
 gos. & alij in Vita eiusd.

Vide Apophth. de CONSCIENTIA BONA.

IVDI-

IVDICIVM DEI.

HENRICVS MOGVNTINVS ANTISTES.

IVSTVM IVDICIVM iustitiamque commendauimus. At vt quilibet discat non reputari apud Deum infontem, si quis ea violat aut contemnit; exempla mira & supra fidem, sed à fidis scripta, proponam. Frederico Ænobarbo Imperante, HENRICVS MOGVNTIÆ PRÆSVL, vir imprimis pacis cupidus, Romæ accusatus, tamquam ad tale munus prorsus inutilis & ineptus: idque instigantibus per Arnoldum, qui ei successit, maleuolis. Eò ventum, vt duo Cardinales Moguntiam missi, de causâ inquisiuerint, HENRICVM damnauerint, & Episcopatu abdicauerint. Tulit HENRICVS, neque quidquam questus, quàm, *Iniuste indicastis: Iesum Christum æquissimum Iudicem appello, apud quem me exhibebo: venite.* Illi ioco illudentes, Cùm præcesseris, inquiunt, sequemur. nec vanè. iste enim post annum ferè & dimidium vitâ functus: quem hi vno die secuti. I. Lipf. Mon. Polit. lib. 2. cap. xi.

ABBAS HERVELDENSIS.

De hoc etiam memoriæ proditum non absimile priori exemplum. Erat Burchardus Halberstadiensis Antistes, qui iniquam diu litem cum ABBATE HERVELDENSIS, manu magis quàm iure sustinebat: neque spes illi aut potentia, aduersario resistere. Ecce paucis ante mortem diebus, quam & rei illius vexatio consciuerat, vel saltem accelerauerat, Comitum Palatinum ad se vocat; & per eum extrema hæc Antistiti denuntiari rogat: *Scio me lege meliorem, lite tamen imparem simul cum vitâ cedere. ad Deum iudicem*

dicem appello. Paret ergo se, ut causa coram eo tribunali dicatur, ubi gratiâ & potentiâ speretis, sola iustitia potest polletque. Neque diu post ABBAS interiit, & Antistes cum equum conscenderet, velut fulmine ictus concidit, desinitque hac voce: Abripior ad diuinum tribunal indicandus. Lambertus Schafnaburgensis, circa annum ∞ . LIX. I. Lips. suprâ.

PETRVS ET IOANNES CARVAIALII.

At notior res, & cognomine prodita in Ferdinãdo quarto Hisp. rege. Erat is in iudicando præceps & rigidus. quò factum, ut duos fratres in occulta cede suspectos, at suspectos tantum, nec conuictos, de editâ rupe præcipites dari iusserit. Cum id fit, clamant & vociferantur: *Insontes morimur; at quoniam Regis aures iustissimæ defensionis obstructæ sunt, cum ad summum Iudicem pronocamus, diemq; trigessimam ab isto qui nobis ultimus, dicimus.* Dicta nihil valuerunt: sententia tenuit; etiam ipsorum vadatio, nec tempore nec die fallax. Quis neget diuinum illud, & serium monitum:

Discite iustitiam moniti, & non temnere Diuos?

I. Lips. ibidem.

IOANNES HAYNVS PRESB. ANGLVS.

Eiusdem etiam propositi iste. Erat ex iis quos Anglia Christo martyres peperit. Iam enim mortis sententiam, Elizabethæ Reginae iussu contra se inauditum prolatam, intellexerat: & ad iudicem Gaudæum conuersus, *Si ita, inquit, Senatui & Reginae visum ut moriar, ad summi & immortalis Iudicis tribunal causam meam reseruo.* Martyrol. Anglic. anno 1582.

FREDERICVS ROM. IMP.

Claudebam, sed FREDERICVS interuenit, ut
etiam

etiam personam suam exhibeat in hoc theatro. Principe immiti & crudeli nihil apud eum magis exosum. unde dixisse eum ferunt: *Vae vobis Principes.* & causam reddens, *Quales*, dicebat, *se dum vixere aliis prastiterunt; tales, cum moriuntur, in se indices experturi.* & quid mirum? nam

Si quis quæ fecit patitur, iussit: ma poena est.

Æn. Syl. de Dict. Alphonsi.

IVDICIVM EXTREMVM.

IESVS CHRISTVS.

ET hoc quidem occultum DEI IVDICIVM, aliud erit longè maius, longè horribilius, publicum illud, quo omnes nos adstabimus ante tribunal Christi, vt referat quisque prout gessit in corpore: &, vt Manilius,

Quæstor scelerum veniet, vindexque reorum,

Qui commissæ suis rimabitur argumentis.

Cuius iudicij districtam discussionem crebris parabolis insinuavit eiusdem futurus iudex CHRISTVS: idque vel maximè, vbi ad Phariseos conuersus, dicebat: *Quoniam omne verbum otiosum quod locuti fuerint homines, reddent de eo rationem in die Iudicij.* Intelligunt autem per verbum otiosum, illud, quod iustæ necessitatis aut piæ intentionis ratione caret. *Matth. cap. 12.*

REX ANONYMVS.

Legimus in vita S. Iosaphat, fuisse Regem potentissimum, qui vitam in luctu & mœrore peragebat. Miratus & indignatus frater, eum increpat. ille ingemens responsum supprimit, & non ita diu pòst, mittit de nocte tibicines ad fratris ædes, qui horribiles

biles ederent clangores (hoc enim illo æuo solenne erat, quoties in aliquem capitis sententia ferretur.) Quid faciat hæc inaudiens frater? turbatur, clamat: & atro habitu sumpto, ac cinere conspersus caput, primo manè ad regiam adproperat, Regis ad pedes supplex prouoluitur, delicti, si quod esset, veniam postulat. Cui Rex: *Si tu tantum me timeas fratrem tuum, quem numquam lesisti; numquid ego merito timere debeam diem illum, quo coram supremo Iudice, quem toties offendi, mihi erit comparandum? Si tu in iātum horrueris tubam illam humanam; quis non horreat diuinam, quā omnes qui in monumentis sunt, audient vocem Filij Dei.* Præclarum, & verè imitandum Regis exemplum. Refert Bernard. de Busto in suo Rosario. item Spec. Exempl.

IVRAMENTVM, PER IVRIVM.

IESVS CHRISTVS.

IVRAMENTVM, quod omnis controuersię est finis, cum reuerentia adhibitum, licitum semper fuisse & sanctum, ex vsu omnium gentium & tribunalium euidenter constat. quamuis in vanum & sine causa vsurpatum, reprehensibile sit: obligans nihilominus, in re honestā, iurantē. Significauit vtrumque Euangelij auctor CHRISTVS, dum visis turbis in montem secedens, eas doceret, inquit: *Ego autem dico vobis non iurare omnino, neque per celum, &c. Sit sermo vester, Est, est; Non, non. quod autē his amplius est, à malo est. Quo loco non vetuit ne quis iuraret (vt nostri Anabaptistę fingunt) sed duos Pharisæorum errores correxit, qui putabant quauis occasione iurandum per creaturās; & tale iuramen-*

Z

tum

tum non esse obligatorium. Dicit ergo nullo iuramento iurandum, nisi necessitas compellat. quia quod extra necessitatem adhibetur, à malo, id est, diabolo est introductum: ut explicat Maldonatus. Marth. cap. 5.

D. LUDOVICVS FRANC. REX.

Huius doctrinę sedulus imitator iste, frequenter dixisse cōmemoratur: *Libens lubensque candentis ferri adustionē paterer, si iuramenta eo pactō regni mei finibus proscribere possem.* Audiuit hæc qui vitam eiusdem conscriplit Ionuillus, & refert cap. 83.

IDEM.

Eodem auctore accepimus, dum ad pactum cum Sir. cenis de captiuorum redemptione stabiliendū, genus quoddam iuramenti pietati Christianæ dissentaneum exigent, recusasse se eā formā iuraturum. Instantibus verò Proceribus, eo pacto iuraret, nisi captiuos omnes periculo veller expositos; *Integrum*, inquit, *eis sit facere quod lubet: ego malim certe pius Christianus occumbere, quàm irato Deo beatāq; Virgine vitam ducere.* Ibid. cap. 46.

MARCELLVS II. PONT.

Et is Pontificatu inito, rogatus à Cardinalibus, ut de more illi diplomati subscriberet, quo iuramento obligaretur, se certum tantum Cardinalium nuncium assumpturum; ratus non esse sufficientem iurisiurandi necessitatem, renuit, dicens: *Re id prestiturus sum, verbis nolim.* Onuph. Panor. in Vita.

CONSTANTINVS MAG. IMP.

Iurauerat apud illum Arrius, se numquam eis opinionibus adhæsurum, propter quas eum Alexander Episc. Ecclesia eiecerat. Libertati itaque ab Im-

PERA-

PERATORE restituitur, hoc dicto: *Si recta est fides tua, benè iurasti: sin' autem impia, & tamen iurasti, Deus de calo de te ferat iudicium.* & ita Imperatore eluso, abiit: at Dei ultionem non euasit. Theod. lib. 1. Eccl. hist. cap. 14.

IVTHA OTHONIS II. FILIA.

Exemplis quæ de Iuramento scribere cœpimus, IVTHA OTHONIS II. FILIA finem imponet. Nutriebatur apud Ratibonam in Cœnobio religiosarum virginum. Vnde eius fama permotus Vdalrici regis Bohemiæ filius, eam vi rapuit, & matrimonio iunxit. Detestatus illud facinus Imperator, iureiurando affirmat exercitum se in Bohemiam ducturum, & Vdalricum, eiusque filium pœnas sceleris daturum. Castra mouet, hinc Otho, illinc Vdalricus: cum IVTHA (victo magnitudine periculorum muliebri pauore) per media tela patris colloquium, priusquam furor ardeat amplior, exposcit. Impetrat non colloquium tantum, sed & pacem: at iusiurandum quod se obstrinxerat, vrget pater. Cui illa; *Vana est religio quæ sceleri locum facit. vim criminibus sacramenta non addunt.* Prudenter notabat iuramenta impia seruanda non esse. Mupsterus de Germ. lib. 3. cap. 499.

IVRISPRVDENTIA.

PETRVS ALDOBRANDINVS CARD.

Iudicibus, qui IVRIS SCIENTIA carerent, Midæ auriculas affingebant veteres. neque aliud ad stolidos iudices ornamentum deuenire potest. Quantum verò Reipub. utilitati, imò & necessitati, conferat hæc scientia; docuit CARDINALIS ALDO-

BRANDINVS. Ille enim, *Facillimum est, inquit, sine Iurisprudentialius ipsum pervertere: difficilimum, etiam ius dicere, nisi cognoscatur.* Henricus Farnes. *suprà.*

I D E M

Iuris scientiam in Actione magis quàm cognitione consistere dicebat. Rogatus namque, què inter Principes maximè iustum existimaret; *Eum, ait, qui vita potius exemplo populum, quàm vocis testimonio instruit.* Ibidem.

IVSTITIA.

S. PAVLVS APOSTOLVS.

Commendamus etiam virtutum omnium dominam atque Reginam IVSTITIAM. sine quâ (vt habet Cicero in Officiis) nihil præclarum, nihilque laudabile homini euenire potest. Vnde eam in seipsum exerceri optabat Gentium Doctor PAVLVS: qui Festo se roganti, an Hierusalem ascendere vellet, & ibi iudicari; fortiter respondit: *Iudeis non nocui. Si enim nocui, aut dignum morte aliquid feci, non recusò mori.* Act. cap. 25.

LIBERIVS EPISCOPVS.

Require IVDIX, IVDICIUM.

MARTINVS V. PONT.

Nullum tam crebrò, quàm IVSTITIÆ nomen eius ore prodibat. vnde sapiùs ad Satrapas suos, vrbiumque Rectores, illud regij Vatis vsurpabat: *Diligite iustitiam, qui indicatis terram.* Plat. in Vita.

PETRVS ALDOBRANDINVS CARD.

Veritatis testimonio inductus, solitus est dicere: *Neque Iustitia sine Principis auctoritate, neq; Principis*

cipis auctoritas sine Iustitia quidquam valet. Nihil enim aliud est IUSTITIA, quàm vis & iobur Atlantis, quo mundum suis humeris sustentat. Henr. Farnes. suprà.

IDEM

Interroganti, quid de Iustitia sentiret; respondit:
*Ars est & viuendi & vincendi. illa quippe
 --- Utilibus rectum praponere suadet,
 Communesq; sequi leges, iniusta que numquam
 Largiri solet.*

Ibidem.

FREDERICVS & RVDOLPHVS IMP.

Vide CLEMENTIA, & MANSVETVDO.

ALPHONSVS ARAGONIVS

Æqui cultor iustitissimus pertapè in ore habebat:
Principes qui Iustitiam negligunt, persimiles sunt illis, qui morbo comituali laborantes, cadunt. Sciebat enim animæ nutrimentum esse Iustitiam: quâ à Principe sublata, nihil ei superesset ad veram vitam.
 Panor. & Æn. Syl. de Dict. Fact. Alphonsi.

IVSTINVS BYZANTII IMP.

Inter priores haud indecorè se offert IVSTINI Imperatoris, licet æuo longè prioris, virtus. Cum enim esset corpore morbido, ac rarè ius diceret, iniuria & lites creuerant. quid ageret? Præfectum plena potestate ad coërcendum deputat. Qui sumptis factæ potestatis intulis, pro Tribunali sedebat. accusatur primò vir nobilis, & in Aula graciosus. Is spernit se sistere, & in Aulam pergit. Pergit etiam Præfectus, & ad Principem (apud quem hic reus) intrepidè querelas defert, & simul insignia acceptæ potestatis. Hic Imperator, non secus ac Vespasianus olim, Tu, inquit, quod es, esto: & ius tuum in me, quidni

quidni meos? exerce. Duc, si peccavi, sequor: duc, si quis hic alius, sequetur, vel trahetur. Præfectus oculos & manus in Senatorem conicit, eumque iudicio conuictū verberibus afficit, & magno ære multat. Ita paucis diebus vim & vitam Iustitia recepit. Coll. ex Mon. Polit. I. Lips. cap. 10.

L A B O R.

AGATHON ABRAS.

A Mplectimur illud, sine quo nihil mortalibus dedit vita, vēdidēre dij: cuius memoria dulcis, finis iucūdisissimus. de quo interrogatus aliquādo AGATHON, utrū antecelleret laborē custodia interior, an verò è cōverso; respondit: *Homo arbori similis, cuius velut folia, sunt labor corporalis; fructus, custodia interior.* In Vitis SS. PP.

DOROTHEVS MONACHVS.

Huic etiam solēne quotidie lapides ad mare colligere, è quibus anhuatim hospitium fabricabat ægrotis. Cui dum quidam diceret, Cur in tantū conficis corpus tuum? *Quia*, inquit, *me illud occidit.* Sciebat enim (vt est apud Faustum Andrelinum in distichis) quòd

Corrumpant forti celsas cum pectore mentes

Otia plumoso desidioſa toro.

Sozom. Trip. hist. lib. 8. cap. 1.

S. EPHRÆM.

Nullus etiam hunc LABOR deterruit, quem tam seria vox commendat & ornat. ita enim Religiosum consodalem affari solitus: *Ne molestus tibi sit labor: nam multi etiam nihil agentes, à negligentia & torpore turbati sunt. Disce igitur operans, ne discere cogāre*

cogâre mendicans. Idem in illud, Attende tibi;
cap. 5.

S. EVSTACHIUS.

Missos à Traiano milites, hospitio & conuiuio
excepit: hospiti verò pro solutione sollicito; *Ne ve-
reâre, inquit, mea seruitus & hæc manus exoluent mer-
cedem.* Quàm benè cum Apostolo de se dicere po-
tuit, Nullius vestem concupiui, sed ad ea quæ mihi
opus erant, ministrauerunt manus istæ. Sur.
tom. 6. in Vita.

SENECA ANONYMVS.

Sciscitanti cuidam, quid esset humilitas, quæve
eius viæ; dixit: *Humilitas magnum quid est & diui-
num; via verò eius, Labores corporei.* Doroth.
Doctr. 2.

ALPHONSVS ARAG. REX.

Quis hîc ALPHONSO aditum præcluserit? qui à
Matthæo Siculo notæ pietatis viro reprehensus,
quòd propriis manibus laborasset; subridēs, *Num-
quid, ait, Deus & Natura, nequidquam Regibus
manus contulere?* Panor. lib. 2. de Gest. eiusd.

IDEM.

Venerat ad eundem Senior, non modico vino
madidus. qui, vt intemperantiam suam excusaret,
dicebat: Verè lac senum est vinum. Cui ille subiun-
xit: *Sed Regum cibus est honos; quem dii immortales
non otio aut luxu, sed improbis laboribus & multo su-
dore homini vendunt.* quia, vt rectè C. Manilius,

—— longa dies acuit mortalia corda,

Et Labor ingenium miseris dedit: & sua quemque
Aduigilare sibi iussit fortuna premendo.

Ibidem.

L A V S.

IOANNES PONTIFEX.

Quod rebus fortiter gestis honesta subsequatur commemoratio, admodum LAUDABILE dicebat Seneca. & quamvis omnem laudem abominati sint viri sapientes; nihilominus IOANNES PONTIFEX, cum immodicè à quodam laudaretur, *Et si, aiebat, plurima mihi affingat, multum tamen hac laude oblector.* Cur ita? quia per eam monebatur, qualis esse deberet. Æn. Syl. lib. I. de Gest. Alph.

S. GREGORIUS PP.

Magna etiam fuit huius erga laudantes se modestia. nam cuidam se mirificè extollenti respondisse fertur: *Deum precare frater, ut his quæ de me prædicas, dignus efficiar: sicut & tu dignus es, cuius opinio improbari non debet. Quare licet me tua commendatione inferiorem agnoscam, charitati gratias ago.* Ita prudentiss. PONTIFEX & laudanti se satisfecit, & humilitatis limites non excessit. Ioan. Diac. lib. 4. cap. 62.

S. CONSTANTIVS MONACHVS.

Haud parum est & exiguum, esse laudabilem, & laudari nolle; sed arduum & excelsum. Quo in genere emicuit supra alios CONSTANTIVS Anchaonitanæ Ecclesiæ MONACHVS. nam cum è longinquis terris quidam, eum videndi gratia, aduenisset, ostensumque sibi despexisset, eò quod staturâ esset pusillâ & breui, (quasi corporis vitium animi virtutibus officere posset) irrisorem suum osculo excipiens, *Quàm lator, inquit, quod tandem nactus sum hominem, à quo irre paruipendendus existimor.* Ego sanè
ut

ut habitu, ita & virtute pusillus sum. Quo facto dictoque satis declaravit, quantum ab humanæ gloriæ concupiscentia abesset, qui sic exultabat contemptus & irrisus.

*Sic qui fauoris gloriam veri petit,
 Animo magis, quam voce laudari volet.*

Greg. Dial. lib. 1. cap. 5.

CONSTANTINVS MAGNVS.

Et hunc beatum dicebat quidam Antistes, qui hîc in terris dignus esset, cui rerum summa committeretur, quique in cælis cum Dei Filio regnaret. At is eiusmodi sermonem indignè ferens, *Noli, inquit, hæc verba in vanum fundere: Deum potius orato, ut & in hac & in futura vita, eius famulatu inueniar dignus.* Euseb. de Vita eiusd. lib. 4. c. 48.

ALPHONSVS REX ARAG.

Etiam inter hos sibi locum & laudem vendicat ALPHONSVS. Mirum in modum eum extollebat è Proceribus vnus, quod esset regis filius, regis frater & nepos. verùm ille: *Nihil minori apud me loco est. Laus enim illa non est mea, sed maiorum. à me itaque elicienda, si qua erunt ornamenta.* Panorm. lib. 2. de Alphonso.

IOANNES HVNIADES.

Simili mente iste. Vocauerat Huldricum Cilix Comitẽ, ad se veniret in castra. at is renuit; Egon, inquit, Comes & Princeps ad te hominem nouum? Erat enim IOANNES non ita pridem in nobiliũ collegium adscitus. cui ille: *Non tuis maioribus, sed tibi me comparo: quamquam nec illis codam, qui pugnando pro Christiana religione nobilitatis titulo accepto, maius lumen posteritati mee comparauit.* Significabat cum Alphonso, gloriosius à seipso inclarescere,

rescere, quàm ab auis atauisque suæ claritatis radios
desumere. Panorm. suprâ.

CAROLVS V. IMP.

Vide Apophth. de ADVLTATIONE.

LECTIO.

S. CYPRIANVS.

PERLEGE quodcumque est memorabile, monet Ausonius: & *ut tibi profit*, inquit,

Conditor Iliados, & amabilis orsa Menandri

Euoluenda tibi. - Et verè nihil adeò ad morum vitæque instituendæ rectam rationem facere, ac lectionem clarissimorum Scriptorum, auctor est cum aliis CYPRIANVS. Qui in Tertulliani lectione ita fuit assiduus, ut nullo vnquam die ab eâ vacaret: & Paulo Scribæ crebrius diceret, *Porrige magistrum*, nempe Tertullianum. Hier. in Catal. vir. Illust.

S. BERNARDVS.

Ille Prophetarum & Apostolorum scripta, quibus inhærebat assiduus, magno in pretio habebat. & *Verè, aiebat, hi sunt fontes veritatis, quibus per deuotam meditationem inherendo plus proficiunt homines, quàm longos commentarios euoluendo.* Proinde apud amicos iocari solitus, *Nullus ego, præterquam quercubus & fagis, magistro sum usus.* Auct. vitæ, lib. I. cap. 4.

ALPHONSVS ARAG. REX.

Vide Apophth. de DISCENDI CVPIDITATE,
LIBRIS, &c.

LEX.

L E X.

PIVS V. PONT.

AD LEGES me conuerto, sine quibus nec hominum vniuersum genus stare, nec rerum natura omnis, neque mundus ipse diu potest. quas non ita ab omnibus æqualiter obseruari, quæ tamen omnes æqualiter obstringebant, indoluit quandoque PIVS V. PONT. & veterum illud usurpabat: *Leges sunt velut araneorum tele, quibus muscæ irretiuntur, quasque hirundines percurrunt.* Hinc vulgus etiam non ineptè per araneorum telas ac retia, Hieroglyphicè, Legum notat inæqualitatem. *Auct. Serm. mem.*

PIVS II. PONT.

Haud aliter iste, licet ætate in hoc sacro ordine prior, dixisse fertur: *Leges sanctæ sunt, & vaganti fræna licentia imponunt: ea tamen in plebem vim habent, in potentes muta sunt.* Platina in Vita.

LIBERIVS PONT.

Ille item Constantio Imp. sibi dicenti, hæreticarum Ecclesiarum communionem amplecteretur, & sic Romam, quâ exulabat, rediret; respondit: *Iam Romæ fratribus valedixi. nam leges Ecclesiasticas obseruasse, pluris faciendum censeo, quàm Romæ habuisse domicilium.* Theod. lib. 2. cap. 17.

LAVACRVS PRÆSES FRANCIAE.

Neque tantum Legum obseruantiam in pretio habuisse laudem meretur; sed & iniquas præcauisse, suam gloriam habet. Ita Ludouico XI. Gall. Rege exitium Curie Parisiorum minitante, nisi latas à se leges iniquissimas promulgarent & approbarent; reintel-

intellectâ, Regem adeunt Patres. quos cùm ille rogaret, Quânam de causa huc aduenistis? aliorum nomine LAVACRIVS, *Ut mortem, respondit, appetamus potius, quam iniquas leges ferri patiamur.* Rex tali responso permotus, leges scriptas sua manu dilaceravit. Bodinus in Method. Hist. cap. 6.

CAROLVS MAGNVS.

Quid verò ante illum CAROLVS; quem fortitudo, constantia, pietas, MAGNI nomine apud posteros decorauit? Ille capulo cui insignia propria insculpta erant, edicta signabat. dicebat enim; *Eiusdem est & confirmare & defendere leges.* Corozet. de Dict. Fact. memorab.

ALPHONSVS ARAG. REX.

Æquissimum autem esse illud Autonij, *Pareto legi, quisquis legem sanxeris.* ostendit suo dicto ALPHONSVS. cui frequens in ore: *Ineptè agunt Principes, qui aliis honestè beateq; viuendi leges proponunt; ipsi verò nihilo temperantiores melioresq; se præbent.* Panor. lib. 5. de Gest. eiusd.

LVDOVICVS XII. GALL. R.

Et ille, cùm Subpræfectum Aurelianensem, quocum familiariter fuerat vsus, quemq; sepiùs iniustitiæ reum liberarat, capite damnasset; admirantibus nonnullis, *Contendi, inqueiebat, priuatus pro amico: regnum adeptus, leges tueri debeo.* Non ignorabat, quòd

Inde datae leges, ne fortior omnia posset,

Cœptaq; sunt purè tradita sacra coli.

Exiuntur feritas, armisq; potentius æquum est.

Et cum cine pudet conseruisse manus.

Annales Franc.

VITOL-

VITOLDVS LITVANÆ DVX.

Alia mente VITOLDVS. cui pro deliciis erat, differentem se moribus & habitu à popularibus præbere, ac dicere: *Plebs legi, Principi lex subiecta esto.* quasi magistratum, utpote legum custodem fidelissimum, non deceat primum imperatis parere, ut subditi ad eorum imitationem incitentur.

Æn. Syl. Comm. in Res gest. Alphonfi.

LIBERALITAS.

LEO X. PONT.

Non ita claudenda est res familiaris, ut eam aperire non valeat BENIGNITAS; nec ita referenda, ut omnibus pateat, inquit in Officiis eloquentie pater. sed considerandum, ut pro dignitate cuique tribuatur. Ad cuius rei gloriam ardentius nemo anhelavit LEONE X. PONTIFICE, cuius egregia illa vox: *Principis loco indigni sunt, qui fortune muneribus beneficâ manu uti nesciunt.* Quare merito suum etiam Proculeium hoc versu celebrat Horatius:

Vivet extento Proculeius auro,

Notus in fratres animi paterni:

Illum aget penna metuente solui

Fama superstes.

P. Iovius in Leon. x. lib. 4.

PETRVS ALDOBRANDINVS CARD.

Rogabatur ille, quòdnam beneficium existimaret maxime gratum; & respondit: *Quod non fuit petatum.* præclare certe. Quò enim quis sua sponte impensius benefacit, eò magis naturam immortalium deorum attingit. quia

Gratia

Gratia quæ tarda est, ingrata est: gratia namque

Cum fieri properat, gratia grata magis.

Henricus Farnes. *suprà.*

IDEM

Dicere solitus, *Principum LIBERALITATE Musas esse pascendas.* Musæ enim quæ honesta, non quæ quaestuosa, sequuntur. *Ibidem.*

CAROLVS IX. F. R.

Erat hic inter Principes sui ævi munificentissimus. Qui reprehensus quod pecunias non daret, sed profunderet; *Regem, aiebat, in dando facilem esse oportet. Nam populus fluminis instar pecunias in piscum cen ad Oceanum desert.* *Annal. Franc.*

ALPHONSVS ARAG. REX.

Quid & ALPHONSVM loquar? Res pernota est, bonum fuisse & prudentem; sed & liberalem, dicta eiusdem & facta loquuntur. Deferebatur ad eum summa decem millium aureorum, cumque ex adstantibus quidam se eâ beatum fore diceret; *Accipe,* inquit ALPHONSVS, *quantacumque ea est, & beatus esto.* Verè huic dicere poterat, quod alteri accomodat Ouid. in *Fastis:*

Quid moror, & variis onero tua pectora causis?

Eminet ante oculos quod petis ecce tuos.

Panorm. lib. 4. de Gest. Alph.

RICHARDVS BRITANNIÆ REX.

Eadem laude clarus RICHARDVS. qui cum apparato conuiuio aduenteret duos equites attentius colloqui, & vasa quadam sumptuosiora adspicere & mirari; accessit, & quibus de rebus verba facerent, sciscitatur. confitetur vnus; Dicebamus, ait, voto nostro tum demum fore satisfactum, si duo ex hoc vasorum numero nobis obtingerent. Cui Rex
subri-

subridens; *Ne ob id contenti esse desinite, en vasa hæc vestra sunt.* An non hîc de illo exclamaret Claudianus, quod de Eutropio;

Nil negat, & sese vel non poscentibus offert?

Bap. Fulgosi. lib. 4.

IDEM.

Natalitiis Saluatoris, dum facellum auro gemmisque exornari curasset, & Aquensis Antistes Beneficij Pont. Legatus in eorum diuinam peregisset; iamque paramenta vestesque pontificias exueret; Rex nihil de ornamentis amoueri iubet, apprehensaque Legati manu, *Aequum, ait, mihi non videtur, Pontificium Legatum, alienâ veste ornamentisque sacrificare: quare quidquid in hac æde est ornamentorum, tuum esto.* Ibidem.

CAROLVS V. IMPERATOR.

Huic in hoc virtutis splendore similis CAROLVS. cuius illa vox: *Regis Liberalitas aptissime cum Sole conuenit: nam velut is indurat lutum, & emollit ceram; ita hæc quorundam animos emollit, quorundam indurat.* Collig. ex Cyt. in Orat. de Vita eiusd.

LIBERE DICTA.

S. PAVLVS APOSTOLVS.

Multos in dicendo commendauit gratia & venustas, plerosque commendat & inuat audacia & libertas: præsertim si is qui dicit, iuste & cum ratione dicit. quo modo fecisse APOSTOLVM PAVLVVM Sacræ testantur litteræ: dum enim in carcerem missus, & cæsus ob sanatam puellam Pythonissam, tandem per magistratum dimitti iuberetur; *Cæsos, dicebat, nos publicè, indemnatos, homines Romanos,*
mise-

miserunt in carcerem; & nunc occultè nos eiiciunt? Non ita, sed veniant, & ipsi nos eiiciant. quasi dicat, Veluti nos publico probro affecerunt, ita & publicè nos inculpatores & infontes ostendant.
 Actor. cap. 16.

IDEM.

Quin idem in concilium productus, cum se bonâ conscientia ante Deum usque in illud diem conuersatum diceret, Princeps Sacerdotum Ananias os eius percuti iussit. Ad quem PAVLVS, *Percutiet te Deus paries dealbate*, inquit. *Et tu sedens iudicas me secundum legem, & contra legem iubes me percuti.*
 Actor. cap. 23.

S. ANASTASIVS EPISC.

De ANASTASIO autem accepimus, interrogatum, cur ita pecunias suas profunderet, per cauillationem liberè respondisse: *Ideo, ne à communi perniciè Instituto auferatur.* Niceph. Call. lib. 17. c. 36.

PRÆTEXTATVS ROTHOMAG. EPISC.

Erat Fredegundis Franciæ Regina, improbitatis omnis & inhumanitatis sentina. Hęc PRÆTEXTATVM PRÆSVLEM, cui eximiam virtutem & vitę innocentiam inuidebat; lethali vulnere percuti iusserat, ac mœsta (vt simulabat) accurrit (crediderim, vt oculos in eius angore pasceret) questus & iram miscuit, quod in talem virum patratum esset scelus, & auctor lateret: at PRÆTEXTATVS vicinâ morte liberior, *Minimè*, inquit, *latet, fateor me eius scelere percussum quæ reges occidit.* Per dolum quippe Chilpericum maritum suum occidi curauerat. I. Lips. Mon. Pol. lib. 2. cap. 2.

IOANNES PAYNVS PRESB. ANGLVS.

Fuit hic ex iis, quos Angliæ laniena sub Elizabetha

betha absorpsit: qui dum Eleoti cuiusdam testimonio, læsæ Maiestatis reus denuntiaretur, liberè & impavidè; *Est, ait, contra legem divinam & humanam, ut unius infamis hominis testimonio reus condemnatur.* Martyrol. Angl. an. 1582.

S. PELAGIA.

Quid verò viros hîc persequor? quasi hac dicendi libertate constantiaque caruerit famineus sexus. Vnicam PELAGIAM propono, quæ ad bouë æneum condénata, ac iussâ à Diocletiano vestimentis exuere, magna voce eum appellans; *Recordare, ait, virores pellicesque tuas eadem quâ ego carne indutas, vestibusque reiectis, nuda ad succensam machinam properavit.* Metaphrast. in Vita.

SIGISMUNDVS IMP.

Ciuiilia adscribam, & inter ea primùm SIGISMUNDVM IMP. Dum namque quidam Constantiæ omnem libertatem ademtam quereretur, inquebat: *Secus se res habet. Quin si deesset hîc summa libertas, tu numquam tam liberè loquereris.* Indicabat magnæ libertatis signum, liberè posse loqui. In dictis Sigism. apud Æn. Sylu.

MILES ANONYMVS.

Graue illud & serium. iocosum hoc à Ducis Saxoniz milite profectum:

Tempore quo bellum cum Casare Saxo gerebat,

Seria festino hac res fuit acta ioco.

Bellica Saxonici quidam Ducis arma secutus

MILES, ab aduerso milite captus erat.

Ex quo Casareus cupiens resciscere Princeps,

Effet quanta Ducis copia, quanta manus?

Ille suis aquilam qui territat ensifer armis

Saxo tuus, quantum roboris, inquit, habet?

MILES

MILES *ad hæc*; Demiror, *ait*, cur talia quæras:

Cum Duce luctatum mène fuisse putas?

Georg. Sabinus in Epigramm.

LIBERTAS.

MATTHIAS CORVINVS.

LIBERTATIS (cui proprium testatur Cicero, sic vivere ut velis;) portum ingredimur. & quis inter homines non libens eum subeat? MATTHIAS CORVINVS Ladislai Regis Bohemiæ filius, cum in Georgij Pogiebraci (qui postmodum regno successit) potestatem deuenisset, multoq; apud eum tempore, non indecoro tamen carcere, detineretur: tandem ad Hungariæ regnum adscitus est. mittuntur nuntij in Bohemiam. Quibus auditis, Georgius adolescentem regium sibi cœnanti, præter morem, ex imo loco assidere iussit. eoq; percunctante, & attonito cur ita id fieret; Quid, inquit Rex, mihi exsolueris MATTHIA, si lati nuntij te reddidero certiore? Cui ille: *Nihil mihi, ô Rex, libertate aut letius aut gratius euenire potest; quam si concesseris, me æternum tuo honori deuinctum scito.* Verè & scitè Comicus:

Liber captiuus ani ferè similis est.

Semel fugiendi si data est occasio,

Satis est. numquam post illum possis prendere.

Munsterus de German. lib. 111. cap. vlt.

ALPHONSVS ARAG. REX.

Verùm longè alia Sapientibus LIBERTAS, non corpus tantum, sed & animum afficiens: de qua locutus aliquando ALPHONSVS perhibetur. Percontanti namque quisnam foret liber; assumens illud
Hora-

Horatij, aiebat : ——— *Sapiens, sibi quæ imperiosus,
Quem neque pauperies, neque mors, neque vincula
terrent.*

In Dictis Alphonfi.

LIBIDO.

S. WOLSTANVS EPISC. WIGORNIENS.

Q*Uæruit in vetitum damni securâ* LIBIDO, paucis perstringenda ; & quomodo eam in se exiunxerint viri sancti. quorum plerisque ; licet alium in locum transfulerimus , prodeunt tamen hîc in scenam nonnulli , quorum ductor sit WOLSTANVS ANTISTES : in cuius concupiscentiam dum matrona quædam nobilis exardesceret, in tantum vt resistere tentationi nequiret, ei quæ suum desiderium manifestaret ; ille , sermone interrupto, facto quæ crucis signaculo, *Fuge, ait, comes Lascivia, Mortis filia, vas Satana.* ei quæ alapam summo nisu infligit, & sic velut alter Ioseph, lasciviam muliebrem animo respiciens, manu compescuit. Sur. tom. i. in Vita.

S. VRSINVS PRESBYTER.

Mirus & magnus in hoc pugnae genere VRSINVS. qui, dum post legitimum cum coniuge diortium, Nursiæ presbyter ordinatus esset, ita ab eâ erat alienus, vt nulla ex causa, ne ad colloquium quidem eam admitteret. Annis autem 40. in tanta continentia constantia quæ transactis, cum graui morbo correptus , animam exhalasse putaretur ; aduenit ipsa, & admota ad nares aure, periculum faciebat an adhuc spiraret. res mira. Sensit mulieris attactum, qui se vix sentiebat : & à se absens, mulieris presentiam considerabat. Atque hanc vocem inexpectatò

edit: *Recede mulier, nondum penitus extinctus est ignis, tolle paleam.* In Vita.

S. EPHREM ET MERETRIX.

Vide OCVLORVM CVSTODIA.

S. FRANCISCVS.

Quid verò Minorū Pater & Institutor S. FRANCISCVS? Cūm summā curā vtriusque hominis puritatem seruaret, circa conuersionis suae primordia, brumali tempore in fossam glacie plenam se collo tenus quandoque mergebat, vt & domesticum hostem superaret, & candidum sui pudoris velamen à voluptatis incendio praeferuaret. & *Tolerabilius viro spirituali incōparabiliter fore assererat, magnum sustinere frigus in carne, quā carnalis libidinis ardorem vel modicum sentire in mente.* Vnde cūm grauis eum carnis tentatio apprehendisset, mirus castitatis amator, depositā veste, flagello è funibus contexto, in suum corpus desæuiebat; *Eia*, inquit, *frater Asne*, sic te decet manere, sic subire flagellum. *Tunica religioni deseruit, sanctitatis signaculum praefert: furari eam libidinoso non licet. si quò vis pergere, perge.* S. Bonau. in Vita, cap. 5.

S. LVDOVICVS EPISC. TOL.

Non hominis, sed Angelica putari debet continentia, qua ornatus fuit TOLOSANVS PRÆSVL. Detinebatur obses in carcere adhuc grate florens: cumque custodes suaderent, vt carceris dolores mulierum amplexu solaretur; pro monstro eam vocem accipiens, *Nōne satis est*, inquit, *corpus meum à vobis captum detineri, an animum quoque vinctum vultis?* Absit, vt hoc meum corpus Deo dicatum, velociter abeunte adulterem voluptate. summotoq; improbo
homi-

homine, auersum ab omni Venere animum declarauit. Ex Vita eiusd. imp. apud Moretum, c. xiv.

S. LVICIA VIRGO.

Verum & in feminis tanto hæc laus erit illustrior, quanto infirmior ad resistendum ille sexus. Et quidem virginitatis hos & ornamentum LVICIA, senserat ob oculorum pulchritudinem suæ virginitati periculum imminere, quod eos maximè exereret insana Tyranni libido. Illos itaque eruit, & ad Tyrannum hoc dicto misit: *Scito nihil amplius in me superesse, quo à te mihi timeam iniuriam.* verè implens illud Euangelij: Si oculus tuus scandalizat te, erue eum, & proice abs te. Sabell. lib. 3.

Require Apophth. de CASTITATE.

LIBRI.

PIVS-V. PONT.

NVllum esse LIBRVM tam malum, qui non aliqua sui parte prodesset, dicebat Plinius. Quo factum, vt PIVS PONT. eius nominis quintus, dum apud eum quispiam magni pretij gēmas supra modum extolleret, manu in LIBROS extensa diceret: *En in his vera gemma.* Corozetus.

MARTINVS SILICÆVS ARCHIEP. TOLET.

Nec minus laudabile est quod de ARCHIPRÆSVLE MARTINO SILICÆO, præclaro suo testimonio adfirmat R. P. Andreas Schottus Societ. IESV Presbyter, singulari eruditione & humanitate vir. Ille enim vt erat prudentia scientiaque clarissimus, vnde & studiorum Philippi II. Hisp. Regis Catholici magister institutus; dum ad bibliopolarum tabernas librorum comparandorum gratiâ se con-

ferret, haud umquam passus eos per famulos deferri: quin ipse suismet brachiis dulce onus sustinebat. Vrgentibus verò amicis, aliis concederet; *Non fecero*, respondebat. *Libri me honorarunt, quid in eos vicissim gestando honorem?*

PIVS II. PONT. MAX.

Sed non omnium LIBRORVM eadem est utilitas: quidam enim licet honestatis aut modestiæ colorem præ se ferant, turpium flagitiorum veri præcones sunt: & ut in Tuscul. Cicero, molliunt animos nostros, nervos omnes virtutis elidunt. Quod cum non ignoraret PIVS II. PONT. & meminisset per ætatem iuvenilem excidisse sibi quædam non satis modesta, quæ sub nomine Æneæ Sylvi (hoc enim ante Pontificatum gerebat) in lucem prodierant: graviter pœnitens, hoc vnicè laboravit, ut isti veluti monstrosi partus supprimerentur: omnesque rogabat, ut posterius consilium priori temeritati anteferrent. dicebat autem: *Seni magis quàm iuveni credite: nec priuatum hominem pluri quàm Pontificem facite. Æneam reiicite, Pium suscipite.* Vos etiam Rectores, vos Patres, pestiferam hanc segetem stirpitis euellite, & memoria retinete illud Ovidianum:

Eloquar inuitus, teneros ne tange Poëtas:

Submoueo dotes impius ipse meas.

Guiliel. Baldesanus in Stim. virt. adolesc. cap. 13 libro 1.

IULIANVS IMP. APOSTATA.

At verò vtillum librorum vsum & oblectamentum, veluti quoduis aliud bonum, Christiano populo inuidebat, postquam à Religione descuiisset, IULIANVS. vt pote iam Deo exosus, cauit ne vlli Galilæorum filij (ita Christicolæ vocabat) Poëtarum, Rhetor-

Rhetorum, aut Philosophorum scripta legere aut penes se retinere præsumerent. Rogatus causam, hanc dedit: *Quia propriis (ut est in Proverbio) pennis vulneramur: ex nostris enim armati conscriptionibus, in nos bellum suscipiunt.* Sozom. histor. Tripart. lib. 6. cap. 17.

ALPHONSVS ARAGONVM. REX.

Percontanti, quoniam forent optimi consiliarii, *Mortui*, inquit, Libros designans; *ab his enim sine metu, sine gratia, quæ nosse cupimus, fideliter audimus.* Æn. Syl. de Dict. eiusd.

IDEM

Cum de Neapolitanâ arce restaurandâ cogitaret, Vitruuij de Architecturâ librum ad se deferri iussit. *Qui cum totus incomptus & illigatus deferretur; Non decet*, inquit, *Librum hunc, qui nos quo modo contegamur instruit, detectum esse.* quare eum vlti coaptari, & decenter vestiri mandauit. Panorm. lib. 1. de Gest. eiusd.

LAVRENTIVS MEDICES.

Aliud insuper de LAVRENTIO MEDICES, à Ioan. Brantio nostræ urbis Graphiario ex eiusdem laudatione funebri obseruatû, adiungo. Ille enim tanto amore Libros & Librorum cultores prosequeretur, ut sæpenuerò auditus sit dicere: *Optarem ea mihi à Nicolao Leonicensi & Ioanne Pico (viris probitate ac eruditione conspicuis) addi incitamenta ad emendos libros, ut necessariis deficientibus, ipsam tandem suppellectilem oppignorare compellerer.* Ita diuite librorum suppellectile gaudebat; quorû non ut plerique tantum spectaculo, sed & studio perfruebatur.

THOMAS MORVS.

Quis MORVM, vnicum ingratae Britanniae orna-

mentum & decus prætereat? Carceri inclusus, quòd Henrici VII. impiis decretis dissentiret, totos dies reuoluendis piorum scriptis transigebat. Inuidit rex improbus, & librorum copiam eripi mandat. At ille, obseratis fenestris, soli Deo vacabat. Percontantique, quid ita in tenebris moraretur; *Quid me agere vultis?* inquit. *Nonne sublatis mercibus, claudenda est officina?* Libros merces appellat, quòd per illos qualuis dignitates & honores mercemur. N. Sanderus lib. 1. de Schism. Anglic. Thom. Staplut. in Vita.

ANONYMVS

Venerat ad Collegium quoddam illitteratorum hominum: quorum Bibliothecam, quæ admodum erat instructa, nisi quòd libros omnes catena vnde-
quaue vinctos detineret, dum ingressus esset, ait:

Haud secus ac duro fugitivos carcere seruat

Vestra catenatos Bibliotheca libros.

Quid mirum, si nulla viget doctrina, colendi

Doctrina auctores hic ubi vincla gerunt?

Ex relatis Auctori.

NOBILIS ANONYMVS.

Claudebam hoc agmen, nisi alius vt genere, ita etiam hac laude nobilis interuenisset. Hic enim non ita pridem doctam hanc mercem comparaturus, dum ad Bibliopolam venisset, & is moram soluendi pretij indulgeret, noluit eam sibi gratiam præstari; & in egregium illum sermonem erumpens, *Parum*, inquebat, *equum id foret. Aliarum enim mercium, quæ solùm corporis aut voluptati aut necessitati deferunt, pretium honestè ac tutò differatur: at Librorum, quibus animus ipse pascitur ac reficitur, præstantia, præsentì pecuniâ compensanda est.* Ita verè Nobi-

Nobilitatis, quæ in sola eruditione & virtute consistit, custodes & magistros (Libros appello) æstimare doctus, alios suomet, licet raro, exemplo ad imitandum prouocabat. Ex relatis Auctori.

AVLICI ANONYMI.

Diuerſi à priori illo hi. Inter aulae strepitus verfabatur assidue, & vt nobilitas ea solet, armorum non litterarum studio inuigilabant. Vnde cum Ioannes II. Hildesheimensium Presul, illius muneris suscepisset gubernacula, dictosq; suos NOBILES de Bibliotheca interrogaret, quò otio litterario quandoque sibi vacare liceret; ostenderunt ei armarum, & Non hic, respondent, *aliam Bibliothecam requiras oportet. Ex hac enim libros desumes, quibus & hostem à te repellas, & Episcopatus tui iura & immunitatem conserues.* Quam dispar eorum mens ab illo, qui ex libris arma & armorum iura se didicisse gloriabatur. Brusch. in Episc. German.

LIS ET CONTENTIO.

PIVS II. PONT.

LITIVM & CONTENTIONVM omniũ, quæ charitatis mutuæ vincula disrumpunt, hostis acerrimus fuit PIVS II. PONT. quem de illis non raro iocatum fuisse, auctor est Platina: *Litigatores sunt aues; forum, area; iudicium, rete; aucupes verò, Patroni.* Platina in Vita.

CAROLVS IX. GALL. REX.

Sed & de iis qui lites proscribere studuerunt, CAROLVS NONVS in Gallia nuper fuit. Is huic prurigini sistendæ pecuniarium vectigal excogitauit, illudque ita edixit: *Quicumque litem orditur, dependit*

*dito in fiscum Regium duos aureos : recipiendos si iure
litigasse indicetur, sin aliter, omittendos. At leue nimis
remedium in tam grandia & vetera mala. I. Lips.
Mon. Polit. lib. 2. cap. 10.*

L V S V S.

S. IOAN. EVANGELISTA.

HOMINES quamuis in rebus turbidis, tamen si
inodò homines sunt, interdum animis relaxa-
ri, docuit IOANNES EVANGELISTA. qui reprehén-
sus, quòd matura iam ætate, aliquando cum auicula
têpus falleret, iussit Aristarchulum reprehêforem,
arcum quem humeris gestabat, aliquoties tendere.
quod cùm fecisset, & arcus remissior factus esset,
eius causam sciscitatur. Qui se neruum arcui de-
traxisse respondit, ne continua intensione inutilis
redderetur. Cui extemplo IOANNES : *Et ego inter-
dum cum aliis honesto exercitio relaxor, ut maioribus
deinde viribus, orationi & ieiunio insistamus.* Appo-
sitè Statius lib. 4. Sylu.

— *Nostra fatiscit*

Laxaturque chelys : vires instigat alitque

Tempestina quies. Maior post otia virtus.

Fulgof. lib. 8. cap. 8.

Require Apophth. de CLEMENTIA.

LVXVRIA.

BARNABVS PRINCEPS, ET CLERICVS.

DEo & virtuti inimicam LVXVRIAM leniter at-
tingemus, ne dudum illi inhæsisse videamur,
quæ velut omnis criminis stimulus, numquam ma-
nere

nere quietum patitur affectum. BARNABVM Principem Luxuriæ inquinamento deprauatum, reperit quandoque superueniens forè quasi in ipso actu, ordinarius eiusdè CONFESSOR. turbatur, & pudore suffectus Princeps; Dic pater, inquit, si tecum decumbentem haberes iuueculam, quid ageres? quod insulsum dictum falsè & prudenter reprimens, *Quid factururus, ait, forem, verè nescio: scio autem quid à me fieri deberet.* Auðt. Sermon. memor. anonym.

CACANVS PRÆFECTVS.

Singulari etiam memoria dignum quod sequitur. Erat CACANVS militiæ præfectus Imp. Carolo Magno: qui, occiso Gisulpho Foriulij Comite, de ipso solo terrisque occupandis cogitabat, at opposuit se Romilda cæsi Comititis vxor. Verùm vt erat æstu libidinum feruens, vbi CACANVM viribus & specie insignem vidisset, è muris eum vocat, vrbes & regna offert, si se ducat vxorem. Latus hac oblatione hostis, parere per nuntium iurat. Habita ergo in suâ potestate vrbe, eaque contra datam fidem vastata, iurisiurandi memor, Romildam in coniugem accipit, vnicâ eaque primâ nocte vtitur, ac postera die 12. robustissimis militibus prostituendam tradit, & palo deinde affigi; dicens: *Tali digna honore est femina, quæ libidinis explende causâ, patriam in hostium manus tradit.* Quid hîc extollam, meritam libidinis pœnam, an iniustam contra iurandum CACANI seueritatem? Gaguinus lib. 4. de Reb. Gall.

Require Apophth. de ADVLTERIO,

& LIBIDINE.

MAGI-

MAGISTRATVS.

PIVS II. PONTIFEX.

MAGISTRATVM Legem loquentem dicebat Tuilius, sine cuius prudentia ciuitas esse non potest; quorum descriptione omnis Reipub. moderatio continetur. ideoque magnoperè in eius delectu insudandum. Ita Pivs II. aliquando dixisse commemoratur: *Magistratus alios mereri, & non habere; alios habere quidem, & non mereri. Dignitates autem non viris, sed viros dignitatibus dando.* Est enim ei, cui Respublica commissa est, necessaria oratio & sapientia, vt habet lib. I. de Legibus Cicero. Platina in Vita.

I D E M.

Vide supra AFFABILITAS.

ALPHONSVS ARAG. REX.

Non erat ab hac mente alienus ALPHONSVS, qui dicere solebat, si quando de Magistratu cõferendo sermo fieret; *Qui aliis præsunt, tanto priuatis hominibus meliores esse oportet, quanto honoribus & dignitatibus antecellunt.* Panor. lib. 6. de Gest. ciuid.

I D E M

Interrogatus, cuiam Magistratum similem diceret; Cotti, inquit. *Quia veluti argentarij cote induce vtuntur ad probandum aurum & argentum: ita Magistratu Reges ad hominum ingenia exploranda. quasi dicat, rum demùm hominis mores perspicere, si publicam personam sustineat.* Ibid.

FREDERICVS III. IMP.

At multa dissimulanda interdum ad publicam tran-

tranquillitatem conseruandam, iis qui Reipub. clauum tenent, asseribat IMPERATOR FREDERICVS; cui in ore persapè:

*Qui regnare volunt, multis dormire, sagaci
Multaq; consilio dissimulare solent.*

Reinh. Hadam. In Instit. Princ.

SIGISMVNDVS IMPERAT.

Et hunc, cum cœnanti verbosus quidam & importunus senex nimium verbis obreperet, exclamasse ferunt: *Asinorum conditio longè potior, quam Regum: illis enim dum pascuntur domini parcent, Regibus nemo.* Idem Alphonso tribuit Æneas Syluius.

*Vide Apophth. de AFFABILITATE,
& ELECTIONE.*

MAGNIFICENTIA.

PETRVS ALDOBRANDINVS CARD.

Nemo potest sine re amplâ verè esse magnificus. Id enim tam augustum nomen importat. Quod cum non ignoraret CARD. ALDOBRANDINVS; rogatus, quis esset MAGNIFICVS, respondit: *Qui muros vrbis, qui Naualia, Theatra, Porticus, enq; omnia exstruit, quæ ad communem usum faciunt ciuitatis. Domus verò, inquit, Magnifici, non auro, non ebore (vt sensit Homerus) sed hostium spoliis adornanda est.* Sentiebat enim, illa esse Incontinentiæ blandimenta; hæc monumēta virtutis. H. Farnes.

I D E M

Rogatus, quidnam sibi videretur maximū; *Non vinci,* inquit, *à beneficiis.* Illū magnificum existimabat, qui à rebus magnis non superatur. Ibid.

M A L E-

MALEDICENTIA.

S. BASILIVS.

Quod Bonafus animal, id homo maledicus: ille enim, si Plinio fides, quoniam cornibus implexis lædere non valet, finum aufugiens reddit, cuius contactus insequentes adurit: ita hic, dum coram non audet, à tergo sparsis probris, proximum contaminat. & nihilominus percontanti. anne maledici diligendi essent; BASILIVS respondit: *Omnino diligendi. Quia eorum operâ eam beatitudinem consequimur, de quâ Christus dixit: Beati estis cum maledixerint vobis homines.* Collig. ex Reg. ful. disp. q. 176.

PIVS II. PONT.

Maximam quoque MALEDICENTIÆ tolerantiā in PIO I I. PONT. arbitrari debemus fuisse. Numquam enim malè de se opinantes aut loquentes coercuit. Volebat namque in libera ciuitate omnes liberè loqui. Conquerenti verò cuidam, quod maledictis laceraretur; *De me etiam, inquit, qui malè sentiant, si ad campum Floræ te conseras, multos audies.* Volebat omnium Principum mores priuatorum imprudentiæ impudentiæque subiectos esse. Platina in Vita.

FRANC. SFORTIA.

Venerat ad eum Nolanus eques transfuga, qui, vt sibi gratiam & fauorem conciliaret, referebat Tartaliam hominem improbum omnibus maledictis eius famam dilacerasse: idque, vt sibi fides haberetur, iureiurando sæpius affirmabat. At SFORTIA: *Non est opus vt multum persuadendo labores, cum*
Tar-

Tartalia numquam verbum de quoquam protulerit, quin maledixerit. P. Iouius de Dict. Fact. Sfortiæ, cap. 85.

MANDATA DEI, EORVMQVE OBSERVATIO.

IESVS CHRISTVS.

Qui veram requiem post hanc vitam quærit, etiam hîc eam inter amarissimas vitæ molestias gustabit, si eius, qui eam promisit, PRÆCEPTA dilexerit. quare ÆTERNVS DEI FILIVS, quo nos coheredes haberet, rogante Thadæo postquâ de se manifestando locutus esset, Domine quid factum est, quia manifestaturus es nobis teipsum, & non mundo? respondebat: *Si quis diligit me, sermonem meum seruabit, & Pater meus diliget eum, & ad eum veniemus, & mansionem apud eum faciemus.* Ioan. cap. 14.

IDEM

A discipulis sollicitatus vt māducaret, dicebat: *Ego cibum habeo manducare quem vos nescitis.* Cumque non intelligerent, subiecit: *Mens cibus est, vt faciam voluntatem eius qui misit me, vt perficiam opus eius.* Innuebat veram Christiani hominis alimoniam consistere in obseruatione MANDATORVM DEI. Ioan. cap. 4.

IDEM.

Sciscitanti insuper adolescenti, Magister bone, quid faciam vt habeam vitam æternam? *Si vis, respondit, ad vitam ingredi, serua mandata.* Matth. cap. 19. Mar. 10. Luc. 18.

IDEM

I D E M

Dum rursus loqueretur ad turbas, mittunt mater & fratres, qui eum vocarent ut sumeret cibum. At ille nuntianti, *Que est, ait, mater mea, aut qui fratres mei?* (non negans aut cōtemnens cognationem, sed causæ præsentis, videlicet Euangelicæ prædicationis, executionem vrgens) & extendens manum in discipulos; *Ecce, inquit, mater mea, & fratres mei.* (quos scilicet diligo ut fratres, & honoro ut matrem) *Quicumque enim fecerit voluntatem Patris mei qui in celis est, ipse meus frater, & soror, & mater est.* insinuans talem sibi fore coniunctissimum. Math. cap. 12. Mar. 3. Luc. 8.

S. HUGO EPISC. LINCOLNIEN.

Vide CONVIVIVM.

S. DOROTHEVS.

Cū de mandatorum Dei, & præsertim eorum quæ Decalogo continentur, obseruatione, sermo apud eum fieret; *Hæc, ait, verè sunt vectigalia magno Regi debita: quæ, qui non persoluit, malè multatur.* S. Doroth. doct. 1.

SABA ABBAS.

Vide GRATITVDO.

S. MARIA MATER DEI.

GABRIEL ARCHANGELVS.

SI communis omnium parens Terra, recepti seminis debitum liberali vsura suo domino refundit: quanto æquius est, ut, si ne minimam debiti portionem, quo magnæ VIRGINI magnæ DEI MATRI obstringimur, refundere possimus, grato saltem animo eius laudes dignis præconiis celebremus.

mus. Quod cùm inter homines nemo primus ag-
gredi præsumpserit, non inconueniens erit, si etiam
à primo eoque maximo earundem præcone exor-
diar. Salutem humani generis operaturus eiusdem
auctor & princeps Deus, prædestinata reparationi
huic suæ pietatis remedia (quæ inter ipsa mûdi pri-
mordia præsignauerat) interueniente Angelicâ lega-
tione, MARIE VIRGINI denuntiavit. vtpote quæ
semen illud productura erat; quod serpentini capi-
tis elationem suâ virtute contereret. Ingressus itaq;
ad eam magnus ille heros, solam sine comite, solam
sine teste, cælestibus dumtaxat contemplationibus
intentam, hoc præconio salutatur: *Aue gratia plena,
Dominus tecum: benedicta tu in mulieribus.* Cuius
dicti splendorem quis non videt? dum cælestibus
donis non ornata tantùm, sed repleta, imò exun-
dans, eorumque largitori præsens, & sola, præ aliis
sui sexus benedicta, idque per Angelum, salutatur.
Huius autem salutationis sensum Sanazarius Poë-
ta clarissimus eleganter expressit his versibus:

——— *Oculis salue lux debita nostris,
Jam pridem notum calo inbar, optima Virgo:
Cui sese tot dona, tot explicuere merenti
Diuitiæ superùm: quidquid rectique probique
Æternâ de mente fuit: purissima quidquid
Ad terras summo veniens Sapientia calo
Fert secum, & plenis exundans gratia riuis.*

S. ELIZABETH.

Neque satis erat, si vno præcone Thesaurus hic
mundo innotesceret, alium insuper suscitauit im-
mêsa illa Dei maiestas; ELIZABETHAM. Cùm nam-
que ad eam VIRGO pergeret, vt salutationis Ange-
licæ redderet participem, vbi limen domus tetigit,

b

& vir-

& virginiei oris claustra dissoluit; diuino repleta Spiritu ELIZABETH, voce magna dixit: *Benedicta tu inter mulieres, & benedictus fructus ventris tui.* Eadem autem voce ab ELIZABETHA, qua à Gabriele benedicitur; quatenus, inquit Beda, & Angelis & hominibus veneranda monstretur. Ibid.

DIONYSIVS AREOPAGITA.

At veniant antiqui illi Poëtae, & multo verborum tuco depingant pulchritudinem Narcisci, Medusæ, Deianiræ; Nympharum venustatem admirantur: accedant Hebræi cum illis, quos Sacra littera a corporis formâ extollunt. Nihil profectò omnes illi, in comparatione huius Virginis: quam non interno solum, verum externo etiam splendore & pulchritudine decorauerat magnus ille Plastes. Hinc DIONYSIVM Philosophum ferunt, fidei principiis per doctrinam Pauli Apostoli imbutum, motum famâ intemeratæ VIRGINIS, eius videndi tacitum desiderio: cumque Hierosolymam perrexisset, eiusque vultum intueretur, primùm quasi hæsisse attonitum; & recepto spiritu, dixisse: *Nisi crederem in filium tuum, de quo mihi per Paulum annuntiatum est; tuis plantis pronoluitus, vnum te diuine maiestatis insigne adorarem. Et nisi fides suaderet, haud crederem orbis auctorem Deum te pulchriorem.* Verum ille incomprehensibile lumen inhabitat, à quo hæc Virgo, velut radius ad nos destinata est, ut illuminaret eos, quos prima mulier cæcos pepererat. Refert Bernardus de Busto in Mariali, part. 2. Serm. 4. de Natiuit. Virg. & alij.

S. HUGO LINCOLNIEN. EPISCOPVS.

At velut inter ignes Luna minores promicat, ita hæc inter omnes sui sexus: utpote à qua splendorem

rem hauriunt & dignitatem. Quare piè admodum & sapienter S. HVGGO, *Satis*, dicebat, à *famineo sexu diligi Deus promernit, cum nasci de femina dignatus est. Nam cum viro concessum non sit, ut vel dicatur, vel sit pater Dei; hoc tamen præsutum femina, ut sit mater Dei.* Sur. tom. 6. in Vita cap. 13.

ABBAS THEODORVS ÆLIOTAS.

Si ergo tanto gratiarum cumulo in terris fuerit decorata Virgo sanctissima, quantâ gloriâ existimandum est adornatam esse in cælis, vbi læta contemplatur auctorem & sponsum suum, apud quem sedula pro nobis in hoc exilio relictis intercedit. Quare cum iucundo eius aspectu priuemur, piè admodum eam in expressâ imagine veneratur Ecclesia, eiusque per id iugem & viuam memoriam feruat. Vnde refert Damascenus, Monachum fuisse in monte Oliuarum: qui, cum à fornicationis spiritu acriter infestaretur; à demone, se in forma humana conspiciendum exhibente, intellexit non se liberandum ab oppugnatore spiritu, nisi imaginem quam cellulæ affixerat (erat autem Virginis Christum gestantis) venerari cessaret. quod cum ad THEODORVM ÆLIOTAM retulisset; ille protinus: *Satiùs tibi, ut nullum sit in vrbe prostibulum quod non ingrediaris, quàm ut matrem Domini nostri adoraturum te neget.* Sciebat Virginis cultor eximius, nihil roganti matri à filio, fidei ancillæ à Domino, Virgini sponsæ à suo sponso denegari. Damascenus lib. 1. de Imag. & Pratum Spirituale.

S. GREGORIUS MAGNVS.

Quo tempore læua pestis Romanam urbem olim miserè affligebat, GREGORIUS PONT. religiosam in die Resurrectionis supplicationem instituit, in
b 2 qua

qua DEIPARÆ imago, à D. Luca ad viuum expref-
fa, in publicum efferretur. Et ecce piam circumge-
stationem præfenti miraculo Virginis filius cõpro-
bat. quacumque enim imago deferbatur, peftilen-
tis cæli grauitas depulfa, & optata falubritas confe-
cuta eft. Omnibus autem Deo gratulantibus, Ange-
lus hac voce Virginem alloqui vifus: Regina cæli le-
tare, alleluia : quia quem meruifti portare, alleluia:
refurrexit ficut dixit, alleluia. Quam orationem fi-
mul ac GREGORIUS coràm audiuit, diuino Spiritu
excitatus, eandem in hunc modum cõpleuit: *Ora
pro nobis Deum, alleluia.* Nos etiam te ô clemens, ô
pia deprecamur : & vt vrbium Principem peftis la-
queo exuifti, ita nos vitiis illigatos folue. Caniftius
cap. 22. Sigonius lib. De regno Italiæ.

S. WERNHERVS PVER,

Hoc in Pontifice, iftud in puero non minùs il-
luftre exemplum. Cùm Iudæi WERNHERVM PVE-
RVM, quodd Christianus efferet, miris modis difcruci-
ciarent, & Vefaliensis Iudex, fui muneris oblitus, fe
per fummum fcelus ab æquitate & iuftitia abduci
pateretur; dum fuas preces negligi PVER videret, *Si
tu mihi, inquit, opitulari non vis, opem mihi ferat beni-
gnus Deus, & fãctiffima Mater eius. Ferat, ferat! nam*

Altera iam bello civili voluitur ætas,

Suisque Belga viribus

Interit, ac toti debet ludibria mundo:

Heu triftite fatum! quis modus

Et quis finis erit? Finis, fi turbida vita,

Emancipata crimini,

Mundatur, fi vindicat hanc fibi mafcula virtus.

Tu Dina conantes iuua.

Lippell. tom. 2. de Sanct. menf. April.

IOAN-

IOANNES SAMPENOIVS.

Longum foret oratione complecti, quàm admiranda olim per suam Matrem operatus sit vnigenitus Dei filius in illis, qui eam puro affectu venerantur. Perge itaque calame, maiori quodam ore effer, quæ nostra hæc ætas sensit & vidit. Tu DIVA, manum & mentem moue. Erant Auennæ (Hannoniæ opidum) furti & rapinarum accusati duo: fatentur culpam in tormētis, & simul falsò IOANNEM SAMPENOIVM, cum quo aliquantum itineris confecerant, furti arguunt & cædis. Prætor nihil ambigere, eumque, quò alios, in vincula & immeritam crucem adigere: & tamen quia se innoxium proclamabat, populum hortari vt Missæ sacrificio intersint, in gratiam veniamque criminum iam iam morituri. At IOANNES, *Imo potius, ô Prætor, ait, Dominicam orationem & Angelicam salutationem singuli recitent, honori B. Virginis Hallensis, (quo Hannoniæ loco, summa veneratione visitur Deiparæ statua crebris miraculis illustris) ad quam ibam. Et quoniam in innocentia parum præsidij est, ad illam appello, ea me iueatur.* Post dicta, carnifex hominem cruci applicat, scælis deiicit, & funem stringit. At viuit ille, donec omnibus demirantibus superuenit Ioan. Selliùs, virtute & stirpe nobilis, qui innoxium hominem sibi, aut potius B. Virgini, cuius monitu eò venerat, donari rogat: & viuum ac illæsum impetrat. I. Lips. de Diua Hallensi, cap. 22.

IOANNES CACVLA MILITARIS.

Adiiciamus quod iam pridem euenit. Orta seditione inter milites, qui Weerdtæ Campiniæ opidulo præerant custodes, IOANNES gente Lucemburgius, CACVLA MILITARIS, falsò furti arguitur. Crux

ilicò statuitur, & iuxta eam, omnium voce nocens. Ille se frustra purgare, mentemque & lumina attollere & inclamare: *Tu cali Regina, innocentium vindex, quæ in Hallensi opido cultum & adem tenes, me innocentem tuere*, Dixerat. At nil moratus tortor, eum cruci sistit & adstringit. pendebat à duplici fune. at alter rumpitur, alter idem minatur: donec eum vnus militum gladio secat. Ibid. cap. 31.

VIRGO ANONYMA.

Vide SANCTORVM INVOCATIO.

MVLIER ANONYMA.

Properantem adhuc tenet PAUPERCVLA quædam, religiosa tamen & pia in piam hanc Matrem. Cùm namque prope Laniacum in æde Virgini sacra preces funderet, factum, vt cælestis ignis ei nasum mentumque auferret. Illa domum redit ocyùs, lachrymatur, clamat; *Hei mihi*, inquit, *mater misericordix omnes excipit, nullum sua ade expellit, me solam præter: Deus qui factus es filius feminae, sana me precor per feminam matrem tuam*. Dixit, & pristinam membrorum integritatem recepit. Ex Chronic. Anselmi Abbat. Gemblac. manuscr. quæ suppedi-
tauit Aub. Miræus Canon. Antwerp. qui nunc ea ipsa tenebris eruit, & luce donauit.

M A R I T V S.

Vxor PHILONIS IVDÆI.

Viri in vxorē imperium, veluti animi in corpus esse oportere, olim dicebat Plutarchus: eandemque in illis, veluti in his, naturę cōiunctionem. Ac veluti huius ornamentum est animus, ita illius vir. Testata hoc præclaro ac memorabili testimonio

PHI-

PHILONIS CONIVX: quæ interrogata, cur non vt mulierum genus monilibus compta & vestium varietate ornata incederet prudenter & supra mulierem respondebat: *Potissimum pudicæ uxoris ornamentum, vir bonus & sapiens.* Non minùs sanè eleganter, quàm illa Phocionis Probi: cui semper in ore, *Meus mundus sunt præclara gesta mariti.* Æmulamini has ô matronæ; quæ spretis his ornamentis, de quibus verè vobis gloriandum, vanis & ad pompam dumtaxat exteriorem destinatis lenociniis inhæretis. Anton. Serm. de muliere forti.

EUGENIA PHILIPPI FILIA.

Vide CONIVGIUM, & BONVS VIR.

FÆMINA ANONYMA.

Pauperis vxor erat, sed honesti ciuis: ad illam

Vestibus & gemmis splendida venit Anus;

Cuius sacrilega ditatus fraude maritus,

Turpiter immensas accumularat opes.

Hæc ait, En quantum sum diuite splendida cultu,

Tu quid inops inopis coniugis vxor habes?

Opportuna dedit verbis responsa modestis

Pauper honorato FÆMINA iuncta seni:

Te decorant Tyriæ vestes gemmæque nitentes,

Fama boni decorat me sed honesta viri.

Ex Epigramm. Sabini.

MARTYRIUM.

S. PAVLVS APOSTOLVS.

NON ita recenti pluuiâ rigatum semen incrementum sumit, veluti recenti MARTYRYM sanguine conspersa, sese erexit ac dilatauit Ecclesia. vt verè Martyrum sanguinem, semen Christiano-

rum nuncuparit Tertull. nec falsò cecinerit quidã:

Sanguine mundata est Ecclesia, sanguine cœpit,

Sanguine succreuit, sanguine finis erit.

Quod intuiti viri sancti, nihili duxerunt pro nomine IESV calamitatum mole opprimi. Ita PAVLVS, cùm monerent eum ceteri Apostoli ne ascenderet Ierosolymam, eò quòd graues eum persecutiones manerent, respondit: *Quid facitis flentes & affligentes cor meum? Ego enim non solum alligari, sed & mori in Iersalem paratus sum, propter nomen Domini Iesu.* Act. cap. 21.

S. ROMANVS.

At ROMANVS quantum eodem igne correptus? Lictori ceruicem iam præbebat abscindendam, & ecce nuntius qui Iuliani Imp. litteras defert, quibus ROMANVS manumittitur. An expectatis exultantis animi indicia? Minimè: sed inexpectatum nuntiũ molestius ferens, *Haud dignus, exclamat, erat Romanus, quem Christus haberet martyrem.* Theod. lib. 3. Hist. Eccl. cap. 16.

S. DOMINICVS.

Quid autem iste? Sicariis hæreticis sibi mortem minitantibus; *Nondum, inquit, martyris gloria dignus sum: utinam dignus aliquando euadam!* In Vita eiusdem.

S. CALLOPIVS.

Nec minùs hoc desiderio pro Christo quæuis patiendi tenebatur CALLOPIVS. cui dum pœnarum ac tormentorum quoduis genus obiiceret Tyrannus, alacri voce, vultuque; *Hoc, inquit, tota animaditate concupisco. Quanto me granioribus exercueris tormentis, tanto splendidiorẽ mihi coronam contexes.* Sur. in Vita.

S. BA-

S. BASILIUS.

Æquali ardore succensus hic, cùm ad Valentis tribunal iudicandus duceretur, mortemque minitaretur Præses; *Vtinam, ait, id mihi contingat, ut pro veritate vitam effundam!* Et ecce dierum aliquot inducias maturæ deliberationi permittit: at, *Ego*, inquit BASILIUS, *cras idem ero, qui hodie: utinam tu quoque idem!* Socrat. lib. 4. cap. 21.

S. ROMANVS MILES.

Alius à priore isto, sed verè etiam hoc facto dictoque ROMANVS. Dum enim plumbatis & equaleo tortus caderetur, fuerunt qui molliùs cum eo agendum dicerent, quòd nobili esset genere oriundus. Quibus ille: *Nequaquam nobilitatis nomine mihi parcite. Absit ut me nobilem sanguis parentum præstet, aut lex curiæ: generosa Christi secta est, quæ nobilitat viros.* Prud. in Hymno.

S. LVCIVS ALEXANDER.

Et hunc tacitus filebo? En, dum liberè redarguit Urbicium, quòd Ptolomæum Christianum indictâ causâ condemnasset, ad supplicium raptus, clama-
*bat; Hac ratione à malis dominis me liberandum scito-
 te, & ad bonum patrem ac regem proficisci.* Euseb. lib. 4. cap. 17. & Iustin. in Apolog.

F. IOAN. FORESTVS.

Finem facerem, nisi me vnus FORESTVS teneret, quem priori sæculo fortiter occumbentem vidit Anglia, & invidit. Flammiis adiudicatus, quòd Henrici iniustis decretis acquiescere recusaret, condolenti sibi Catharinæ Aragoniæ Reginæ, cui fuerat à confessionibus, respondit rogauitque: *Quæso continuis precibus instantem meum agonem & certamen subleuate. Quo facto, nolim de constantia dubites. Parum enim*

enim decet hos canos meos, istis puerorum terribilium in causa Dei moveri: & virum qui 60. iam & quattuor annis vixi, mortem turpiter formidare: ac religiosum Franciscano habitu 44. annis discentem & docentem terrena contemnere, non amare, & quouis conatu adspirare ad celestia. Sanderus lib. 1. de Schism. Anglic.

S. AGATHA.

Ad fœmina transeo: sed quantus hîc etiam dicendi campus aperitur! Vna AGATHA exemplo sit & experimento. Minabatur extrema Quintianus Siciliæ Proconsul, ni Idolis immolaret. at illa, *Deo*, inquit, *non Dæmoni sacrifico*. Equuleo subicitur, ceditur, torquetur. an eiulatus ad quos pronus ille sexus, emissos desideras? Nequaquam: sed, *Quantum*, inquebat, *hiscæ pœnis oblector!* Sicuti enim *tritum*, non reconditur in horreum, nisi tritura ventilationeque purgatum: ita scio me ad patientiæ præmia minime peruenturam, nisi suppliciiis purgatam. O verum Evangelici frumenti granum; quod prius in terra emortuum, fructum centuplum attulit! Sur. tom. 1. in Vita.

MVlier ANONYMA

Digna item quæ cum ceteris collata, splendoris sui radios hîc etiam emittat. Edessæ in Mesopotamia Valentis decreto cautum erat, ne quis ad Basilicam die postero accurrere præsumeret, nisi & eâ & vita simul cedere vellet. Taceo quid à viris eâ tempestate præstitum: certè MVlier orthodoxa, narum manu trahens, citato cursu, ad dictam Basilicam properat. Indignatus Præfectus, eam duci ad se iubet. Et quid, inquit, mulier tam indecenti gressu curris? anne decreti nostri es conscia? omnes vi-

delicet

delicet neci dandos, qui in illa Basilica reperientur. *Et hoc est*, respondit illa, *quod me euocat; hæc properationis causa, ut etiam inter eos inueniar.* At quò paruum trahis? instat. Illa, *Eodem*, ait, *ut & ille martyr fiat particeps.* Maluit certè pia MULIER mortè cū prole pro Christo oppetere, Deoq; iuge cum Abrahamo sacrificium offerre, quàm se impiis Præfecti legibus submittere. Hist. Trip. lib. 7. cap. 32.

S. THEODORA VIRGO ET MARTYR.

Require Apophthegmata de ANIMI FORTITUDINE, & FIDE ERGA DEVM.

MATRIMONIUM.

IESVS CHRISTVS.

HONORABILE CONNUBIUM à Deo in Paradiso institutum, sine quo humana societas consistere diu nequit, breui compendio perstringimus. Cuius bonum paucis insinuauit CHRISTVS DOMINVS, dum Phariseis calumniandi animo accedentibus, rogantibusque multa de libello repudij à Moyse concessi, Matrimonium ad primam institutionem reuocasset. dicebat enim: *Quod Deus coniunxit, homo nō separet.* distinctè matrimonialis vinculi indissolubilitatem pronuntians. Mat. c. 19.

IDEM

Cū plurima de Matrimonij nexu dixisset, Discipuli quasi stupefacti; *Si ita est*, inquit, *causa hominis cum uxore, non expedit nubere.* Qui respondit eis; *Non omnes capiunt*, id est approbant & admittunt, *verbum istud; sed quibus datum est*: scilicet, speciali gratiæ dono. Benè Hieron. lib. De viduis: *Copula nuptialis non est quasi copula vitanda, sed quasi*

quasi necessitatis sarcina declinanda. Nam, vt Theodectus, Similes sunt senectus & nuptiæ: vtraque enim consequi desideramus: postquam verò nacti fuerimus, tristamur. Matth. cap. 9.

ALPHONSVS ARAG. REX.

Huic aliquando in ore: *Tum demum matrimonia tranquille exigentur, si vir surdus, vxor caca sit.* Significabat autem, plerasque rixas quæ in hoc statu interueniunt, excitari potissimum ex zelotypiâ coniugum. quorum si hic surdus foret, ne alterius profusam garrulitatem audiret; illa cæca, ne mariti intemperantiam videret; non tam frequens etiam foret querelarum ansa. Panorm. de Dict. eiusd.

MARIANVS SOZINVS.

Et quia is qui cum vxore est, iuxta Apostolum, sollicitus est quomodo placeat vxori, & diuinus est: idè rogatus MARIANVS, vir alioquin eruditus, cur minùs post coniugium, quàm ante illud, libris litterisque incumberet; respondit: *Quia vxorem duxi.* dicentique: Eriam Socrates vxoratus erat, cur non & ille Philosophiæ studia aspernatus? *Xantippe*, ait, *morosa erat, & deformis; mea autem proba est, & forma decenti.* Æneas Sylu. de Dict. Sigism. & Frederici Imp.

ANONYMVS.

Hinc benè quidam, inquirenti an viro sapienti ducenda foret vxor, respõso hoc satisfecit, inquiens: *Si pulchra, si benè morata, si honestis parentibus, quid obstaret?* At quia hæc rara avis, sapienti ducenda vix erit. nam, vt Varro in Menippæa,

Vitium coniugis aut tollendum est, aut ferendum.
Auct. Serm. memor.

ANO-

ANONYMVS.

Duxerat hic vxorem sine vllâ omnino dote, cùm tamen honestiores & opulentiores matronæ se crebrius offerrent. Roganti verò, cur his spretis, illam in coniugem acciperet; *Ne, inquit, dotium freno restrictus, vxori meæ nupsisse ego videar: & ita contra Apostoli doctrinam viri caput fiat mulier.* Sed quantum hoc æuo ille morbus inualuit, quas non radices egit? Pulchrè simul & facetè Martialis, lib. 8. ad Priscam:

Vxorem quare locupletem ducere nolim,

Queritis? Vxori nubere nolo mea.

Inferior matrona suo sit, Prisce, marito:

Non aliter sunt femina virque pares.

Vt verò insinuet quenam tandem vxor ducenda, ita ad Flaccum loquitur:

Qualem Flacce velim, quæris, nolimve puellam?

Nolo nimis facilem, difficilemq; nimis.

Illud quod medium est, atq; inter utrūq; probatur,

Nec volo quod cruciat, nec volo quod satiat.

Ioan. Petrosius in Serm. conuiual.

MEDICINA.

IESVS CHRISTVS.

MEDICINA, quam Altissimus de terra creauit, quamque vir prudens non abhorrebit, inuestiganda. Eius enim necessitatem commendant Sacrae litteræ, & in iis humani generis verus Medicus & reformator CHRISTVS: qui, cauillantibus Pharisæis, quod ad Matthæum ingressus esset, hac similitudine vsus, ait: *Non est opus valentibus Medicus, sed male habentibus.* Matth. cap. 9.

PIVS

PIVS II. PONT.

Inciderat apud eum sermo de imperitis medicis & sacerdotibus : qui inter eos discrimen assignans, *Imperiti, aiebat, medici corporis dumtaxat; sed sacerdotes indocti, anima interfectores sunt.* Vide utrumuis è duobus elegeris. Auſt. Sermon. memor.

I D E M

Vt erat in dicendo mirè facetus, dicere quandoque solebat : *Peccare existimo medicos, quòd ab agris stipendium accipiant, qui malint eis carere: at potiori ratione à sanis accipiendum, ne illis vti compellantur.* Vnde quidam non illepidè de Medicis ita lufit:

Accipit oblatum Medicus, dare non solet aurum:

Pharmaca dat Medicus, non solet accipere.

Ordonner Medicos, agros or donner oportet:

Alterius sic res altera poscit opem.

Corozet. de Dict. Fact. memorab.

ADRIANVS VI. PONT.

Dum inter domesticos hæc quæstio ventilaretur, **exp** dirètne Reipub. esse medicos : ac varij varia dicerent, nonnulli etiam negantem partem amplecterentur, eò quòd Roma eorum ope 600. annis caruisset aliquando: ille subridens, *Imò, ait, expedit eos esse: ne tandem ipse mundus ab inhabitantibus opprimatur, qui aliàs nimis magno numero futuri.* Significabat autem praxim medicinæ, priusquam ad vnguem castigata sit, euidenti multorum periculo excerci. Floresta in Dict. memor.

MAXÆMILIANVS IMPERATOR.

Detinebatur hic graui morbo, & ecce vndique accurrunt Medici, rem, vt videbatur, magnâ acturi. Ille meliusculè se sentiens, singulos seorsim introduci ad se mandat. quos omnes hac voce compellabat;

labat; *Medice quot? mirantur omnes, & vocem faucibus detinent; donec tandem introgressus quidam experientiâ & doctrina clarior ceteris, Imperatori roganti, Quot? respondit; Tua pace dixerim Caesar, innumeros.* Ridet IMPERAT. tam liberâ confessionem, inquires: *Ingenua confessio te medicum, Cæsarem fecit: sed tu porro experimentis per mortes abstine, inuenis ex fide utere.* Theatr. Vitæ humanæ.

IOVIANVS PONTANVS.

Ille item ut erat Alphonsi Regi à secretis, vnico dumtaxat cibi genere utebatur. rogatus, cur id ageret; *Ut sic, inquit, medicorum manus effugiam.* Legebat fortassis illud Hippocratis, Diueritate ciborum nihil nocentius. Hadr. Barlan.

MEDIOCRITAS.

ALPHONSVS REX ARAG.

MEDIOCRITATEM, quam merito auream dixit Horatius, sectamur: sine quâ nemo sapiens habendus, nemovirtutibus, quarum hæc custos, prædictus censendus erit. quod memorabili dicto demonstrauit ALPHONSVS: dicebat enim: *Optimum fore & peroptandum, si voluntas nostra inter amorem & metum media intercederet: ut quantum amor ad excessum, tantum metus peïerit ad defectum.* Sentiebat autem hominum actiones mediâ volûtate temperandas. Panor. lib. 4. de Gest. eiusd.

PETRVS ALDOBRANDINVS CARD.

Dabis veniam illustrissime Præsul, si Alphonsum tibi extra ordinem præponam. Tu etiam huius virtutis non laudator tantum, sed & sectator, dicere soli-

solitus; *Virtus sine modo fit vitium*. Hinc cum filias Archidami donasset pretiosis vestibus Dionysius, noluit pater eas induerent, ne turpiores apparerent. Benè ergo suum Licinium hortatur Horatius:

*Rectius vines Licini, neque altum
Semper urgendo, neque dum procellas
Cautus horrescis, nimium premendo
Littus iniquum.*

MEMORIA.

PETRVS ALDOBRANDINVS CARD.

Rerum magistra & Musarum parens MEMORIA in proscenium quoque educenda. de quâ præclare aliquando locutum Illustriss. Cardinalem ALDOBRANDINVM legimus. Rogabatur, quamnam esset *optima Sapientie schola*; Memoria, respondit. addens, *Estque hæc non magistra modo, sed & mater veteribus constituta Musarum*. Henr. Farnes. Apophth. de Princ.

IDEM.

Quantus verò Memoriae defectus in addiscente sit, eiusdem sententia probat. Sciscitanti namque, qualis in addiscente deberet esse Memoria; *Quale*, inquebat, *in Apollinis simulachro olim erat tricipitium*. Vnum enim erat lupi, ob rapacitatem: leonis alterum, ad tenacitatem: tertium canis, ad fidelitatem. Eam ergo memoriam requirebat, quæ sua rapacitate omnia deuoraret, eademque firma tenacitate retineret, & sibi fidentem non falleret. Ibid.

IDEM

Interrogatus etiam, quænam è veteribus ut maximè ad litterarum studia idoneum reputaret; *Hor-*
tensum,

tensum, respondit. ille enim (Cicerone teste) in tantum valuit memoria, ut, quæ secum pluribus egisset, sine scripto, verbis iisdem redderet. Ibid.

IDEM.

Cum insuper de memoriæ præstantia sermo fieret, & hic Mithridatis regis (qui duarum & viginti gentium linguas calluit) ille Themistoclis aut Cyri (quorum prior non poterat obliuisci quorum nollet; posterior, totius exercitus nomina singulatim referebat) memoriam laudaret; *At ego, inquit, eam memoriam probō, quæ quis sui numquam obliuiscitur.* Præclarum profectò, & tam illustri pectore dignum Apophthegma. Ibid.

MERCEDIS CONTEMPTVS.

S. HILARION.

Quamuis naturâ duce cuilibet bono operi sua debeatur merces, eam tamen charitatis intuitu crebrius recusarunt in terris viri sancti, quo ampliore magisque securam in cælis preparatam reperirent. Vnde HILARION, Orioni sibi dona offèrenti, quod dæmonum phalange eum liberasset, dicebat: *Non legisti, quid Giezi, quid Simon, passi?* cumque Orion flens diceret: Accipe in usus pauperum. respondit: *Tu id rectius præstiteris, qui urbem indies obambulas: ego qui reliqui mea, cur appetam aliena?* Hieron. in Vita.

IDEM.

Ita in Sicilia cuidam sibi auri pondus danti, quòd graui eum morbo curasset, depromebat eam Domini sui vocem: *Gratis accepistis, gratis date.* Ibidem, cap. 14.

S. LEO-

S. LEONARDVS.

Pari constantia iste, oblatam à Regina Galliz mercedem, quòd eam precibus difficili partu liberasset, renuit: offerentiq; Regi, *Nequaquam, ait, illis mihi opus. nihil enim defuturum est ei, qui omnium opifici libenter seruit. cum ipsa Veritas dicat, Quærite primum regnum Dei.* Iac. Ianuens.

S. MARTINVS EPISCOPVS.

Et hic Leontij cuiusdam familiam contagioso morbo, diuinâ adiutus ope, liberarat. qui, cum pro beneficio centum argenti libras rependeret, recusauit accipere. quare indignati comites. Ad quos MARTINVS, *Nos, inquit, Ecclesia & pascat & vestiat: dummodò nihil vñibus nostris quassisse videamur.* Sulpit. in Vita.

MILES, MILITIA.

ALEXANDER SEVERVS.

D iuitiarum non esse securam possessionem, nisi armorum defensione seruetur, auctor est Vegetius. Quare vigilantissimus Imp. SEVERVS cautè prouidebat, ne vinquam suo stipendio MILITES fraudarentur. Dicebat enim: *Miles non timet nisi vestitus, armatus, calceatus, & satur, ac aliquid habens in zona.* Sentiebat militem, cum aliquid habet, metuere ne perdat: mendicitas namque in desperationem redigit armatum. Æl. Lamprid.

D. LVDOVICVS FRANC. REX.

Vide Apophth. de ADMONITIONE.

CAROLVS V. IMP.

Ille tres rerum nervos dicebat, Pecuniam, Com-
mea-

meatum, & Militem. E quibus si vnus eligendus: Malim, inquiebat, veteranum militem. eius namque promptitudine quæuis ab hoste impetrabimus. In Vita eiussd.

M I N Æ.

FRÉDERICVS II. IMP.

Quemadmodum quod sine fulmine erumpit tonitru, quamuis aliquem terrorem incutiat, periculo vacat: ita quorundam imbelles MINÆ. Sentiebat id FRÉDERICVS ROGERIVS; qui, vt erat totus Martialis & acer, nihil minoris æstimabat, quàm imbelles quorundam comminationes. cumque ad eum horum aut illorum Principum minæ dictæriæve deferrentur; *Minarum*, dicebat, *stre-pitus, asinorum crepitus.* Nicol. Reusn.

PETRVS ALDOBRANDINVS CARD.

Viro autem forti nihil derogare minantis auctoritatem, suo dicto asserebat iste. erat autem tale: *Vir fortis adamanti persimilis, qui neque ferro infringi, neque igne absumi potest.* Ita Leonidas Persæ cuidâ minitanti, quòd Lacedæmonij die postero ex telorum imbre solem visuri non essent, In vmbra igitur, respondit, commodè pugnabimus. Henr. Farnes. in Apophth. de Principe.

MIRACVLVM.

IESVS CHRISTVS.

SI inuisibilia Dei per ea quæ facta sunt conspiciantur; multo ampliùs ea ipsa elucere dicenda erunt, in iis quæ illustriora & magis admiranda.

Ita cū de Nathanaële dixisset CHRISTVS, eum verum Israēlitam; deinde quōd sub ficu eum vidisset dum à Philippo vocaretur; & diceret Nathanaël, Rabbi tu es Filius Dei, tu es Rex Israēl: respondit; *Quia dixi tibi, Vidi te sub ficu, credis: maius videbis.* scilicet, vt magis & firmius credas. Sunt enim miracula signa non fidelium, sed infidelium.
Ioan. cap. 1.

IDEM.

At non semper oportunum tempus edendi miracula. Dicebat enim IESVS, deficiente in Cana Galilææ vino, ac monente matre, Vinum non habent: *Quid mihi, & tibi est mulier? nondum venit hora mea.* Quasi dicat, Tēpus miracula operādi, & per ea me ipsum mundo manifestandi nondum adest. Aderat autem, cū iam omnibus de vini inopia constaret. vt aduertit Iansen. in Concord. cap. 18. Ioan. c. 2.

IDEM.

Neque solū admiranda CHRISTI opera eum ab infania dæmonioque, quod habere eum obiciebant, vindicarunt; sed & verum Messiam à sæculis promissū fuisse testata sunt. Cum enim Hierosolymis ambularet in porticu Salomonis, eumq; circumdedissent Iudæi, requirentes, Quousque animam nostram tollis? si tu es Christus, dic nobis palàm. respondit: *Loquor vobis, & non creditis: opera quæ ego facio in nomine Patris mei, hæc testimonium perhibent de me.* Ioan. cap. 10.

IUDÆI EVANGELICI.

Vera autem miracula veram etiam diuinitatem arguere, palàm testati Iudæorum quidam præ ceteris benigniores. Postquam enim cæcum à natuitate sanasset Iesus, seque bonum Pastorem dixisset, or-

tum inter Iudæos dissidium. quorum alij dicebant, Demonium habet, & insanit: quid eum auditis? alij verò sanioris mentis: *Hæc verba non sunt demonium habentis. numquid demonium potest cæcorum oculos aperire?* / Ioan. cap. 10.

ANONYMVS.

Vide CHRISTI POTENTIA, & NOMEN.

MISERICORDIA.

Vide CLEMENTIA, ELEEMOSYNA,
PAUPERVM CVRA, &c.

MODESTIA.

ALPHONSVS ARAGONVM REX.

Modum in rebus esse, & certos fines, auctor est Horatius; & post eum, idem testatus ALPHONSVS: quem cum Lucas vir disertissimus, graui Oratione laudasset, hoc ab eo responsum accepit: *Si vera sint quæ de me prædicas, Deo gratias ago: sin aliter se habeant, vt vera aliquando sint, rogo.* Parnorm. lib. 1. de Gest. Alphon.

IDEM.

Infectâ in quâ versabatur vrbe sanguinis profluvio, iaspidem quem secum ferre solitus, ad mulierem quamdam eo morbo laborantem misit. quæ vbi sanitatem recepit, venit gratias actura; quodque iaspidem sinistro calu perdidisset, insinuat. veniam Rex daret. Increpant eam Proccres, & ingratitude meritorum arguunt. At ALPHONSVS nihil mutato vultu, summa cum MODESTIA; *Matrona, inquit, ij qui parvam suæ valetudinis curam habent, mirantur si tu vt valere possis, lapidem retinuisti.* O præ-

406 LAVRENTII BEYERLINCK
dicandam cum humanitate coniunctam MODE-
STIAM. Bapt. Fulgos. lib. 5.

*Require Apophth. de MEDIOCRITATE,
& COGNITIONE SVI.*

MONACHVS.

S. ANTONIVS EREMITA.

QVod olim à sanctis illis Eremitis cultoribus
MONACHORVM nomen deriuatum sciret ma-
gnus ille solitudinis amator ANTONIVS; commissis
sibi fratribus dicere solebat: *Quod piscis in arido, hoc
Monachus in opido.* proprium Monachorum (si ta-
les re, vt nomine sint) domicilium locumve, clau-
strum ac solitudinem reputans. Niceph. lib. 8. c. 4.
Hist. Eccles.

ELIAS ABBAS.

Vide ADMONITIO.

S. HVGONIS EPISC. LINCOLNIENS.

Neque minùs nobile HVGONIS ANTISTITIS di-
ctum. Inita pace inter Franciæ & Angliæ reges, do-
mum Arueriam Carthusiani instituti venit. Roga-
tus autem de pacis conciliatæ conditionibus, re-
spondit: *Rumores audire & referre, etsi Episcopis li-
cet; Monachis tamen non licet.* Dictum non solùm
hauriendum auribus, sed verè etiam insculpèdum
inscribendumque eorum animis. Surius tom. 6.
in Vita.

S. LAVRENTIVS PATRIARCHA VEN.

Æquè laudabile illud LAVRENTII PATRIAR-
CHÆ: qui, *Tribus Monacho est opus, aiebat, desiderio,
moderatione, & gratia: ubi enim horum aliquid deest, ibi
perseuerantia esse non potest.* Sur. to. 1. in Vita.

S. ÆGI-

S. ÆGIDIUS.

Quodam illum consulente, num rel cta mundi vanitate satius esset se Deo in monasterio consecrare; respondit: *Si extremâ inopiâ laborans, reconditum quis thesaurum in agro sciret; putâsne requisitum ab aliquo, an eum effodere deberet? Quo dicto insinuauit, multo amplius nobis properandum ad ea loca, in quibus æternæ salutis thesaurus.* Sur. tom. 2. in Vita.

BALDERICHVS EPISC. SPIRENSIS.

At non omittendum quod de BALLERICO asserit Bruschijs. In Episcopum enim Spirensẽ ob raras ingenij dotes, &

*Compositum ius fasque animi, sanctosq; recessus
Mentis, & incoctum generoso pectus honesto,*

à clero & populo, ex monasterio Hirsauiensi, in quo B. Augustini regulam vouerat, adscitus, summo conatu restitit: adiiciens nobilem illam sententiam: *Ex quo in Cænobium me contuli, fastui Principum mundi que pompæ valedixi.* Verum nihil excusatio profuit. inuitus enim ad Episcopatum pertractus, à reprehensione immunem & planè monasticam vitam in eo egit.

ADOLPHVS HOLSATIÆ COMES.

Admirandum etiam monasticæ humilitatis exemplum præbuit ADOLPHVS HOLSATIÆ COMES. Hic enim manus cum hoste cõserturus, voto se adstrinxerat, vt si victor euaderet, Institutum D. Francisci, Comitatu abdicato, sequeretur. Itaque voti compos, paupertatem Christi æmulaturus, sacram vestem Minoritarum, & simul viuendi normam assumpsit, votoque se soluit. Sacris initiatus, Monasterium sui ordinis in opido Kyl ædificari curauit;

collectis etiam ostiatim eleemosynis in subsidium. Factum autem, ut cum hydriam lactis ad socios deferret, filios suos Holsatiæ comites splendido cultu obuios habuerit. Quid faceret? viam declinare non poterat: pudorem tamen vicit constantia, seque totum lacte perfudit, dicens: *Infelix homo, Christi paupertatem baiulare erubuiſti: nunc te monachum exhibe, ostende quid portaueris.* iterque suum, nil filiorum moratus præsentiam, totus lacteus absoluit. Hieron. Ziegl. in hist. Illust. German.

MORBUS.

SENEX ANONYMVS.

Quid de corporis infirmitate dicam? quam pro-
 uidus aliquando immittit Deus iis, quibus uti-
 lius est frangi languoribus ad salutem, quam rema-
 nere incolumes ad damnationem. Venerat SENIOR
 tam pietate quam annis, ad discipulū suum: quem
 cum infirmę valetudinis reperisset, *Fili,* inquit, *ne*
propter corporis infirmitatem angaris, pro quā Chri-
stianum decet Deo gratias agere. Quo dicto, & morbi
 vehementiam leniit, & infirmi tolerantiam non pa-
 rum auxit. Simon Goulartius ex Vitis SS. PP.

EREMITA ANONYMVS.

Et huius quoque spiritum Dei visitatio custodie-
 bat. quotannis enim variis infirmitatum generibus
 affligi solitus, accidit ut vno anno à morbis omni-
 no immunis foret: quam sortem altis suspiriis de-
 plorans subinde, exclamabat: *Domine Deus, cur me*
deseris? cur me desolatum hoc anno non visitaſti? Ita
 vir sanctus, ea quæ alij pro flagello habent, solatij
 loco, quoad vixit, reputabat. Idem.

THEO-

THEODORICVS EPISC. COLONIEN.

Erat ille auctoritate & prudentiâ inter Electores facile Princeps. Quærenti autem Sigisimundo Cæsari, quonam pacto felicitatem consequi posset; *Inter mortales, ait, frustra requiris. Instanti rursus; Ad caelestem ergo quo itinere pergam? Rectâ, respondit ille. vrgentique tertio, quid agendo rectâ tenderet; Si, ait, ita vitam institueris, quomodo facturum te promisti, dum calculus aut alia inualetudo te oppressit. Decuit autem, morbum quemuis, si acrior sit, esse certum ad meliorem vitam incitamentum. Æn. Syl. lib. 2. de Gest. Alphonfi.*

ANONYMVS RELIGIOSVS.

Sed & diuinæ probationis ac miserationis argumentum est corporis per egritudinem afflictio. hinc quidam ex Patribus adolescenti à se sanitatem postulanti, respondit: *Rem tibi necessariam cupis auferri: si enim aurum es, per ignem probaris; si ferrum, rubiginem amittis. Sanè id ipsum nobis omnibus dictum putemus, vt alacri animo feramus,*

Cum granis excruciat morbus, vel sana podagra

Cum premit, aut lectus debile corpus habet:

Et morbi auctorem merito celebremus honore.

Vulneris hæc nobis certa medela datur.

Refert. L. Granat. Serm. de Commem. Annunt. ex vitis PP.

Require Tit. de TRIBVLATIONE.

M O R E S.

FRANC. BORGIA SOC. IESV.

Non parua modestiæ prudentiæque nota, cuiusvis MORIBVS se facilem præbere, temporis
c 5 ac lo-

ac loci ratione habita. Claruit autem hoc splendore
 FRANC. BORGIA: qui, dum iter faciens diuerſiſſet
 ad ea loca ubi eum à quotidiano Sacrificio arce bant,
 etiam tabulis Societatis prolatis; ſocio urbè in
 aurem inſuſurrabat: *Nunc per me licet priſtinos ti-
 tulos nomines. Ciuili namque hîc iure agendum.*
 Lib. 4. Vit. eiufd. cap. 1.

I D E M

Modum titulis ſtatuerè ſolitus, in iis tamen dan-
 dis liberalis; ſi quem aulico hoc fumo libenter de-
 nigrari conſpiceretur. aiebat namque: *Si peccandum
 alterutram in partem eſt, titulorum vbertate quam
 raritate offendere malo.* Ibid. cap. 8.

LVDOVICVS XII. GALL. REX.

Ille vt in aliis, ita & hîc facetus. Dicenti coniugi,
 futurum vt claudicantem leuiter filiam gener, cui
 eam Rex ſe inuita deſponderat, planè contemneret;
 illud Naſonis ingemrabat:

Certus amor morum, formam populabitur ætas.

P. Æmil. in Vitâ.

CAROLVS V. IMPERATOR.

Hic etiam cum regali maiestate facerâ vrbani-
 tate præditus, frequenti ſuos Proceres apophthegmate
 reficiebat. Factum autem, vt de cogendo milite ſer-
 mo fieret. cùm ille ita orſus: *Ego dùm militem & ca-
 ſtra colligo, aſſumo caput Italicum, humeros & manus
 Hiſpanicas, Germanum pectus, ventrem & pedes alia-
 rum nationum.* Solertiam Principis in eo potiſſi-
 mùm conſiſtere ſignificabat, quòd cuiuſuiſ nation-
 is mores & humores habeat ſibi perſpectos.
 Chytr. Orat. de vita Caroli.

MORIO.

M O R I O.

FREDERICVS IMP.

MORIONES, vt hominum omnium communem fecem, breuiter transcurrimus, & simul eos despicientem FREDERICVM CÆSAREM. qui rogatus, an illud hominum genus in conuiuium admittendum esset; sapienter respondit: *Neque stultis delectari possum, neque superbis esse amicus.* Confidebat illud Poëtæ:

———— *Sapientia prima est*

Stultitia caruisse. ———

Æn. Syl. lib. I. de Gest. Alph.

ALPHONSVS REX ARAG.

Ille in omnes munificus, præterquam in hasordes hominum. dicebat enim: *Huiusmodi homines persimiles sunt cisterne rimosæ, quam vt nullus implet imber, ita hos nulla rerum compendia exfatiant.*

Pont. de Liberal.

MORS, EIVSQ. MEMORIA.

S. HVGGO EPISC. LINCOLNIEN.

VLtimam rerum humanarum lineam, MORTEM, attigimus: quâ, vt inquit Seneca, nihil natura præstitit melius, & cuius frequētius nullum est votum. Hinc benè LINCOLNIENSIS ANTISTES HVGGO, multa de Mortis horrore dicētibus, respondisse fertur: *Heu quàm miserè nobiscum ageretur, si nūquam hoc exilio excederemus!* Voluebat animo vir sanctus, quòd iustus si morte præoccupatus fuerit, in refrigerio erit. Sur. tom. 6. in Vita.

S. HIE-

S. HIERONYMVS.

Et ob id iugem esse & salutarem mortis memoriam dicebat HIERONYMVS, dum ait : *Facile omnia contemnit, qui se cogitat moriturum.* breui, sed solido dicto vitæ nostræ fragilitatem insinuans. Præclare Martialis:

Pange toros, pete vina, rosas cape, tingere nardo:

Ipse iubet mortis te meminisse Deus.

Fulgos. lib. 7. cap. 2.

RELIGIOSVS ANONYMVS.

Narrat de isto Ioan. Climachus, quòd, cùm negligentius viueret quàm Religionis statutum postularet, morbo ad extrema deductus, integram panem horam quasi in extasin raptus iacuerit; ac tandem sibi redditus, vt omnes qui aderant à se egrederentur postularit. Quo facto, antri quod incolebat aditum saxi obstruxit, in eoque duodecim annos tam asperam vitam duxit, vt nulla colloquia admitteret, nullum, præter aquæ & panis pauxillum, cibum corpori indulgeret, ac solum animo volueret, quæ in illo suo mentis excessu fuerant sibi obuersata. Quo tempore autem fatalem sibi diem, quando ex hoc carcere exeundum, instare aduertit; resecato aditu, alios suos collegas admisit. Qui dum supplices peterent in memosynum aliquod, quo ad virtutis studium incitarentur, ille iam oculos panem in morte grauatos attollens; *Ignoscite, inquit, fratres. Nemo, qui reuera mortis memoriam agnouerit, peccare unquam poterit.* Quàm appositè monet in Epist. Horat.

Inter spem, curamque, timores, inter & iras,

Omnem crede diem tibi diluxisse supremum.

Refert ex Climacho Guil. Baldesanus lib. 2. Stim. virt. cap. 17.

ABBAS

ABBAS IOSEPH.

Egregiè quoque, apud Cassianum, ABBATEM IOSEPHVM sensisse fatendum erit. à quo frequenter audita hæc vox: *Postremum illud, quod generaliter vitiorum omnium peremptorium esse nemini dubium; est, ut se de hoc mundo quis credat quotidie migraturum. & verè,*

*Flante velut valido nubes Aquilone fugantur,
Sic meditata scelus Mors procul omne fugat.*

MESSODANVS.

Quæ cùm ita sint, iure MESSODANVS iam senex, vitæ tædio affectus, cùm ab amico in crastinum vocaretur, respondit: *Quid me vocas in crastinum, qui à multis annis crastinum non habui, sed mortis aduentum indies exspectavi? quæ numquam nobis non insidiatur, donec tandem incantatos opprimat.* Sanè, ut doctè iterùm Martialis,

Non est crede mihi sapientis dicere, Vinam:

Sera nimis vita est crastina, vive hodie.

Guido Bituric. ex Hist. Eccles.

CONSTANTINVS IMP. ET HORMISDAS.

Require Apophth. de ROMA.

MAXÆMILIANVS I. IMP.

Sed & memori mente volubat MAXÆMILIANVS, quod sub Mortis, ut canit Claudianus,

—— purpurei veniant vestigia Reges

Deposito luxu, turbâ cum paupere mixti.

Nam postremo sui Imperij lustro, cùm palatium apud Oenipontem magno suo are construi mandasset, & operis præfecti leuiiores quosdam in eo errores commisissent, secretiùs in aurem cuidâ sibi adstanti susurrabat: *Parum hi faciunt quod me delectet: aliam domum construam mihi placituram.* eoquæ die

die feretrum omni quæ ad sepulturam necessaria foret suppellectili instructum parari iussit, ac secum, quocumque pergeret, clanculum deferri. Cumque curiosius coniectarent Proceres de usu illius scrinij, CÆSAR subridens, ac sibi conscius, *In rei*, dicebat, *mibi supra omnes alias charissimæ usum, mecum hoc defero.* Ita assidue sepulchrum adesse sibi voluit, ut eiusdem perpetua recordatio, suæ menti fastû mundi eximeret, æternitatis brauium infunderet. Reinhard. Hadamar. in Instit. Principum.

I D E M

Iusserat adhuc superstes, ut quando inter viuos defisset, cadaver suum omni hominum, etiam infirmæ, sorti conspiciendum proponeretur: ac causam percontanti, *Vt ita*, dicebat, *vel meo exemplo discant, omnes, nulla diademata, opes nullas, nec ulla imperia à morte eripere possidentem.* Hæc enim

——— *sola vlttricibus armis*

*Elatos frenans animos, communia toti
Genti sceptrâ tenens, æternâq; fœdera servans,
Et magnos paruosq; terit: nam fortibus æquat
Imbelles, populisq; Duces, seniumq; iuuentæ.*

Ibidem.

FREDERICVS IMPERATOR.

Vide IUDICIUM DEI.

ALPHONSVS REX ARAG.

Nec silentio præteriri ALPHONSVM fas erit. qui requirenti, *quenam res Principes ac prinatos, ditiores ac pauperes, exæquaret;* respondit: *Cinis.* significans, quod paucis habet Iuuenalis:

——— *Mors sola fatetur*

Quantula sint hominum corpuscula. ———

Itaque attollere in vita, manus & spes ab Oriente

in Occasum mitte : illa contrahet , & te intra te co-
get. Panorm. lib.4. de Gest. eiusd.

CÆSAR BORGIA.

Hic totius Italiæ imperium animo conceperat, ac
sublatis è medio omnibus quos sibi impedimento
futuros suspicabatur, tandem quod aliis miscuerat,
venenum hausit inscius : & moriturum se ratus,
Aduersus omnia, inquit, *pericula me muniri, præ-*
terquam aduersus mortem. quippe qui numquam co-
gitavi me tam cito moriturum. immemor sanè illius
Democrati : Imprudenter & impiè viuere, nō tam
esse malè viuere, quàm diu mori. Machiavellus.

FRANC. BORGIA DVX.

Eiusdem nominis & generis iste, at vitæ notæq;
melioris. Præfuerat funeri Augustæ iam functæ, &
miratus quòd exiguus tumulus sceptræ, coronas, ac
Regiam maiestatem exciperet & concluderet, di-
cere solebat; *Augustæ mors mihi vitam attulit.* &
verè,

Si cupis aduersus scelerum fædissima quæque
Vulnera, perfacilem dem tibi promptius opem:
Cùm te turpe aliquid tentat, fac illicò mentis
Sese mors oculis offerat atra tuæ.

Ribad. lib. 1. Vir. eius, cap. 9.

I D E M.

Cùm decumbenti grauitè, & extra medicorum
spem, adessent qui lachrymas funderèt : ille inopi-
natò; *Cur lachrymas frustra funditis? An ille me mor-*
ti eripient; si Deo visum, ab hoc vite exilio me in pa-
triam renocare? Sciebat egregius Princeps, statutos
à summo Principe Deo vitæ cuiusvis terminos,
qui præteriri non poterunt. & quòd

Omnes eodem cogimur: omnium

Verfa-

*Versatur urna, serius, ocyus
Sors exitura.*

Ribadin. in Vita eiusd. lib. 2. cap. 13.

MORTIS CONTEMPTVS.

S. THOMAS APOST.

AD MORTEM itaque libenter subeundam, instigare nos debent quotidianæ vitæ molestiæ, & amicorum obitus inopinati, ac maximè ea quæ post hanc vitam secutura est retributio. Et priora quidem illa considerabat THOMAS APOSTOLVS. nam cùm ex Domino intellexisset quomodo Iudæi voluissent eum lapidare, ac Lazarum iam inter viuos desuisse; & subiungeret, Gaudeo propter vos, vt credatis (id est, vt fides vestra in me augeatur, & crescat) quoniam non eram ibi, sed eamus ad eum: dicebat ad condiscipulos; *Eamus & nos, vt moriamur cum eo* (nempe Lazaro iam mortuo.) Non enim tantùm diffidebat ipsos secundùm Domini promissam præseruandos ab offendiculo, sed & Lazarum posse inter viuos rediuiuum vocari. vt benè notat Iansen. Ioan. cap. 11.

S. HILARION.

Quæsiuerant eum tota nocte latrones, ac manè repertum, rogant; Quid faceres si latrones ad te venirent? ille: *Nudus latrones non timet.* atqui occidi potes, inferunt: *Possum,* ait HILARION, *& ideò latrones non timeo, quia mori paratus sum.* quam animi constantiam conspicati, culpamq; confessi, resipuerunt. Hier. in Vita.

IDEM.

Vide CONSCIENTIA BONA.

REGI-

REGINALDVS POLVS CARD.

Intellexerat ab Edeuardo Leodienf. Antiftite, Henricum Angliæ regem præmium aureorum aliquot conftituiffè ei, qui illi necem inferret. & miratus Regis dementiam, dicebat; *Iam dudum huius vita tedio affectus, mortem optauit: & cum Henricus Rex tanto eam ftudio efficere contendat, nihil aliud facit, quàm fi eunti dormitum, veftimentum fubtrahere conetur.* Nō potefl enim (vt cum Auguftino loquar) malè mori, qui benè vixerit: & vix benè mori, qui malè vixit. N. Sander. lib. i. de Schifm. Angl.

ALPHONSVS ARAG. REX.

Nullum finem inueniret narratio, fi omnia hunc in locum congefiero, quæ paffim fuis hiftoriis inferuère Ecclefiaftici fcriptores. Vela itaque contraho, & ad ALPHONSVM pergo: qui, dum intellexiffet quemdam ex alumnis fuis infirmari, eum adiit, & à mortis diro afpectu abhorrentem, his vei bis folabatur; *Non efl adolefcens, cur mortem tantoperè timeas: cum hac benè morientibus fit vita, atque eius vite principium, quæ neque doloribus, neque metu, neque inuidiæ erumnis fubiecta efl.* Panorm. & Æn. Sylu. de Diâ. Fâct. Alph.

MORS GENEROSA.

CAROLVS IX. FRANC. R.

NON paruam apud pofteros laudè fe relicturos arbitrati funt Principes quidam viri; fi, cum mors oppetèda tandem fit, eam cum gloria oppeterent. quibus etiam pulchrū mori fuccurrit in armis. CAROLVS IX. certè F. R. circumuentus à feditiofo Hugonottorum rebellium equitatu, ad legiones auxilia-

xiliarium Heluetiorum conuersus, inter cetera vocem illam edidit: *Malim mori Rex, quàm vinere capitiuus.* Annal. Franc.

LVDOVICVS LVDOVICI F. R. FILIVS.

Non minùs generosè iste. erat & viribus & armis robustus, cùm eos qui Patri optimo rebelles exstiterant, bello vindice lacesseret. quâ tempestate crebriùs dixisse commemoratur: *Pulchriùs mori inuenem crudelitate honesta, & ob bonum finem: quàm cum dedecore vitam protrahere.* Corozet. de Dict. Fact. memor.

*Lege Apophth. de BELLICA & ANIMI
FORTITVDINE, CONSTANTIA, &c.*

MORS ÆQVE FERENDA.

S. ELISABETH REG.

ÆQVO animo ferendum quod necessariò subeundum est, ac vitari nequit. vnde equissimo animo ferenda tam nostra, quàm nostrorum MORS. manendi namque aliquâtum, non habitandi diuersorium natura hîc dedit. Vultis exempla, & quidem ab utroque sexu? ELISABETHA Lantgrauij Turingiæ coniux, animi fortitudine & sanctitate pænè pari, marito vita functo, dixisse ad suos fertur; *Ut viueret vir meus, nulli labori parcere volui: verùm eo nunc Deo ita volente sublato, ne minimum capitis dederim capillum, ut mihi viuus restituatur.* Sur. tom. 6. in Vita.

MELANIA MARCELLI COS. FILIA.

Et ne vnicam dumtaxat hac fortitudinis coronâ insignitam arbitremini; en MELANIAM. hæc marito nòdum humato, cùm binos amisisset insuper filios,
ita

ita se ab omni dolore temperauit, vt aliud diceret
 nihil, quàm , *Magis expedire tibi seruitura sum Do-*
mine, quia tanto me onere liberaſti. Hieron. in Epi-
 stola ad Paulam.

MAVRICIVS IMPERATOR.

Transeamus ad viros , quorum virtus hâc etiam
 efficit. MAVRICIVS IMP. (quid eo fortius aut con-
 stantius?) quinque liberos suos Phocę iussu interfici
 coràm se spectabat , & vnicum illud Davidis inge-
 minabat; *Iustus es Domine, & rectum iudicium tuum.*
 Cedrenus in Annal.

LAMBAS AVRIA GENVENSIS.

Et ne vnico contenti exemplo videamur , aliud
 adiiciam. Erat LAMBAS classis Genuensium Præfe-
 ctus, idque eo bello quod cum Venetis habuere.
 Cùm itaque in medio prælij ardore ei esset nuntia-
 tum, filium in pugna cecidisse ; nihil turbatus, *Vos,*
inquit, fortiter præliamini. Ad filium quod attinet,
eius cadauer in mare deiicite : nullo enim nobiliori tu-
mulo condi potest , quàm illo , vbi pro patria pugnans,
bello superior occubuit. Bapt. Fulgos. lib. 5.

ANONYMVS.

Commemorat verò Socrates in historia Eccle-
 siastica, quemdam, dum patris ei subita mors nun-
 tiaretur, exclamasse : *Desine loqui blasphemias, nam-*
pater meus immortalis est. parui admodum pendens
 eam mortem, quæ tantùm esset separatio animæ à
 corpore.

Socrates.

P. FRANC. BORGIA.

Dignus qui ceteros comitetur BORGIA. Nuntia-
 batur mors Isabellæ filiæ. at ipse, *Deposuitum,* inquit,
acceperam , repetiit Dominus. Accedens autem Co-
 mestabilis solatium aliquod laturus, rogâsq; *Quid?*
têne

têne amissâ filiâ nihil moueri? hoc responsum accepit: *Ex quo me Deo dicani, illi cor obtuli, vt nihil in humanis rebus turbare illud possit.* Ribadin. lib. 4. cap. 6.

MORIENTIVM MONITA, ET DICTA.

DIONYSIVS AREOPAGITA.

VSuuenire solet, vt ij quorum vita laudabilis, & sine querela, etiam aliquod in morte suæ virtutis post se vestigium relinquant: ita vt eorum mors, vitæ antea factæ symbolum sit & nota. Morti adiudicatus DIONYSIVS, eam fortiter amplexus est; & se ad stâtium probra despiciens, *Vltimum*, inquebat, *verbum Domini mei Jesu in cruce, sit vltimū mihi in hac luce: Pater in manus tuas commendo spiritum meum.* Segerus in Chron.

IOANNES ABBAS.

Vide ACTIO, EIVSQVE NECESSITAS.

S. BERNARDVS.

Quid verò BERNARDVS? Non ita diu ante mortem vocatis fratribus vt eos extremum saluaret, dicebat; *Tria vobis imitanda propono & relinquo, quæ ego quantum potui, seruavi. Minus sensui meo, quam alterius credidi: laesus de ladente vindictam non expectari: nemini scandalo esse volui; & ubi esse me sciri, emendari.* Auſt. vitæ.

S. MARTINVS.

Dum morbi nimia feritate ac duratione oppressus rogaretur, corpusculum lateris mutatione releuaret; *Sinite, inquit, sinite fratres, celum me potius adſpicere quam terram, vt suo iam itinere iturus ad*
Domi-

Dominum spiritus dirigatur. Hæc effatus, videt dæmonem propius adstantem; eumque compellans, *Quid hic, ait, adstas cruenta bestia? nihil in me funestum reperies: Abrahæ me sinus excipiet.* eaq̃ voce fatigatum diuinis operibus spiritum Deo reddidit. Sulpit. Aloisius in vita.

CONSTANTINVS IMPERATOR.

Ille item moriens; *Trium*, inquit, *me pœnitet: cædis propinquorum, collati in Iulianum Imperatoris tituli, & mutata Religionis.* defecerat namque ad Arrianos. Zonar. tom. 3. Annal.

THEODOSIVS M.

Vnicum quoque huic in votis, filiorum pectori veram pietatem, quoad vixit, instillare. quod vt præstaret moriens, vocatis Honorio & Arcadio filiis; *Pietatem*, inquit, *excolite: cā enim pax conseruatur, bellum extinguitur, trophæa eriguntur, omnis denique victoria constat.* Theod. lib. 5. Hist. Eccl. c. 25.

LOTHARIVS FRANC. REX.

LOTHARIVM etiam audiamus. Iam pænè animam agebat, &, *Hem!* inquebat, *quàm magnus ac potens est Rex ille cælestis, qui reges terrenos lentâ morte è sôlio deturbat.* Corozet. de Dict. Fact. memorabil.

FREDERICVS DVX SAXON.

Iste etiam moriturus, se piè SS. Eucharistiæ & sanctarum precum viatico munivit. Cumque quidam eum solaretur, & ad fortiter ferendum, quod iam & Ducatu & vita excederet, incitaret: illud Patriarchæ respondit; *Dominus dedit, Dominus abstulit: sit nomen eius benedictum.* In. Orat. funebri de eodem post mortem habitâ.

Piè pariter & religiosè illustris MARCHIO HENRICVS vitam finiit. Cùm enim iam iam morituro adessent ciues sui, & fletus ac suspiria ingeminarèt, ille eructans (vt est in Psalmo) verbum bonum, se Virgini matri, & Sanctorum cœtui, piorumq; precibus commendabat, iisq; qui circumstiterant fatalem thalamum; *Orate, inquebat, vt beatus mihi in celum ascensus detur.* Ioan. Garz. de Reb. Saxon.

MORTIFICATIO.

ARSENIUS ABBAS.

Quemadmodum multum ad exuendum veterem hominem, & induendum nouum, facit mortis sècura meditatio: ita non parùm ad idẽ conducit proprię carnis, quoad in corpore sumus, MORTIFICATIO. Senserat id Arsenius. qui rogatus, cur aquam rariùs mutaret, cùm fœtore totam cellulam inficeret; respondit: *Lubens fœtorem hunc excipio, in locum odoramentorum, quibus in palatiis Regumq; domiciliis fui olim oblectatus: vt in Iudicij die, de inenarrabili illo gehenna fœtore liberet me Dominus.* In vitis PP. par. 2. c. de virt. Patientiæ.

S. FRANCISCVS.

Attendebat & hic illud Apostoli; Qui sunt Christi, carnem suam crucifixerunt cum vitiis & concupiscentiis: hinc tanto disciplinæ rigore sensus coërcebat, vt vix necessaria naturę ministraret. *Difficile, dicebat, necessitati corporis satisfacere, & pronitati sensuum non parère.* D. Bonauent. in Vita eius, cap. 5.

IDEM

I D E M

Rogatus, quâsnam preces Deo gratiores existi-
maret; *Illas, ait, quas propria carnis comitatur mor-
tificatio.* Hinc doctè & benè Iac. Billius in Emblem.

*At tua ne fructus pede claudio vota sequantur,
Fac tua cum vitiis ut caro morte cadat.
Ara duplex templi quondam hoc sine voce docebat,
Thus una, at cæsas altera habebat oves.
Obtulit hic cæsas pecudes, qui membra necavit;
Qui pia vota facit, thus dedit ille Deo.*

MVLIER, EIVSQUE FVGA
PERVTILIS.

ARSENIVS EREM. ABBAS.

MVLIER, quam malum necessarium & exor-
natam Scyllam dixit Secundus Philosophus,
leui calamo circumscribamus. ne quæ Sapientiæ
principibus plerisq;, nobis etiam suaue at execran-
dum nepenthes propinet. Quare eam cane peius &
angue euitant omnes ij, qui ad honoris verèq; vir-
tutis apicem conscendere enituntur. Venerat lon-
gis itineribus matrona Romana ARSENIVM vidēdi
tacta desiderio: cui postquam se conspiciendū præ-
buisset, rogat illa, sui memoriam in precibus habe-
ret. qui, *Imò verò, inquit, dabo operam, idque seridò,
ne tui umquam amplius meminisse queam.* Surlus
in Vita.

IOANNES ANACHORETA.

DI! quàm iste etiam magnus in hac cautela! ro-
gabatur cum Tribunus ut se vxori suæ præberet vel
semel conspiciendum. Iam enim pio eius desiderio
aliquamdiu tenebatur: *Nequaquam ita fecero, ait;*

sed per quietem me illi appariturum spondeo. verum fuisse declaravit euentus. O magnę perfectionis virum, qui imaginem sui dormienti fæminæ conspiciendam mittere potuit, ad quam accedere non potuit. Marul. lib. 4.

SABAS MONACHVS

Erat in itinere cum altero monacho sibi collegâ. & ecce in occursum venit iuuenula venusta & lasciuus oculis. SABAS sui comitis ingenium tentans, rogat; *Qualis tibi videtur illa? mihi certè lusca, vnoque oculo visa. Negat ille, & pertinax contrarium sustinet, cò quòd accuratiùs eam esset intuitus. Tum SABAS; Numquam legisti, inquit, Nec capiaris nutibus illius? eumque longo tempore in claustro detinuit. Sur. in Vita.*

PION ABBAS.

Ille etiam in tantum à fæminarum aspectu abhorruit, vt ad sororem ab Antonio missus, illius cubile oculis clausis ingressus fuerit, abieritque. Illâ verò inclamante, & iteratò inuitante; *Et fui, inquit, tecum, & quod optaueras, vidisti me. Ita abiit. Marul. lib. 4.*

S. AVGVSTINVS.

Percontanti, cur sororem cohabitare sibi nollet; *Quia, inquit, que cum sorore mea sunt, non sunt mea sorores. Eiusdem etiam præclarum illud: Malum est mulierem videre, peius alloqui, pessimum tangere. Causam indicat Hieron. lib. 1. cont. Iouin. Quia mulieris amor insatiabilis est, & semper accenditur, & post culpam rursus est inops, animumque virilem effeminat: & excepta passione quam sustinet, aliud non finit cogitare. Posid. in vita August. cap. 26.*

Clotarius II. Franc. Rex

In regem electus, fines Australiæ animi gratia visitauit. at Bruchenhildis plurimorum cæde audax, legatos ad eum mittit, Gallia cedat. cui ille, fæminæ temeritatē & superbiam indignatus; *Moris est fæminam viris subiici: neque de distribuendis regnis, inuitis insciisque Proceribus agere.* Benè & verè luuenalis Sat. 6.

*Nil non permittit mulier sibi, turpe putat nil,
Cum virides gemmas collo circumdedit, & cum
Auribus extensis magnos commisit elenchos.*

Gaguin. lib. 2. De reb. Gall.

Quare Apophth. de Vxore.

M V N D V S.

APOLLO ABBAS.

MVNDVM, Mundi que vanitatem fugiendam, Mulieri subiungimus. cuius, veluti & illius, veniunt & decor transeunt, numquam reditura; seque amantem splendidâ circumueniunt seruitute. Vocabat APOLLINEM ABBATEM quidam è fratribus, vt bouem cæno immersum secum extraheret. qui, Cur, inquit, vicini tui prætergresso habitaculo, ad me diuertisti? eo que respondente, vicinum illum iam ab annis quindecim defunctum; *Et mihi, ait, anni viginti, & amplius sunt, ex quo mundo sum mortuus.* Tantum temporis in religione religiosè exegerat, & didicerat in hoc mundo supra mundum esse: & licet corpus gereret, volitabat tamen in eo ales interior. Cassian. Marul.

S. MACARIUS, ET ANONYMVS.

Transiturus erat Nilum Ægypti fluuium cum altero
d s tero

tero Macario, totus pānosus & squalidus. quos cūm Tribunus regionis esset intuitus; *Beati*, inquit, *vos, qui mundum illuditis*. At MACARIUS, vt erat vrbānus, *Nos*, inquit, *mundum illudimus; sed vos mundus*. Pallad. in Hist. Laus. cap. 20.

S. TYBVRTIVS MARTYR.

Erat ille TYBVRTIVS, quem Valeriani fratris & Cæcilie virginis preces & verba ad Christi fidem pertraxerant. quam ob rem ab Almachio Præfecto insanie arguitur. cui ille: *Vtinam dignentur nos referre in numerum seruorum suorum, qui respuerūt id quod videtur esse, & non est: & inuenerunt illud, quod videtur non esse, & est*. Ecquid, infert Almachius, videtur esse quod non est? Omnia, ait, illa quæ in mundo sunt, quæ & cultores suos ad æternum exitium per brevis temporis latitiam ducunt. Quid verò, inquit, est tuo iudicio, quod non videtur? *Vita iustis*, respondit, & *supplicium iniustis*. Sur. tom. 6. in vita Cæcilie.

S. RYMOLDVS ARCHIEP.

Spectandum hîc etiam se præbet Machliniensis opidi tutelaris Diuus: quem (vt erat Scotorum Regis primogenitus) numquam adduxere parentes, vt regni postuma gubernacula animo, minùs re ipsa, fulciperet. aiebat enim: *Dominus Iesus qui mundanum respuit imperium, mandauit ipsum sequeretur nudus*. Ex Vita eiusd.

REX IOSAPHAT.

Hic verò ab exilio, criptisq; quibus latitauerāt, reuertentes Sanctos, summo honore & candore excipiebat. cumq; ob id immeritas calumnias sustineret, thecas adferri iussit: è quibus pretiosiores vili impleuit arena, viliores autem rebus admodum sum-

sumptuosus. & redarguenti se, Elige, ait. *Qui externa specie pretioque de foris apparente nimium captus, pretiosas thecas accepit. Tum Iosaphat: Qui magni in mundo apparent, his per similes sunt: interius viles, exterius pretiosi. Certè,*

Quisquis ad excelsi peruenit culmina montis,

Iam cuncta ex alto vertice parua putat.

Sic quoque virtutis tetigit qui culmina, parui

Iam pretij, quidquid cernit in orbe, putat.

Damasc. in Hist. eiusd.

THOMAS MORVS.

Quid autem talia memorem, quæ prior illa ætas vidit? ad nostrum sæculum venio, & inuenio THOMAM MORVM carceri iniuste mancipatum, ita eos qui ad se consolandum venerant, alloquentem: *Mundus hic, inquiebat, carcer est, ex quo omnes ad causam dicendam suis singuli diebus euocantur. Quod autem meus carcer aliorum Principum carcere sit minor, beneficij loco habeo: cum è malis pluribus, minimũ semper sit eligendum.* N. Sander. lib. i. de Schism. Anglic. Th. Stap. in Vita, cap. ii.

S. ELISABETH HVNG. REG. FILIA

Digna quæ inter priores locum teneat. Intellexerat ex Sophia parente, maritum diem vltimum obiisse. & vix perculsa ad tam infaustæ rei nuntium, dicebat: *Si mortem frater meus obiit, & mihi quoque posthac mundo eiusque vanitatibus defunctæ, morietur mundus ipse.* & sanè vt cuius ille moriatur, monet Boëtius de Consolatione, vbi dicit:

Rara si constat sua forma mundo,

Si tantas variat vices:

Crede fortunis hominum caducis,

Bonis crede fugacibus.

Con-

Constat, aeternâ positumque lege est,

Vt constet genitum nihil.

Sur. tom. 6. in Vita.

MVNVS, EIVSQ. CONTEMPTVS.

S. BARTHOLOMÆVS APOST.

MVNERA, quæ iuxta Poëtam hominesq; deos-
que placant, calamo nunc oberramus: quan-
tumque eadem aspernati prima illa nostræ Religio-
nis columina. D. BARTHOLOMÆVS Polemo India-
rum regi camelos auro argentoq; onustos sibi offe-
renti, quod filiam eius Energumenam immundo
spiritu liberasset, dicebat: *Nequaquam his mihi opus.*
neque enim ad te veni munera accepturus, sed ut in
Christum credentibus viam salutis pandam. Quo di-
cto commotus Rex, baptismum suscipit, & Christi
discipulus efficitur. Abdias in eius Vita.

S. THADDÆVS.

Ille quoque regi Edisseno Abgari sibi aurum &
munera offerenti, quod plura admiranda diuinâ ope
apud eum patrasset, respondit; *Si nostra relinquimus,*
quomodo accipiemus aliena? Euseb. lib. 1. histor.
cap. 15.

S. BASILIUS M.

Quid iste? Suadebat Cæsareæ Præfectus, Chri-
sti fidem negaret, factoque non exigua munera pro-
ponit. at non persuasit, dicente eo; *Hæc Christiano*
homine indigna sunt: adolescentulis hæc conveniant,
& iis qui ad talia promissa respiciunt. Trip. hist.
lib. 7. cap. 36.

SPIRIDION MONACHVS.

Dum hæc intueor, etiam SPIRIDION se menti ma-
nuique

nuique obliquit. Ille enim, dum à Constantino (qui per manus impositionem sanitatem ab eo acceperat) graue auri pondus offerretur, dicebat; *Non sic oportebat, Imperator, odio remunerare amicitiam. ego magnis itineribus huc veni, ut T. M. parerem: & tu mihi aurum, omnis mali causam, reddis?* Sur. in vita S. Spiridionis.

S. MARTINVS.

Non esse verò despiciendum munus quia exiguum sit, sed magis attendendū donantis affectum docuit MARTINVS. EPISC. Acceperat namque à sacra virgine munusculum: cumque id præter morem facere videretur; *Benedictio, inquebat, illius à sacerdote respuenda non est, quæ multis sacerdotibus præferenda est.* Sulpit. 2. Dialog. cap. 12.

Require MERCEDIS NEGLECTVS.

N A T V R A.

S. ANTONIVS.

NATVRAM, quâ duce errare nemo potest, (iuxta illud Iuuenalis Sat. 14.

Numquam aliud Natura, aliud Sapientia dicit.) inuestigamus: & simul ANTONIVM præclare de ea sentientem. Rogatus quippe, quomodo vitam sustentaret destitutus omni solatio quod ex libris haberetur, respondit: *Mecus liber est natura rerum à Deo conditarum: quæ, quoties libet, libros ipsius Dei ad legendum suppeditat.* Quid enim, inquit admodum Christianè Seneca, est aliud NATVRA quàm Deus, & diuina ratio, toti mundo partibusque eius inserta? Socrat. lib. 4. hist. Ecclesiast. cap. 18. Ex Euagrio.

ANO-

ANONYMVS.

Quærenti, quânam defectus difficillimè curarentur; Illi, inquit, quos *Natura rerum nouatrix indidit*. Illa enim, etsi furca expuleris, sua spôte recurret.

Nec poteris rectum cancris inducere gressum,

Nec leues horrentis echini reddere sentes.

Ioan. Petrosius.

NOBILITAS.

VRBANVS III. PONT.

Summa & sola apud Deum NOBILITAS est, clarum esse virtutibus.

*Nam genus & proanos, & que non fecimus ipsi,
Vix ea nostra puto.*

Vnde exprobrâti cuidam generis humilitatem, dicebat VRBANVS PONT. *Magni viri non nascuntur, sed virtute sunt.* quod satis appositè hoc Epigrammate expressit Codrus Vrceolus, dum sic habet:

Sint tibi Gallorum rex & regina parentes,

Et maneat virtus pectore nulla tuo:

Non pluris faciam te, quàm tibi rustica mater

Si sit, & ignotus rusticus ipse pater.

Cranz. lib. 9. Metropol.

S. ROMANVS MILES.

Vide MARTYRIVM.

MAXÆMILIANVS IMPERATOR.

Æquè præclarè MAXÆMILIANVS. Venerat ad eum quidam obscuro loco natus, at supra modum diues; supplicans, vt datis aureorum millibus, nobilis designaretur. Cui IMPERATOR: *Ditare quidem te possum, at nobilitare, non nisi te propria virtus potest.* Insinuabat autem illud Ausonij:

Pul-

Pulchrius multo parari, quàm creari nobilem.

Corozetus.

FREDERICVS THVEN.

Hic sensus, ea mens prisco illo ævo, neruum nobilitatis esse virtutem. at nostro hoc,

— Virtus sine censu languet ubique.

Solabatur quidam FREDERICVM THVEN, quodd ex illustri stirpe suam traheret originem. at ille: *Quid nobilitatem mihi obiectas? Etsi tam nobilis forem, ut perdicum penna mihi per nares erumperent, & pecunia deessent, numquid miserrimus futurus? Ita hoc æuum est, ut soli diuites nobiles habeantur, & stemmata sine opibus vilipendantur.* Georgius Rich-
terus, in Axiom. Oeconom.

NOMINIS IMPOSITIO.

S. HILARIUS.

Nihil æquè valere ad rei cuiuspiam naturam & rationem explicandam, ac congruā NOMINIS IMPOSITIONEM, docet in sua Logica Philosophus. quinimò pluribus nominibus sua omina inesse, testantur Sacræ litteræ. Certè B. HILARIUS, dū quidā per calumniam eum Gallum nūcuparet: *Non sum, inquit, natus Gallus, sed ex Gallia. Tu verò Leo es* (erat enim hoc nomine) *sed non de tribu Iuda.*
Ioan. Selethus cap. 22.

HENRICVS VIII. ANGL. R.

Habebat ille inter alios quibus familiariter utebatur, vnum Franciscum Brianum, multorum scelerum architectum. quem, dum in re quadam nefaria cōsultorem adhibuisset, ut palàm insignem eius impietatem testaretur, hoc nomine compellabat:

Ne

Ne tu meritò meus es inferni vicarius. Guill. Ra-
stel. in vita Thomæ Mori.

PARISIENSES NOBILES.

Cùm id vnum ageret Henricus VIII. vt repu-
diatâ Catharinâ, vitâ & genere nobilissima, Annam
Bolenam pellicem in adulterinum thalamum su-
meret, eaque meretriciis suis artibus Regis oculos
fascinaret; rumor in Galliam (vbi profusam suam
libidinem cum Galliarum Rege celare non potue-
rat) defertur. quo audito, palàm & passim hoc no-
mine natabat in PROCERVVM labris: *Rex Angliæ
Henricus, in uxorem ducturus est mulam regis Gal-
liarum.* dignum profectò patella operculum.
I. Sleidanus, lib. 9.

POMPONIVS LÆTVS.

Romę custodię traditus, accusabatur quòd (velu-
ti hac ætate apud plerosque Nouatores in vsu) pro-
prio abdicato, alienum nomen antiquitatis deside-
rio affectasset. Pro PETRO enim se POMPONIVM ap-
pellavit: & accusanti se Vianesio Antistiti, ait: *Quid
tibi & Paulo Pontifici, si mihi sœniculi nomen indidis-
sem.* Sabell. in Vita.

ANONYMVS.

Addam aliud, sed in re iocosa. Cuidam Mercurij
nomen inditum erat: quem, quòd incompositis ef-
fet moribus & lingua, ac parvę fidei, alius hoc scom-
mate illufit:

Te magis elinguis cùm sit nec agrestior alter,

Quare Mercurij nomen inepte gëris?

Non ita quòd prestas dicendi laude, vocaris:

Sed potius, turpi furta quòd arte facis.

Coll. ex Epigramm. G. Sabini.

IDEM

IDEM

Non absimili modo alium, cui Urbanus nomen, parum admodum urbanum potorem perstrinxit. dicebat enim,

Diceris Urbanus : sed nominis immemor huius,

Semper inurbanus, cum bibis, esse soles.

Ibidem.

O B E D I E N T I A.

PARALYTICVS EVANGELICVS.

OBEDIENTIA, quæ propriæ voluntatis sepulchrum, & melior quàm victimæ, sola menti ceteras virtutes inserit, insertasque custodit, exemplis illustranda. Et quidem SS. literarum testimonio clarum est, PARALYTICVM, qui annis 38. in infirmitate decubuerat, iussu à Christo, qui eum sanitati restituerat, lectum tollere; & Iudæis insulantibus, Sabbatum est, non licet tibi lectum tollere, respondisse: *Qui me sanum fecit, ille mihi dixit, Tolle grabatum tuum, & ambula.* Pulchrè sanè. quasi dicere voluisset: Qui me hominem desperatæ valetudinis, verbo sanitati restituit, tantæ auctoritatis est, ut etiam necessitate seruandi Sabbati me absoluerè possit. hinc meritò illi pareo. Ioan. cap. 5.

S. PAVLVS APOST.

Quid verò Gentium doctor? factus ex persecutore Christi miles & athleta, dum in terram prostratus audiret: Saule quid me persequeris? ait extemplò: *Domine, quid me vis facere?* quasi fundamentum suæ conuersioni substernens, obedientiam. Actor. cap. 9.

CORNELIVS CENTVRIO.

Haud secùs ille. viderat Angelum Dei ad se in-

c

tro-

troeuntem, sibiſque dicentem, Corneli. ac timore correptus ait, *Quis es Domine?* & paulò poſt ad eum ingreſſus Petrus, cùm viſionis ſuæ hiftoriam brevibus percurreret, adiecit: *Nunc ergo omnes nos in conſpectu tuo adſumus, audire omnia quacumque tibi præcepta ſunt à Domino.* Act. cap. 10.

S. PETRVS APOST.

Et iſte cùm à Principibus ſacerdotum redargueretur, quòd contra mandatum illorum Chriſtum annuntiaſſet, nil cunctatus; *Oportet*, inquit, *magis obedire Deo, quàm hominibus.* Act. cap. 5.

PAMBO ABBAS.

Venerant ad viſendum eum Religioſi numero tres: quorum hic ieiunij, ille charitatis, tertius obedientiæ laude clarus, de quibus ſententiã ſuam dicens, tertium ceteris prætulit: *Unusquisque veſtrum*, ait, *virtutem quam poſſidet, volũtate propria retinuit: hic autem ſuæ voluntati renuntians, etiam aliena ſeſeruum fecit.* In vitis PP. cap. de Obedient.

S. SYNCTETICE.

Ille verò ad ſuos verba faciens, *Cuilibet*, dicebat, *in congregatione verſanti, magis obedientiam quàm continentiam proponimus: quia hæc arrogantiam habet, illa humilitatem congruam pollicetur.* Ibidem, part. 2.

S. FRANCISCVS.

Quàm ſpectabilis in eo hæc virtus fuit? qui commiſſum ſibi gregem inſtruens, quomodo Prælatorum dictis, imò nutui parere deberent, aiebat: *Subditus prælatum ſuum, non hominem conſiderare debet, ſed illum, pro cuius amore ſubuectus. Quanto enim contemptibilior præſidet, tanto magis obedientis humilitas placet.* Sur. tom. 5. in Vita.

IDEM.

Quin idemipse ad eiusdem virtutis sectanda vestigia quosuis cohortabatur. dicebat autem: *Tantus est sanctæ Obedientiæ fructus, ut eis qui iugo illius suæ colla submitterent, nihil temporis sine lucro transiret.* Bonau. in Vita, cap. 6.

B. IGNATIUS LOYOLA.

Quis hunc Obedientiæ castris excludat, quem ad nutum summi Pontificis quiduis facturū, etiam mare sine comitatu traiecturū fuisse, accepimus? cumque rogaret vir quidam magnus, quæ isthac esset prudentia; respondisse: *Prudentia non tam est parentis, quàm imperantis.* Ribad. in Vita.

OBMVRMVRATIO.

S. ÆGIDIUS.

Verus sacratæ Obedientiæ aduersarius se hic obiicit, OBMVRMVRATIO. Ut enim illa dicto parere, ita hæc tergiuersationes quærere, & ab obedientia resilire parata. Hinc bene S. ÆGIDIUS, cui-dam coram se obmurmuranti, quod grauiorem pro culpæ modo pœnitentiam imposuisset, dicebat: *Quanto plus murmuras, tanto ampliùs te oneras: & quanto humiliùs sanctæ obedientiæ iugo caput submitte- ris, tanto tibi leuius futurum erit onus.* Ex Sent. aur. S. Ægidij.

OBSEQVIVM.

S. MALACHIAS EPTSC.

Nemo negauerit, nihil æquè gratum hominì esse, ac voluntarium OBSEQVIVM. Illud enim

enim est quod amicos parit; partosque adamantino nexu deuincit. Cuius Eborensis in Anglia, intellecto quòd MALACHIAS ANTISTES Romam peteret, equum obtulit: hoc dolere se testatus, quòd durus esset. adiecitque: Libentiùs dedissem, si melior fuisset. Cui MALACHIAS: *Non potest mihi vile esse, quidquid tam pretiosa voluntate offertur.* S. Bern. in vita Malachiæ.

BORSO DVX FERRAR.

Neque infimo loco habendus Borsus Dux inclutus. rogatus namque quanam re vinci & superari possent corda hominum; *Obsequio*, respondit, *magis quàm armis aut vindicta.* Corozetus.

OCCASIO.

EREMITA ANONYMVS.

VEluti temporibus medicina valet, ita suo quæque tempore rapienda est quiduis faciendi OCCASIO. Refert de quodam EREMI INCOLA Cassianus, quòd in tantum boni operis Occasionem captauerit, vt numquam eam præterire fuerit passus. Quare cum è patria litterarum fasciculum accepisset, ne aperire quidem eum dignatus; at igne suscitato, vniuersum (vt erat) in illum coniecit, dicens: *Ite cogitationes patriæ, pariter concremimini: nec me ulterius, ad ea quæ fugi, renocare tentetis.* Cass. Monast. instit. lib. 5. cap. 32.

S. WOLSTANVS EPISC. WIGORNIENSIS.

Non minùs sapienter egregius ANTISTES WOLSTANVS, cuidam frequentius eadem peccata confitenti, dixisse fertur: *Oportunitas, vt video, latrones facit: ideo vt vitiorum importunitate carcas, id vnum neces-*

*necessarium, Religioni, dum potes, te dedas. Præclare
 Cato: Rem tibi quam noris aptam dimittere noli,
 Fronte capillatâ p̄st est occasio calua.*

Sur. tom. 1. in Vita.

MONACHVS ÆGYPTIVS.

Require Apophth. de IRA.

RELIGIOSVS ANONYMVS.

Quàm prudens etiam istius verbum fuit! Cùm
 namque indomitæ carnis stimulos, ieiunij & mor-
 tificationis core attereret, rogatus, quam ob causam
 se tam grauitè affligeret; *Vt*, inquit, *exsurgentes li-*
bidinum aculeos superem, & cum iis furoris occasio-
nem tollam. noui enim furorem semper pro libidine liti-
gare. Pulchrè Greg. More ignis libido succenditur,
 etsi negligenter extinguitur, adiacens stipula veloci-
 ter inflammatur. Socrat. Trip. hist. lib.8. c.1.

ANONYMVS.

Concertantibus nonnullis quamam res maiorem
 adferret molestiam; cùm hic litem forentem, ille
 morosam coniugem diceret, interuenit alius, qui,
Illud ego, inquit, *vbique molestum reputo, quod tem-*
pestine & in loco factum non fuerit. Ita olim è Græ-
 cis Comici Menander:

Ἄπαντα καὶ πῶ χάλει ἔχει θυρόπνευα.

Omnia tempestinè gratiam habent.

Guil. Richter in Axiom. Polit.

OCVLORVM CVSTODIA.

S. HVG0 GRATIANOP. EPISCOPVS.

OCVLORVM, qui frequētius peccati fenestram
 aperiunt, CVSTODIAM commendamus: id què
 imprimis HVGONIS GRATIANOPOLITANI Anti-

stitis

stiris exemplo : qui adeò fidelis huius membri custos , vt cùm R. P. Guidonis mater eum salutatum venisset , & post eius ab eo recessum quæreret Guido, Numquid mea mater senio debilitata est & fracta? paululum secum præmeditatus; *Nescio, inquit, planè cuius ætatis sit , neque enim faciem eius intuius sum.* Sciebat vir pius , quòd si oculus simplex fuerit, totum corpus lucidum erit. Lucerna namque corporis tui est oculus tuus. Guido in Vita eius.

S. EPHREM, ET MERETRIX.

Vt autem ad S. EPHREM deueniamus: ingressurus Edessam opidum , Deum orabat , vt primo occursum in talem hominem incideret, quem & doctrina sua reficere posset, & ad meliorem vitæ normam iter præbere. Ecce cogitabundo, vt portas ingreditur, obuiâ fit mulier, notoria illius loci PECCATRIX: quam intuens vir sanctus, cõstitit fixis in eam oculis. sed hæc vicissim attentius in eum intuetur. Ille verò conatus eam pudore suffundere; *Quid, inquit, non erubescis mulier tam acutum nos intuens?* E contra hæc; *Me, ait, conuenit te sic adspicere: nam de tuo latere sumpta sum. Te verò terram , non me adspicere fas est: nam tu primum ex eâ formatus & sumptus.* quod stratagema versu redditum hîc adiungo :

Aspexit iuuenem formosâ puella modestum,

Illius in vultu lumina fixa tenens.

Hic ait; In terram potiùs tu deiice ocellos,

Non oculos habeat casta puella vagos.

Imò, ait hæc, magis in terram tu lumina figas;

Ex terra primum nam tua facta caro est.

Nostri principium fuit ortus costa virilis,

Hanc quæro vt iungi me velit ipsa sibi.

Sur. in Vita tom. I.

ANO-

ANONYMI.

Nec aspernandum hoc loco, quod de his apud Guilhel. Baldesanum lib. 3. de Stimulis virtutum Adolescentiæ legisse me pridem memini. Accidit, inquit ille, nuper viro illustri, quod adstaret alteri non inferioris dignitatis in templo: cumque ingressa esset adolescentula, genere & forma nobilis, oculos (vt hoc æuo plerique faciunt) illico in eius adspectum reflexit: quod cum alteri illi displicuisse animaduertetet, eius seueritatem cōprimere ausus illo Psalmi versu; *Delectasti me Domine in factura tua.* sed ille ex tēporē, luauiter sanē, *Perge, ait, & vide quæ eodē in Psalmo sequatur, & inuenies: Vir insipiens non cognoscet, & stultus non intelliget hæc.* Attonitus ille inopinato responso, obmutuit.

O P V S.

S. IOAN. BAPTISTA.

Nihil æquē testimonium perhibet de homine, **ac OPERIS** ab eo exerciti qualitas. Hinc Domini **PRÆCURSOR** aduentus, dum Iudæi se ex stirpe Abrahæ progenitos dicerent, & de eo gloriarentur, dicebat: *Facite fructus dignos pœnitentiæ: nec velitis dicere intra vos, Patrē habemus Abraham, &c. Omnis arbor quæ non facit fructum bonum, excidetur.* Matth. cap. 3.

MARCELLVS II. PONT.

Vide IVRAMENTVM & PERIVRIVM.

RELIGIOSVS FRANCISCANVS.

Post Domini Præcursorem, non indecorē se **RELIGIOSVS** cuiusdam virtus offert. dum namque Ludouicum Siciliæ regis filium, qui voto seruandi institutū S. Francisci se obstrinxerat, vt palam eo se

solueret, incitaret; aiebat: *Qui in occulto benè vinit, sed alieno non studet profectui, carbo est: qui verò rectitudinis lumen ex se multis demonstrat, lampas est: sibi ardet, aliis lucet. Honeſta bonis viris, non occulta queruntur.* Reuocabat in memoriam illud Christi, Sic luceat lux vestra coram hominibus, vt videant opera vestra bona. Ex vita Ludouici, impressa apud Moretum, cap. xi.

IOAN. PRINCEPS LVSTITANIÆ.

Audiuerat ille Franciscum Borgiam de diuinis rebus differentem. ac templo egressus, ad Dynastas se conuertens; *Hic, ait, mihi demum Ecclesiastes placet, qui reipsa quæ docet, præstat.* Illud quippe Doctoris munus, vt sit potens in opere & sermone. Ribad. in vita Borgiæ, lib. 2. cap. 7.

Require ACTIO, EIVSQVE NECESSITAS.

OPERA MANV EXERCENDA.

SYLVANVS ABBAS.

SAtius multò est aliquid agere, quàm nihil agere: Smodò quod agitur, honesti limites non excedat. Ita Apostolos, aliosque viros sanctos, indultum sibi otium in honestum negotium commutasse constat. Quod & SYLVANVS ABBAS lepido exemplo docuit. Erat in cænobio eiusdem Religiosus, qui fratres manibus laborantes nonnumquam redarguebat; & solitudinem illam, tamquam rem superfluam, cauillatus, *Maria, inquit, optimam partem elegit, sedens secus pedes Domini.* Itaque horâ cœnæ, de industria non vocatur: mirantiq̃ue, cur præter solitum non esset vocatus, respondit SYLVANVS: *Verè existimabam, tibi qui totus spiritalis es, cibo potuq̃ue*

enique opus non esse. Eoque errorem confitente, subiunxit: *Scias igitur Mariam Martha etiam ministro indigere, auxilioque iuvare.* In Vitis PP.

MARCVS ANACHORETA.

Hic quoque operi nocturno diurnoque, ab oratione vacans, insudabat. ita ut quibusdam ei elemosynam offerentibus, diceret; *Minime accepero: manus enim iste me nutriunt, & eos qui ad me propter Deum diuertunt.* In Prat. Spirit. cap. 3.

Vide Apophth. de LABORE.

ORATIO SIVE PRECES.

IESVS CHRISTVS.

AGe, sanctarum PRECVM exempla perscrutemur; ut si quem eadem considerasse non pignerit, imitari etiam non pigeat. Nihil autem in tantum se sequentibus DOMINVS commendavit, ac ORATIONEM. nam & orandi formam præscripsit, & discipulos suos ad orandum incitavit, dicens: *Si quid petieritis Patrem in nomine meo, hoc faciam.* Ioan. cap. 14. & 16.

AGATHON ABBAS.

Ne autem quis puræ Orationi nihil inesse difficultatis arbitretur: rogatus AGATHON, cui nam spiritualium actionum plus laboris inesset, respondit; *Precactioni. Quia dum illi intendimus, malignus spiritus se nobis plurimum infestum reddit.* In vitis PP.

S. FRUCTVOSVS EPISC.

Ab eo verò dum quispiam peteret, pro se apud Deum intercederet, respondit; *Orare necessum mihi pro Ecclesia Catholica passim diffusa. quis enim oret pro singulis? attamen neminem singulorum præterit,*

e s qui

qui pro vniuersis deprecatur. Cæsar Baron. Aug.
de diuers. Serin. 101. cap. 2.

LVDOVICVS EPISC. TOLOS.

Huic item sæpè in ore, cùm de temporis iactura
sermo incidet; *Omne tempus perdidisse existimo,*
quod sine oratione & diuinis contemplationibus con-
sumpsi. Ex membrana manuscr. Vitæ eius.

S. FRANCISCVS.

Quære Apophth. de MORTIFICATIONE.

S. BERNARDVS.

Sed de iis etiam qui attentū in oratione animum
habuerunt, CLARÆVALLENSIS ABBAS fuit. hunc
enim, si templum subiret, quo meliùs orationi inui-
gilaret, solitum ferunt, apprehensò eiusdem limini
exteriorum rerum curas hoc dicto demandare: *Ce-*
teras meas curas tibi committo, donec hac me curâ li-
berauerim. Multum enim orationis puritatē iuua-
re insinuabat, si de ea sola cogitet, qui orat. Re-
censuit ex Nauar. de Orat. inter alia præclara Re-
uerendiss. Dominus Ioannes Miræus Episc. Antuer-
pien. in insigni sua Oratione, quam ad Clerum suæ
urbis habuit, anno 1608. Fer. 2. Mai. hebdom.

LVDOVICVS PALATINVS

Erat venandi studio deditissimus, & publico edi-
cto districtim cauerat, ne quispiam ceruis aliisque
feris nocumentum inferret. Factum autem, vt illis
omnia passim vineta vastantibus, querelæ deferren-
tur ad Proceres, & per eos ad ipsum LVDOVICVM.
Dicebāt enim, Nisi edictum hoc mitiges, eris post-
hac expers precum tui populi. Quo audito ille; *Si*
ita fore existimatis, malim carere, ait, *etiam totâ vitâ*
ferinis ferculis, quàm meorum precibus. Sciebat sanè,
quanta esset pura Orationis virtus, quæ eò pergit &
pene-

penetrat, quò caro peruenire & penetrare nequit.
 Timoth. Berch. in Orat. Ludouici Principis.

BALTHASAR GERARDI,

Fuit is qui Guilielmo Principi Auriaco necem
 attentauit, & tulit. Qui, dum quauis tormenta in-
 fracto animo sustineret, rogatus quomodo tantis
 cruciatibus non succumberet; respondit: *Tantum*
efficacia præstant piorum pro me preces. In Histo-
 ria eiusdem.

ORATIO ASSIDVA.

F. ÆGIDIUS MINORITA.

Multum autem valere apud Deum ORATIO-
 NEM iusti ASSIDVAM, testis esse potest D. Ia-
 cobus, etiam apud Iudæos sanctitatis opinione ce-
 lebris. quippe qui in oratione tam feruens & assi-
 duus, vt eius genua quasi callo obducta, & instar
 pellis camelorum indurata fuisse, Hieronymo au-
 ctore referantur. Audiamus ergo quid B. Francisci
 comes & imitator ÆGIDIUS, de hac orandi perse-
 uerantia se dignum dixerit aliquando. Rogabatur,
 cui similem existimaret eum, qui ab orando desistit
 ingruentibus distractionibus mētis; *Fugienti è præ-*
lio, respondit. Pugnamus namque in oratione con-
 tra hostes nostros, mundum, carnem, & maximè
 Satanam, qui propterea orantes propositis varia-
 rum rerum imaginibus perturbat. Memores itaq;
 sumus illius Paulini Auson. Epist. 15.

Que non missa Deo, vacuis in nubibus hærent,
Nec penetrant superi stellantem Regis in aulam.

Sur, tom. 7. in Vita,

I D E M.

I D E M.

Ab eodem etiam profectum accepimus : *Si gratiam in precibus sentis , orare augeantur ; si non sentis , ne cesses idcirco à precibus. Gratos enim habuit Deus etiam caprarum pilos , qui ei iuxta præceptum legis (Exodi 25.) offerebantur. Ibid.*

I D E M

Denique ad orationis assiduitatem persuadendam , isto simili utebatur : *Cum primum plantata est arbor , non illico grandescit , & fructus profert maturos : neque , si eos profert , omnes ab hominibus eduntur. Ita quis ad me fructus redire queat , si vel decem annis cælestem Regem deprecor pro æterno regno , nec in finem persevero ? Nempe anima Deo reconciliata quasi novæ la arbor , non statim bona desideria producit , & per ea fructificat : nec si fructum vllum adferat , illico ad Dei gloriam cuncta operatur. Perseuerandum itaque in oratione , ut fructum quem optamus , tandem consequamur. Th. Staplüt. Dom. infra Oct. Nat. Dom. in Prompt. Morali.*

ORDINIS SACRAMENTVM.

S. E P H R E M.

Quemadmodum ad civilem Remp. ritè gubernandam , semper necessarius est & fuit civilis Magistratus : ita ad Spirituale Christi in terris regnum decenter administrandum , etiam spiritualis potestas semper fuit necessaria : eamque titulo ORDINIS nuncuparunt veteres. Quam dignitatè , quòd ardua sit , aspernati quandoque viri sancti . & quidem B. E P H R E M à Basilio rogatus , cur , cum idoneus esset , ad sacrum Presbyterij ordinem non promoue-

moueretur; respondit: *Quia peccator sum, & indignus qui tam augusto muneri deserviam.* Sur. tom. 1. in vita Basilij.

MARCIANVS EPISC.

Admodum verò circumspectum esse oportere in sacro hoc Senatu seligendo, docuit MARCIANVS. qui, cùm Sabbatium quemdam ex Iudæo factum Christianum ad sacros Ordines admisisset, quem postmodũ ambitionis & Iudaici erroris studiosum intellexerat; suæ inscitiae & leuitatis conscius, crebrius secum obmurmurabat: *Satius fuisset manus in spinas misisse, quàm earum impositione Sabbatium ad gradum presbyterij designasse.* Hæc etiam Antistiti nostri temporis lamenta: dum vident eos, quos in sacrum Senatum coopitulatores adsciuerunt, lasciuiæ carnis agitatores furtis, ad sacrilegorum barathrum, Deo & Fide spretis, impiè deflectere, falsam Reformatæ religionis prætexentes imaginem. Socrat. lib. 3. cap. 20.

MARTYRVS.

Hunc Nectarius summo conatu nitebatur promouere in Diaconum: at ille totis viribus renitens, *Ego, aiebat, olim sacri Baptismatis factus particeps, in usu vitæ meæ antiquum semper obtinui: & ita ordinationem non admisit.* Sozomenus lib. 7. histor. cap. 10.

ORNATVS CORPORIS.

PAMBO ABBAS.

DE CORPORIS externo ORNATV cultuque dicturus, illos ob oculos ponam, qui eundem non superfluum modò, sed & noxium reputarunt.
Ac de

Ac de PAMBONE quidem narratur, quòd, cùm apud Athanasium Alexandriae moraretur, fœminam mirum in modum comptam conspicatus, in lachrymas iterit. Interrogatus verò, quid illachrymaretur; *Duc*, ait, *me causæ mouent: prima, huius mulieris perditio; altera, quod ego non tantùm coner placere Deo, quantum hæc mundo.* Hist. Trip. lib. 9. c. 1.

S. NONIVS HELIOPOLITANVS.

Haud aliter iste. conspicatus Pelagiam meretricem Antiochenam transeuntem, auro gemmisque ornatam; diu illam intuitus, dicebat: *Quot putatis horas expendit hæc mulier dum in cubiculo se lauat & componit, ut hominum oculis placeat? & (heu) quantulas nos, ut in Dei oculis iusti conspiciamur? Scitè Terentius: ——— Nosti mores mulierum:*

Dum moliantur, dum comuntur, annus est.

Sur. in Vita.

S. EPHREM.

Meritò itaque, & non vanè EPHREM laudabilem hanc protulit sententiam: *In seculari vita qui suum ornat corpus, & subinde vestimenta mutat, humanam obtinet gloriam: at qui in Religiosa professione ista contemnit, & solum necessario corporis usu intendit, gloriam sibi in cælis acquirit.* In Vita eiusd.

ALEXANDER SEVERVS IMPERATOR.

Vide VESTIVM NEGLECTVS.

THOMAS MORVS.

Iungamus his virum clarissimum THOMAM MORVM: qui percontanti, quid de comptulis illis & ad omnium aspectus expolitis sentiret; facetè non minus, quàm sapienter, *Quàm multi*, aiebat, *in hoc sæculo eo labore infernum mercantur, cuius vel dimidio calum lucrati fuissent.* Et verè isto quo obtinet, quod
canit.

canit de hoc mulierum ornatu & luxu Ovidius:

Auferimur cultu : gemmis auroque teguntur

Omnia : pars minima est ipsa puella sibi.

Sapè ubi sit quod ames inter tam multa requiras,

Decipit hac oculos Agide diues amor.

In Vita eiusd. cap. 12.

IDEM

, Matronæ cuidam, quòd se totos dies ornaret, &, ut habet Poëta, Naturæ decus mentito mercatoque vultu perderet; dixisse fertur : *Nisi Deus tibi pro hoc tanto labore infernum rependat, magnà, me iudice, te iniuriâ affecerit.* Ibidem.

Vide Apophth. de VESTIVM LVXV,

& CONTEMPTV.

OSTENTATIO.

LEO X. PONTIFEX.

OSTENTATIONEM arrogantiamque reprimere non parva laus : eaque claruisse LEONEM X. accepimus. Venerat ad eum nescio quis empyricus, peritiam summam & præsentem podagræ curandæ medicinam penes se esse iactitans. At ille homini illusori illudere etiam volens, rogat num habeat aliquot ducatorum millia, quæ ad menses paucos mutuo sibi det; eoque negante, *Næ tu, ait, homo vaser & subdolos. Si enim eam quam prædicas experientiam haberes, crede, me longè diutius præcelleres. Ecquis enim in orbe Princeps hoc malo liberari nollit?* & ita planè confusum & conuictum dimisit. Auct. Serm. memor.

LVDOVICVS XII. GALL. REX.

Audiebat Bearnenses & Piëtones, homines igno-
biles

biles & ignavos, cum veris nobilibus de generis splendore gloriari; *Atqui*, aiebat, *decem istiusmodi nobilibus, unicus ensis satis superque fuerit.* *Anal. Franciæ.*

Require CASTIGATIO, SUPERBIA, &c.

OTIVM.

MONACHI ÆGYPTI.

Natura humana ut improbo labore instruitur, & quasi gubernatur; ita torpenti OTIO destruitur, & velut infatuatur. Nonne

Cernis ut ignavum corrumpant otia corpus,

Et capiant vitium ni moveantur aquæ?

Hinc vetus illa disciplina monastica, OTIVM ut diaboli pulvinar, summa cura vetabat. Qua de re ita Cassianus: Per Ægyptum, ait, Patres nullo modo otiosos esse monachos, ac præcipuè iuvenes, sinunt; actum cordis & profectum patientiæ ex humilitatis sedulitate metientes. Itaque erat apud eos celebre hoc dictum: *Laborans ab uno, otiosus ab infinitis oppugnatur demonibus.* Statuat igitur Christianus adolescens omni ratione otium effugere, & optimis occupationibus vitam transigere, ne post, ut quidam ait, & nimis serò,

—doleat stultos præterisse dies.

Refert Guilielmi. Baldesanus in Stimulis virtutum, lib. i. cap. ult.

RELIGIOSVS ANONYMVS.

At verissimum etiam esse illud Ethnicæ,

Otia si tollas, periêre Cupidinis artes.

insigni exemplo describit Hieronymus, quod hîc totidem verbis adscribam. Græcus adolescens erat in cœ-

in cœnobio, qui nullâ abstinentiâ, nullâ operis magnitudine flammam poterat carnis extinguere. Hunc periclitantem monasterij Rector hac arte seruauit. Imperat viro cuidam graui, vt iurgis atque contumeliis eum insectaretur, & post irrogatam iniuriam primus veniret ad querimoniam. Vocati testes pro eo loquebantur, qui iniuriam intulerat: flere ille contra mendacium. Quid multa? ita annus ductus. quo expleto, interrogatus adolescens super cogitationibus pessimis, an adhuc molestia aliquid sustineret; *Pape!* inquit, *uiuere non libet, & fornicari libeat?* Hieron. Epist. ad Rusticum.

ALPHONSVS ARAGONVM REX.

At quàm grata aliquando honesta à seriis curis animi relaxatio (neque enim Apollo semper arcum tendit) declarauit egregius Princeps ALPHONSVS. Cui dum quasi ignauia exemplum ostenderent rusticum humi recubantem, & vuas comedentem; *Vtinam,* aiebat, *mihi isto otio comedere datum à Diis esset.* Ita olim Ptolomæus Rex cùm se immortalitatem reperisse iactitasset, tandem podagra excruciatu, visis Ægyptiis qui ad flumen proni accubabāt; *Vtinam,* aiebat, vnum ex eis esse mihi datum! Pannorm. de Dict. Alph.

PROBVS IMP.

Aliter ante eum PROBVS IMP. Ille armatum militem otiosum esse numquam passus. dicebat quippe: *Annonam gratuitam miles comedere non debet.* Iac. Spieg. in Æn. Syl.

Vide LABOR. OPERA MANV EXERCENDA.

F. PAREN-

PARENTVM AMOR.

FERDINANDVS REX NEAPOL.

VENiant nunc in manus nostras prospera PARENTVM VOTA, felicibus auspiciis propagatæ soboles, quæ efficiunt vt aliquâdo & genuisse & genitum esse delectet. Quid enim FERDINANDVM eloquar? qui tanto sui parentis detinebatur desiderio, vt crebrius diceret: *Nihil mihi grauius euenire potest, quàm quòd aliquando maiorum rerum occupatione præpeditus, patri adesse non possim.* Pont.lib.2. cap.3. de Obedientia.

ALPHONSVS ARAG. REX.

Magnus quoque eodem in regno & re ALPHONSVS. Successerat Ferdinando legitimus regnorum heres, cui eam vicem & obedientiam, quam ille suo parenti olim, rependit. Peregrè aduenienti obuiam progressus, quòd eum vtpote minùs valentem lecticâ vehi aduerteret, equo defiliit, ac pedibus comitatur. monenti autem patri, aliorum procerum more equo conscenso adequitaret, respondit: *Aliis liberum sit agere quod voluerint: ego numquam adducar, quin Regem, quin patrem, & cum egrotum, pedibus sequar.* Panorm.lib.2. de Gest. Alph.

SFORTIA FRANCISCI FILIVS.

Eadem pietas Iuniorem SFORTIAM, vixdum annos pubertatis egressum, impulit; vt patrem quem viuum summo semper honore fuerat prosecutus, etiam mortuum, & in imagine expressum, honoraret. Erat in extremas angustias ab hostibus redactus, dumque anxius huc illuc voluitur, & nequicquam militem suum vocat, patris effigiem (quæ
fortè

fortè in conspectu) intuitus; *Ecquid, exclamat, dine parens degeneres erimus? & hosti sine conflictu cedemus? Audendum potius.* dictoque citiùs, in hostem gloriosus irruit. Gaguin. De reb. Gall. in Appen. de Lud. xii.

PARENTVM DE LIBERIS

C V R A.

EDOUARDVS II. ANGL. REX.

AMulatus hanc pietatem, non vt priores illi in parentes, sed in filium EDOUARDVS. qui cum Philippo Franciæ rege manus conferens, dum filium in prima acie acriter vrgeri intelligeret; *Ne, inquiebat circumstantibus, hodie à me subsidium postuleris, quamdiu filius adhuc superstes. Volo vt nunc virtutis sue specimen edat, atque victoria laus omnis penes eum sit.* Tam gloriosum reputabat talem habere filium, qui pro patria libertate suum latus hosti opponeret. Frossard. hist. Gall. lib. i.

BABO APENSBERGENSIS BARO.

At memorabile, quantam filiorum curam gesserit paternâ pietate motus BABO. Habebat numerosam sobolem, ita vt ex duabus vxoribus legitimis duos & triginta filios atque octo filias superstites post se relinqueret. Cum ergo Henricus Cæsar sub annum 1015. animi causa aucupium instituisset, BABONEM inuitauit, paucis equitibus præsens etiâ adesset. Ille oportunitatē se nactum arbitratus, vt filios Cæsari commendaret, iuuenes scitos & probè instructos ornat, & cuique comitem adiungit, taliq̃ filiorum comitatu ad Imperatorem venit. Qui, visa ea multitudine, rogat quasi indignabundus BABO-

NEM, cui, cum paucis venire iussus, tot equites adduceret; ille, *Non sunt equites, Auguste*, inquit, *quos tua Maiestas conspiciatur, sed tui famuli, mei filij legitimi, quos eidem T. M. exhibeo, dono, consecro. eosque, ut ingenuam decet sobolem, maxima cura educavi.* Imperator singulos appellat, dextra & osculo excipit, filios nuncupat, secum consistere in aula iubet, omnesque paulatim stipendiariis prædiis, castellis & vicis, locupletavit. Hieron. Zeigler. in Hist. Illust. vir: Germ.

Quære CONFESSIO PECCATORVM.

BLANCA FRANC. REG.

Neque mulierum hîc laudem detrecto, aut earum gloriam inuoluo. Sunt & inter has, quamvis rariores, quæ hac virtute polleant. Facem ceteris præfert BLANCA Ludouici istius mater: quæ, dum optimis moribus filium instituisset, quandoque dixisse fertur: *Malim, ô fili, te vita priuatum, quàm vlla virtute relictum, unum lethale peccatum perpetrantem.* Imitentur hanc omnes matres, quarum nimis blanda hoc æuo (proh dolor!) segnes facit indulgentia natos. Ionuil. in vit. Lud. cap. 3.

MVLIER ANONYMA.

Iungat se illi Christophori Lusitani arcis Dientis Præfetti PARENS. Quæ, dū filium glande ferrea ab hostibus ictum conspicaretur, nihil habuit maius, quàm vt salutis suæ curam gereret. adductoque Cōfessore, siccis oculis ac vultu placido; *Tu fili, ait, clementis Dei veniam fidenter implora: teque in hoc transitu virum prebe. unicum hoc mihi in hac orbitate solatium.* I. Maffeus hist. Ind. lib. i i.

Require EDVCATIO. ADMONITIO.

PAR

PAR PARI RELATIVM.

PAMBO ABBAS, & PIOR MONACHVS.

Sed artem etiam arte delusisse, in re præsertim
Sminùs seriâ & sine felle, quibusdam laudi datur:
& quidem inter illos PIORI MONACHO. Cùm enim
hic ad PAMBONEM visendi gratia venisset, propriũ
secum panem detulit. Rogat ille cur id faceret; *Ne,*
inquit, *aduentus meus tibi gravis sit.* At memor illius
PAMBO, dum post multum temporis PIOREM inui-
feret, panẽ obsonio aut iure intinctum, qui famem
simul & sitim sedaret, adfert. indignantiq̃ue PIORI,
Hoc egi, ait, *ne aduentu meo te quidquam grauem.*
Pallad. in vit. PP.

ANGLI ANONYMI, & SALOMON IVDÆVS.

Lectũ auditũq̃ue iucundum quod subiungo. Erat
in Anglia SALOMON quidam, gente Iudæus. hic dum
fortè Sabbato in cloacam cœno oppletam cecidisset,
& aduenirent qui suppetias ferrent; noluit eo
die religionis ergo extrahi. dicebat enim,

Sabbata sancta colo, de stercore surgere nolo.

Audit MAGISTRATVS loci, & supersticiosum homi-
nẽ etiam postero die (qui Dominicus erat) extrahi
vetat. ac suppetias inclamanti, responderi mandat:

Sabbata nostra quidem SALOMON celebrabis ibidẽ.

Annal. Angl. Th. Staplut. in Prompt. Morali.

LVDOVICVS XI. FRANC. R.

Prioribus iungi meretur quod de LVDOVICO XI.
tradunt scriptores. Viderat è Proceribus quidam
LVDOVICVM pro rapo sibi à rustico oblato mille
aureos donasse: & beneficium fœneraturus, equum
dono dedit. Suscipit eum Rex, & rapum pretiosã
f 3 findone

findone inuolutum, rependit, adiiciens; *En mille aureis cœmptum rapum: quod equum tuum, vix centum adæquantem, longè præcellit.* Corozet.

IANVS LASCARIS, & GALLI ANONYMI.

Cum Romanam supellectilē augetet Iulius Pont. Gallos in vniuersum Micturiuingos, quasi immodicos vini potores, per iocum appellabat. Quò factum, vt GALlici POETÆ ita in eum luderent:

Patria cui Genua est, genetricem Gracia, partum Pontus & vnda dedit: qui bonus esse potest?

Sunt vani Ligures, mendax est Gracia, Ponto

Nulla fides: malus est, hæc tria quisquis habet.

At IANVS LASCARIS Poëta sui æui celebris, vt Iulio gratificaretur, ilicò hos retorisit:

Est Venus orta mari, Graiùm sapientia, solers

Ingenium est Ligurum: qui malus esse potest?

Cui genus vt Veneri, à Graiis sapientia, solers

Ingenium à Genua est? Mome proterue tace.

P. Æmil. in vita Ludouici XII. Gall. R.

Require Apophth. de PERFIDIA & ARTIVM CONCERTATIONÈ.

PASQVILLVS.

ADRIANVS VI. PONTIFEX, &
LVDOVICVS SVESSANVS.

AD PASQVILLVM deducimur, cuius statua, Romæ potissimùm, omnium rerū nouarum, licet remotis arbitris fiant, & dicteriorū ferax. Quare quòd in ea toties famosis carminibus laceraretur, indignatus est ADRIANVS PONT. eamque demoliri & in Tiberim coniici mandabat. at negabat id factò fore vtile LVDOVICVS SVESSANVS. dicebat enim

enim : Pasquillus etiam ranarum more in imo vado non erit tacitus. Ergo, inquit Pont., exuratur in calcem. Rectè id quidem, intulit SVESSANVS : sed tam crudeliter necato Poëta clientes non deerunt, qui Patroni cineres inuidiosis carminibus prosequantur, & supplicij locum quotannis concelebrent. quibus verborum lusibus, Pontificis mentem sedauit. Pont.

ANONYMVS.

Non ineptè itaque quispiam conspiciatus PASQUILLVM, tamquam clandestinum internuntium, minuta quæque aulicorum delicta tuo dorso exhibere legenda, dixit : Cùm hîc loquendi libertas adempta sit; mirum, lapideis statuis, cuncta etiam occultissima enuntiantibus, obturari os non posse. Phil. Camerar. cap. 66. Medit. histor.

PASSIO CHRISTI.

S. ELEAZARVS COMES.

REcolimus modò illud quod in omni pressura & afflictione securitatis portù præbet, PASSIONEM CHRISTI; quâ vltro pro nobis subiit, vt ex filiis iræ nos suæ gloriæ redderet cõparticipes. ELEAZARI Comitis miram in omni aduersitate patientiam mirata vxor, cùm quæreret quomodo toties offensus nullum offensionis signum daret; hoc ab eo responsum accepit: *Noueris me sentire aliquando indignantis animi motionem: sed ilico ad cogitandâ Christi passionem mentem verto, quæ sanè longè eam superat, quam hîc sustinemus.* Veram mentis tranquillitatem docebat, iugem Dominicæ passionis memoriam. Et vt dicit Greg. in Epist. Nihil adeò graue, quod non æquanimiter toleretur, si Christi passio

ad mentem reuocetur. Sur.in Vita,tom.5.cap.23.

I D E M

Dum ad eum diuini absentem irrequieta quemdam è domesticis mitteret vxor, qui de rerum omnium & salutis potissimum successu inquireret, responsum hoc dari mandauit: *Sanus corpore sum & sospes. Si autem videre me desideras, quere in vulnere lateris Christi: illic habito; ibi me inuenies, frustra alibi quæsitura.* Ibid. cap.30.

ZACHARIAS EPISC. HIEROS.

Quo autem corporis habitu passionis Dominicę mysteria & instrumenta pertractanda sint, docuit in Heraclio Imp. ZACHARIAS. Heraclius namque, dum Crucem, in qua Dominus suspensus, humeris ferret, vt in mōte Caluarie loco sibi proprio collocaret; in vrbis Hierosolymitanę portis, quasi fixus stetit & immotus. obstupuit. At ZACHARIAS, *Vide, ait, ô Imperator, ne isto triumphali ornatu* (erat enim auro gemmisque decorus) *parum Iesu Christi paupertatem & humilitatem in ferendâ cruce imitère.* Tum dimisso eo cultu, & plebeio assumpto, reliquã viã perfecit. Paul. Diac. lib.18.

S. ELISABETH REGIS HVNG. FILIA.

Miremur hîc, & rimemur puerilis animi prudentiam, verè non annorum numero, sed pietatis officiis computadam. Vix annos expleuerat pubertatis, & numquam ad templum procedebat, quin coronam capite amoueret: ac tãdiu inglorium verticem ostendebat, quoad ritu sacrorum completo, domum regrederetur. percontantiq; huius rei causam matri Sophie, & id temerè fieri dicenti, respondabat: *Absit a me tanta impietas, vt ibi caput meum turrìto micantis corona fastu superbiat, vbi caput Sal-*
natoris

natoris mei spinis coronatum compungitur. Ita diuina charitas in casta puellaris animi præcordia, Dominicæ passionis contéplatione, veluti mucrone quodam vulnus agere cœpit. Sur. tom. 6. in Vita.

THOMAS MORVS.

Meritò hîc etiam celebrandus MORVS. qui, cùm ad supplicij locum pergeret, & ad calicem Domini bibendum properaret, trāseunti mulier vinum obtulit. quod recusans, *Christus, ait, in passione non vino, sed felle potatus est.* ita pium, & iam iam hinc emigraturum spiritum, passionis Dominicæ meditatio perculit. Th. Staplut. in Vita, cap. 20.

PATIENTIA INIURIÆ.

S. APOLLONIVS.

VT proprium Christiani hominis est non inferre iniuriam, ita etiam illatam non vlscisci. neque aliud est quod sic animi tranquillitatem conciliet atque conseruet, vt iniuriarum omnium stabilis & firma toleratio. Mancipatus carceri APOLLONIVS, dum contra omnem æquitatem à Philemone variis afficeretur tormentis, nihil aliud dicebat, quàm, *Fili misereatur tui Deus, & nihil horum quæ in me es oblocutus, tibi reputet ad peccatum.*
In Vit. PP.

LVPVS EPISCOPVS.

Ille, Attila ciuitatem Trecafinam obsidente, interrogauit quis eam ita armis lacefferet; vbi accepit esse Attilam flagellum Dei, ingemiscens ait: *Et ego LVPVS vastator gregis Dominici, dignus flagello eius.* portasque pandi iussit. Ingressi hostes nullum hostilitatis edidère signum: & ita factum, vt qui se

dignum flagello confectus fuerat, à flagello liber
esset. Sur. tom. 4.

S. GREGORIUS PONT.

Et hunc ne summa quidem dignitas ad iniuriæ
impatientiam compulit. Mauricio enim Augusto,
filiisque eius se persequentibus, dicebat : *Quoniam*
ego peccator sum, vos tanto magis (ut opinor) Deū vo-
bis conciliatis, quāto magis me illi ignauiter seruientem
affligitis. Sic tandem quem armis non poterat, pa-
tientia vicit. In vita Greg. lib. 4. cap. 17.

B. IGNATIVS LOYOLA.

Quid verò omni pietate & religione insignis
IGNATIVS? Rogabatur, quenam esset maximè com-
pendiosa ad perfectionem via; respondit : *Si multa*
Christi nomine patiāre. Sciebat beatos fore eos, qui
persecutionem patiuntur propter iustitiam. & quod

Nobile vincendi genus est Patientia : vincit

Qui patitur. Si vis vincere, discite pati.

Ribadin. lib. 5. cap. 10. Vitæ eius.

ROBERTVS NORMANDIÆ DVX.

Referamus nunc eos qui hac virtute in ciuili or-
dine illustres exstiter. Pergebat religionis ergo in
terram sanctam ROBERTVS DVX NORMANDIÆ.
dumque à suis remotior cum homine agresti alter-
catur, tandem ab eo vapulauit. quod conspicati
comites, vlcisci parant. Ille, *Nolite*, clamabat, *quia*
has plagas merito meo accepi. indignum iudicans eo
loco vlcisci iniurias, vbi Christus tantas sponte pro
nobis tolerasset. Pol. lib. 8.

LVDOVICVS XII. GAL. REX.

Et hunc Aurelianum adhuc Ducem impunè in-
iuriis conuitiisque lacerarunt nobiliores quidam.
dumque ut se de illis vlcisceretur, iam regni scepra
tenens,

tenens, instarent nonnulli; respondebat: *Parum decorum esset Regi Galliarum, iniurias illatas Aurelianorum Ducibus ulcisci.* Egregiè in Soliloquiis Isidorus: Magna est virtus, si non lædas à quo læsus es. Magna est fortitudo, si etiam læsus, remittas. Magna est gloria, si cui potuisti nocere, parcas.

P. Æmil. in Vita.

FERDINANDVS. IMPERATOR.

Intellexerat ille quemdam, cui plura Beneficia contulerat, & multis nominibus sibi deuinxerat, à se defecisse. & nihil commotus, *Miror*, dicebat, *virum tantum se maioribus suis indignum reddidisse.* eoque dicto, quidquid commissum erat, dissimulabat. Pont. de Principe.

NOBILIS MATRONA ALEXAND.

Hæc è pectoribus altis & fortibus orta sunt. Illud tamen non minùs laudabile, quod muliebris animus præstitit. Frequentabat Antistitis Athanasij domù MATRONA NOBILIS, importunè rogita sibi concedi vnam ex iis viduis, quæ Ecclesiæ impensis alebantur, cui posset benefacere. cumque ea daretur postulanti, quæ inter illas moribus & modestiâ præcelleret; queri cœpit, non esse datam ex animi voto. Ea itaque dimissa, aliam recipit: & simul ab eâ contumelias & verbera. quam tamen libenter sufferens, gratias agebat Athanasio, dicens: *Tandem delegi contubernalem; cui pro malo bonum, pro iniuria beneficium, reddere assuefaciam.* Cassianus.

S. PAULA.

Et PAULA Gracchorum stirpe nobilis, vitæ innocentia nobilior, cum audisset se stultam quorundam iudicio reputari; *Theatrum;* inquiebat, *facti sumus mundo, & angelis, & hominibus: nos stulti propter*

460 . LAVRENTII BEYERLINCK
pter Christum: sed stultum Dei sapientia est hominibus.
Hier. in Epitaph. Paulæ.

PATIENTIA DOLORIS.

S. VINCENTIVS.

HAud minùs exiguum virtutis opus, aduersas
valerudines, quoties in eas inciderimus, æquo
animo sustinere. Referamus ergo exempla eorum,
qui hac virtute præditi fuere, eaque ex multis pau-
ca. Habuit autem hanc gloriam VINCENTIVS, qui
in mediis tormentorum cruciatibus, Tyranno in-
sultans; *Insurge, aiebat, Et toto malignitatis spiritu de-
bacchare: videbis me Dei virtute plus posse dum tor-
queor, quam possis ipse qui torques.* Quod animosum
dictum probauit euentus, dum Tyrannus post tot
in vnum corpus inflicta tormenta fateretur, Victi
fumus. In Vita eiusd.

S. LAVRENTIVS MARTYR.

Et quanam vis illa fuit, quâ succensus LAVREN-
TIVS affligenti se Tyranno dicebat: *Infelix, has epu-
las ego semper optavi.* cumque in craticula subiectis
prunis assaretur, inuicto animo flammaram susti-
nens violentiam, admirandam hanc vocem emisit:
Iste flamma mihi refrigerium præstant. Merito ita-
que eum deprecatura canit Ecclesia; Da nobis Do-
mine vitiorum nostrorum flammam extinguere, qui
B. Laurentio tribuisti tormentorum incendia supe-
rare. In Vita apud Surium.

BENIAMIN ABBAS.

Laborabat hic intolerabili hydropis dolore. cum-
que præsentis eius cruciatum fixis oculis intueri non
possent, dixit: *Orate, ne interior meus homo hydro-
picus*

picus sit. Hoc enim corpus, neque cum bene se habuit, mihi profuit; neque cum male, me laesit. Pallad. in Hist. PP.

STEPHANVS ABBAS.

Ille item, dum ope medicorum incurabili morbo affligeretur, ac putrida membra inciderentur, mutato vix vultu, cum adstantes aspicere vix possent præ angore; *Ego, inquebat, noni hos morbos ob peccata accidere: & melius hic pœnas solvere, quàm æterna pro iis supplicia sustinere.* Sozom. Hist. Trip. lib. 8. cap. 1.

Require MARTYRIVM & MORBVS.

PATIENTIA DAMNI.

IESVS CHRISTVS.

Rerum etiam iactura fortiter ferenda est, cum nihil sine Dei nutu euenire mortalibus queat. Ad seruandâ eiusmodi patiëntiam adhortabatur nos DOMINVS; cum diceret: *Ab eo qui aufert tibi vestimentû, etiam tunicam noli prohibere. ne scilicet, magis irrites raptorem, & in tui necem accendas. Et qui aufert quæ tua sunt, ne repetas.* id est, paratus sis potius damnum aliquod perpeti, quàm ut cum scandalo proximi repetas. Luc. cap. 6.

S. BERNARDVS.

Quid autem Clarguallensis Abbas BERNARDVS? Ablata erant ducenta argenti pondo, sibi ad impensas construendi cœnobij missa. quod cum ad eum deferretur; *Gratias, inquit, Deo ago, quod tanto me onere lenarit.* Summæ temperantiæ index ea vox, apud paucos hoc auro recepta. Marul. lib. 5.

SENEC

SENEX ANONYMVS.

Cùm venissent ad eum latrones, dicerentque: Ecce omnia tua venimus tollere. ille: *Quaecumque filij vobis videntur, tollite.* quo facto, abierunt. cumque solum marsupium reliquissent, eo accepto, SENEX Dominici præcepti memor, illos insequitur, & inclamat: *Accipite etiam illud quod tollere obliti estis.* Redeunt, & ablata restitunt. Quàm verum illud Gregorij sup. Epist. ad Heb. Nihil ita confusionem facit ingerenti mala, sicut fortis tolerantia patientis, & neque in verbo neque in opere reddere vindictam. Prat. Spirit. cap. 211.

PATRIÆ AMOR.

ROBERTVS NEAPOL. REX.

Nescio qua NATALE SOLVM dulcedine cunctos
Ducit, & immemores non sinit esse sui.
 cecinit olim Ovidius. & verè ita se habere suo exemplo fidem fecit ROBERTVS REX. Vt enim erat clementiâ & benignitate in suos inenarrabili, crebrius hanc vocem vsurpabat: *Malim benigni amantisque patriæ, quàm pecuniosi & imperiosi regis nomen.* Hinc ille versus ei Romæ sub effigie inscriptus:

Aspice Robertum, patria virtute refertum.

P. Iou. lib. 1. Elog.

FARINATA VBERTVS NOB.

Quo tempore Guelphorum & Gebellinorum in Italia factiones calebant, inito consilio decretum, vt Florentia suis muris exspoliaretur. nō tulit dirę sententiæ nomen vnus FARINATA, vir nobilis: qui acrius in eius auctores insurgens, *Sit, inquebat, vera virtutis premium incolumis patria, uti decet, ex*
aquo

æquo omnium parens : cui nemo nisi degener atque impius , manus iniecerit . Pari modo Fabius ad filium apud Silium Italicum effatur :

Iamque hoc , nec dubites , longani nate parentis

Accipe , & aeterno fixum sub pectore serua .

Succensere nefas patriæ : nec fœdior vlla

Culpa sub extremas fertur mortalibus umbras .

Ibidem.

MICHAEL MOVROCENVS

Dignus sanè longiori æuo . Venerat ex Syria , ubi amplissimas opes coaceruarat , in Rhodū insulam . quò cū appulisset , intellexit Venetos in summo versari discrimine . Itaque monent amici aliò se cum thesauro congesto reciperet . At ille indignatus , *Egon* , ait , *tantum scelus audeam , ut desin patriæ , tam grauitè laboranti ? quin potiùs quidquid est fortunarum , in eam lubens impendam .* quod etiam ipso facto præstitit . Ruminabat illud Horatij :

Dulce & decorum est pro patria mori .

Quin vt doctè Ouidius :

Non dubia est Ithaci prudentia , sed tamen optat

Fumum de patris posse videre focis .

Egnat. lib.6. cap. 3.

PATRIÆ INGRATITVDO.

IESVS CHRISTVS.

AT PATRIÆ INGRATITVDINEM intuentibus , vix in mentem venire potest debita aliàs illi gratitudo . dum enim Patria fragilis recordatur infantia , præsentia suorum opera virtutefq ; non considerat . Numquid multa præclarè Nazarethi dixerat & fecerat DEI FILIVS ? quid nihilominus concives ?

ciues? Vnde huic sapientia & virtutes? nonne hic est fabri filius? &c. & scandalizabantur in eo. At respondens ille, ait: *Non est Propheta sine honore, nisi in patria, & in domo sui.* Insinuabat autem virtute & scientia celebres, nullo in pretio inter agnatos & conciuces reputari, ac solum eos aestimari, qui è longinquo adueniunt: quamuis aliquando,

Veruicū in patria crassoq; sub aère nati.

Tales enim sunt hominū affectus, vt nouitate gaudent, & domestica plerumque contēnant ac fastidiant. Audiamus iudicium Euripidis verè hac in re ferium. ait enim:

Mco quidem iudicio non rectè sapit,

Qui spretis Patria finibus terra,

Alienam laudat, & moribus gaudet alienis.

Matth. cap. 13.

PAUPER TAS.

IESVS CHRISTVS.

DIximus qua patientia viri sancti proCHRISTO persecutiones perpeffi: nunc quo animo PAUPER TATEM, Sapientiæ & bonarum artium magistrā & veram alumnā, tolerauerint, pertractemus. VNIGENITVS DEI FILIVS, Patri consubstantialis, cum quo omnia quæ in cælo & in terra dirigebat; voluntariam tamen paupertatem, vt & nos ad eā induceret, suscepit. Quare cū secedentem trans lacum Genezareth sequi vellet quocumque ierit, Scriba, eò quòd terrenum eum regem ac præpotentem fore existimaret; vanam de se opinionem redarguens, dicebat: *Vulpes foveas habent, & volucres cæli nidos; Filius autem hominis non habet,*
ubi

ubi caput reclinat. quasi dicat, tantum abest, ut me magnum regem opineris. Matth. cap. 8. Luc. 9.

S. HIERONYMVS.

Ille de paupere & aspero Pauli Eremitæ vestitu, quoties verba faciebat, toties in hanc vocem erupisse commemoratur: *Si Dominus mihi optionem daret, multò magis eligerem tunicam Pauli*, (quam ipse ex palmæ foliis sibi contexuerat) *cum suis meritis; quàm Regum purpuram, cum suis pœnis.* Colligitur ex eodem, in vita Pauli.

S. HILARION.

Quantum verò nimiam rerum cupiditatem cauerit vnicum sanctitatis exemplar HILARION; patet ex iis quæ discipulo suo Helychio testamêto moriens legauit: *Dinitiarum*, inquebat, *meorum heres esto. Hæ autem sunt Euangelium, tunica saccea, cuculla, & palliolum.* qui tenuitatem illam diuitias suas vocat, satis declarat, quàm ab earum amore semper fuerit alienus. Collig. ex Vita eiusd. apud. Hier.

S. FRANCISCVS.

Paupertatis etiam voluntariæ voto ardens MINORVM PATER, dum quòd in pauperes esset profusior, à patre vrgeretur coram Episcopo Assisinate bonis cederet; vestimenta exuit, iisque in patrem reiectis, cum planè nudus consisteret, dicebat: *Huc usque pater te patrem indicam in terris: amodò securè dicere possum: Pater noster qui es in celis, apud quem omnes thesauros reposui.* Iam enim tacitus cum Propheta gloriari videbatur: Ego mendicus sum & pauper, Dominus sollicitus est mei. Bonauent. cap. 2. Vitæ eius.

IDEM.

Requiritibus ab eo fratribus, quamnam virtus

g

amicum

amicum magis redderet Christo; secretum tui cordis referans, *Paupertatem*, inquit, *fratres, noueritis viam spirituale salutis, tamquam humilitatis fundamentum, perfectionisque radicem: cuius fructus multiplex, sed occultus.* Preclare apud Senecam Thyestes:

— Bene paupertas
Humili tecto contexta latet.
Quatiunt alta sepè procella,
Aut enertit fortuna domos.

Sut. tom. 5. in Vita.

S. LAVRENTIUS MARTYR.

Quid te martyr decus eloquar? qui postulanti Decio thesauros Ecclesiæ, quos tuæ fidei commiserat Sixtus, post trium dierum inducias, pauperibus quibus eos dispensaueras adductis, dicebas: *En hi thesauri Ecclesiæ, quos requiris, in quibus Christus est.* insinuans quod alibi Dominus: *Facite vobis amicos de mammona iniquitatis.* Alois. in Vita. Ambros. 2. Off. cap. 28.

S. LYDWINA.

Sed aliquantum longiore ductu protractus sermo nunc admonet, etiam fæminis locum demus. Grauißimum paupertatis onus, non forti modò, sed hilari etiam animo, tulit LYDWINA. adèd vt quibusdam eius penuriam reprehendentibus, responderit: *Satis abundat, qui eo quod habet contentus est: & si mihi cum hominibus communes non sunt diuitiæ & delicta; sunt tamen cum multis communes paupertas & miseria: quibus ego abundans, Deo gratias ago, & conquesco.* F. Ioan. Brugman. in Vita. Lippel. tom. 2.

Vide ELEEMOSYNA.

I N

IN PAUPERES LIBERALITAS,
ET DVBITIA.

IESVS CHRISTVS.

QVanta autem virtus, eorum qui ad inopiam redacti paternam curam gerere, vel ex eo patet, quòd sine ea CHRISTVM vix sequi possimus. vtpote qui diuiti illi, se omnia mandata à iuuentute obseruasse asserenti, vt vitam æternam magis certâ & compendiosâ viâ obtineret, præcipiebat: *Vnum tibi deest: vade, quacumque habes vende, & da pauperibus, & habebis thesaurum in celo: & veni, sequere me.* Mar. cap. 10. Luc. 18. Mat. 19.

S. IOAN. PATRIARCHA ALEX.

Quanto autem studio Domini præcepto se conformare conatus est IOANNES PATRIARCHA? Miserat ad eum dono quispiam, miseratus lectuli in quo decumbebat tomentum, plumeam culcitram. in quâ cum decubuiisset, totâ nocte ingemuit: ac mœroris causam inquirenti; *Quia*, inquit, *mollius iaceo, quàm domini mei.* hoc enim nomine pauperes dignabatur. Itaque primo mane culcitram vendi mandat, & in dominos suos pretium erogari. At qui dono miserat, ab emptore redemptam remittit: cumq; id iam tertio fieret, ait ad eum PATRIARCHA: *Gratias Deo ago, quòd inituri sumus certamen, dimiti salubre, pauperi commodum, mihi incundum.* Sciebat enim melius esse modicū iusto, super diuitias peccatorum multas. Metaph. in Vita.

ANONYMVS RELIGIOSVS.

Narrant de eo, quòd, cum præter Euangeliorum codicem haberet nihil, eum vendiderit, ac obui-

pauperi eius pretium donauerit, dicens : *Ipsum iam vendidi, quod mihi dicit assidue; Vende omnia quae habes, & da pauperibus.* Socr. lib. 8. Hist. Eccl. c. 1.

S. IOAN. PATRIARCHA ALEX.

Deducit me aliò tendentem rursus ad se IOANNES PATRIARCHA: qui crebrius pauperes suae urbis in catalogum redigi imperabat. dicebat autem ministris ; *Ite per urbis vicos, & describite sigillatim dominos meos.* qui cum exeuntes dubitare inciperent, quinam illi domini forent, dixit: *Illi, quos vos pauperes dicitis & mendicos; ego dominos & adiutores appello : nam y soli opem mihi ferunt, ut à Christi regno non excidam.* Egregiè August. Via caeli est pauper, per quem venit ad Patrem : incipe erogare, si non vis errare. Sur. tom. 1. in Vita.

S. RICHARDVS.

Neque tamen expectandum, ut subuenias pauperi, donec ipse te sollicitet, & quasi egestate sua pro-uocet; testis est RICHARDVS. In omnes enim beneficis, egenos quosuis ad accipiendū à se quidquam inuitabat : rogatus autem cur id faceret ; respondit: *Quia carè emitur, quod precibus emitur.* O miserabilis conditio mendicantis ! (inquit Iun. de cond. fragil. hum.) si petit, pudore confunditur : si non petit, egestate consumitur : & ut mendicet, inopiā compellitur. Sur. tom. 2. in Vita.

S. ELZEARIVS COMES.

Verum ad hanc cum proximo nostro misericordiam summoperè incitare nos debet, quòd qui eam facit, à Deo etiam iusto quodam titulo misericordiam exposcat. Docet id S. ELZEARIVS COMES: nam cum die quodam plures auri uncias, & pannum coccineum, oblata munera, repudiasset; ingressus

gressus cubile, vt animum pia meditatione colligeret, huiusmodi verbis vsus dicitur : *Tu mihi Domine Deus in Paradiso debes centum auri uncias, & duos pannos coccineos.* Hanc fiduciam nos docet Ecclesiast. Benefac iusto, & inuenies retributionem magnam; etsi non ab ipso, certè à Domino. Sur. tom. 5. in Vita.

S. ELIZABETH REG. PANNON. FILIA.

Verùm ne faminq̃ sua laude hac quoque in parte fraudentur, vnum aut alterum exemplum ab eis sumamus. PANNONVM REGIS FILIA, & Turingiæ Principi iuncta, nihil nisi paupertatem in tanto splendore affectabat. vnde vnicâ contenta ancillâ, & habitu populari, dicebat sæpiùs : *Numquam alio usura sum; si quando tandem dignatus fuerit pius Dominus, expeditius viuendi mihi copiam concedere.* Itaque marito vita functo, omnem substantiam in pauperes impendit; *Parum est*, inquiens, *fortunas pro Christo, qui eas dedit, impendisse.* & se totam egenorum ministerio dedicauit. Conrad. in Vita.

S. LVCIA VIRGO ET MART.

Quid autem sedula hæc membrorum Christi nutrix LVCIA? Matrem Euriciam ad erogandas in pauperes facultates inclinabat. Illa verò finem vitæ suæ expectare eam iussit. At hæc: *Non est admodum Deo gratum munus, quod qui offert, idèò offert, quia illius usum suprema sibi interdicit dies. Da dum sana es; ne, si moriens dederis, inuita dedisse dicaris.* Sur. tom. 6. in Vita.

S. CATHARINA SENENSIS.

Neque hoc loco prætereunda est CATHARINÆ SENENSIS erga pauperes prouidentia. Hæc enim, dum ex putida farina, eaquæ modicâ admodû, plu-

res & sapidos panes propriis manibus confecisset, & miraculi causam Raimúduſ, cui de more ſua peccata confitebatur, interrogaret; hanc dedit: *Ne Dei donum deſpiceretur, néve pauperes negligerentur, magno cum feruore acceſſi ad illam farinam: atq; ita Angelis mihi cooperantibus multiplicata ea fuit, & in meliorem conuerſa.* Ita duo minuta viduæ iſtius Euangelicæ laudauit Chriſtus, & gloriabatur Apoſtolus de Corinthiis, ob promptum animum eorum erga miniſterium in ſanctos. In Vita eius apud Sur. tom. 2. pag. 947.

S. BRIGITTA.

Pari benignitate illuſtris BRIGITTA. quæ dum omnia pauperum inopiæ ſublenandæ elargiretur, Regi cuidam eam vendere deſtinabat pater. Quam cum rogaret ipſe Rex, cur gladium ſui patris abſtuliffet, pretiumque quod ex eo reportarat, pauperibus erogaffet, reſpondit: *Chriſto illum largita ſum. Et certè ſi te dominum Regem & parentem Deus à me peteret; modò poſſem, vtrumque lubens cum facultatibus darem.* Quo audito, ille ad patrem conuerſus; Maior, inquit, filia tua eſt, quàm quæ vel abs te vendi, vel à me emi poſſit. Sur. tom. 1. in Vita.

S. LYDWINA.

Flagrabat etiam iſta hōe liberalitatis ſplendore; ita vt neminem aduentantium vnquam à ſe repulerit: domesticis autem concurrentium multitudinem excludere conantibus; *Quid agitis, inquit, ſorores mee? Itāne lucrari non debemus Chriſto animas, quas Satan denotare intendit? veniant ad me pauperes: necdum eò perueni, quò ille, qui optabat anathema eſſe pro fratribus.* In Vita apud Surium, tom. 2.

AMEDÆVS SABAVDIÆ DVX.

Dignus item iste qui cum diuini illius ordinis athletis certet. Venerant ad eum Oratores; qui, cum palatium obambulant, rogabant, num etiam venaticos canes aleret. ille, Crastina, inquit, die eos vobis exhibebo. Interim, de more, ingentē pauperum turbam cogit, quibus cibaria apponi mandat: ac redeuntibus ad se Oratoribus, *Hi sunt*, inquit, (demonstrabat autem discumbentium multitudinem) *canes mei, quos alo quotidie, quibus gloriam celestem venor*. Liceat de illo canere, quod olim de Probo Claudianus:

*Hic non diuitias nigrantibus abdedit antris,
Nec tenebris damnauit opes, sed largior imbre
Sueuerat innumeras hominum ditare cateruas.
Quippe velut ænso currentia munera nimbo
Cernere semper erat: populis undare Penates,
Assiduos intrare inopes, remeare beatos.
Præceps illa manus fluuios superabat Iberos,
Aurea dona vomens.*

Munsterus lib. 2. Cosmog. de Duc. Sabaud.

HATTO EPISC. MOGVNTIN.

Inficit & infringit hanc in pauperes beneficentiam fœda & crudelis HATTONIS sauitia, & vt tragicè hanc scenam claudamus, ansam præbet. Quo tempore Otho Magnus rerum potiebatur, horrenda fames Germaniam inuasit. Videns itaque HATTO, pauperes fame & inedia pressos ostiatim victum quæritare, plures horreo inclusos contremari iussit; facto egregiam hanc vocem adiiciens: *Non differunt hi muribus qui frumentum comedunt, ad nihilum utiles*. At tantum scelus inultum non permisit iustus iudex. Factum enim vt cateruatim eum mu-

res inuaderent, affligerent, & viuum deuorarent.
 Quis hæc considerans negabit verum esse illud Iu-
 uenalis:

Est tantò vberior vitiorum copia, quanto

Maior auaritia patuit finis. —

Ibid. lib. 3. de German. cap. 170.

P A X.

IESVS CHRISTVS.

PACIS nunc bonum sectemur, quod tantum ef-
 se docuit August. vt in rebus creatis nihil gra-
 tiosius soleat audiri, nihil delectabilius concupisci,
 nihil denique vtilius possideri. Estque hoc, quod
 ad Patrem rediturus CHRISTVS DOMINVS, hu-
 mano generi in sui memoriam hereditariò reliquit.
 Post resurrectionem namque ad discipulos ingres-
 sus, vnicum hoc insonabat: *Pacem relinquo vobis,*
pacem meam do vobis: non quomodo mundus dat, ego
do vobis. Quin imò ante passionem suos instruens,
 eandem etiam commendabat, cùm predicationem
 suam breui hoc dicto terminaret; *Habete in vobis*
sal, & pacem habete inter vos. Mar. cap. 9. Luc. 9.

GREGORIVS VII. PONT.

Pacis amantissimus GREGORIVS, cùm dissidium
 quod inter eum & Henricum III. Imperatorem
 erat, concordibus votis dirimeretur, & pacis condi-
 tiones proponerentur, dicebat: *Pacis conditiones non*
despexero, modo Henricus (qui multis cladibus Ec-
 clesiam affligerat) *cum Deo primum pacem incat.* Me-
 lior aliàs foret talis pugna, inquit Nazian. in Apol.
 quæ Deo proximum facit, quàm Pax illa, quæ à Deo
 separat. Platina in Vita.

ALPHON-

ALPHONSVS ARAG. REX.

Huius pectus vt aliarum virtutum, ita & Pacis tranquillitatisque ferax. Ludouico enim Podio viro celeberrimo renuntianti, quod pro Pace quam cum Venetis & Florentinis erat initurus, plus quam ducenta aureorum millia extorqueri possent, respondit: *Pacem ego dare, non vendere solitus sum.* Panorm. lib. 3. de Gest. eiusd.

IDEM

Cum moraretur Valentique, venerunt ad eum Oratores missi à Carolo Gall. Rege (qui ea tempestate cum Britanno bellum gerebat) deprecaturi, ne Regi iam bello implicato ipse aliud inferret: eò quod adscribere sibi videretur Galliam Narbonensem. At ALPHONSVS, etiam si plura ab eo opida per vim Carolus detineret, fidem dedit, dicens: *Haud eo animo sum, ut quod maiores mei in Caroli prosperitate non petierunt, ego in eius repetam calamitate.* Panorm. & Æn. Syl. de Dict. Fact. eiusd.

BARNAGASIVS.

Iste etiam nomine regis Æthiopiæ cum Prætorè Lusitano foedus pacemque initurus, apprehensa cruce argentea, nixus genibus; *Quam*, inquit, *pacem Iesus Christus generis humani redemptor discipulis reliquit: eadem esto inter nos, qui eiusdem profiteamur cultum & fidem.* Maff. hist. Ind. lib. 7.

FREDERICVS III. SAXON. DVX.

Inuitent nos priora, & excitent: sed FREDERICI DVcis exemplum fortius mouet, & ad sui imitationem alios eiusdem ordinis, quasi quodam fune, è ciuiliū tumultuum labyrintho trahit. Ille enim pacis amans, nullas arces aut munitiones condidit: quin potius ab aliis conditas solo æquauit. & in id

unum incumbere assiduus, ut pecuniis, si quas contraxisset, ritè impensis, nihil earum post mortem posteris supererellect. Admirantibus autem, eiusque rei causam percontantibus; *Ne*, aiebat, *ego leuiter offensus aliquando, arcibus & pecuniis meis confusus, nimis facile vicinos me inferiores bello lacessam, & pacem cum eis violam.* Quod utique facturus non erat, omnibus belli neruis destitutus. Sciebat autè, quòd

——— *Pax optima rerum*

Quas homini nouisse datum est: Pax una triumphis

Innumeris potior: Pax custodire salutem,

Et ciues aquare potens.

Ioan. Agricola in Prouerb. German.

PECCATVM.

IESVS CHRISTVS.

Violata aut neglecta pace, ad PECCATVM transitus fiat oportet. Virtus enim nulla inesse potest, ubi vera non est comes Concordia. Est autem tanta PECCATI malitia, ut ex libero (quod appetunt omnes) faciat seruum. Quare indignantibus Iudeis, quòd liberos ipsos futuros diceret DOMINVS, si mādatis eius parerent: & rogātibus, Semen Abrahæ sumus, & quomodo tu dicis, Liberi eritis? respondit: *Amen dico vobis, quia omnis qui facit peccatum, seruus est peccati.* veram seruitutem demonstrans, subdi peccato. Ioan. cap. 8.

S. LVDOVICVS FRANC. Rex

Altè quod iuuenis biberat, senex retinebat. Cùm enim ex Seneschalco Campaniæ sciscitaretur, malè ne lepra infici, an peccato: & is respondisset, Peccato; acriter eum perstringens, *Toto*, inquit, *calo*
erras.

erras. Ecquæ lepra peccato fœdior, quod etiam post mortem affligit? Tu itaque, si me amas, eam mentem mutato. Iouil. in Vita, cap. 94.

S. LUDOVICVS EPISC. TOLOS.

Quis aptius Ludouico Regi succedat, quàm LUDOVICVS EPISCOPVS? quem, dum (vt erat Rege natus) à sancto proposito capiendi institutum B. Francisci, familiaris quispiam dimouere conaretur, dixisse commemorant: Prius mihi pereat, non dico regnum hoc caducum, sed orbis totus, quàm in Deum meum semel peccem, cuius honorem omnibus anteponendum noni. Ex vita eiusd. cap. x.

S. EADMVNDVS ARCHIEP. CANTVAR.

Huius etiam vox erat: Malo insilire in rogam ardentem, quàm peccatum vllum sciens admittere in Deum meum. Sur. tom. 2. in Vita.

ANGLVS ANONYMVS.

Dum expulsis fugatisque ex Franciæ finibus à CAROLO VII. Rege Anglis, quidã ANGLICVM PRÆPECTVM percõtaretur, quando Angli rursus in Galliam redituri essent, respondit: Quando peccata vestra maiora erunt nostris. veram & sinceram calamitatum omnium sentinam reputans Peccatum. Ex lib. Rer. memor. Gall.

CAROLVS V. IMPERATOR.

Præclare etiam inuictus ille Princeps sentiebat, cum diceret altercantibus de Ecclesiæ scissura: Peccata nostra commernuere vt Ecclesiæ integritas secaretur. vtque eius rei auctorem Lutherum insinuaret, adiecit: Vnus homo nobis scribendo perdidit rem. Ex relatis Auctori. Flores Sent. Hispanici.

BLANCA FRANC. REG.

Quere PARENTVM DE FILIIS CVRA.

ANVS

ANVS ANONYMA.

Quantum verò sit PECCATIONUS, quo pressus grauiatur peccator; facitè & verè declarauit ANVS, cuius nomen apud Auctorem reticetur. Erat Stratonicus Cytharædus, qui Corinthi peregrinum agebat, homo nefarius & scelestus. Hunc dum fixis oculis intueretur ANVS, rogat: Quid me per Deos immortales ita indefinèter intueris? cui illa: *Nequeo sat mirari, quòd te mater tua decem menses in utero gestare potuerit.* rogantiq̃ue iterùm, Cur ita? respondit: *Quia hæc cuius angur, vnum dñtaxat te diem portans.* Significabat iniquitatum ipsius pòdus tantum esse, vt vix à terra sustineri possit, ac meritò Regium Prophetam confiteri: Sicut onus graue grauata sunt super me. Auct. Serm. Conuiu.

PECCATI RECIDIVA.

S. ARSENIUS.

Sicut libertus libertate donatus patronum offendens, grauiùs delinquit quàm seruus: ita Deo per Christum reconciliati, è potestate diaboli & tenebrarũ erepti, vera libertate Spiritus donati, multo atrociùs recidiuando offendunt, quàm qui naturã filij iræ, & serui peccati. Quare præclare dixisse accepimus S. ARSENIUM: *Qui peccata peccatis addit, cum ea refecare deberet pœnitentiã & diligentia, similis est scindenti ligna & suis humeris imponenti; cumq̃ue iam supra vires onustus est, nona superaddit, & onus auget.* Surius tom. 4. in Vita.

PECVLATVS.

SIGISMVNDVS IMPERATOR.

PECVLATVM furto grauius crimen dicebat M. Cato, eò quòd publicarum rerum sit iniusta ablatio. de quo cùm etiam rogaretur SIGISMVNDVS, cur frequentius esset apud liberas ciuitates; *Ideò, inquebat, quòd nudos honores ciuibz commendent, populus autem ad lucrũ inhiat.* Indicabat ipsum Magistratum in causà esse, quòd tam inulti hodie Peculatus crimine insimulentur. cùm enim varia sint in Repub. officiorum genera, quibus vix certà stipendia assignata sunt: fit, vt qui ea administrant, sapè ex publico thesauro sibi per nefas prospiciant. Æn. Syl. lib. 2. Comm. de Gest. Alph.

LEGATVS ANONYMVS.

Inter cetera huius rei exempla haud indecorè se LEGATI huius iocus, & libera, iucunda tamen, vindicta offert. Mittebatur à Maxamiliano 1. Cæsare LEGATVS, vt ab vrbe quadam Imperiali extorqueret certam pecuniæ summam. ea tamen lege, vt si dexteritate suà quidquam impetraret supra id quod imperatum, sibi vt lucrum cederet. Quinquaginta itaque millia aucupatus est. è quibus triginta Cæsari reddidit, residuum suo vsui dedicauit. Insperatà prædâ latus Imperator, LEGATVM dimittit. Interea Quæstores plus receptum intelligunt quàm redditum, & Cæsarem interpellant, rationem reddat LEGATVS. Acquiescit Imperator, & accitū hominem, rationem reddat, monet. Ille facturum se spondet ocyùs. differt tamen. At Cæsar suspicatus rationem illi nondum satis subductam, dissimulat.

cum-

cumque sic illuderet sapienti, vrgent Quæstores vt compellatur, & quidem statuto dierum termino: ni pareat, multandus grauitè. Annuit Maxæmilianus, eumque ad se vocari districtim iubet. verum is nil veritus, nullâ morâ interpositâ, venit. adueniunt etiam Officiales, vt rationibus prælint. Tum Cæsar, Vbi computus, & promissæ toties rationes? en hîc coram adsunt, qui excipient. (assidebant autem illi codicillis ad id paratis.) Vbi LVVENIS satis dextrè; *Numquam*, ait, *Cæsar inuicte, rationem detrectavi. verum cum experientia & ætas huiusmodi rationum formam & modum mihi necdum suggesterit; vnum peto, vt eos qui assident, utpote longo rerû vñu peritiores, inbeas aliquod earû exemplum edere: & videbunt me maximè docilem.* Dicto hominis tactus Cæsar, subridens, Verum, ait, & æquum postulas. eumque illico à se dimisit. Subindicabat autem, assessores illos eo modo Cæsari reddere suæ functionis rationes, quo ipse reddiderat: nimirum vt bona pecuniarum publicarum pars penes ipsos remaneret. Vnde pulchrè olim Diogenes, cum vidisset quædam ob furta apprehensum duci per magistratum; Magni, clamabat, fures paruum ducunt. Cui consonat vulgare hoc apud Belgas adagium: Magnos fures crumena, minores mala crux strangulat. Ioann. Peregrin. Petroselan.

P E C V N I A.

S. GERARDVS ABBAS.

Rerum in terris neruum PECVNIAM Peculatui subiicimus: in qua coaceruanda, licet in somnes noctes ducant plures; sanioris tamen mentis alij eius fœda lucra neglexere. Restituerat sanitati,
diuina

diuina ope fretus, Arnulphum Comitem GERARDVS ABBAS. dumque eius rei gratia immensum auri pondus offerretur, recusauit, dicens: *Pecunie congeries, apud Monachos præsertim, sunt velut lepra animæ. Frater autem Gerardus non vult esse leprosus, ergo nec pecuniosus.* Doctè & verè Iuuen. Sat. 6.

*Prima peregrinos obscæna pecunia mores
Intulit, & turpi frugerunt sæcula laxis
Dinitia molles.* Sur. tom. 5: in Vita.

VLRICHVS III. EPISC. CONSTANT.

Licitè tamen, imò prouidè quandoque pecuniam in bonum vsum colligi, auctor est VLRICHVS PRÆVL. Quærenti namque cur tantam pecuniarum vim coaceruaret; *Vt, inquit, his aut hostem vincam, aut cum eo pacem consequar.* Sciebat enim cum magno Iulio, potentiam quamuis duabus potissimum rebus, pecunia & milite, conservari, parari, atque augeri. Brusch. in Episc. Germ.

PETRVS ALDOBRANDINVS CARD.

Rogatus hic quâ viâ contra hostes tutè pugnandum sit; *Non ferro, inquit, sed auro.* Ita de Philippo Macedone olim dictum, plura opida expugnasse dando, quàm rapiendo. Henr. Farnesius in Apophth. de Principe.

SENEX ANONYMVS.

Vbi autem vitæ necessaria suppetunt, non esse pecuniis inhiandum, docuere veterum Anachoretarum plures. & primò, dum cuidâ SENIORI, quòd mirare, pecuniæ offerrentur, renuit eas accipere; rogatus vt in piorum necessitate dispensaret, ait: *Duplex id mihi opprobrium futurum, quòd, cum non indigeam, accipio; & aliena tribuens, vanam gloriam colligo.* Climach.

ANA-

ANACHORETA ANONYMVS.

Alius item non dissimili animo, sibi pecunias donanti, respondebat: *Tu post 70. annos mihi nutrimentum adfers? Ecce tanto tempore infirmus nullo indigui, Deo me pascente.* In Vitis PP.

MVlier ANONYMA.

Hæc etiam, mirum in avaro sexu, pecuniarum summam sibi largienti, quali indignata dicebat: *Habeo curatorem meum Deum, & tu illum à me vis tollere?* Auct. Serm. memorab.

Lege Tit. de CONTEMPTV MVNERVM,

& MERCEDIS.

Item de LIBERALITATE, &c.

POENITENTIA.

IESVS CHRISTVS.

Demus etiam locum POENITENTIAE; per quam ij qui culpa sua lapsi, resurgunt ad pristinum nitorem: quamque distulisse semper nocuit. Vultis quanta sit eiusdem necessitas? attēdite quid animarum nostrarum Medicus & SALVATOR ad se venientibus imperarit. Venerant ad eum qui nuntiarent de Galileis, quorum sanguinem Pilatus sacrificiis commiscuit. quibus respondens, dixit: *Putatis quod hi Galilaei præ omnibus Galileis peccatores fuerint, quia talia passi sunt? Non, dico vobis: sed nisi poenitentiam egeritis, omnes similiter peribitis.* quo loco summam huius post naufragium tabulae necessitatem insinuauit. Luc. cap. 13.

S. PETRVS APOST.

Haud secus Beatus PETRVS, quærentibus quibusdam Iudæis, Quid faciemus viri fratres? respon-

ſpondit: *Pœnitentiam agite, & baptizetur vnusquisque veſtrum.* Actor. cap. 2.

S. AMBROSIVS.

Nec diſpar in AMBROSIO fraternæ charitatis adfectus. Theodoſium Imp. propter eadem Theſſalonica factam, ingreſſu Eccleſiæ prohibebat. Cui, cùm ille Dauid regem homicidam fuiſſe & adultærum diceret, reſpondit AMBROSIVS: *Qui ſecurus eſ errantem, ſequere pœnitentem.* Quare impoſitam ſibi ab eo publicam pœnitentiam palam egit. Breuiar. Rom. 7. Decemb.

F. BORGIA SOC. IESV.

Non immeritò ergo FRANCISCVS BORGIA, percontanti quam potiffima Pœnitentiæ virtus, reſpondit: *Quòd viam in calum muniat.* hæc enim eſt anguſta illa porta, per quam iubemur ingredi, quæque ad vitam æternam recto tramite ducit. In Vita eius.

THEODOSIVS IMPERATOR.

Præclari illius Principis præclara etiam hæc vox: *Nihil eſt noui, ſi quis homo cùm ſit, vita excedat. Vnius autem Dei eſt, eum, qui ſemel per peccatum eſt mortuus, per pœnitentiam ad vitam renocare.* Deus enim (vt habet Lactantius) imbecillitatem noſtram ſciens, aperuit nobis portum ſalutis: vt huic neceſſitati, cui fragilitas carnis ſubiecta eſt, medicina pœnitentia ſubueniret. Benè ergo & Chriſtianè monet Naſo, licet Ethnicus, lib. 1. de Ponto:

Talia caeleſtes fieri præconia gaudent,

Vt ſua quid valeant numina teſte probent.

Sæpè leuant pœnas, ereptaq; lumina reddunt,

Cùm benè peccati pœnituiſſe vident.

Niceph. Calliſt. lib. 14. c. 3. Hiſt. Eccleſ.

h

EQVES

EQVES ANONYMVS.

Sed vt salutaris ad vitam spiritualem est Pœnitentia, post admissum scelus iicò assumpta: ita plus a quo dilata, noxia est & abominabilis. cuius rei non pauca supersunt exempla. Narrat Beda fuisse in Anglia equitem Coenredo Regi mirum in modum familiarem: qui cùm à Rege suæ salutis admoneretur, ac præsertim pœnitentia; numquam acquieuit, dicens tibi tempus pœnitendi superesse. Paulò post, fatali morbo correptus, dum Rex iteratò instaret de admissis sceleribus pœniteret; *Non iam, inquit, ne id metu mortis videar fecisse: ubi sanitatem recepero, spondeo me suæ Maiestatis monitis obtemperaturum.* At incautum oppressit mors; & de salute desperans, infelix animam infelicem efflauit. Beda lib. 5. Hist. Ang. cap. 14.

IMPOENITENS ANONYMVS.

Non minùs insipiens ac propriæ salutis contemptor ille. qui animæ suæ prospiceret cohortantibus, dicebat assiduè: *Hæce cura mihi impendat: ego in supremo articulo vitæ, tribus verbis salutem cōsequar.* At non consecutus est eam, quam optabat. factum enim, vt hiemali aurâ pontem lacerum transiliret: ex quo cùm sibi necessariò cadendum, adeoque intereundum esse videret, tria verba, spei expers, inclamauit: *Capiat omnia Demon.* vndisq; obrutus, cum equo cui infidebat, demergebatur: impiorum vota numquam exaudiente Altissimo. Prouidè & cautè hortatur Ouidius:

Sed propera, nec te venturas differ in horas:

Qui non est hodie, cras minus aptus erit.

Th. Staplut. in Prompt. morali.

VSVRARIVS ANONYMVS.

Quod etiam verè ita se habere præsentì exemplo concludam. Monebat vir pius & religiosus VSVRARIVM, vt dum ætas tempusque sineret, ad imitationē Zachæi publicani, de iniuste acquisitis iuste disponderet. renuit. fit æger: instat, vt prius, alter. At morbo virtutē superante, exclamabat eger: *Pœnitentia ubi es? heu! de cetero pœnitere non valeo, iudicante hoc iusto iudice: qui dum pœnitere potui, non volui.*
Spec. exempl. Part. 2. exemplo 215.

CAROLVS V. IMP.

Et hi quidem in re seria, & quæ ad animæ salutem: in alia CAROLVS IMPERATOR se prodit. Fuerat Hadriano, qui postmodum creatus Põtifex eius nominis VI. commissus adhuc adolescens. Verùm magnitudo rerum & Imperij, tenerum adhuc à studiis abduxerat. Dum itaque Genuæ Oratorem audiuiisset Latine perorantem, nec plenè satis cepisset, tristi ore confessus est: *Agnosco nunc maximè, & cum dolore quidem, Hadriani magistri mei diuina monita, cum has Latini sermonis elegantias nequeam percipere: ac meminerim prædixisse eum, me puerilis incurie pœnas aliquando daturum.* Arbitr horū est P. Iouius in vita Hadriani VI. Tom. 2. de Viris Illustr. Ita quàm plures videmus, qui, iuuenilibus annis somno iocisque peractis sine honore, iam maturiores effecti,

— *cum lapidosa chiragra*

*Fregerit articulos, veteris ramalia fagi,
Tunc crassos transisse dies, lucemq; palustrem,
Et sibi iam feri vitam ingemuere relictam.*

HENRICVS VII. ANGL. REX.

Similis etiam pœnitentia, quāvis in re grauiore.

diu ante Carolum, HENRICO VII. ANGLIÆ REGI fuit. dum namque consobrinum suum morte multasset, factique pœniteret postmodum, ac pro alio quodam etiam capitis reo plures è proceribus supplices ad eum accederent, conceptum animo dolorem testatus, ingemuit. &, *Nemo vestrum*, inquit, *consobrini mei causam apud me egit.* Patiuntur quippe amantes etiam iultè lassi, aliquando se per amicum teneri, & quasi suspendi à proposita sententia. Refert Th. Stap. Prom. æstiu. Dom. 3. post Pent.

PEREGRINATIO RELIGIOSA.

PHILOROMVS PRESBYTER.

Longum esset singulas ætates decurrere, quot viri sancti & religiosi, loca sancta, pietatis stimulis permoti, venerati sint, & è longinquis regionibus salutarint. Qui sanè ad virtutum apicem se ascensuros non posse existimabant, nisi Christum Sanctosque iis adorarent locis, ubi vel mortem passi, vel certè crebris miraculis à Deo illustrantur. adeoque eis erat gloriosum, adorasse Dominum in loco ubi steterunt pedes eius. Ex his PHILOROMVS, quamvis vitæ innocentia præcelleret, quoties tamen Terræ sanctæ mentio incidebat, gloriabatur palàm: *Gratias Deo ago, quod me dignum reputarit, qui bis pedibus loca in quibus Filius eius passus est, salutarerim.* Pallad. in Lausic. cap. 113.

IOAN. EPISC. HIEROS.

Venerat ad loca sancta peregrino vilique habitu Theodosius Imp.: cumque templi limen ingrederetur, subito lucernæ omnes extinctæ, ac statim diuinitus accensæ. Miratur ædituus, eumque (cog-
noue-

nouerat enim à Deo intrinseca reuelatione quis esset) ad IOAN PONTIFICEM adduxit. qui eo viso; *Vere tu beatus es, inquebat, qui, cum Imperatoris personam sustineas, tam vili habitu ad loca hæc ingressus es.* Cedren. in Theod.

Require PASSIO CHRISTI.

MARIA MATER DEI.

PERFIDIA.

FREDERICVS III. IMP.

Sincera fidei concordiaque repugnans PERFIDIAE crimen, leui stylo percurremus, cosque qui illo infecti. Dederat FREDERICVS IMP. fidem publicam iis qui in se absentem coniurauerant, eisque liberè ad se veniendi abeundi que potestatem faciebat. At Neapolim vocatos, capite plecti iubet. Rogantibus autem cur datam fidem falleret; *Quia æquum est, inquit, perfidis & parricidis violare fidem, & scelus pari arte punire.* Bonfir. lib. 4. Decad. 4.

EDVARDVS ANGLIÆ REX.

Et hic cum Ioanne Francorum rege inducias inierat plurium annorum. quo tempore factum, vt Angliæ proceres auro corrumpere præsidium castri de Guines, & ob inerent. Mittit Oratores suos Ioannes, qui EDVARDVM perfidiæ incusent. Quibus ille; *Nequaquam, inquit. per me violata inducia: nullus enim pacti nostri articulus mercatura exercitium prohibet.* Clamat Silius Poëta:

Audite ô gentes, non rumpite fœdera pacis,

Nec regnis postferre fidem.

Auct. Sermonum memorab.

CAROLVS IV. IMP. qui & VVENCESLAVS.

Ille item bellum gerebat contra Philippum Au-

h 3

stria-

striae. cumque se copiis inferiorem conspiceretur, Duces quosdam in suas partes, datis & additis amplis muneribus, trahit, qui domino suo suadeant, proelio abstineat.

— *Dolus an virtus, quis in hoste requirat?*

Spondent illi, & ut erat postulatum, exequuntur. Re ad effectum deducta, proditoris mercedem accepturi, adeunt IMPERATOREM: qui adulterinum aurum, quod studiosè colligi mandauerat, eis tradit. At paulò post deprehensa fraude, queruli ad CAROLUM reuertuntur, monetam falsitatis arguunt. Ille toruis oculis eos intuitus, *Abite, ait, furciferi in meritam malam crucem, alia proditoris premia accepturi. Quam quæso aliam pecuniam vestra meretur perfidia? adulterino auro adulterina compensatur fides.* Cranzius in Saxonia lib. 9. cap. 37. Hieron. Ziegler, de Vir. Illust. German.

PERICVLVM.

ALPHONSVS REX ARAG.

Vitare PERICVLA, cauti est animi: at gloriosum aliquando iis sese exposuisse. Susceperat ALPHONSVS bellum pro Ioanna Regina Neapolis, ut eam iustè ab aliorum iniuriis vindicaret: monent amici, ne se temerè periculis exponat. Quibus ille: *Non abhorreo pericula, cum sine illis nemo unquam gloriam consecutus sit.* Monet tamen admodum cautè apud Senecam in Hercule furente Amphytrion:

— *Nemo se tutò diu*

Periculis offerre tam crebris potest,

Quem sæpe transit casus, aliquando inuenit.

Panorm. cap. 2. de Reb. eiusd.

PERIVRIVM, vide IVRAMENTVM.

PER-

PERSEVERANTIA.

S. FRANCISCVS.

Virtutum omnium finis & consummatio (vt loquitur Bernardus) est PERSEVERANTIA, sine qua nemo Deum videt. Hac prædicitum FRANCISCVM fuisse tradunt, qui vitam eius posteritati consecravit: nam cum apud Episcopum Imolensem, à quo prædicandi licentiam postulauerat, repulsam passus esset, post horam rediit. Inquirebat iteratò Episcopus, quid petiturus aduenisset. Ille humili tam voce, quam corde: *Domine, si pater filium vno ostio eiecerit, alio ei reintrandum erit.* Sur. in Vita to. 5.

PACOMIVS ABBAS.

Huius quoque laudabilis vox ad discipulos crebrius prolata: *Frustrà ad salutis brachium currimus, nisi sic curramus, vt cõprehendamus. Frustrà cum hoste conligimus, nisi certemus vt vincamus.* Meminerat quippe illius præcepti Dominici, Qui perseuerauerit vsque in finem, hic saluus erit. Marul. lib. 5. ca. 8.

S. THEODORVS MARTYR.

Quod prior voce, hic reipsa compleuit. Immanes cruciatus minatibus sicariis, nisi Christi fidem abiureret; in præclarum hunc sermonem erupit: *Pro fidei Christiane confessione qui vulnerat, incidat: & qui verberat, laceret: & qui cremat, flammam adiciat: & qui his verbis offenditur, linguam eximat.* Nyss. in Vita eius. Polyanthea Caroli Langij tit. Perseuerantia.

ATTALVS.

Ille, cum subiectis prunis in sella ferrea torreretur, voce magna ad plebem clamauit: *Ecce hoc est homines comedere, quod vos facitis, qui à nobis velut*

occultū facinus inquiritis, quod vos aperta luce cōmittitis. Nos enim neque homines comedimus, neq; aliud malum operati sumus. Euseb. lib. 5. Hist. Eccl. c. 3.

SYLVANVS EPISCOPVS.

Quid verò SYLVANVS? Constantium tyrannū ad fidei defectionē eum adhortantē, & nī pareat mortē minitantē, ita compellat: *Potestatē habes nos puniendi: ut autē patrum decretis dissentiamus, nihil virium habes.* Theod. lib. 5. Hist. Eccl. cap. 24.

BASILIVS MAGNVS.

An aliud expectatis à MAGNO illo BASILIO? Valentis Cæsaris iussu patria proscripto, & ad tribunal Præfecti pertracto, cū præfens interitus denuntiaretur, nil turbatus; *Vtinam*, aiebat, *mibi quidquam esset digni muneris, quod offerrem ei, qui maturnius Basilium de nodo follis huius absolueret.* Hist. Eccles. lib. 11. cap. 9.

EUSEBIVS SAMOSATENVS.

Pari fortitudine hic. Cū enim nolenti sibi tradere decretum Arrianorum aduersus Melitum, minaretur Constantius dextram se abscissuram; utraq; palmas porrexit, inquit: *Molire in me quod potes. decretum non dabo, clarum Arriane pestis indicium.* Theod. Trip. Hist. cap. 49. lib. 5.

FRATRES ANONYMI.

Quàm gloriosi hac virtute, tenellæ ætatis licet, GERMANI FRATRES? quorum tanto illustrior est Perseuerantia, quanto ad resistendum ætas imbecillior. Volebat hos de immolatis sumere Tyrannus: ac primū muneribus, quibus trahi minor ætas; dein minis, quibus terreri solet, adigit. Illi fortiter; *Non hoc*, inquit, *à parentibus accepimus.* Post verbaad verbera deuentum. Cumq; senior iam animam

nam agere videretur, alter eum amplexatus, nihil de constantia remittens; *Vicisti, inquit, frater, vicisti.* & vita functum, eodem perseverantiae spiritu victor etiam comitatus est, æternum cum eo victurus. Retulit inter alia R. P. Adrian. Mangoetius, Soc. Iesv presb. in Orat. quam habuit de B. Virg. concept. in congregat. Sodalium Antuerpiæ.

DIONYSIA HYNERICHI R. FILIA.

Magnum Perseuerantiæ argumentum tenelli illi: æquè illustre DIONYSIÆ REGINÆ exemplum. A tortoribus namque turpiter denudata, cum graviter caderetur, ita ut rivuli sanguinis toto corpore fluitarent, alacri & libera voce dixit: *Ministri diaboli, quidquid ad opprobrium meum vos facere existimatis, hoc ad laudem meam à me reputari scitote.* & ita inter virgarum ictus, inuicta exspiravit. Eusebius in Hist. Ecclesiast.

PETRVS ALDOBRANDINVS CARD.

Quia verò Perseuerantia est stabilis quædã permanens, solitum ferunt CARD. ALDOBRANDINVM dicere: *Perseuerantia est virtutum baculus, cui nisi innitantur omnes corruunt.* Henricus Farnelius in Apophth. de Principe.

Require Apophth. de CONSTANTIA RELIGIOSA, MARTYRIO, &c.

PETITIO HONESTA, ET
INHONESTA.

MARIA SALOME.

FIt ut qui HONESTA, sibi que convenientia, ab eo qui concedere ea potest, postulat; si non semper impetret, eiusdem tamen gratiam & favorem obtineat. qui verò INHONESTA, aut minùs sibi decentia

h s effla-

efflagitat, ea impetret aliquādo in suam perniciem: vel pudore suffusus, repulsam patiat. Ut autem à feminis, quarum intemperata cupiditas, exordiamur; MATER FILIORVM ZEBEDÆI, audita mortuorum resurrectione, & regno Christi, venit ad eum cum filiis adorans & petens; *Dic ut sedent hi duo filij mei, vnus ad dextram tuam, & vnus ad sinistram, in regno tuo.* Qui insulam mulieris petitionem retundens, *Nescitis, aiebat, quid petatis.* Verum esse significans, quod

Non sit è terris mollis ad astra via.

Matth. cap. 20, Mar. 10.

HERODIAS HERODIS NEPTIS.

Quid verò lasciuia hæc pellex, quo intemperantiæ suæ carnisque libidini satisfaceret, petiit aut desiderauit? Ardebat desiderio Herodis regis auunculi sui: at vnum timebat Ioannem Baptistam, huic incestui obstitentem. Et ecce natali Herodis, dum mero ipse incaluisse, eamque choreas leuiter ducentem aspexisset, placuissetque, ei quiduis petendi fecit potestatem, eamque iuramento confirmauit. Quæ nil cunctata, ex matris consilio, *Volo, inquit, ut protinus des mihi in disco caput Ioannis Baptiste.* Ita impiorum stultitia, iustorum persæpè ruina est. Quinimò, teste Iuuenale Sat. x.

Euertere domos totas, optantibus ipsis,

DI faciles. Nocitura toga, nocitura petuntur

Militia.

Marci cap. 6.

ALPHONSVS REX ARAG.

Venerat ad hunc Equestris ordinis quidam: & multa, quod apud hostes captiuus detineretur, ab eo petiit, & impetrauit. Quo à se digresso, REX ait;

Dispercam:

Dispercam: ni metui, ne etiam uxorem meam posceret meus eques. Ita alteri, cui plura contulerat beneficia, quæ ille dissipabat indies, & noua postulabat, dixisse ferunt: *Si ita progressus fueris, citius me pauperem, quam te diuitem effecero.* Poruisset illi dicere, quod amico suo olim Ouidius, in Ponto:

*Ab nimium est, quod amice petis: moderatiùs opta,
Et voti quæso contrahere vela tui.*

Panorm. lib. 2. de Gest. eiusd.

FREDERICVS CÆSAR.

Æquè facetus ille. Cùm plura importunè peteret ab eo Ioan. Sirek Episc. Treuirensis, vir industrius; dicebat, *Si finem petendi non feceris, ego certè negandi facile inueniam.* Quod meritò illis dici & potest, & debet, quibus infatigabilis est quiduis consequendi cupiditas. Æn. Syl. lib. 2. de Gest. Alph.

SS. APOSTOLI CHRISTI.

Ad honesta petentes transitum facimus. Digressi cum Iesu in montem Petrus, Iacobus, & Ioannes, visa eiusdem diuinâ transfiguratione & maiestate, attoniti dicebant: *Domine bonum est nos hic esse: si vis, faciamus hic tria tabernacula; tibi vnum, Moysi vnum, Elie vnum.* Vbinam locorum enim decètiùs optabiliùsve remanere poterant, quàm in tam sancto celebriqùe consortio? quid verò ardentius desiderare, quàm eius gloriæ fieri participes, cuius scintillam iam viderant? Matth. cap. 17.

S. ATHANASIVS.

Reuocatus ab exilio, rogabatur à Constantino, vnicam Arrianis in sua ciuitate Ecclesiam concederet. cui ille: *Libens id fecero Imperator: sed æquum est mihi tantùdem concedi Antiochie, ut vnicâ Catholicis Ecclesiam largiaris.* Theod. lib. 2. Hist. c. 12.

OTHO

OTHO MAGNVS IMP.

OTHONI CÆSARI hic etiam locum demus. qui postulanti Comiti sibi daret monasterium Larissen-
se; *Veluti, ait, non decet margaritas canibus obicere:*
ita neque Imperatori, profano homini, ea que Deo semel
dicata, in profanū vsum elargiri. & ita Comitē, im-
portuna petentē, dimisit. Hedio in Chron. Germ.

REGIS ANGLIÆ FIL.

Vide RESPONSVM PRÆCEPS.

ALPHONSVS REX ARAG.

Illustrat etiam priores suo splendore ALPHON-
SVS: qui dicenti cuidam, decere Principem non ea
tantum quæ verbis promisit, præstare, sed & ea quæ
nutu affirmavit, respondit: *Rectè tu quidem: sed de-*
cet etiam petentes ea postulare, que iusta sunt & ho-
nesta; sin minus, satius est promissis non stare, quam
peccare in leges iustitiæ. Panorm. lib. 3. de Ge-
stis eiusdem.

PHILOSOPHIA.

S. THEOPHILVS.

Q Vis te rerum diuinarum humanarumque se-
dula indagatrix PHILOSOPHIA digno elogio
concelebret? quæ vitæ dux eiusdem tranquillita-
tem largita es, & terrorem mortis (si Tullio fides)
fustulisti. At verè te fustulisse, declarauit THEOPHI-
LVS. Apud quem dum Sapritius Præfectus instaret,
vt mente cultuque mutato, rursus à vero Deo de-
scisceret ad Idola, aliàs miserâ morte multandus:
verus Dei amicus, *Summa, ait, sapientia est, vt Phi-*
losophiam declarem erga omnes meos affectus, & tuos
cruciatu nihil timeam. Cui Præses: Ergo tormentis
requiem, morti vitâ postponis? Ille: *Ego & tormenta*
timeo,

timeo, & mortem perhorresco; sed illa tormenta quæ finem non habent, illam mortem quæ æternas tenebras patitur. Sur. tom. I. in vita Dorotheæ.

S. BASILIUS, & IULIANUS APOSTATA.

Bellum fatale in Persas suscepturus IULIANUS, cum sibi obuium haberet BASILIUM, clamabat: *Ego te Basili in Philosophia excello.* Cui BASILIUS lento gradu pertransiens: *Vtinam Imperator Philosophus esses!* insinuans, non in tot tantisque errores prolapsum fuisse, si Philosophiæ sedulam operâ impendisset: hæc enim, si vlla est alia,

—— *recto viuere talo*

Ars dedit, ut veri speciem dignoscere possis,

Ne qua subarato mendosum tinniat auro:

Quæque sequenda forent, quæq; euitanda vicissim,

Illâ prius cretâ, mox hæc carbone notares.

Sur. tom. I. in vita Basilij.

COSMAS MONACHUS.

Erat is quo præceptore vsus olim Damascenus, Philosophiæ professor eruditus. Qui rogatus de statu suo & professione, totus in lachrymas soluebatur. aduenit solatium laturus Damasceni pater, & æne vitæ & mundi, cui renuntiabat, amissionem fleret, rogat; qui ait: *Nequaquam: sed id unum me affligit, quod, cum artium omnium disciplinis imbutus sim, hætenus mihi negatum, ut per Philosophiam filium mihi similem generem; quo aurea illa Philosophorum progenies semper in mundo cōseruetur.* Sciebat enim, quod hinc caperent

—— *iuuenesque senesque*

Finem animo certum, miserisque; viatica canis.

In vita Io. Damasceni, apud Sur.

PODA.

PODAGRA.

ALPHONSVS ARAGONVM 'REX.

DE PODAGRA, quæ magnatum ferè morbus est, percontanti, cur, qui eius nodis pressi detinentur, loquaciores ceteris forent; *Quia*, inquit, *cum pedibus vi nequeant, lingua velut ambulatione quadam viuntur.* Panor. lib. 3. de Gest. eiusd.

PÉTRVS FVNDANVS

Audierat quemdam de pedum dolore à Podagra excitato eiulantem. accessit, &, *Ecquid?* inquit, *aliy de itinere in labore queruntur assidue, de negotiorum inquietudine alijs: & tu de quiete & otio, quod si tibi molestum, surge paulisper & ambula.* Pontan.

ANONYMVS.

Hinc rectè proposita quaestione inter quosdam, *Quòdnam esset molestissimum otium?* variis variè respondentibus, ait vnus: *Podagricum.* Idem.

POESIS.

ALPHONSVS ARAG. REX.

A*Vi prodesse volunt, aut delectare Poëta,
Aut simul & incunda & idonea dicere vitæ;*
inquit Horatius. Quare non immeritò summo honore pariter & amore eos prosecutus legitur ALPHONSVS. Nam cùm Parthenopen iter faceret, venissetque ad eum locum vnde Sulmo videri poterat, eamque Ovidij patriam intellexisset; vrbe salutata, *Ego*, inquit, *huc regioni qua non parua regni mei Neapolitani pars, lubens cedam, ut poetam hunc habeam: quem, licet mortuum, pluris faciam, quàm*
Aprutij

Aprutij dominatum. Spieg. in lib. 1. Panorm.
 de Gest. Alphon. cap. 47.

CAROLVS IX. FRANC. REX.

Ille quoque fouere eos solitus, qui in POESI ex-
 cellerent, eisque præmia largiri: minùs ampla tamen,
 vt semper noua meditantes, sapiùs redirent. Dice-
 bat autem: *Poëta equis generosis similes, quos nutrire*
oportet, non saginare. Meminerat fortassis illius Per-
 sij in Prologo:

Quòd si dolosi spes refulserit nummi;
Cornos Poëtas, & poëtridas picas,
Cantare credas Pegaseium melos.

Annal. Franc.

THOMAS MORVS.

Et ille miles Phœbi, Musarum castra secutus ali-
 quando, receperat versus quosdam à filia sua Mar-
 garetâ conscriptos; iisq; lectis, dicebat: *Singulos*
hos versus non singulis aureis, quod Cherilo fecit Ale-
xander; sed si animo par esset facultas, singulas sylla-
bas vnciis binis auri compensarem. Thom. Staplut.
 in Vita cap. 11.

ANONYMVS POETA.

Quis non ergo appositè & eleganter respondisse
 fatebitur quemdam POETAM, qui Adrianum VI.
 Pont. Max. crebris versibus, quorum in locum ipse
 nummos aliquando rependerat, salutabat. Dicenti
 namque sibi Adriano, eò quòd toties rediret, & ea-
 dem encomia mutato metri genere offerret:

Desine pro numeris nummos sperare Poëta;

Carmina si dederis, carmina reddidero.

ille inexpectatò, miro cum lepòre, liberius tamen,
 vt ingenia illa sunt, subiecit:

Ni tibi pro numeris nummos Fortuna dedisset,

Non.

Non esset capiti tanta corona tuo.

Recensuit inter alia à se obseruata, Francisc. Sweertius iunior, egregius memorabilium rerum & sermonum indagator.

PONTIFEX ROM.

IESVS CHRISTVS.

VT suo capiti membra singula; ita omnes qui in Christi Ecclesia constituti, eiusdem capiti ROMANO SUMMOQUE PONTIFICI reuerèter obsequi & adherere oportet. vtpote cui ouilis Dominici demandata cum potestatis plenitudine est cura, cuiusque regimini sanctus Spiritus perpetuò assistit, ita vt in fidei decretis errare nullo modo queat. Quæ omnia Apostolorum Pontificumque Principi Petro, aliisque qui legitimè in sacro illo munere succedunt, promisit DOMINVS; dum illi, post insignem illam cōfessionem, quâ cum Dei filium protestabatur, hanc dignitatem præ aliis rependeret: *Ego dico tibi, quia tu es Petrus, & super hanc petram, id est, super te, ô Petre, edificabo Ecclesiam meam, & tibi dabo clauces regni celorum.* id est, supremam & plenariam potestatem in Ecclesiam, cuius tu fundamentum eris, impartiam. Matth. cap. 16.

ADRIANVS IV. & MARCELLVS II. PP.

Quò ergo maior viribus Roma, eò maior quam ceteros Prælatos laborum moles summos Pontifices manet. quod intuitus ADRIANVS, qui illud subiit aliquando, *Tantum, aiebat, huius muneris est pondus, vt & robustissimos non premat modò, sed & opprimat.* Cuius dicti MARCELLVS, qui post Adrianum Pontificatum gessit, memor, postquam diu siluisset,

manu

manu mensam, cui accumbebat, percutiens; *Non video, inquit, quomodo qui hunc locum tenent, saluari queant.* Onuphrius Panuinus in vita Marcelli.

PATRES CONC. SINESS.

Quantus autem honor huic ordini deferendus, exhibuerunt suo exemplo CONC. SINESS. PATRES. dum enim tyrannidem in Christianos exercente Diocletiano, Marcellinus Pont. immanitati suppliciorum cedens, in fidei professione nutasset; facti pœnitens, Sinuessæ in Campania Concilium 180. Episc. coëgit. à quibus, cilicio indutus, petiit suæ culpæ condignam pœnā præscribi. at illi summa cum reuerentia id recusarunt, dicentes: *Tuo te ore, non nostro iudicio indica. Prima namque sedes à nullo mortalium, præterquam à solo Deo, indicatur.* Platina in vita Marcell. Breuiar. Rom. xxvi. Apr.

PIVS II. PONT.

Ille verò, *Grave*, dicebat, *est Pontificis onus: at beatus, qui illud benè defert.* Platina in Vita.

ADRIANVS V. PONT.

Idipsum animo voluens ADRIANVS V. dum rogaretur, quòdnam supplicium capitali suo hosti imprecaretur; respondit: *Vt sit Pontifex.* Ita de B. Brunone quidam meminere:

*Rennoit oblatum sibi Bruno Pontificatum,
Cernens esse statum Magnatum rarò beatum.*

Ex libro Gall. Rer. memorab.

IOAN. NELSONVS PRESB. ANGLVS.

Esse autem summum Pontificem caput Ecclesiæ per orbem diffusæ, etiam suo sanguine testatus est NELSONVS SACERDOS ANGLVS. rogatus namque, cur principatum Ecclesiæ nollet Regina tribuere; respōdit: *Numquam audivisse me aut legisse meminisse.*

Principem sacularem ea potestate ornatum fuisse. Benè is certè. quàm enim speciosa esset Christi sponsa Ecclesia, quàm felix tali capite? vbi nempe in regnum succedit mulier, cui silentium ab Apostolo in Ecclesia præcipitur. Mulieres, inquit, 1. ad Cor. 14. in Ecclesia taceant: non enim permittitur eis loqui, sed subditas esse. & 1. ad Tim. 2. Mulier, ait, in silentio discat (vt scilicet naturæ suæ vitium corrigat) cum omni subiectione. Docere autem mulieri non permitto. Martyrol. Angliæ.

FREDERICVS IMP. PRIMVS.

Hic in gratiam à Pontifice receptus, cùm se eius pedibus humiliter aduolueret, Pontifex Dauidicum hunc rithmum, Super aspidem & Basiliscum ambulabis, protulisse cōmemoratur. ad quod CÆSAR graui vultu respondit: *Non tibi, sed Petro.* tamquam hominem facilè contemneret, personæ verò dignitatē probè veneraretur. P. Iouius Elog. lib. 1.

VALENTINIANVS IMPERATOR.

Auxentio defuncto, cùm de successore ageretur; VALENTINIANVS, conuocata Synodo, *Talem*, inquit, *in Pontificali sede constituite, cui & nos, qui gubernamus Imperium, syncerè nostra capita submittemus.* At petebat Synodus, ipse eum eligeret, quem huic muneri idoneum iudicaret. Verùm ille; *Supra nos*, inquit, *est talis electio. Vos gratia diuina potiti, & illo splendore fulgentes, meliùs eligetis.* Hist. Tripar. lib. 7. cap. 8.

THOMAS MORVS.

Erat hic regni Angliæ Cancellarius, cuius celebris in hoc opere facta mentio. Hic, inquam, dum Henricum regem Ecclesiæ primatum obtinere negallit, ideoque iudicibus ad mortis sententiam accipien-

cipiendam sisteretur; rogatus, num tandem ab eo
 errore mentem reuocare nollat; quod sentiebat, pa-
 lam explicauit, dicens: *Iam integris septem annis*
omnium veterum monumenta euolui: neque tamen us-
piam reperi, hominem laicum & secularem caput esse
posse, aut fuisse Ecclesiæ. Nemo enim sibi sumit hono-
 rem illum: sed qui vocatur à Deo, tamquam Aa-
 ron. Sic & Christus non semetipsum clarificauit vt
 Pontifex fieret: sed qui locutus est ad eum, Filius
 meus es tu, ego hodie genui te, ad Hebræos cap. 5.
 In Vita eiuld. apud Staplur.

POPVLVS.

S. POLYCARPVS.

Veluti crebra in mari tempestatum, ita in Po-
 PVLO sentētiarum cōmutatio. cui proinde vir
 prudens vix vmquā satisfecerit. Cūm fidei suæ ra-
 tionē Herodi Proconsuli reddere iuberetur POLY-
 CARPVS, diemque diceret, quo cum eo ageret: Pro-
 consul, vt coram populo se excusaret, mandauit. Cui
 POLYCARPVS: *Nunquam id fecero. Principibus ho-*
nor debetur, modò Deo non sit contrarius: populo au-
tem furenti nemo potest satisfacere. Euseb. lib. 4.
 Eccl. Hist. cap. 15.

IOANNES XXIII. PONT.

Vide Apophth. de VVLGO.

PETRVS ALDOBRANDINVS CARD.

Illius etiam ab ore profectum aliquando: *Prin-*
cipi cum populo plus negotij, quàm olim Herculi cum
tauro. Videbat enim populum, vtpote belluam
 multorum capitum, vno rationis freno arceri vix
 posse. Henr. Farnes. suprà.

Clari generis magneque dignitatis vir; alebat, vt Reges solent, falconem, qui ceteris illius generis ferocior, in aquilam (quam in palatij vestibulo in pompam Rex videndam exhibebat) fortè inuolat, ei que adunco rostro fauces præscindit. Indignatus Rex, aquilicidam talionis pœna multari imperat. Factum redarguentibus; *Indecorum est*, ait, & *impium, populum in Principem exsurgere*. Aquila enim auium princeps. Significabat autem allegoricè, licentiæ frēna numquam populo relaxanda. Chron. Hispan.

PRÆDICATIO.

IESVS CHRISTVS.

Quantum vtilitatis per PRÆDICATIONIS OFFICIUM Christiano orbi accesserit, vel ex eo constabit, quòd Saluator nostri generis CHRISTVS, ex hoc mundo ad Patrem iturus, idem vnice discipulis commendarit, dicens: *Ite in mundum vniuersum, & predicate Euangelium omni creatura. Qui crediderit, & baptizatus fuerit, saluus erit.* Matth. cap. vlt.

SS. PETRVS & IOANNES.

Dominici itaque præcepti memores isti, dum iubentur abstinere à propagatione nominis IESV, respondent: *Si iustum est in conspectu Dei, vos potiùs audire quàm Deum, iudicate. Non enim possumus quæ vidimus & audimus non loqui.* Act. cap. 4.

BENIAMIN DIACONVS.

Ille etiam in carcere biennium detentus, dum ea lege solutus esset, ne ampliùs Dei Euangelium prædicaret;

dicaret; memor villicationis suæ, dicebat : *Neque possum neque debeo, talentum meæ fidei commissum, in terram abscondere.* memor serui illius nequam, qui propter absconsu talentum, in tenebras exteriores missus est. Theod. lib. 5. cap. 28.

S. FRANCISCVS.

Egregius etiam sui talenti dispensator FRANCISCVS. quem rogasse aliquando confratres suos fecerunt, Quid vobis consultius videtur, an quod orationi, an verò quod prædicationi vacem? & enumeratis commodis vtriusque, quamque Deo grata essent, tandem conclusisse: *Attamen prædicationis officium suis potissimum commendare voluit Redemptor noster, dum ipse cum peccatoribus conuersatus est: cuius vestigio cum nobis insistendum sit, vtilius, Deoque gratius futurum, intermissa quiete, foras egredi ad laborem.* quod & præstitit. Bonau. cap. 12. in Vita.

ANONYMVS RELIGIOSVS.

Nullius verò personæ conditionem spectandam, sed liberè annuntiandum quod veritas dicat, docuit Viennæ Austriæ cōcionator Alberti primi Imp. Ille enim & Imperatorem & proceres conspiciatus, oscitanter, verba sua excipientes; voce intenta, *Queritur*, inquit, *saluarine Principes possint?* Et re agitata in vtramvis partem, excussoq; audientium somno; *Quid ni, ait, possint? si modò Baptismo suscepto, incunis vagientes moriantur.* Æn. Sylu. lib. 3. Com. in Panormit.

ANONYMVS.

Sed factores verbi, non auditores tantum, requirit Apostolus. Cuius doctrinæ memor quidam è Saracenorum finibus, vbi plures annos vixerat, reuersus Florentiam, dum interfuisset concioni cele-

berrimæ fratris Alberti de Sartiano, totus in lachrymas abiit. ac causam percontanti Alberto, quid in tantum fleret; *Saracenorum*, respondit, *calamitatem, & Christianorum oscitantiam atque ingratitudinem.* causamque addens, *Si namque*, aiebat, *hec predictio facta fuisset Damasci in centum millium coronâ, autim spōdere, plures octoginta sex millibus ab errore convertendos fuisse.* Refert Bernardinus à Busto, Par. 1. Ros. serm. sermone 3.

ANONYMA MATRONA.

Quid tandem de deuoto femineo sexu dicemus? Requirebat honesta quædam MATRONA ab omnibus domesticis, num concio esset facta. Respondentibus illis iterum atque iterum, & factam affirmantibus, eò quòd certo certius interfuissent, imò notabilia quædam ex ea proferrent; *Dicta est*, inquit *illa, sed necdum facta concio. Superest eam nunc faciat*, & *quæ audistis opere adimpleatis.* Sciebat autem, quòd, qui auditor est verbi & non factor, comparetur à Iacobo Apostolo, viro consideranti vultum natiuitatis suæ in speculo. Considerauit enim se, & abiit, & statim oblitus est qualis fuerit. Recenset P. Ioan. Dauid in Verid. Christ. cap. 97.

P R I N C E P S.

Ac primùm quidem,

PRINCIPIS RELIGIO.

PETRVS ALDOBRANDINVS CARD.

CVM ad imperandum in Dei Opt. Max. locum suffectus sit PRINCEPS, quem sine RELIGIONE nemo sequi potest; dicere consuevit Religiosus AN-

TISTES

TISTES ALDOBRANDINVS: *Nihil magis spectare decet Principem, quàm Religionem. idque tribus de causis: cùm, quia homo est: tum, quia Dei minister: ac denique, quia Reipub. rector est & gubernator.* Henricus Farnes. in Apophth. de Principe.

I D E M.

Et quia populi sui obsequium refugere videtur, qui Dei negligit imperium; *Maxima*, aiebat, *Principis commendatio in Religione consistit.* & verè, respirat in inclinata fortuna populus, vbi Principem videt Religioni deditum. Ibid.

I D E M

Rogatus, quàmnam Principum forent clementissimi; *Maximè*, respondit, *religiosi. quia nihil est Religione clementius.* Hinc noluit vetustas deorum simulachra ex lapidibus aut metallis effingi, quia durior esset illa materia: sed ex ligno, quod ad vsum hominum crescit. Ibidem.

I D E M

Sciscitanti quoque, quid potissimùm Principi curandum; *Religio*, respondit. instanti, *Quid insuper?* *Ne*, ait, *ea deferatur, quæ Religioni debetur obedientia.* ô si Angliæ Regum pectoribus insculpta aliquando & inscripta fuisset hæc imperandi norma! viueret adhuc auitus pietatis cultus, quem iam pridem liliatus pater suo stigmate sædauit. Ibid.

PRINCIPIS FORTITVDO.

PETRVS ALDOBRANDINVS CARD.

INcunabula Reipub. & militaris disciplinæ ab vno Hercule trahi, asserebat superstitiosa vetustas. vnde quærenti, qualem esse oporteret Principem;

pem; respondebat illustriss. CARDINALIS ALDO-
BRANDINVS: *Fortem. quia imperij tutela fidiſſima,*
Fortitudo. Præclare Seneca;

Rex eſt qui metuit nihil,

Qui tuto poſitus loco,

Infra ſe videt omnia:

Occurritque ſuo libens

Fato.

Ibidem.

IDEM

Interrogatus autem, quo fortitudinis ſtudio duci
deberet Imperator; *Eo, inquit, quo ferebatur Pelopi-
das Thebanus.* Is enim cùm ad expeditionem pro-
ficifceretur, monenti coniugi ſuæ ſaluti proſpiceret;
Hoc, inquebat, gregario militi cura ſit: Principem,
certè decet, non ſe ſolum, ſed & totum exercitum à
perditione ſervare immunem. Ibid.

IDEM.

Dixiſſe eum etiam memoriæ proditum eſt: *For-
tem qui laceſſit Principem, ſuo ſe gladiâ ingulat.* Ita
Braſidas vir magnanimus, haſta quam è vulnere
eduxerat, ſuum hoſtem interemit. Ibid.

PRINCIPIS PRÆSENTIA.

PETRVS ALDOBRANDINVS CARD.

Magno quidem in pretio Principis fortitudo
apud magnos; at non minori, eiufdem PRÆ-
SENTIA. vnde rogatus PETRVS ALDOBRANDINVS,
quidnam in conflictu renitētibus ſummum adfer-
ret præſidium; *Conſpectus, inquebat, Principis.* Hoc
ſentiens Agabrias aiebat, pluris eſſe pecudum exer-
citus leone duce, quàm leonum imperante pecu-
de. Debet ergo Princeps iuxta Silium,

Primus

Primus inire manum, postremus ponere Martem.
 Henr. Farnes. Apophth. de Principe.

Require DVX BONVS, STRENVVS, &c.

PRINCIPIS CONSILIVM.

PETRVS. ALDOBRANDINVS. CARD.

Ridiculos eos dicebant viri sapientes olim, qui vocem in quæstum conferunt; nec officium in deliberando, sed spem sequuntur. est enim consilij obles, non quæstus, sed prudentia. Quod vt sapientissimus ille ANTISTES doceret, dicebat: CONSILIVM est Principatus baculus: sine quo stare nō potest, iacere vērō potest Princeps. Henr. Farn. ibid.

IDEM.

Interroganti autem cuidam, quo armorum genere hostium vis maximè possit reparari; *Umbone*, dixit, *Palladis*: quo qui tegitur, ledi non potest. Sanè res bellica sine consilij prudentia, nec vtilitatem habet, nec laudem. Ibidem.

IDEM.

Dum Imperatori imbecillo cum robustissimo hoste cōfigendum aliquando forèt, rogatus, Quomodo talis Imperator se geret, vt victoriam reportet? *Vt leopardus*, ait, *cum leone*. Innuebat autem, arti & consilio magis quàm viribus fidendum. Hinc Verinus in Distichis:

Consiliorutilius; quàm viribus arma geruntur;

Militis est robur, consiliumque Ducis.

Ibidem.

PRINCIPIS VITA.

ALEXANDER SEVERVS.

PRINCIPIS in Repub. personam sustinere, magnū dicebat Cicero: at maximum, eandē benē & ad ciuium vtilitatem sustinuisse. Hinc dum humili veste saepenumero incederet ALEX. SEVERVS; reprehensus ab aulicis, *Imperatoria maiestas*, inquebat, *virtute constat; animique, non corporis cultu.* quia, vt rectē Iuven.

Scilicet in vulgus manant exempla regentū:

Vtq; Ducum lūos, sic mores castra sequuntur.

Lampridius.

ALPHONSVS ARAGONIVS.

Ille quoque verus sui aui Alexander, si fortitudinem; maior eo, si virtutem & summam pietatē spectemus. Cū vix habitu à popularibus dissideret, admonenti regium habitum sumeret, dixisse commemoratur: *Malo moribus & auctoritate meos excellere, quā diademate & purpura.* Sciebat enim summam Principis virtutem,

Consulere patria, parcere afflictis, fera

Cade abstinere, tempus atque ira dare,

Orbi quietem, saculo pacem suo.

Æn. Syl. de Dict. Alphonfi.

HENRICVS IV. IMP.

Iungatur Alphonso HENRICVS. qui rogatus, cur plebeio habitu Imperator vteretur; *Quia*, inquit, *Regum est, non corporis sed animi ornatu excellere.* Ioan. Peregrinus.

ÆNEAS SYLVIVS.

Iste priusquam Pontificatu fungeretur, intellexerat

rat Alphonsum, de quo iam sermo, nulli vñquam subditorum offensam dedisse. *Et iusti*, inquit, *Principis est, non solum neminem iniuria afficere; sed & eos qui damna aliis inferunt sine causa, prohibere.* Ita Ouidius ferè in eamdem sententiam:

Regia (crede mihi) res est, succurrere lapsis.

Idem lib. 1. Comm. de rebus Alphonsi.

MARCUS BARBARICUS VENET. DVX.

Cùm huic item obiceretur, quòd in puniendo, & se de iniuriis vindicando tardior esset, respondit: *Boni Principis est, non se ulcisci de inimicis: sed sufficit ut se ulcisci posse declaret.* Laudatur meritò illud Senecæ:

Qui vult amari, languidâ regnet manu.

Corozetus.

SOPHIA TIBERII CÆS. VXOR.

Neque latuit SOPHIAM TIBERII II. CONIVGEM, matronam prudentem & religiosam, rem magnam esse bonum Principem. Ita enim sapius eam ad maritum locutam ferunt; *Præstat esse malum hominem, & bonum Principem: quàm malum Principem, & bonum hominem.* significans, melius esse Principi benè facere, & malè audire; quàm benè audire, & malè facere. Ex lib. Rer. mem. Gall.

PRINCIPIS EXEMPLVM.

ALPHONSVS ARAG. REX.

REGIS ad EXEMPLVM totus componitur orbis, habet commune adagium. Hinc si is pius & prudens, similes sibi subditos habiturus. Quare benè ALPHONSVS, de Principum vita differentibus: *Veluti, aiebat, Heliotropium ad Solis motum; ita po-*
pula-

pulares ad principum mores vertuntur, & formantur.

Rex velit honesta, nemo non eadem velit. &

Nemo suos (hæc est aula natura potentis)

Sed domini mores (Caesianus habet.

Panorm. lib. 2. de Gest. eiusdem.

IDEM

Intellexerat mala Punica per artem reddi dulcia
& sapida. *Quin*, inquit, & nos *cives nostros ingenio*
acri & prauo, industria & labore meliores reddimus.
quasi diceret, populi deprauatos mores, gubernan-
tis studio reddi meliores. nam

Facere rectè cives suos, Princeps optimus faciendo
docet:

Cumque sit imperio maximus, exemplo est maior.

Panorm. lib. 4. de Gest. eiusd.

PRINCIPVM SATELLITIVM.

vide SATELLITIVM.

PROSPERITAS.

S. AMBROSIVS.

MVndi PROSPERITATEM, veram quidem pro-
speritatem, sed falsam iucunditatem dicebat
August. At eiusdem institutor directorque AMBRO-
SIVS, dum ad domum diuitis cuiusdam diuertisset,
qui sibi omnia ex voto, toto vitæ tempore euenisse
gloriabatur, euestigiò recessit. Rogatus à comite,
cur fugeret tam liberalem hospitem; *Ne*, inquit,
vnà cum eo perpetua prosperitate uso, malè peream.
neque id vanum augurium. Vix enim domo reces-
serat, dum ea cum omnibus eam incolentibus terre
hiatu fuit absorpta. Paulin. in Vita.

MAR-

MARCVS PISANVS.

Quid verò hoc exemplo illustrius ? Erat Vgolinus Gidarefcus Pifanus, qui eò deuenerat, rebus fecundis sublatus, vt nutu imperioque quali cuncta administraret: diuitiis, nobilitate, filiis, nepotibusque affluens, beatū se & felicem prædicabat. Cumque festo fui natalis die fortunam apud amicos extolleret, cæloque æquaret, ausus ad extremum, familiarium quēpiam interrogare, num quid sibi deesse existimaret: qui attentā rerum humanarum fallaci specie, quamque volucris orbe circumagantur, vel certè mente à Deo mota; *Sola*, inquit, *ira numinis procul diuque abesse à tam secundis rebus non potest.* neque verè abfuit. Paulò enim pòst turri à Gibellinis inclusus, misera fame cum liberis extinctus est. de quo ita lufit aliquando Cornelius Kilianus Dufflæus:

*Vrbs Pife, atque Arnus qui Pifas irrigat amnis,
Testes exitij sunt, Vgoline, tui.*

*Cum turri inclusus, chariffima pignora natos
Esurie extingui cernis, & ipse peris.*

*Pòst Danthes duce Virgilio regna infera lustrans
Necdum ibi sedatam comperit esse famem.*

*Nam videt infidi te Ruggerij occiput ore
Horribili & rabidis dentibus impetere.*

*Fortuna miserum mortales discite casum,
Esurie ecce Comes dira Vgolinus obit.*

Require ADVERSITAS, &
FORTVNA.

PRVDENTIA.

PETRVS ALDOBRANDINVS CARD.

NUllum numen abest, si sit PRVDENTIA, inquit Iuuenalis. Cuius intuitu sciscitanti quandoque, *quanam esset vita magistra*; respondit CARDINALIS ALDOBRANDINVS; *Prudentia. Soli*, inquit, *Prudentia alumni ad rectè viuendum idonei sunt*. Facit enim illa (vt habet Claudianus) ne quid inconsultus agas. Henricus Farnesius suprà de Apophthegm. Princ.

I D E M

Cùm præteritorum malorum iam quasi obducta cicatrix recrudesceret, & refricaretur admissi sceleris in imperando memoria, rogatus quomodo rectè Respub. gubernari possit; respondit: *Vna est rectè gubernandi ars, sine qua nec regere quis potest, nec regi: Prudentia.* Ibid.

I D E M

Interroganti, *Quid maximè timet vir prudens?* Res, inquit, *fortuitas*. Significabat autem, prudentis non esse, inanibus honorum aut cupiditatum blandimentis seduci. Ibidem.

GREGORIUS THEOLOGVS.

Præclare igitur de Prudentia locutum GREGORIUM, quis inficiabitur? cuius ab ore profectus hic sermo: *Qui serpentis prudentiam in malis, colūbinæ sinceritati circa bona miscuerit; is neq; prudentiam sinet malignam fieri, neq; simplicitatem stolidam.* Habet Langius in Polyanth. ex Stobæo.

PVDI-

PVDICITIA.

IOAN. MACER MARASCALLVS FRANC.

PVDICITIAM, muliebris iexus potissimum ornamētum, pertrahenti, id vnum verendū, ne exequi valeam vel minimam earum rerum partem, quę tantę virtutis præconio debentur : satius tamen duxi parcē de ea loqui, quā silere omnino. Videamus ergo quantum subiecta exempla PVDICITIÆ decus illustrent. IOAN. MACER obuias qualvis mulieres, & in eis pudicitiam, detecto capite reuereri solitus erat. cumque fortē duas saluasset, rogat qui illi à latere, cur id faceret; an sciret se salutem impertiuisse meretricibus? Qui ait : *Si ita est, nescio. malim tamen exhibere reuerentiam decem inhonestis feminis, quā falli non salutando vnā pudicā.* Sentiebat sanē cum Plauto in Amphith. non eam esse dotem, quę dos dicitur; sed pudicitiam, & pudorem, & sedatam cupidinem. Corozet.

IULIANVS APOSTATA.

In hoc quoque, etsi à pietate & religione nostra abiit, admiranda hæc pudicitia fuit. quem fides certa habet, functā Helenā coniuge, nihil vmq̃ vnercum attigisse. celebrabat sæpē, & recolebat illud Bacchilidis Poëtæ : *Vt egregius pictor vultum speciosum effingit, sic pudicitia celsus consurgentem vitam exornat.* Coll. ex Mon. Pol. I. Lipl. cap. 17.

PELAGIVS GALICII PRINC. FILIVS.

Addatur PELAGIVS. Ille Abderamini regi Maurorum datus obses. Et ecce forma eius captus Barbarus, florem hunc sibi destinat, & alludere cœpit, contrectare, & tentare. Ille reiicit, idque sapius :
donec

donec vim parat amator. cui iste ingenua ira pugnū impēgit, & *Tolle canis*, inquit, *vitam: non pudicitiam mihi extorquebis*. Præclarum in puero exemplum. Ibidem.

LYDOVICVS XII. GAL. REX

Videbat Annam Reginam dominandi libidine flagrantem, & multa quoque contra se molientem. Monentibus autem se in tempore de ea vindicaret; *Vxori*, ait, *pudice plura sunt condonanda*. Hanc solam in coniuge magni ducens virtutē, Pudicitiam: quæ, dum semel deperit, nulla est reparabilis arte. P. Æmil. in Vita.

PETRVS ALDOBRANDINVS CARD.

Quid si PETRVM ALDOBRANDINVM hîc, licet præpostero ordine, inferere fas; quantus Pudicitiaæ custos extiterit, vnum eius dictum declarabit. rogatus enim, *quidnam potissimum humanis affectibus dominaretur*; *Pudor*, respondit, & *Pudicitia*. quinimò sapius ab eodem prolatus: *Homo sine pudore & pudicitia, & nomen amittit & hominis naturam*. Verissimum certè. nullum enim animal præter hominem, sensum habet pudoris. Henricus Far-
nes. supra.

Lege Apophth. de CASTITATE.

PVNITIO.

IACOBVS CARRARIENSIS PRINCEPS
PATAVINVS.

MOderatæ PVNITIONIS veluti summum ad virtutes bonum, ita delictorum impunitas est graue ad quoduis scelus malum. Erat IACOBVS CARRARIENSIS, qui laxatis foribus, è vita excessus,

furus quosuis admittebat, qui queri de se vellent. Venit cū aliis vnus, qui arroganter pecuniam quā ob remissam capitis damnationem acceperat, sibi restitui postulauit, tamquam contra iustitiæ ordinem datā. Cui PRINCEPS, generosa, licet exili voce: *Si tunc iustitia in te reddita fuisset, nunc quod iniuste facis, queri de me non posses. Nullius ergo peccati conscius sum: nisi fortè, quod mitius quàm merneras, fueris multatus.* Probè ergo monet Horatius Sat. 3.

— Adfit

Regula peccatis, quæ poenas irroget equas;

Nec scuticâ dignum, horribili insectere flagello.

Bernardus Scardeonius, lib. 3. class. 13. descript. Patuij.

MORIO LVDOVICI REGIS GALL.

Venerat ad Regem quidam perpetrati homicidij veniam petens. Rex facti enormitatem cōsiderans, quodque iam tertio in illud crimen incidisset impunè; *Ecquid, ait, rursus tu veniam: iam tertium homicidium est.* Nil cunctatus qui fors aderat, MORIO; *Quid, inquit, Domine, tertium? imò primum duntaxat est, quod hic perpetravit. Secundum & tertium est: quia si primum non condonasses, reliqua non perpetrasset.* Philipp. Cuner. Medit. hist. c. 100.

D. LVDOVICVS FRANC. R.

Præclarè itaque LVDOVICVS. Postulatuerat ab eo quispiam gratiam pro reo capitalis criminis: impetrat. At paulò post dum preces ad Deum conciperet ex Psalmis Davidicis, & in illum Psalmi 106. versiculum incidisset: Beati qui faciunt iustitiam in omni tempore: protinus eam gratiam reuocari iussit, dicens; *Princeps, qui cum crimen punire possit,*
k
illud

illud non punit, non minus coram Deo reus est, quam si ipse perpetrasset. Annal. Franc.

RATIO REDDENDA.

IESVS CHRISTVS.

ITa nobis semper viuendum monet Lactantius, vt rationem Deo reddendam arbitremur. idque instinctu Dominici dogmatis, quo nos instruit, tam districtim villicationis nostræ rationem reddendam; vt dicat, *Quoniam omne verbum otiosum* (quod nempe ratione iustæ necessitatis aut piæ intentionis caret) *quod locuti fuerint homines, rationem reddent de eo in die iudicij.* Matth. cap. 12.

ABBAS ANONYMVS.

Hic vterat religiosus & pius, animo sæpius voluens SALVATORIS de reddenda ratione dictum, conspicabatur quemdam è suis profusiùs ridetem, & quasi stomachatus, *Coram celo, ait, & terra rationem totius vitæ nostræ acturi sumus; & tu rides?* In vit. PP. de Compunctione.

IOAN. EPISCOPVS ROFFENS.

Incomparabili vitæ innocentia ille vir, dum ob amplissima merita à Rege ad primam Angliæ Cathedralam sollicitaretur; eam quam obtinebat contentus, *Beatum me existimo, aiebat, si de minuto hoc grege mihi concredito, in die Domini rectè valeam respondere.* Sciebat vir sanctus, Dominici gregis sanguinem de manibus Pastorum requirendum. N. Sander. lib. 1. de Schism. Anglic.

Vide IUDICIUM EXTREMUM.

R E.

REGNUM.

IESVS CHRISTVS.

Prosequamur nunc REGES & REGNA, & quænam utriusque conditio ac natura intueamur. Rex regum CHRISTVS à Scribis & Phariseis per calumniam tentatus, quòd in Beelzebub Principe dæmoniorum eiiceret dæmonia; iis conuocatis, os suum in parabolis aperiens, dicebat: *Quomodo potest satanas satanam eiicere? Et si regnum in se diuidatur, non potest regnum illud stare.* significans regni stabilitum esse, Concordiam. Benè Seneca:

— *Regnum non capit duos.*

Nec regna socium ferre, nec tædæ sciunt.

Marci cap. 3.

RYDOLPHVS AVSTRIACVS.

Cur verò tanto homines regnandi desiderio incendantur, qui tamen artes omnes, quas numquam didicerint, se scire recusent; percontanti causam dabat RYDOLPHVS AVSTRIVS: *Quia omnes, inquit, stultos eos putant, qui regnare nesciunt: stultum autem nemo se esse indicat.* Æn. Syluius de Dict. Fred. Imperat.

I D E M

Regni pomœria ampliaret monenti, respondit: *Melius est benè imperare, quàm imperium ampliare.* Nicol. Reusn.

CAROLVS IX. FRAN. REX.

Quos non labores lubens is pertulit, ut regno potiretur? Dum enim in regem vngeretur, anxia erat mater ne per atatem (nam vix annum decimum excesserat) non esset sufficiens cæremoniis omnibus,

quæ tam solemnî actû adhibentur, sufferendis. At, *Feram*, inquit ille, *nec recusabo hunc laborem, quoties se regna offerent.* Non tamen sine causâ in *Oedipo* Seneca inquirît,

Quisquâmnè regno gaudet? O fallax bonum!

Quantum malorum fronte quàm blanda tegis?

Vt alta ventos semper excipiunt iuga,

Imperia sic excelsa fortune subiacent.

Annal. Franc.

HENRICVS GLAREANVS.

Hic facètè admodum Regum Principûmve mores corripiens, rogabatur cùm esset fortunæ tenuioris, qualem vitam ageret. Qui, *Regalem*, ait. nam *splendidè ac tantè rem familiarem gero: & cuius me debitorem obstringo* Corripiebat, inquam, profusam magnatum in subditos temeritatem, à quouis vitæ statûsque necessaria exigendi, & paucis, idque non nisi dum lubet, satisfaciendi. Ex lib. Ser. conuiu.

FREDEGVNDIS FRANCIE REG.

Etiam Famine hîc locum suum vendicant. *FREDEGVNDIS*, dum mortuo marito bello prouocaretur, filium suum Clotarium, adhuc infantem, primores de regno consultura, secum ferebat. &, *Non parui*, aiebat, *vobis estimari debet Rex & dominus vester, quamquam etate paruulus, ut in conspectu vestro regnû vastari patiamini.* Ego neque animo fracta, neque consilij inops, rebus deero. quod & opere compleuit. Nam ipsum exercitum quasi Ductrix antebibat, natum ab vberibus pendentem gestans.

Gaguin. lib. 11. De reb. Gall.

Require GYBERNARE. PRINCEPS. &c.

RELIGIO VT VIRTVS.

THEODOSIVS MAIOR.

Magno apud magnos olim in pretio habita-
RELIGIO: cuius non solum obseruandæ, sed
& amplificandæ tantum studium apud plerosque
fuit, vt vix vllum ei par viderit hæc ætas. Arcadium
& Honorium Imperij sui heredes & filios, ita mo-
riens hortabatur THEODOSIVS MAIOR: *Imprimis*
& ante omnia religionem & pietatē excolite, per quam
& pax seruari, & bella confici, & hostes fundi, & tro-
phæa statui, & denique victoriæ obtineri poterunt. hinc
benè Horatius:

DI multa neglecti dedere
Hesperia mala luctuosa.

Cedrenus in Theodos.

IOVIANVS IMPERATOR.

Haud aliter IOVIANVS. cæso Iuliano, dum ei sum-
mam imperij deferret exercitus ex varia gente con-
flatus, primùm recusauit, dicens: *Nequeo imperare*
exercitui superstitionem Græcorum amplexo. At ubi
milites vno ore acclamarent se Christianos, admi-
sit. Idem.

PALATINVS ANONYMVVS.

Erat hic ex Henrici VII I. regis affeclis: qui con-
spicatus quosdam morti adiudicatos; hos ob Ca-
tholicam fidem propugnatam, illos propter oppu-
gnatam; *Næ, inquit, impostero ego regia Religionis*
ero, id est nullius. magis impiè quàm olim Ethnici:
quorum ea maxima; Omnes Religione mouentur,
eâque vita constat. Sander. lib. I. de Schis. Angl.

Vide Apophth. de CHRISTIANISMO.

CHRISTI HONORE. &c.

k 3

RELI-

RELIGIOSVS STATVS.

S. LAVRENTIVS PATR. VENET.

QVamuis in omni vitæ statu salus benè operanti aduenire possit, ac merita laborum merces rependi: illum nihilominus excellentiorem præstantiorémve existimamus, qui magis compendiosâ, licet angustiori semitâ, ad vitam ducit operâtem: estque is quem RELIGIOSVM dicimus. cuius egregiam dignitatem & præstantiam quandoque dicto suo expresseſerunt viri Religiosi. Et quidem LAVRENTIVS PATRIAR. VENET. de bono Religionis differētib; dixisse commemoratur: *Consultò Deus gratiam Religionis hominibus occultauit: nam si cognosceretur illius felicitas, omnes ad eam concurrerent.* Sur. tom. i. in Vita.

I D E M

Adolescentem nobili genere oriundum, qui fratrum suâſu cœnobium ingressus vitæ monasticę se dederat, patri restituit. ei que causam sciscitanti; *Religionis*, dicebat, *propositum à Spiritu sancto est: non ab humana suadela.* Sur. tom. i. in Vita.

PAMBO ABBAS.

Ille verò hoc modo iuniores qui religioni se consecrauerant, hortabatur: *Talis esse debet Religiosus, quale corpus mortuum; quod neque voluntatem habet, neque sensum: aut qualis baculus in manu senis, qui eo ad arbitrium utitur.* In vitis PP. de Obedien.

S. ÆGIDIVS.

Neque hunc silentio inuoluendum sentio: qui roganti, quidnam esset Religio; *Curia*, aiebat, *magni Regis, in quam ingredi cuius datum, & nullius reputatur*

tatur artis : at non ita , benè & competenter in ea conuerfari. Notabat autem , plures Religionem ingredi , & manere irreligiosos ; ac (vt habet vulgatum) cucullam non facere monachum. Ex Sent. aureis S. Ægidij.

S. FRANCISCVS.

At in Religionis & fidei obedientia nullius valoris eſſe genus , opes , formam , quæ ſunt velut mundi quædam numiſmata , factò dictoque aſſeruit Minorum pater FRANCISCVS. Dum enim aſello veheretur , eumque collega duceret , cœpit is intra ſe dicere ; Non de pari ludebant parètes eius , & mei : tamen ipſe equitat , & ego pedes eius aſinum duco. Hoc eo cogitante , deſcendit aſino vir ſanctus , & ait : *Hand æquum eſt frater , me aſino , te pedibus incedere : quia me longè in ſæculo nobilitate & potentia ſuperasti.* Obſtupuit alter , & rubore ſuffuſus , veniam cum lachrymis petiuit. Bonau. in Vita , cap. 11.

S. HILARION.

Neque illud infimum Religionis bonum , quòd in ea cõuiuentibus omnia ſint communia , vti olim ſanctis Apoſtolis : ita vt diſtribuatür vnicuique prout ei neceſſarium fore Superiores perſpexerint. Quare Heſychium monachũ reprehenuſum ab HILARIONE , teſtis eſt Hieronymus , quòd propriæ libertatis amantior , ab aliis ſegregatus viueret. Itaque vt gratiam apud HILARIONEM iniret , ei faſciculum cicerum ex horto detulit. quibus ad menſam appoſitis , tantum fœtorem fructus ille proprij ſtudiij per eam diffudit , vt HILARION exclamaret : *Non ſentis putorem teterrimum , & in cicere latere auaritiã ? mitte bubus , mitte brutis animalibus , & vide num comedat.* Hieron. in vita Hilarion.

At hic *Religiosam vitam* dicebat *crucem esse perpetuam & martyrium*: quòd Religiosus seipsum vincere necesse habeat, & perpetuò obtemperare ex voto debeat. Lib. 4. Vit. cap. 8.

RELIGIOSVS HABITVS.

S. ANASTASIUS MARTYR.

Non ipsam Religionem modò, sed & HABITVM eiusdem indicem in pretio habuisse, laudi datur. In terram prostratus ANASTASIUS, dum tam crebris pulsaretur ictibus, quàm imber deorsum guttas emittit; solam illã à percutientibus gratiam efflagitavit, vt religiosum amictum exueret. rogatus, cur ita; *Ne*, inquit, *is vnà cum meis membris probro afficiatur.* Sur. tom. 1. in Vita.

LVDOVICVS CAROLI II. FRAN. REG. F.

Eiusdem ordinis est quod sequitur. Dum spreto Franciæ regno, & paterna hereditate, LVDOVICVS ad S. Francisci institutum transiisset; gratulabundus ei de confratribus, dixit: Multum hodie splendoris Franciscanæ familiæ per te accessit. Cui ille: *Quinimò, multo amplius mihi per hunc habitum.* Hier. Platus lib. 2. De bono statu Relig. cap. 37.

REPREHENSIO.

IESVS CHRISTVS.

Magnum quandoque commodum adferre iustam malorum REPREHENSIONEM; nullum verò, si intemperata fuerit, testis est rerum magistra experientia. Neque parvæ virtutis est, eam cum
mode-

moderamine adhibuisse. CHRISTVS veritatis magister, sanata ipso Sabbato muliere, quæ duo de viginti annis graui morbo afflictæ fuerat, indignantem quodd Sabbato curaret Archisynagogum acriter reprehendebat, dicens: *Hypocrite. vnusquisque vestrum non soluit bouem suum aut asinum à præsepio, & ducit adquare? Hanc autem filiam Abrahe, quam alligauit Satanas, ecce decem & octo annis, non oportuit solui à vinculo isto die Sabbati?* additq. Euangelista: Et cum hoc diceret, erubescabant omnes. Hæc enim optima ratio Apophthegmatis, aduersarium confundere. *Lucæ cap. 13.*

PAMBO ABBAS.

Cum accepisset auripondus in bonos piosque vsus dispensandum, & diceret is qui dederat, Numeri quâtam summam conficiat? respondit: *Quod dedisti non eget numero, sed bono affectu.* significans quod habet Apostolus, Hilarem datorem à Deo diligi. *Socrat. Trip. Hist. lib. 8. cap. 1.*

SS. BASILIUS & GREGORIUS.

Isti item librum conscripserant, cui (Pro veritate) titulum indiderant. Hunc ad Iulianum Apostatam mittunt: quem vbi is accuratiùs euoluisset, rescribi ad eos curauit: Legi, & reprehendi. Cui protinus illi, *Et si legisti, non intellexisti: si enim intellexisses, nequaquam reprehenderes.* Egregia castigatio, Imperatorem falsitatis & incitiæ arguens. *Sozom. Trip. Hist. lib. 6. cap. 38.*

S. THOMAS ARCHIEP. CANTVAR.

Intellexerat Henrici regis decreto lâtam in se sententiam, vt perpetuo carceri inclusus detineretur. ac sedens eam placato animo accepit, magnæque grauiate respondit: *Ordo confunditur, si pasto-*

remotis, magistrum discipulus, patrem filius verberet. meritò corripiciens, maiorem à minori impiè & contra iustitiam condemnari. Surius tom. 6. in Vita.

Require Apophth. de CASTIGATIONE.

RESPONSVM MATVRVM.

IESVS CHRISTVS.

QValis vir, talis sermo; habet vulgatum Prouerbum. vnde non obscurè ex respondentis ore, mentis qualitas elucescit. Rogantibus Iudæis, postquam CHRISTVS euentes & vendentes templo eiecisset, Quod signum ostendis, quia hæc facis? respondens: *Soluite templum hoc, & in tribus diebus excitabo illud.* Mature admodum & prudenter significabat se tertia die à mortuis resuscitandum. Ioan. cap. 2.

CÆCI EVANGELICI PARENTES.

Haud minimā laudem meretur isti. Filio quippe à Domino sanitati restituto, rogabant eos Iudæi, Hicne est filius vester, quem vos dicitis quia cæcus natus est? quomodo ergo nunc videt? Illi autem responderunt: *Scimus quia hic est filius noster, & quia cæcus natus est. Quomodo autem nunc videat, nescimus: ipsum interrogate, etatem habet, ipse de se loquatur.* Mature diluebant concitatorum hominum obiectiones: omni suspitione, quæ de se haberi poterat, remota. Ioan. cap. 9.

MVLIER EVANGELICA.

Digna etiam illa quæ extento æuo viuat. ambulanti Domino iuxta partes Tyri & Sidonis, MVLIER GENTILIS ex Syro Phœnicia acclamauit, vt
filiam

filiam quam energumenam habebat, à maligno spiritu liberaret. qui respondens, Non est bonum, aiebat, sumere panem filiorum, id est, alimenta filiis debita; & mittere canibus, id est, Gentilibus, quos Iudæi velut canes reputabant. cui illa: *Etiam Domine: nam & catelli edunt de micis quæ cadunt de mensâ dominorum suorū.* Matura & inexpectata mulieris responsio, quæ Dei benignitatem erga quoscumque clarè repræsentat. Matth. cap. 15.

S. AUGUSTINVS

Percontanti, quid Deus ante mundi creationem fecisset; Respondeo, inquit, non quod respondisse per iocum fertur quidam eludens quæstionis violentiam; Alta, dicens, scrutantibus Gehennam parabat. Aliud est videre, aliud ridere. Hæc non respondeo. Libetius responderim, Nescio, quod nescio; quam illud unde irridetur qui alta rogauit, & laudatur qui falsa respondit. Coll. ex lib. 11. Confess. 12.

S. ANTIPAS.

Nec alium se exhibuit ANTIPAS, quem dum Prefectus durius increparet, quòd antiqua deorum religione neglecta, insanam quãdam hominis in cruce acti doctrinam sequeretur, cùm non ignoraret vetera recentibus præstantiora. respondit enim: *Si vetustissima quæuis obseruanda, cur nõ & Cain fratricidij inuentorem imitamini? aut eos qui calum conscendere conati? vel qui cum propriis sororibus se commiscere non sunt veriti?* Quo dicto obiectionem quidem diluit, at animi ferocitatem non minuit. Sim. Metaphrast. in Vita. Lippelloo tom. 2.

NICOLAUS EPISCOPVS CAPVANVS.

Hunc ob r: as dotes Paulus Pontifex ad Franciæ, Angliæ, & Hispaniæ Reges Oratorem miserat. cum-

cumque reuersum Cardinalis Saluiati percontaretur, quidnam maximâ admiratione dignum vidisset, paucis, & maturè, *Vidi in Galliâ, inquit, pulchrũ & florens regnum, ac benè institutum legibus & disciplina: in Anglia autem, Regem pulchrum corpore, at moribus deformem: sed in Hispania, Regem prudentem & consilio magnum.* Peucerus & Strigelius.

RESPONSVM PRÆCEPS.

FREDERICVS DVX SAXONIÆ.

Nihil ita cauendum, præsertim Principi viro, quàm in RESPONDENDO PRÆCIPITANTIA. quod non ignorans FREDERICVS ELECTOR, dicebat quandoque ad suos: *Ego in rebus magnis, non nisi præuia deliberatione responderim.* Hinc multa etiam prudenter ab eo facta & dicta. Phil. Camer. in post. Pez. par. 4.

IDEM

Quin & iis qui nimium in respondendo præcipientes, dicere solebat illud à Demosthene olim vsurpatum; *Improbum cinem indico eum, qui non paratus responder.* Ibidem.

CAVSIDICVS ANONYMVS.

Quare prudenter ille, dum causam quamdam in iudicio produceret, eaque responsum postularer, *Prius, inquit, deliberatione opus.* Cumque solus is esset, rogarentque iudices, cum quo deliberandum sibi foret; caput manu contingens, *Cum isto, inquit.* Ibidem.

REX ANGLIÆ ANONYMVS.

Neque tu silentio inuoluendus, quicumque es, generose PRINCEPS. immeritò fateor & iniquè tui nomi-

nominis famâ postuma ætas priuatur. Rogabat te pater, quidnam optione data præ omnibus à Deo postulares; & *Collum gruis*, inquis, *quo non nisi bene discussa verba depromam*. Quanto tu meliùs illo, quem hoc ipsum gulæ explendæ gratia ferunt à diis postulasse? Fulgos.

RESTITVTIO.

ZACHÆVS PVBLCANVS.

Magni momenti apud nos esse debet iniustè acceptorū RESTITVTIO: præsertim cùm nulli dimittatur peccatum, nisi restituatur quod fuerit ablatum. Cuius rei scrupulo tactus ZACHÆVS Pvblicanorum Princeps, postquam Dominum Iesum in domum suam gaudens excepisset, memor quantum fortassis per iniqua vectigalia miserum populum oppressisset; stetit, & ait: *Domine, ecce dimidium bonorum meorum do pauperibus, & si quid aliquem defraudauit, reddo quadruplum*. Meruit ergo à Domino vocari filius Abrahæ; non quidem natura, sed exemplo ac imitatione. Lucæ cap. 19.

CAROLVS V. IMP.

Verùm vt iustitiæ Zachæi est testis Sacra pagina; ita CAROLI CÆSARIS Gandauum, quod de tanto ciue gloriatur. Ille enim dum Franciscum Galliæ regem bello lacefferet, sæpè in regiam hanc vocem prorupit: *Etsi totum Francia regnum debellassem, redderem illud Regi, modò id quod meum esse contendo, mihi relinqueret*. Præclarè August. de verb. Apost. Quod inuenisti, & non reddidisti, rapuisti. Qui alienum negat, si potuit, tollit. Auct. vitæ eiusd. Ger-

German. Item habetur in Serm. Coniual. Ioan.
Pereg. Petrosel.

Vide FVRARI. FVRTVM.

R I S V S.

S. SABINA.

RIDET fatuus nulla dum causa subest, inquietabant apud Græcos Comici: at prudens, causa dum subest, ridet. Aderat Pionio presbytero, dum quosdam ad Christianam religionem suscipiendam alliceret, SABINA. quæ cum alios à fide videret alienos, eò quòd se comburendos dicerent, risit. ad quã dum conuersi illi diceret; Rides in re seriã? respondit: *Ita Deo placet, Christiani enim sumus: & qui fide firmã in Christum sunt, risu ridebunt perpetuo.*
Sur. tom. i. in vitã Pionij.

ABBAS ANONYMVS.

Vide RATIO REDDENDA.

R O M A.

CONSTANTINVS IMPERATOR, &
HORMISDAS ARCHITECTVS.

ROMAM mundi caput ingredimur: quæ olim vt omnibus dominabatur Gentibus, ita omnium Gentium seruiebat erroribus. Huius splendorem conspicatus aliquãdo CONSTANTINVS, summa cum admiratione dicebat: *Natura omnes vires in vnã hanc urbem effudit.* dumque HORMISDAM percontaretur, quidnam sentiret; *Id tantum mihi arridet,* respondit, *quòd didicerim etiam hîc homines mori.* Parui ducebat externum illum splendorem
cum

cum ipso homine senescentem. I. Lipf. de Magnit. Imp. Rom. Platina, Fulgosus, & alij.

S. FVLGENTIVS EPISC.

Require Apophth. de GLORIA CÆLESTI.

S A B B A T V M.

I E S V S C H R I S T V S.

DIem SABBATI sanctificandum, districtim in veteri Lege Deus præceperat; quòd eum diem representaret, quo expleta huius mundi fabrica, ipse ab omni opere, cuius species vel semen non præcesserat, cessauit. Ideoque hunc superstitiosè obseruauerunt Iudæi: nam dum in eorum synagogam CHRISTVS introisset, & oblatum sibi hominem aridam manum habentem curasset, calumniabantur quòd Sabbato curasset. quibus ille: *Quis erit ex vobis homo, qui habet ouem unam, & si ceciderit hæc Sabbatis in foveam, nonne tenebit & lenabit eam? Quanto magis melior est homo oue? Itaque licet Sabbatis benefacere.* Quo dicto, superstitionem eorum repressit, qui Sabbato à quouis opere externo, quacumque subsistente causa, existimabant abstinendū. Mat. c. 12.

I D E M.

Cùm discipulis Sabbato per sata transeuntibus, spicalque vt manducarent vellentibus, insultarent Pharisei, quòd facerent ea quæ non liceret in Sabbato; argumento à fortiori eos confundens, dixit: *Non legistis quid fecerit David quando esuriit, & qui cum eo erant: quomodo intrauit in domū Dei, & panes propositionis comedit, quos non licebat ei edere, neque his qui cū illo erāt, nisi solis Sacerdotibus? Maior quippe erat religionis contemptus, panes sanctos à laicis*

cis manducari, quàm vellere spicas in Sabbato.
 Matth. cap. 12. Mar. c. 2. Luc. 6.

SALOMON IVDÆVS & ANGLI ANONYMI.

Require PAR PARI RELATVM.

SACRAMENTA ECCLESIAE.

CIVIS FERRARIENSIS ANONYMVS.

CVM concupiscentiae cicatrix, nobis ex vulnere
 quod Adami peccatum inflixit relictæ, recru-
 delcere cœperit, & nescio quem in corde excitare
 pruritum; nemo suapte vi tam efferos motus potest
 frangere, nisi (vt loquitur Bernardus) supernatura-
 lem SACRAMENTORVM ECCLESIAE inuestituram
 habeat. hac contactus fuit, CIVIS quidam FERRA-
 RIENSIS, quem probè nouisse Guilielmum Balbe-
 sanum præclaro eiusdem testimonio constat: Audi-
 ui, inquit, (verba eius adiicio) CIVEM FERRARIEN-
 SEM de se narrare solitum, adolescentem se, tam ve-
 hementes sensisse carnis incitationes, vt nec vm-
 quam à tentationibus interquiesceret, & aliquoties
 etiam rueret in peccatum: auidum tamen salutis
 accessisse virum religiosum, petiisse consilium; il-
 lum hoc dedisse tantum, vxorem duceret. se fecisse:
 post annos aliquot vxore mortuâ se pertinuisse, ne
 in pristinas recideret misérias. abhorrentem tamen
 à seruitute (ita cōiugium vocabat) dedisse se in pre-
 ces, confessione purgasse, diuinis epulis confirmasse
 animum. His rebus ita sibi vires aduersus furias ap-
 petituum creuisse, vt se ipsum admirans, & dolens
 superioris ætatis infelicitatem, diceret: *Heu me mi-*
serum! Ecce non olim adolescens incidi in hominem,
qui non diceret, Vxorem duc: sed, Vtere frequēter Sa-
cramen-

cramentis. Visa sunt & videntur indies huius generis miracula, virtutē diuinæ gratiæ in SACRAMENTIS testantia. Lib. 2. in Stim. virtut. cap. 28.

Reliqua huius generis quere in tit. de BAPTISMO,
CONFESSIONE, EVCHARISTIA,
& POENITENTIA.

SACERDOTIVM. SACERDOS.

IESVS. CHRISTVS.

TAndem ad ministros Christi, & dispensatores ministeriorum Dei, confugimus: quorum dignitatē in veteris Legis Sacerdotibus adumbratam, noui Testamenti mediator CHRISTVS exhibuit: mundato enim leproso, præcipiebat: *Vide nemini dixeris: sed vade, ostende te Sacerdoti, & offer munus, &c.* ita Sacerdotibus debitum honorem proposuit; nempe dum illis se exhibere voluit eos, quos ipse propria virtute sanauerat. Matth. cap. 8.

S. FRANCISCVS.

Auxit etiam Sacerdotibus debitum honorem suo dicto FRANCISCVS. qui de Sacerdotali honore & Sanctorum gloria verba faciens, dixisse fertur: *Si cui Sanctorum in terram è celo lapsò, & Sacerdoti occurrerem; huius primùm manus exoscularer, ac dein Sancto reuerētiam exhiberem.* plus debere se significans ei, quo ministrante Christum acciperet, quàm illi, qui præsens cum Christo regnaret. Marul. libro 3.

S. IOANNES CHRYSOSTOMVS

Considerabat quàm sancta res esset Sacerdotium: ideoque sanctuarij aditu arcebat eos, qui iuxta legum Ecclesiasticarum præscriptum vitam instituere
1 negli-

negligerent, inquiens: *Non est æquum sacerdotali honore fulgere eos qui vitam eorum, qui verè sunt Sacerdotes, non imitantur.* Theodor. lib. 5. Histor. Eccles. cap. 28.

GUNTHERVS EPISC. PABENBERGENSIS.

Iter hic instituerat ad terram sanctam. cumque impeteretur à Barbaro quodam, ut erat seuerè gravitatis, inuasorem pugno à se reiecit in solum, adiciens: *Sic Barbaros pœnas dare convenit, si impuras manus in Christi Sacerdotes inferre conentur.* Ita olim Plautus,

Quis homo est tanta confidentia

Qui Sacerdotem audeat violare? &c.

At malo cum magno suo herclè fecit.

Herueldenf. De gest. Germ.

CONSTANTINVS. M.

Et ille ciuili in ordine, quos non honores Sacerdotio deferri voluit, & sanxit? utpote qui lege cauerit, Sacerdotem præ Rege aut quouis Principe honorari. Dicebat autem: *In illis Christum honoramus, qui eius vicem in terris gerunt.* Præclare Ouid. lib. 1. de Ponto:

Vaticinor, moneoque, locum date sacra ferenti:

Non mihi, sed magno poscitur ille Deo.

Gratianus dist. 10.

I D E M.

Nec minori elogio dignum quod sequitur. Audiuerat in Nicena Synodo accusationes, quibus se inuicem Sacerdotes criminabantur: easque ad se delatas, in sinum reposuit, & Vulcano contecrauit, dicens: *Sacerdotum iudicium Deo reseruo: qui velut numina, ad homines regendos, ab ipso hîc in terris sunt constituti.* Egnat. lib. 1. cap. 1. ex Eusebio.

S A L-

SALTATIO.

ALBERTVS IMPERATOR.

SALTATIONVM frequens apud veteres vsus. neque eæ omnes reprehensione dignæ. Sed heu! indomitam præsentis sæculi, velut in omnibus aliis, ita & in choreis intemperantiam ac cõsuetudinem deplorandam, quæ apud omnes iam penè inolcuit. Fuëretamen ab hac immunes viri principes plerique, è quibus ALBERTVS CÆSAR. Redarguebat is quorundam principum mollitiem, quod, dum se Hannibale fortiores iactitent, Sardanapalum imitantes, in consessu nobilium matronarum saltitantes inueniantur: dicebat enim; *Laudo venationem, quæ virilis exercitatio est: saltationem verò, quæ muliebris dumtaxat, nec laudo, nec amplector.* Quid aliud ab eo expectandum, si à Dionysio Rege iussus esset in conuiuio purpura indutus saltitare, quàm illud agere recusantis Platonis?

*Muliebri ego haudquaquam indui queam stola,
Vir natus ipse, & ex virili germine.*

Ioan. Peregrin. Petroselan. in Conuiual. quæst.

FREDERICVS IMPERATOR.

Erat vt Imperij, ita & animi eiusdem FREDERICVS. cuius memorabilis illa vox: *Malim febribus in lecto detineri, quàm minimam saltationi operam dare.* Æn. Syluius lib. I. Comm. in res Alphonfi. Car. Lang. in Polyanth.

ALPHONSVS REX ARAG.

Quid verò expectatis ab isto? vt saltationi choreisquæ suffragetur? Haudquaquam. Quippe qui Galliaë populos eo nomine leues vocitabat: *Quia,*
1 2 quò

quò magis etate pronecti, eò magis saltationis se infania oblectarent. Panorm. lib. 1. de Reb. eiusdem, & Syluius de Dictis.

IDEM

Cùm mulierem impudentiùs vidisset saltantem, *Exspectate*, inquit, *mox Sibylla edet oraculum*. sentiens vnum infania genus esse saltationem. Panorm. lib. 2.

IDEM

Obiicienti sibi, Scipionem aliosque Principes animum tripudio relaxasse; tertio dicebat: *Saltatorem ab infano nihil differre existimo: nisi quòd hic dum saltat, ille dum vivit, insanus est*. Panorm. lib. 1.

IDEM.

Posse autem etiam à piis & bonis choreas suo loco & tempore aptè decenterque duci, ac tolerari, suomet exemplo testatus est. nam in aduentu Frederici III. cum Leonorâ Augustâ palàm saltitare visus. quam ob rem dum argueretur, respondit: *Eum ego insanum arbitror & stultum, qui luxuria causa saltuaret: sed si ob honorem fiat, reprehensionis partem effugere; cùm magnis viris insanire aliquando, non indecorum*. Ita Aristippus purpurâ indutus, iubente Dionysio, saltaturus, inquebat:

— In Liberi patris sacris,

Mens quæ pudica est, nesciet corrumpier.

Ibid. lib. 2. de Gest. eiusd.

S A L V S.

IESVS CHRISTVS.

NON de illa quæ corpori seruit, & vnâ cum eo interit, nobis hîc sermo: sed de ea quæ animam

mam immarcessibili coronâ & sempiternâ gloriâ donat. De quâ vt populo se sequenti prouisum esset, Salutis auctor IESVS se in hunc orbem venisse palâm edocuit, dū murmurantibus Pharisæis, quòd ad Zachæum hominem peccatorem diuertisset, diceret: *Venit Filius hominis querere & saluum facere quod perierat.* Lucæ cap. 19.

PANVSIVS ABBAS.

Eadem etiam cura PANVSIO ABBATI fuit. tentatus enim à Thaide meretricula, cū se assentiri eius petitioni simularet, si loco ita secreto conuenirent, vt à nemine conspicerentur; & illa, plura esse diceret, in quibus à nemine, præterquam Deo, conspici possent; captata occasione, rogat, an Deum esse & omnia intueri crederet. Annuenti verò illi, subiunxit: *Cū hoc non ignores, nūquid infelicissima es, quæ propter breuissimi temporis voluptatem, & te, & omnes quibus tui copiam facis, perdas?* Audit, & corde compuncta, pudicitiam deinceps mira pietate coluit. Benè Seneca olim dicebat: Sic viue cum hominibus, quāsi Deus te videat. Surius tom. 2. in Vita lib. 1. cap. 13.

CAROLVS V. IMP.

Amantio rem proximi orbis non vidit. Ægriùs ferebant procures, quòd non vti Iulius, aliique Cæsares, partam victoriam prosequeretur. quibus ille: *Ethnicis solus finis, honor, & clara nominis fama: at nobis Christianis alius est scopus præfigendus; neque in tantum laus hominum cordi esse debet, quantū eorundem salus.* Iust. Goblerus in Chronico.

CHRISTOPHORVS ARCIS DIENSIS PRÆF.

Ille quidem proximi, subiiciam nunc eos, qui propriæ salutis curam nō exiguam gesêre. Erat CHRI-

STOPHORVS Lusitania oriundus, arcis Diensis Præfectus: qui dum pro muri corona staret armatus, contorta ab hostibus è transuerso pila, partem ventris vna cū intestinis abripuit. Semianimis domum delatus, ilicò optimam parentem hac voce compellat: *Peto à te, ô mater, mihi prius ad crimina expianda Sacerdotē præbeas, quàm lachrymas ad obitum meum prosequendum. Vererer sanè, ne tua lachryma meam ad supremum iter necessariam exigui temporis præparationem impedirent.* Mass. hist. Indicæ lib. 11.

IOANNES SHERTVS ANGLVS.

Vide ANIMÆ IMMORTALITAS.

*Quere etiam Apophth. de CONSTANTIA
RELIGIOSA. ADMONITIONE. PER-
SEVERANTIA. MARTYRIO, &c.*

SALVTIS NEGLECTVS.

REX LAGINENSIVM ANONYMVS.

NEc defuère homines nefarij, qui salutē suam pro nihilo habuerunt; pluris facientes temporalia hæc & caduca, quàm cælestia & æterna. Venerat ad LAGINENSIVM REGEM Brigitta virgo, postulans quid ab eo. quod cū impetrasset, Quidnam nunc mihi relatura es? ille rogat. Hæc, *Vitam eternam*, ait, *si vis, & pro posteris tuis preces ad Deum.* Quid autem his præclarius aut sanctius dari poterat? at veluti carnalis homo non sapit ea quæ sursum sunt; ita ille, *Alia*, respondebat, *abs te malim: vitam quæ sub aspectum non cadit, non possum amare: nec mihi filij post me venturi, curæ.* Ita oblatam sibi salutem respuens, maluit se iungere diligentibus vani-

vanitatem; quàm obsequi Sanctis, facientibus veritatem. Sur. tom. I. in vita S. Brigittæ.

RICOCLVS FRISONVM DVX.

Suscipiendam ille, hic verò susceptam pænè salutis viam neglexit: & quam benè ingressus semel, postmodum ab eâ in pristinam deflexit. Conuersus namque Volfrani Senonensis Episcopi monitis ad fidem, dum iam alterum pedem in fontē Baptismatis posuisset, petiit, vbinam suorum potiore partem esse putarent, in Paradiso, an in inferno? Respondente Volfrani, In inferno: quia nullus eorum Christum agnouisset. pede retracto, *Eò, inquit, proficisci volo, ubi maior meorum pars: eam enim sequi tutius est, quàm minorem.* Non gustabat hic eam dulcedinem, quam consequuntur ij, qui in Domino mortui inebriantur ab vbertate domus Dei, & æternæ voluptatis torrente recreantur. Bapt. Fulgosi. lib. 9.

SALVS CORPORIS.

Quare SANITAS.

SANCTORVM MEMORIA ET INVOCATIO.

CLODOVEVS. FRANG. REX.

Quemadmodum ex igne naturaliter promicat splendor; ita SANCTORVM COMMEMORATIONE & INVOCATIONE, ad omnes prouenit utilitas. qui proinde non natura sua adorandi, sed quòd illum (vt loquitur Damascenus) qui natura adorandus est, in seipsis habeant. Franc. Rex Christianissimus CLODOVEVS, vt erat infensus omnibus qui à Christi fide descississent, equum quo vehebatur

D. Martino, si victor votiſque compos euaderet, vouit. Ita accidit. & ecce equum offert, ac pro eo pretium centum aureorum, quos in tutelaribus Diui honorem impenderet. Res mira! stat equus, nec loco cedit. quo viſo, ducentos numerari iubet: tum quaſi ſolutus, Regem exſpectantem ſequitur. qui ad circumſtantes conuerſus, *Bonus*, ait, *Martinus egregius adiutor eſt, ſed ſtipendio carus*. Pulchrè Chryſoſt. Velut ſi quis margaritam in luto conculcet, eius ampliùs demonſtrat pulchritudinem: ſic virtus Sanctorum, quocumque eam^{us} proieceris, declarat ſuam virtutē, in ſeruitute, in carcere, in proſperitate. Cranz. lib. 3. Sueciæ cap. 16.

SANCTVLVS ABBAS.

Præclarum etiam SANCTVLI Nuriæ provinciæ Abbatis exemplum fuit. qui, vt Diaconum ſuum à Longobardis latronibus captū redimeret; ſeipſum pro eo trucidandum depoſuit. At ne tanta charitas ſuā mercede careret, iamiam ferendus, dum inclamaret; *Sancte Ioannes contine manum ferientis*. ipſa manus immota permanſit: nec modò vitam ſuam miraculo ſeruata accepit, ſed & Barbaris obſtupefcentibus, omnes quotquot habebant captiuos, ſecum abduxit. Sur. tom. 3. in Vita.

LVDOVICVS XII. FRANC. REX.

Require BENEFICENTIA.

VIRGO ANONYMA.

Quo tempore Carolus VIII. Gall. Rex Italiam bello deuafabat, factum, vt opidulum quoddam militi in prædam daret. & ecce puella ad pedes eius prouoluta, tutelam à vi militum, & pudicitia ſuæ cuſtodiam poſtulat. Annuit ille: ſed vt erat iuuenis adhuc, oculos & cupidinem ad eam adiicit, & quidem

dem in lectum seduxit iam imminuendam. Animo anxia, videt suspensam in pariete D. Virginis effigiem; eaque ostensa, *Per intactam*, clamat, *hanc Virginem oro, adiuro, virgini mihi parce*. Mouit hæc vox Regem, & libidinem exsiliètem coërcuit: eamque amplexatus, cum quingentorum aureorum dote dimisit. I. Lips. Mon. Polit. lib. 2. cap. 17.

Require S. MARIA MATER DEI.

SANCTORVM RELIQUIÆ.

FRANCISCVS BORGIA SOC. IESV.

SI paterna vestis & annulus, aut quid huiusmodi, tanto est charius posteris, quanto erga parentes maior exstitit affectus: nullo modo spernenda erunt corpora, quæ multo coniunctiùs quàm indumenta gestamus; eorum præsertim, qui velut promptuarium (iuxta Damascenum) & habitacula facti sunt & templum Dei. Meritò ergo eorundem reliquias honore prosecuta semper est Ecclesia, & in eâ FRANCISCVS BORGIA: ille enim, quoties Sanctorum aut reliquias aut imagines conspiceretur, eas manibus contrectans; *Saluete*, aiebat, *pignora nobis in hoc exilio degentibus à Deo deposita: saluete salutis nostræ spes atque solatium*. Lib. 4. Vitæ eius, cap. 4.

SANITAS.

B. IGNATIVS LOYOLA.

MAgnum secum commodum adferre SANITATEM, languor morbusque ostendunt. hinc de IGNATIO LOYOLA SOCIET. IESV primo institutore, viro eruditione vitæque integritate incomparabili,

rabili, narratur, tanti aestimasse suorum corporalem salutem, ut omni eam thesauro prætulerit. dicebat enim; *Egrotus vix quicquam boni in aliorum utilitatem facere potest: multa vero præstat, qui corpore valens est.* Terigit hanc rem Horatius in Satyris, quando ait:

*Si ventri bene, si lateri est, pedibusque tuis: nil
Diuitie poterunt regales addere manus.*

Ribadin, lib. 5. cap. 8.

ALBERTVS IMP. AVSTRIVS.

Idem animo voluebat AVSTRIVS ALBERTVS. quem interrogatum, quænam esset iucundissima possessio, respondisse ferunt: *Sanitatis. cuius thesaurus,* aiebat, *tam pretiosus est, ut quiduis potius perpeti debeat homo, quàm eum sibi eripi sinat.* Cuius exemplum in Castore animali habemus; qui

Et pedibus segnibus, tumidâ & propendulus aluo,

Hac tamen insidias effugit arte ferox.

Mordicus ipse sibi medicata virilia vellit,

Atque abicit, sese gnarus ob illa peti.

Huius ab exemplo discas non parcere rebus;

Et vitam ut redimas, hostibus ara dare.

Andr. Alciatus in Embl.

SAPIENTIA.

ALPHONSVS ARAG. REX.

TEmpus est SAPIENTIÆ penetralia subire, in quibus deorum atq; hominum stabilitur conservaturque societas. Eius autem præcipuum exemplum fuit ALPHONSVS: qui, dum esset potētissimus, percontanti, quomodo tot partis regnis opibusque ad paupertatem redigi posset; respondebat: *Si venderetur*

deretur Sapiētia. At verè, nescit homo pretium eius, inquit Iob, nec inuenitur in terrâ suauiter uiuentium. Panor. in Proœm. lib. 3. de Gest. eiusd.

IDEM

Sciscitanti, quo nomine Sapientiam decorandam sentiret, aiebat: *Eam ego existimo Dei filiam, ac solam rerum omnium esse immortalem, soliſque homini inter animantia datam.* Hinc etiam olim præclare in Finibus Cicero, eam hominis custodem & procreatricem nuncupauit. Ibidem.

PETRVS ALDOBRANDINVS CARD.

Non immeritò ergo Illustriss. CARD. ALDOBRANDINVS, eos diuites dicebat, *non qui bona possident, sed qui boni sunt.* solam Sapientiam veras diuitias reputans. Henr. Farnes. suprà.

IDEM

Sapientes vocabat Prometheos, id est, hominum architectos: Ignis, inquit, Promethei doctrina est: qua remota, ex homine truncus; & addita, è trunco redditur homo. Sapienter & doctè Lucret. 2.

— *Nil dulcius est, benè quàm munita tenere*

Edita doctrina sapientum templa serena:

Despicere unde queas alios, passimque videre

Errare, atque viam palanteis querere vitæ.

Ibidem.

SATELLITIVM PRINCIPVM, &c.

SIGISMVNDVS. IMPERATOR.

POSSE quemuis Principem sine satellitio regnare, dicebat Agasicles, qui ita suis imperaret, vt filius pater. non incautè tamen SIGISMVNDVS, dicenti sibi Alberto Austrio, Principes ciuium amore cautos

cautos esse oportere ; respondit: *Et fida custodia infortunium excludit.* Meminerat huius olim etiam Seneca, dum ita Reges alloquitur :

*Tu quicumque es qui sceptrarenes,
Licet omne tua vulgus in aula
Centum pariter limina pulset;
Cum tot populis stipatus eas,
In tot populis vix una fides.*

Æn. Syl. Comm. de Gest. Alphonfi.

ALPHONSVS ARAGONVM REX.

Nec ALPHONSVS hîc suppressendus. Castigatus à suis, quòd maiestatis Regiæ oblitus, sine sutrapis satellitibusque prodiret in publicum ; *Non opus est, inquiebat, sibi timeat, qui neminem habet quem ita leserit, ut aliorum manu sit defendendus.* Panorm. lib. 2. de Gest. eiusd.

I D E M.

Eumdem dicere solitum accepimus, cùm solus quandoque obambulare: *Non est timendum ei, qui civium suorum benivolentiam perspèctam habet.* Ibidem.

GODOFREDVS BVILIONIVS.

Vno adhuc domestico exemplo adiecto, hunc cursum sistam. Erat GODOFREDVS BVILIONIVS, ille qui religionis ergò terræ sanctæ penetralia propugnauit, creatus tandem totius Palaestinae Rex. ad quem dum palearum sacco insidentē venissent Barbaroiū legati, ostupuère, quòd nullo satellitio, nulloque apparatu tantus Princeps federet. quibus ille: *Terra satis superq; mortali corpori sedem præstat, cui vitâ functo, tam longum est præbitura domicilium.* Guiliel. Tyrius lib. 9. Hist. 5. cap. 19.

Vide AMARI A SVEDITIS.

SENE-

SENECTVS. SENEX.

FREDERICVS IMP.

Nihil est præclarior, quàm honoribus & Reipub. muneribus perfunctum senem posse suo iure dicere quod est apud Ennium, Omnes ciues consilium suum expetere. neque enim corporis, sed animi vires in sene spectandæ. docuit id FREDERICVS CÆSAR: qui dum in vrbe quadam Præfectum senem admodum & ætate imbecillem dedisset; non defuere adolescentiores, qui eum præfecturâ dicerent amouendum. quibus IMPERATOR: *Senem amicum opido, non amico opidum commendauimus.* sentiens decere omnino vt senex ille iam à ciuibus foueretur, quos ipse diu suo consilio præsidioque fouerat. Æn. Syl. lib. 4. de Gest. Alphonsi.

S. GREGORIUS NAZIANSENS.

Veluti autem ignis ardor aquæ frigore temperandus est; sic in Repub. conseruanda, iuuenum subitis cupiditatibus senum prudentia moderetur, oportet. Hinc laudabilis illa vox NAZIANSENI, qui hoc Principum agmen perrumpit: *Laudo legē nauticam; qua nemo ad nauis gubernacula admittitur, nisi prius diu sederit ad remos.* Idem fieri debet in Repub. nam

A senibus prisci sanctum dixere Senatum.

Strigel. in Chron.

LVDOVICVS XI. GALL. REX.

Hic regno panè exutus, quod seniorum consilio acquiescere nollet. Quare vocato ad se filio; moriens, *Vide, inquit, seniores consiliarios in consilium adhibeas, eorum sententiam sequaris, verbis insistas.* Est.

Est enim robur iuuenum, senum consilium.
Ioan. Spinæus de Tranquill. animi, pag. 387.

CAROLVS V. IMP.

Esse autem varia senectutis incommoda, insinua-
uit IMPERATOR CAROLVS V. cùm enim Philippo
filio summam harum regionum gubernationem
committeret, totus in fletum abiit; inquit: *Ne
miremini: illa sunt senectæ propria, facile lachrymari.*
Idem Frederico Cæsari adscribunt alij. Georg.
Richter in Axiom. Oecon.

SERVITVS.

S. TIBVRTIVS.

BONUM, etiam si seruit, liberum dicebat Augu-
stinus. neque enim ea seruitus æstimanda, quæ
bonis ac timoratis cum ratione impenditur. Quare
ab Almachio Præfecto castigatus TIBVRTIVS, quòd
Principum sententiis damnatos, honore sepulturæ
afficeret; rogatusque cur contra legem datam illud
præsumeret; respondit: *Quia quos ipsi Principes pro
Christo, damnandos indicant, eorum nos serui esse vo-
lumus.* Metaphrast. in Vita.

LYDOVICVS XII. GALL. REX.

Debere autem seruos omni honore prosequi do-
minos suos, auctor est LYDOVICVS XII. cùm nam-
que Talerandus, è domesticis quidam, multa præter
opinionem effutiret; eius in dicendo libertatem o-
cyùs compefcuit, dicens illud veterum: *Plus oportet
seruum scire, quàm loqui.* Attexam hîc, quid de fa-
mulorum moribus & vita senserit Ioannes Campa-
nus. Ita enim canit:

Scis mihi quâ Polydore potes ratione placere?

Si, quæ præscribam præcipiamque, facis.

Lex

*Lex igitur sit prima; Fidem seruato: deinde
A domini mundas rebus habeto manus.*

*Odi mendacem, non possum ferre proteruum:
Nec tu lusorem crede placere mihi.*

*Odi qui multum sese mihi iactat, & odi
Alterius famam qui lacerando premit.*

*Displicet indocilis, nimium mihi displicet ille
Qui multo semper murmure iussa facit.*

*Assentatorem non plane diligo, nec qui
Desidia fuerit deditus, atque gula.*

*Quis toleret famulum domini secreta volentem
Scire? quis elatum, multiloquumq; ferat?*

*Fallacem fugio, ceu tartara: denique cultum
Ingenuis hominem moribus esse volo.*

P. Æmilius in Vita.

SIMONIA.

S. PETRVS.

Quid cesso SIMONIÆ perniciem commemora-
re, quæ iam à Simone Mago, qui huic malo
nomen dedit, in Ecclesiam irrepsit, ac radices egit?
Ille etenim cum vidisset per impositionem manus
Apostolorum dari Spiritum sanctum, obtulit eis
pecuniam, vt, cuicumque manus imponeret, simili
euentu acciperet Spiritum sanctum. At benè eum
perstringens PETRVS, Pecunia, ait, tua tecum sit in
perditionem: quoniam donum Dei existimasti pecuniâ
possideri. quo Apostoli dicto notantur, qui rem sa-
cræ pretio emunt, aut diuendunt: quos ab hoc Si-
mone, Simoniacos dicimus. Act. cap. 8.

S. TRANQVILLINVS MARTYR.

Meliùs itaque & securiùs TRANQVILLINVS:
quem

quem cum dudum de fide Christiana differentem
 audiisset Agrestius, tandem auri certum pondus
 offert, quod se à podagræ cruciatibus oratione libe-
 ret. Cui ille: *Scito gravem Dei furorem illis impendē-
 re, qui eius gratiam pretio vendi aut emi posse existi-
 mant.* Sur. tom. 1. in Vita S. Sebastiani.

GVNTRANVS REX.

Ille etiam Remigio Biturigum Præsuli vita fun-
 cto Sulpitium succedere iussit, non obstante quod
 plures cum locum statumque ambirent, ac pretium
 offerrent. dicebat enim his: *Non est nostra consuetu-
 do mansuetudinis, Ecclesias Christi pretio vendere: ne
 nos damnationis obnoxii, & vos Simoni Mago assimile-
 mini.* Aimon. lib. 3. cap. 55. de Gest. Franc.

Require Apophth. de MERCEDIS NEGLECTV.

SIMVLATIO ET DISSIMVLATIO.

PETRVS ALDOBRANDINVS CARD.

Vulgari adagio innotuit, *Qui nescit simulare,*
nescit regnare. hinc Principum consilia simu-
 latione tegenda, docuit PETRVS CARDINALIS. Sci-
 scitanti enim cuidam, quis maximè esset ad bene
 imperandum idoneus; ait: *Qui naturam habet Po-
 lyti, nouitque in populo morum colores induere.* Nihil
 sanè prudentius dici potuit. Henr. Farnes. apoph-
 theg. De Principe.

FREDERICVS IMP.

Vide CONSILIVM, & CONSILIARIVS.

SIGISMVNDVS CÆSAR.

Haud inferior in hoc sensu iste, quem frequen-
 ter dixisse ferunt: *Ineptus & inidoneus ad regnum est
 simulare nescius.* Notabat autem, Principis esse, in-
 terdum

terdum simulare ea quæ minoris momenti, commodi maioris gratia. Æn. Syluius lib. 1. Comm. in Gesta Alphonfi.

Vide GVBERNARE. REGNVN.

S O L I T V D O.

SYSOIS ABBAS.

MINUS voluptatibus stimulatur, qui non est, ubi frequentia voluptatum obiecta potentias ad agendum commouent. Hinc tanti SOLITVDINIS cultores prisci illi Anachoretæ. Inter quos non infimus SYSOIS ABBAS. Hic enim dum iam senio confectus, à discipulo suo Abrahamo moneretur, ad mundum se transferret; *Placet, ait, verum ad eam partem, è qua proscrip̃ta mulieres.* cui Abraham: Vbi nam gentium id futurum, præterquam in solitudine? ABBAS quasi ad hæc verba anhelans; *Ergo me rursus in solitudinē tollite.* Sapienter & verè in Hypopol. Seneca:

Non alia magis est libera & vitio carens,

Ritusque melius vita quæ priscos colat,

Quàm quæ relictis mœnibus syluas amat.

Ex Vitis SS. Anachoret. Egypt. lib. 1.

MOYSES ABBAS.

Percontanti fratri, quomodo ad rerum omnium scientiam pertingere valeret; *Vade, inquebat, ad cellulam, & ipsa te docebit vniuersa.* Ibid.

ARSENIUS ABBAS.

Vide CONSORTIVM.

ANTONIUS ABBAS.

Addamus vnicum solitudinis ornamentum ANTONIVM. Pulsauerat iam eius nominis fama aures

m Con-

Constantini Cæsaris, qui videndi eius desiderio ractus, mittit qui ad palatium ducant. Ille Maiorum limina despiciens, suæ cellulae amans; *Solitudo*, ait, *monachis ornamento, velut piscibus aqua alimento: & velut hi in continentem recepti vitam; ita illi in vrbes egressi, monasticam amittunt disciplinam & gravitatem.* Solitudinē quærit, ait Seneca Philosophus, qui vult cum innocentibus viuere. Fuge multitudinem, fuge paucitatem, fuge & vnum. Vnus pro populo mihi est, & populus pro vno. mihi satis est vnus, satis est nullus. P. Opmerus in Martyrol. Holl.

S O M N V S.

S. ARSENIUS ABBAS.

SOMNVN mortis fratrem & imaginem dicebant veteres; cumque aspernati primi illi Anachoretæ, eò quòd bonam vitæ partem abriperet, & ad bona òpera inhàbiles redderet. Quare rogatus ARSENIUS, cur tam parcus esset somni; respondisse fertur: *Satis monacho videri debet, si ei vna ad quietem hora contingat.* Existimabat pius religiosus, se tempus perdidisse, quod somno transigebat. Prudenter Aristoteles, vt ex Græco vertit quidam:

Hic propè dimidium vitæ dormitur, & ipsum

Per somnum similes diues inopsq; iacent.

Cræse igitur Regum ditissime, num tibi ferme

Dimidio vitæ par fuit Irus egens?

Sabell. lib. 2.

S. DOMINICVS.

At veniant qui carnis somniq; delectantur illecebris, & DOMINICVM contemplantur. Hic enim vt peruigilandi sumeret consuetudinem, vix vnam

quam

quam somno se dabat. *Nam, inquebat, somnus somnum adest, & vigilia pariunt vigiliis.* Guil. Baldosan. lib. 2. cap. 26. Stim. virt. adolescentiæ.

SOMNIORVM INTERPRETATIO.

ALPHONSVS ARAG. REX.

Quasi qui apprehendit umbram, & persequitur ventum, sic qui attendit ad visa mendacia, inquit Eccles. Itaque dum quidam iocandi vel tentandi gratia, per somnium se vidisse diceret, regem ALPHONSVM donasse sibi sacculum auro refertum; respondebat ALPHONSVS: *An ignoras nullam apud Christianos fidem dari somniis? Illa enim, ut est apud Tibullum,*

*fallaci ludunt temeraria nocte,
Et pauidas mentes falsa timere iubent.*

ANONYMVS CONIECTOR.

Quandoque tamen, somnia esse futuri euentus prænuntia, subiecto exemplo confirmatur. Quo die Heraclij Imp. filius Constans, classe cum Abulano Duce congredereetur, per somnium se Thessalonicae esse existimabat. cumque illud insomnium CONIECTORI proposuisset; *Utinam, dixit ille, Imperator hac nocte neque dorminisses, neque tibi insomnium fuisset oblatum. Quod enim tibi Thessalonica versari visus; indicat, Alteri cede victoriam.* Verum coniectasse, probauit euentus. Somnium ergo, ita in Hercule furente Seneca,

Veris miscet falsa, futuri

Certus, & idem pessimus actor.

Cedrenus in Constant.

•SUPERBIA.

S. ARSENIUS.

VT SUPERBIA, — *vitium rebus solēne secundis,*
Virtutumque ingrata comes, —

etiam in conspectu ponatur; præclara ARSENI
 sententia in medium adducenda. Nihil enim ei fre-
 quentiùs in labris, quandocūque de superbis men-
 tio fieret; quàm, *Superbi omnem sibi ad cælum viam,*
præcludunt, haud secus quàm qui transversum lignum,
equis insidentes, templo inferre conantur. Non minùs
 eleganter Hugo lib. 1. de Anima: Superbia in cælo
 nata est, sed velut immemor quâ viâ inde cecidit,
 illuc postea redire non potuit. ita

Sequitur superbos ultor à tergo Deus.

Th. Stapl. Dom. 4. Aduen. in Promp. Morali.

EVAGRIVS.

Quid autem EVAGRIVS? Percontanti, quid sibi
 videretur superbus animus, sui pectoris arcanum
 referans; *Virtutis, inquebat, ventilator, cisterna aquis*
destituta, diversorium latronum. Hæc enim,

Sollicitum pectus curis flammantibus urget,

Immansueta, ferox, & amica nescia pacis,

Nescia quid pietas, quid sit clementia, in omne

Sponte scelus præceps ruit, implacabile monstrum.

Anton. serm. de Superbia:

FO. CLIMAX.

Nec virtuti tantum, sed & bonis moribus aduer-
 sari hanc Christianæ vitæ nouercam, asseruit iste: à
 quo profectum meminit præfatus Anton. serm. co-
 dem de Superbia: *Vt fures solem detestantur, ita*
mode-

modestos superbi. Sic Claudian. in eandem panè sententiam :

Inquinat egregios adiuncta superbia mores.

I D E M.

At difficile esse eius laqueos effugere, qui semel in iis incautum pedem fixit, docuit idem ipse, cum diceret; *Ægrè superbie damonem à te repellis. quid- quid enim molitus fueris ut hanc detrahas, idipsum al- terius superbie futurum est initium. Ibid.*

CONSTANTIUS IMPERATOR:

Verùm ne spiritualibus tantùm bonis aduersari Superbiam existimemus; videamus CONSTANTIVM CÆSAREM. Rogabatur, *quo tempore maximè de- cresceret fortuna.* & respondit, *Crescente superbia.* Ita non spiritualibus tantùm, sed & temporalibus bonis insidiatur. Ex lib. Rer. memor.

ISDIGERDAS PERSARVM REX

Prelio contra Romanos ceciderat. quò intellecto, accurrit ociùs, tãquam quid sibi accidisset ignarus, ac pacis conditiones proponit. At vt erat animo elato, & cedere nescio, ita Rom. Legatum compella- bat: *Non bello cedens, pacem amplector, sed eam tibi lubens præsto, quòd te omnium sapientissimum cogno- scam, quos Rom. Imperium alit.* Ita superbus Rex, ne quidem tantâ clade attritus, ad humilitatem redigi potuit. Trip. Hist. Socrat. lib. 10. cap. 15.

LVDOVICVS XI. GAL. REX.

Bendè itaque & præclarè sensisse LVDOVICVM fatemur, cuius illud prouerbium: *Dedecus & detri- mentum, comites sunt ac pedisseque superbie.* Phil. Commineus in Comm. Gest. Ludouici.

SUPERSTITIO.

ALPHONSVS ARAG. REX.

SUPERSTITIONEM, quæ Pietati & Religioni aduersatur, mirū in modū fugiebat & execrabatur ALPHONSVS REX; quem triumphantem cū morderent quidam vultum minio triumphantium more illineret, dixisse fertur: *Minium soli Baccho conuenit, qui non solum triumphi, sed & vini repertor existit.* & ita veterem illam superstitionem aboleuit, Panorm. de Gest. eiusd.

ANONYMVS.

Filium habebat quidam, quem tenerè fouebat. hic in morbum incidit plus æquo sæuientem. dolet pater, & de filij salute anxius hæret, quid medelæ tandem adhibendum sit. Accedit contubernalium quispiam, & Cur nō, ait, vbi humana desunt præsidia, ad diuina precibus recurris? Ad quod ille, Nequeo me tantum subtrahere conspectui filij, vt ad templum, Deum deprecaturus, accedam. Cui alter; *Ne tu, inquit, homo vanus es. Adeone surdastrum reputasti Deum, vt non nisi in templo auditurus sit tuas preces? Funde apud te, funde in abscondito, & qui in abscondito etiam est Deus, te exaudiet.* Merito taxabat eam quorūdam opinionem, existimantium in solo templo Deum efficaciter exorari; cū Dei filius apud Matthæum dixerit: Dum oraueris, intra in cubiculum tuum, & clauso ostio ora Patrem, &c, quamuis eiusdem testimonio, templum propriè sit domus orationis, & ad eum finem erectum.

TACI

TACITURNITAS.

PASTOR ABBAS.

NVinquam tacuisse nocet, at locutum esse. hinc Hieronymus: Diu considera quid loquendū, & adhuc tacens, prouide ne quid pœniteat dixisse. Venerat ad PASTOREM ABBATEM quidam de rebus spiritualibus consulturus: & primo aduentu se veritum dicebat, ne ob solenne ieiunium, sibi negaretur aditus. Ille verò, *Nos, inquit, non didicimus ianuam ligneam claudere, sed magis linguæ ianuam clausam habere.* In vitis PP. cap. de Hospitalit.

PAMBO ABBAS.

Sed quis Pastorem mirabitur, qui in PAMBONEM oculos coniiciet? Ille namque iam morti proximus, quasi exultans dixisse fertur: *Latus vitâ hac exco, quòd nullum in eâ verbum mihi excidisse sciam, cuius me vel pœniteat.* O felix & beatus, quisquis eo tempore tam præclarum de sc̃ testimonium ferre potest. Granat. Conc. 3. de Annunt. Dñica.

S. BASILIUS.

Huius frequentissima illa vox: *Dicenda tacendaque nouisse nos oportet: non enim diuina omnia, linguis verbis explicanda sunt.* & rationem subiiciens, *Ne, aiebat, mens, sicut oculus totum solem intueri volens, id etiam quod habet luminis, perdat.* Anton. & Max. Serm. de Taciturnitate.

AGATHON ABBAS.

Illum etiam lapillo assiduè ori indito, tacere didicisse ferunt. idque tanto rigore ab eo obseruatum, vt, cùm fari veller, non posset. Rogatus autem cur tantum sileret; *Quia, inquit, qui custodit os suum,*

m 4

custo-

custodit animam suam. & ita verè existimabat primam virtutem esse, compescere linguam: quodque loqui ignorabit, qui tacere nesciet. Raulf. de Temper. Volater. lib. 21. Antrop.

RELIGIOSVS ANONYMVS.

Aequè fidelis sui oris custos iste. à quo cùm Adolefcens quispiam sœcularis cilicium peteret, tale responsum accepit: Verè fili mi, optimum cilicium, est bonam habere curā, quid per hoc ostium egrediatur. Hinc non ineptè And. Alciatus in Emblem.

*Cùm tacet, haud quidquā differt sapientibus amēs,
Stultitiæ est index linguaq; voxque suæ.*

*Ergo premat labia, digitoque silentia signet,
Et sese Phariam vertat in Harpocratem.*

Guil. Baldesan. in stim. Virtutum.

TALIONIS POENA.

CAROLVS IV. CÆSAR.

TALIONIS POENAM in veteri lege vsitatam, seuerus scelerum vindex CAROLVS, suâ etiam ætate imperioque vsurpauit. Pro tribunali namque sedēti cùm offerretur nobilis (cui Zachora nomen) qui presbyterum utrôque oculo priuauerat, & admissum scelus excusaret, & pecuniarum largitione illud palliare præsumeret; Talionis pœnam exegit, *Non potest, inquit, hoc modo dari satisfactio: cæco enim oculi restitui nequeunt: quare te etiam oculis priuari oportet, ut ius sit æquabile.* Ioan. Dubran. Episc. Olmucen. hist. Bohemic. lib. 22.

*Require IUDICIUM, & PAR PARI
RELATVM.*

TEM.

TEMPERANTIA.

PETRVS ALDOBRANDINVS CARD.

TEMPERANTIA, quæ in rebus aut expetendis, aut fugiendis, vt rationem sequamur, monet; cùm in omnibus præclara sit virtus, maxime tamen in Principibus eam efferebat PETRVS ALDOBRANDINVS. Rogatus namque, quid maximi faceret in Principe; *Eam ait, virtutem, qua Cicero Deiotarum regem extollit.* Erat autem in illo insolita quædam & non contemnenda frugalitas. Hen. Farnes. lib. de Apophth. Princip.

I D E M

Solitus est dicere; *Gloriosius est Imperatori hostem temperantia, quàm armis superare: nec minùs honestũ est temperare aduersus voluptatem, quàm fortiter contra pericula decertare.* Quàm appositè Lucan. lib. 4.

*Discite quàm paruo liceat producere vitam,
Et quantum natura petat. non erigit agros
Nobilis ignoto diffusus Consule Bacchus;
Non auro myrrhaque bibunt; sed gurgite puxo
Vita redit: satis est populis fluminisque Ceresque.*
Ibidem.

Vide ABSTINENTIA. LIBIDO.

CASTITAS, &c.

TEMPLVM.

IESVS CHRISTVS.

DEI SANCTVARIVM summa semper veneratione coluisse Maiores nostros, etiam illos qui vera fide caruere, meminerunt tam sacri quàm prophani

phani scriptores. Et quidem COÆTERNVS DEI FILIVS, Ierosolymorum templum ingressus, dum id à Iudæis pollui, & irreuerenter in forum columbarium & nummulariorū mensas conuerti animaduertisset, egregiè eos perstringens, mensasque euerrens; *Scriptum est, inquit, Domus mea domus orationis vocabitur, vos autem fecistis eam speluncam latronum.* factoque è funiculis flagello, vniuersos eiecit. *Math. cap. 21. Mar. 11. Luc. 19.*

D. IOAN. CHRYSOSTOMVS.

Et hoc de illo habetur certissimum. Postulabat ab eo Imperator, Ganiæ duci Ariano vnum è Catholicorum templis concederet. At beatus vir, *Na inquit, Imperator hoc ei polliceâre, neque sanctum dari cambius mandes. Nūquam enim patiar, eos, qui Deum nocturnis diurnisque hymnis laudant, templo expelli; illudque eis tribui, qui contra eum loquuntur blasphemias.* In Vita eiusd.

IDEM.

Passo repulsam Ganiæ duci, dicenti que sibi templum dari oportere; respondit: *Templum sacrum, apertum est, & cuius patens: nulli aditum prohibeo, quò minùs in eo, si libet, Deo preces fundat.* Theod. lib. 5. hist. Eccles. cap. 32.

HILBORGIS NOBILIS FÆMINA.

Sed deuotus in Templorum erectione ornatuq; fæmineus sexus, suo encomio careere, sine iniuriæ & ingratitudinis notâ, non potest. Erat in Mildensi Episcopatu NOBILIS MATRONA, quæ, dum mariu è Palestina, ad quâ voto obstrictus secesserat, rediturum desperaret; totam substantiam vni cœnobio & nouè Ecclesiis ædificandis insumpsit. Reuertitur non ita diu post maritus, eumq; placatura, obuiam proce-

procedit, ac salute præuia; *Nonem, ait, filias, tibi ab-*
senti, peperit, at nondum in Christo renatae sunt. Intel-

lexit vir pius nouem Ecclesias instructas, necdum

tamen consecratas. factumque vxoris gratum & ra-

tum habuit. Cranz. lib. 3. Metrop. cap. 8.

Plura vide Tit. de ECCLESIA, & AB ECCLE-
SIA ARCERE INDIGNOS.

T E M P V S.

CLEMENS VIII. PONT. MAX.

Nihil TEMPORE pretiosius, nihil eo carius ha-
buere viri sapientes, & inter eos nostro hoc
æuo CLEMENS VIII. apud quem cum plures de
variarum rerum iactura conquererentur; *Eius verò*
aiebat, rei iacturam deplorandam sentio, quæ semel a-
missa, non renocari potest, nec reparari. sciebat namq;
prudentissimus PONTIFEX, quod

— *velut unda impellitur undâ,*

Urgeturq; eadem veniens, urgetque priorem:

Tempora sic fugiant pariter, pariterq; sequantur,

Et noua sint semper.

Coll. ex Apophth. de Principe Henr. Farnes.

PETRVS ALDOBRANDINVS CARD.

Nihil autem prudenter fieri, nisi quod in tempo-
re fit; adeoque temporis habendam rationem, affe-
ruit PETRVS ALDOBRANDINVS, S. R. E. CARD.
Dicebat enim: *Prudentis est odorari quid res quidve*
tempus in rebus agendis postulet, omniaque temporis
momenta obseruare. quia, vt in Andria Terent.

Nunc hic dies aliam vitam adfert, alios mores
postulat.

Henr. Farnes. supra.

TEN-

TENTATIO.

S. BASILIUS.

Qui non est tentatus, inquit Ecclesiastes, quid scit? Vnde à Domino tentari ac probari petiit David, quòd sciret amari à Deo illos, quos probat & exercet. Quare sapienter admodum dicebat S. BASILIUS: *Nauclerum tempestas, studium athleta, calamitas magnanimum; at Christianum TENTATIO probat, exercet, & examinat.* Coll. ex Hom. in diuit. auaros.

I D E M

Rogatus carnalis tentationis remedium, respondit: *Desiderium rerum meliorum.* Th. Staplut. in Prompt. Æst. Dom. 2. post Pent.

IOANNES ABBAS.

Similis, aiebat hic, esse debet religiosus, homini habenti ad sinistram ignem, ad dextram autem aquam: ut quoties succensus fuerit ignis, eum aqua restinguat. In vitis PP. pag. 2.

TIMOR, TIMIDVS.

MAVRICIUS IMPERATOR.

Chamæleontem, quòd timeat ad quemuis aspectum, quosuis etiam colores induere, auctor est Plinius. ita hominem TIMIDVM ad insidiosas artes confugere, docuit MAVRICIUS IMP. cum enim sibi per somnium reuelatum esset, se à Phocâ interimendum; primo manè Philippicum nobilem accersit, & qualis sit Phocas, inquit. ille, Homo timidus, ait. Subiecit Imperator: *Si timidus, homicida est,*

est, & crudelis. atque ita postmodum eum miserè in se expertus est. Georg. Richter in Axiom. Politicis c. 182.

EQUES ANONYMVS.

Huius autem rei causam, cur timidus omnis crudelis sit, percontatus quidam equitem generosum, illam ab eo accepit: *Homo timidus, in illud solum incumbit, ne sit superstes vindex iniuria.* Hinc ergo est, quòd hostem suum è medio semper tollere conetur. Ibidem.

TIMOR DEI.

IESVS CHRISTVS.

Sapientiæ initium TIMOREM DOMINI, dicebat Vates regius: sine quo proinde nulla pietas diu stare, nulla religio florere diu potest. Hinc illum tanto desiderio in seipsis excitarunt viri sancti, exemplo antesignani sui CHRISTI permoti: nempe qui suorum animos excitans ad fidei constantiam seruandam, *Ne terreamini*, ait, *ab his qui occidunt corpus, & post hac non habent ampliùs quid faciant. Ostendam autem vobis, quem timeatis. Timeate eum, qui postquam occiderit, habet potestatem mittere in gehennam. Ita dico vobis, hunc timeate.* Lucè cap. 12. Matth. cap. 10.

S. ANASTASIVS MARTYR.

Horum verborum memor ANASTASIVS, Marzabanam Præfectum, qui eum minis ac tormentorum violentia à fidei susceptæ constantia deterrere nitebatur, ita est allocutus: *Non timco Regem, ad quem meam in fide pertinaciam delaturum te minaris. an non ipse quoque homo est, in quem cadit interitus? Quem*

nam

*nam me ergo timere oportet; illum qui aquæ atque ego
interit, an eum qui semper est, & omnia produxit?*
Sur. tom. 1. in Vita.

FRANG. BORGIA SOC. IESV.

Ille etiam insigni dicto hunc Timorem asseruit.
ad omnia enim pauidus, dicere solebat: *Iudicia Dei
viventis & videntis, quantum à mortalium iudicio
discrepant! timeat itaque qui sapit, Deum.* Suauiter
Bern. super Cantica: Deum time, & mandata eius
obserua, hoc est omnis homo: ergo si hoc est omnis
homo, absque hoc nihil est homo. Ribad. lib. 4.
in Vita cap. 4.

REX ANONYMVS.

Require IUDICIUM EXTREMUM.
Vide etiam DEI HONOR. MARTYRIUM.
CONSTANTIA RELIGIOSA. &c.

TRIBVLATIO.

Vide Apophth. de AFFLICTIONE.
Item de ADVERSITATE, & PROSPERITATE.

TRINITAS.

IESVS CHRISTVS.

DE profundissimo TRINITATIS mysterio actu-
ris subit præclarum illud & luculentum de eo
INCARNATI VERBI testimonium. Discipulos nam-
que in vniuersum orbem missurus, præcepit Euan-
gelium omni creature (quâ voce omnem hominem
intelligunt sancti Patres) prædicarent; *Baptizantes*
inquiens, eos in nomine Patris, & Filij, & Spiritus
sancti. Conueniebat enim in Baptismo, qui est ianua
cæterorum Sacramentorum, expressis verbis Tri-
nita-

nitatem inuocari: quòd ea sit fundamentum totius fidei, omniumque myſteriorum nouæ Legis cauſa. Matth. cap. vlr.

IDEM.

Roganti cum Philippo, Domine, oſtende nobis Patrem, & ſufficit nobis: *Philippe, inquit, qui videt me, videt & Patrem.* (cùm propter ſimilitudinem ſummam, tum ob omnimodam naturæ idèntitatem, quam habèt inter ſe.) *Quomodo tu dicis, Oſtende nobis Patrem? Non credis, quia ego in Patre, & Pater in me eſt?* Quibus verbis & ſignificatur perſonarum Patris & Filij diuerſitas, ne poſſit cum Sabellio ob perſonæ idèntitatem intelligi dictum, Qui videt me, videt & Patrem: & rursus ſignificatur naturæ omnimoda identitas, ne putetur id tantùm propter ſimilitudinem inter Patrem & Filium fuiſſe dictum; ſicut voluit ineptè Arrius. Vide Ianſſ. Concord. cap. 134. & 43. Ioan. cap. 14.

MELITIVS PRÆSBYTERI

Ille verò dum coram Constantio Imper. concionem haberet, & totus in enucleando illo Scripturæ loco, Deus creauit me in initio viarum ſuarum, &c. moraretur; rogatus breuem eius rei imaginem daret, ternos digitos protendens, ac duos colligens, hanc de Trinitate vocem protulit: *Tria ſunt quæ intelliguntur, ſed velut de vno diſputamus.* Namque vt benè Iac. Billius in Antholog. Sacr.

Natura omnipotens vna eſt, quæ cuncta creauit,

Et propriè, quod ſunt, omnibus eſſe dedit.

Nam quid minus eſt, non eſt Deus: à Patre natum.

Verbum, & qui amborum Spiritus eſt, Deus eſt.

Vna

*Vna eademq; triū quoniam est essentia, quæ se
Numquam vel maior vel minor esse potest.*

In vita Constant. Imp. Hist. sacra Euf.

TYRANNIS.

Vide CRVDELITAS.

VENENVM.

LVDOVICVS BAVARVS.

NVnc quoniam vitæ humanæ tum bona tum
mala persequimur, etiam hic locum fortia-
tur prompta nimium venefici criminis voluntas, imò
voluptas. quam Italiæ populis plus æquo familia-
rem carpebat LVDOVICVS BAVARVS: electus nam-
que in regem Roman. circa annum 1314. Italia ex-
cessit, dicens: *Plures Germaniæ Cæsares Italiâ pepu-
lit venenum, quàm gladius.* & ita verè se res habet.
Ac vt benè Iuuenâlis,

— nulla aconita bibuntur

Fistilibus. tunc illa time, cū pocula sumes

Gemmata, & lato Setinum ardebit in auro.

Matth. Castrit. de Her. Vitt. Princ. German. ex

Ioan. Cuspiniano.

VERBVM DEI.

IESVS CHRISTVS.

SEquitur nunc spiritali cibo animam nostram
reficiamus; DEI VERBO videlicet: quod velut
lucerna in hac nocte sæculi, operibus nostris est præ-
ferendum. & quidem DOMINVS noster, cū tenta-
toris calumniam dilueret, qui obiecerat, Si filius
Dei es, dic vt lapides isti panes fiant; respondit:

Scri-

Scriptum est: Non in solo pane vivit homo. sed in omni verbo quod procedit de ore Dei. aperte significans, non solum terreno, sed & spiritali verbi sui cibo hominem sustentari. Matthæi capite 2.

I D E M.

Verbum Dei verò audire non modò, sed & custodire, hominem beatum reddere; idem DOMINVS insinuavit, cùm è turba mulier vocem extollens, diceret: Beatus venter qui te portavit, & vbera quæ suxisti. respondit enim: *Quinimò. Beati qui audiunt Verbum Dei & custodiunt illud.* Debent quippe (inquit Macarius Homil. 30.) qui Verbum Dei audiunt, in suis ipsorum animis opus Verbi demonstrare. Lucæ cap. 11.

S. WOLSTANVS EPISCOPVS WIGORNIEN.

Quid autem ille clari generis, & rarę virtutis vir? Nondum adepto Episcopatu, assiduus erât in annuntiando Verbum Dei. cunq̃ue quidam diceret, Monacho silentium & claustrũ competere, Pontifici verò prædicationem; respondit: *Verbum Dei non est alligatum: nihilq̃; Deo gratius, quàm Christum annuntiare.* Sciebat enim, quàm essent speciosi pedes euangelizantium pacem, euangelizantium bonã. Sur. tom. 1. in Vita.

Requie PRÆDICARE.

VERITAS.

SS. CARPVVS & PAPILVS.

VERITATEM panis comparabat Augustinus super Ioan. scilicet quę mentem reficiat, nec deficiat; mutet vefcentem, nec tamen ipsa in eum mutetur. Hinc eius præstantiam palam confessi CAR-

PVS & PAPIVS, qui, insultantibus tibi Ethnicis, & Christi dogmata detestantibus, *Non frustra*, dicebant, *mentem nobis largitus est Deus, sed vult, ut ratione, qua nihil diuinius, verum discernamus à falso; & ex Veritate, quæ ratione nititur, res omnes pensulemus.* Metaphr. in Vita.

PETRVS ALDOBRANDINVS CARD.

Hac autem duce, virtutum omnium crescere cohortem, suo dicto testatus est Illustriss. hic PRÆSVL. cuius voce sæpè tota Vrbs exultauit. dicebat enim: *Paucorum est Veritatem aspicere, multorum despiciere.* altero ignaros, altero mordebat improbos. Ira Heraclitus olim Aram veritatis in antro, Democritus in puteo collocauit. Hen. Farnes. suprà.

IDEM.

Veritas autem filia temporis olim habita, promptam sui requirit obedientiam. Rogatus autem hic, *cuius rei incundissimus nuntius Principi adferri possit*; respondit: *Veritatis.* At nihil infelicius in Principum aulis, quàm quòd eis veritas occultetur. Ibidem.

LYDOVICVS XII. GALL. REX.

Hinc summo dolore tactus LYDOVICVS XII. Rex Christianissimus, dum se in aula omni re abundare gloriaretur; *Vna tamen*, aiebat, *mibi deest.* de qua dum inquireret familiarium quispiam, respondit: *Veritas.* Quàm miserum, esse Imperatorem, apud quem vera reticentur: qui, cum ipse publicè ambulare non possit, necesse est vt audiat, & audita ab aliis confirmet. Franc. Patritius de Hist. Dial. 5.

ALPHONSVS REX ARAG.

Huic etiam Principi illud crebrius in ore: *Veritas licet omnibus conueniat, Principum tamen præcipuum esse*

esse debet ornamentum. Ant. Panorm. lib. 1. de Gest. eiusd.

DVX NORICVS ANONYMVS.

Laudantur itaque non immeritò Principes, quibus, cum veritas occultetur, eam quouis astu per se ipsos assequuntur. Iure ergo hunc DVCEM suo Epigrammate extulit Georg. Sabinus, poëta clarissimus: quod hîc inferere non abs re fore visum. Ita enim se habet:

Sapè rudes inter mutata veste colonos,

NORICVS agricola DVX faciebat opus.

Nunc pascebat oves, nunc gramina falce secabat,

Vomere proscindens nunc subigebat humum.

Et simul illato de se sermone, rogabat

Plurima: nempe quibus moribus ipse foret.

Iustus an exigeret pœnas à fontibus ultor:

Debita conferret præmia nûmve bonis.

Querenti verò causam, cur Regibus ortus

Princeps, agricolam se simularet; ait:

Me iuuat è rudibus cognoscere vera colonis:

Seruit adulatrix auribus aula meis.

Philipp. Camer. Medit. Hist. cap. 90. pag. 444.

VESTIVM NEGLECTVS.

S. ELIZABETH REGINA HUNG.

PRæmissò Dei Verbo, quod, ne solliciti simus quo induamur, monet; superest videamus, quo corporis cultu nobis utendum, quantumve (si modum excedat) despiciendus. A fæminis itaque huius rei exempla petimus. quæ eò magis erunt admiranda, quò magis huic cultui deditus dicatusque ille sexus.

ELIZABETHAM Hungariæ Reginam intueamur.

Magnatibus ad Principem maritum venire parantibus, dolebat ille, quod coniux dignis suo genere indumentis careret. At hæc regij splendoris cõtēmptrix, *Nolo*, inquit, *vestibus placere humano conspectui, ne moribus displiccam Deo*. Ingressis itaque ad eum Legatis, vocatur ELIZABETH. quã omnis pulchritudinis auctor tanto decore venustauerat, ut planè hyacinthina appareret. Principi ergo in stuporem verso, subridens illa, *Huiusmodi, ait, scit Dominus meus cum voluerit, ornamenta preparare*.
 Sur. tom. 6. in Vita.

LEONORA DUCISSA GANDIÆ.

Non absimilis huic LEONORA. quæ interrogata à nobilissima quadam matrona, cur simpliciore veste vteretur; *Méne*, inquit, *byssinis, sericis, aut purpureis indui vis, cum dominum meum (ita Franciscum Borgiam maritum suum, exemplo veteris Saræ, appellabat) cilicium gestare sciam?* Ribadin. de vita Borgiæ lib. 1. cap. 12.

EDELDRIDA ANGL. REGIS FILIA.

Hæc in ultimâ ætate virginum Abbatissa facta, cum ingenti dolore colli, quo & mortua postmodum, premeretur; solita erat dicere: *Scio quod meritò in collo languoris pondus porto, in quo, iuenculam me, memini superuacua monilium pondera gestasse*.
 Vener. Beda Hist. Anglic. lib. 4. cap. 19.

ALEXANDER SEVERVS IMP.

Da veniam IMPERATOR, si te faminis ordine quidem, non tamen virtute postponam. A tuo namque ore profectum aliquando, apparatu & pompa regia spectis: *Imperium in virtute est, non in decore*. Coll. ex Mon. Pol. I. Lips. cap. 15.

Quere ORNATVS CORPORIS.

VE-

VESTIVM VSVS, ET CVLTVS.

PICTOR GERMANVS.

MVtatio frequens HABITVS, mutationis
 morum & animorum argumentum est apud
 plerosque. & ita sanè, multarum gentium mores
 vnà cum habitu mutari & deprauari videmus. mul-
 tum quippe ad æstimationem augendam honestus
 habitus facit, eoque boni oblectantur. Iusserat ali-
 quando Turcarum Imperator, omniũ gentium ha-
 bitum viuis coloribus per GERMANVM eius artis
 peritum exprimi. cumque is plurimarum gentium
 indumenta pinxisset, tandem nudum hominem, &
 iuxta eum diuersas vestium exuias, inter alios con-
 stituit: iussusque à Principe interpretari picturam,
 dixit: *Nudus ille, Germanum populum denotat; cui,*
quòd indies nouam excogitet, certa vestium forma ap-
pingi non potuit. Dolendum certè, eam natione quæ
 grauitatis laudem sibi vendicat, hac in parte Gallice
 leuitatis infimulari. Petrus Lotichius Secundus, &
 ipse Germanus, Poëta huius æui celeberrimus, ita
 in suæ Gentis milites ludebat:

Pudor deorum opprobriumque sæculi,
Pestis luesque militaris ordinis:
Qui perciti furore mentis ebria,
Licentiaque perditorum temporum,
Abominandis inuoluti vestibus,
Fas omne rumpunt, erunt Rempubicam.

Lib. 2. Carm. Gr. g. Richter in Axiom. Polit.

EBERARDVS BARBATVS PRINC. SVEVIÆ.

Ille etiam æternam apud posteros sui memoriam
 reliquit. Venerat ad eum iuuenis, postulans sibi

conferri sacerdotium, quod per mortem possessoris vacabat. Fortè huic ventus talarem vestem aperuit, ita vt PRINCEPS videret caligas militari more scissas. Qui ilicò, vt erat morù & disciplina acerrimus custos, ira commotus, cum è conspectu tuo abire iussit, dicens: *Non te pudet coram Principe comparere scurrili habitu, eoq; sacerdotium ambire? O censuram dignam laude!* Ibid.

DVX ANONYMVS.

Haud aliâ mente hic. Nobilem domi alebat, cui vnum in votis, habitu indecoro, & (vt est in Prou.) pellenæ tunica indui. cumq; id molestius ferret, veste magis decenti ac congrua vteretur, monuit. ille, Numquid, inquit, id ex arbitrato meo pèndet, quomodo induar? *Omnino, respondet Dux, sed hoc etiam ex meo arbitrato pendet, vt te sic indutum aula mea euiciam.* quod & fecit postmodum. Phil. Camer. in Declamat.

CONSILIARIVS ANONYMVS.

Viderat iste suum Principem admodum peregrinâ & obsoletâ vestimentorum formâ oblectari. accedit propiùs, causam inquiri. ille, Parùm, inquit, hoc refert quænam sit mearum vestium forma. cui prudenter subiecit alius: *Imò multum id refert. Vestis enim indicat Principem esse talem virum, qui consiliariis suis obtemperare nolit.* Gregorius Richterus, suprâ.

SCVRRA ANONYMVS.

Anne etiam ab hac hominum fèce aliquid memoratu dignum? Erat in Franciæ finibus homo ignobilis & lordidus, qui, vt honorem passim aucuparetur, splendidâ veste, non secùs quàm simia in purpu-

purpura, prodiit. Salutatur ab ignotis, & reputatur nobilis: rogantibus autem amicis, cur habitu, suæ conditionis oblitus, tam splendido vteretur; *Non videtis*, inquit, *hoc auro, quod vestis faciat virum?* & statim vulgatum hoc distichon subiecit:

Vir bene vestitus, in vestibus ipse peritus

Creditur à mille, quamvis idiota sit ille.

Ibidem.

HERMANNVS BVSCHIVS.

Confirmat illud ipsum suo exemplo HERMANNVS BVSCHIVS, vir celeberrimus. qui dum domestico vestitus habitu ad forum Marpurgense descendisset, neminem sibi assurgentem habuit. indignatus, quòd sibi debitus & consuetus negaretur honos; domum reuersus, togam pralustrem sumpsit, forumque euestigio repetit: & ecce venienti assurgunt omnes, honoris signa exhibent & locum. Ille verò nihil talia moratus, se domum recipit, & togam pedibus conculcat, dicens: *Es tu BVSCHIVS, vel ego? Tibi ne honor iste deferretur, an mihi?* Indignabatur, & meritò, quòd præpostero iudicio, homines non viro, sed vesti honorem deferrent: stultorum instar, qui equum empturi, non ipsum, sed frena & phaleras intuentur. Philip. Camer.

ANONYMVS.

Serius ille: iocosus hic & facetus, cuius adhuc recens memoria Antuerpiæ. Vocandus erat ad nuptias cognatæ: at obstabat incultus incomptusque habitus, quo indies magno familiæ generisque incommodo & dedecore utebatur. Audit: & extemplo noua sibi indumenta coaptari mandat, iisq; ornatus, in amicorum conspectum prodiit. Hi tali veste ornatum, nuptiali gaudio interfuit, rogant, venit.

At ubi naturæ genioque iam satis indulserat, thoracem & caligas, inspectantibus ac ridentibus conuiuis, multâ pinguedine perungit, dicens : *Numquid etiam hæc indumenta saginare me oportet, quorum gratiâ huc vocatus ego sum, aliàs non vocandus? Indulgete ergo vos genio cum domino vestro : ne aliàs vestri defectu, ille eo non indulgeat.* Ex relatis & auditis.

VICTORIA A DEO.

TRAIANVS DVX VALENTIS IMP.

VT autem parta de hostibus VICTORIA etiam ob oculos ponatur, eam à solo Deo expectandam esse, significauit TRAIANVS DVX. Cùm enim ab hostibus victus & profligatus rediisset, ignauiam ei Imperator & timorem obiecit. Ille autem : *Non ego ô Imperator victus : sed tu sponte victoriam à te reuicis, qui cum Deo bellum geris.* Insectabatur enim eos, qui fidem Christianam recepissent. Niceph. Call. lib. 11. cap. 40. Hist. Eccl.

CAROLVS V. IMP.

Require CHRISTI HONOR, &c.

VICTORIA VIRTUTE PARANDA.

ALPHONSVS ARAG. REX.

Rem magnam se prestitisse arbitrati sunt plures, si per astum insidiæve hostem profligauerint : at saniori mente ALPHONSVS. qui, dum à Ludouico Podio nuntiaretur, esse qui armamentarium nauisq̃ue Venetorum subiecto igne combureret, modò duo aureorum millia à Rege acciperet, respondit :

dr: *Virtute vincendum, aut numquam: ex hac enim re non alia mihi laus speranda, quam eius, qui Dianæ Ephesinæ templum exussit.* Panorm. lib. 3. de Gest. Alphonfi.

IDEM

Illis qui se in necem Franc. Sfortiæ paratos nuntiabant, renuntiari iussit: *Huiusmodi proposito abstineant. Numquam enim mihi placuit victoria, cuius postmodum pigendum pudendumque esset.* Ibid.

IDEM.

Venerat ad eum Rogerius Pallantiæ comes, vir strenuus; se regem Castellæ Ioannem confossurum spondens, si Rex annuat. at ille: *Neque pro Castellæ neque pro totius orbis imperio tantum scelus admiserim: virtute non scelere paranda est gloria.* Ibidem lib. 2.

Vide CLEMENTIA.

item, ERGA HOSTES CLEMENTIA.

VICTORIA INCRVENTA.

ÆNEAS SYLVIVS.

Illam demum VICTORIAM, quæ sine sanguinis effusione contingit, celebri triumpho dignam, Platonis elogio clarum est. cui ÆNEAS SYLVIVS consonat, qui dicere solitus: *Longè maior seruati quam casti hostis victoria.* & ita se habere testatus est ille, qui ait:

Regnare si vis, sanguine humano abstine.
Lib. 1. Comm. in Alphon.

IDEM.

Eiusdem etiam illa vox: *Decet regem inuictum habere animum, res si iusta sit; at ubi conatus iniustus est, prestat vinci quam vincere.* Ibidem.

n 5

ALPHON-

ALPHONSVS ARAG. REX.

Prodeat hic rursus clementissimus inter Principes ALPHONSVS : qui crebrius ad suos dixisse commemoratur : *Tanto victoris triumphus est illustrior, quanto plures relictī, de quibus triumphetur.* Pulchrè Lotichius:

Gloria victori est, victis donare salutem.

Panorm. lib. 1. de Gest. eiusd.

Vide AMICITIA, & AMICVM BONVM.

ERGA HOSTES CLEMENTIA. &c.

VINCERE SEIPSVM.

B. IGNATIVS LOYOLA S. I.

Fortior est qui se, quàm qui fortissima vincit
Mœnia:

prouerbiali scemate fertur. cuius memor IGNATIVS, hoc modo adolescentem acri ingenio paternè cohortabatur : *Hoc age, ut te vincas. Quod si feceris, splendidiorē aliis qui ingenio mitiori, habebis in calo coronam.* Ribad. lib. 5. Vitæ, cap. 10.

FREDERICVS IMPERATOR.

Ille quoque quàm eleganter & præclarè ? Victis in Hungariâ Gunzienlibus, *Magnum*, inquebat ad suos, *opus egimus. Maius nunc restat : ut vincamus nosipsos, atque avaritiæ ultionique frenos imponamus.* Discite exēplo FREDERICI vos Reges & Principes, imperare animi affectibus ; neque inolescere, si vortis adspirare belli incerta fors : adeoque victis parcere, nam ——— si decidit hostis,

Ire super satis est, vitamque relinquere victo.

Æn. Syl. lib. 2. de Gest. Alph.

Reguire Apophth. de AFFECTIBVS DOMANDIS.

VIN-

VINDICTA.

PETRVS DE VINEIS.

VLESCENDI nocendique cupido in humanis pectoribus magnos fluctus excitat, consternationis plenus affectus, ac numquam sine tormento sui violentus. PETRVM DE VINEIS, Fredericus Barbarossa oculis priuari leuissima de causa iusserat: cumque Pontificem Paulum III. bello laceßere in animum induxisset, præfatum PETRVM in Consiliarium numerum adsciuit. Ille ultionem sceleris in se admissi meditatus, cum de mediis ad bellum istud sustinendum rogaretur; *Mihi, inquit, consultissimum videtur Ecclesiam proprio ære oppugnare.* Placuit sententia. & ecce itum passim ad Ecclesias, quæ suis vasis & prouentibus spoliata. Quo facto, adit Imperatorem nefandus consiliarius: &, *Nunc, ait, Imperator tui in me commissi sceleris pœnam das. Iam enim te coram Deo reum effeci meo consilio, cuius templa tam impiè es depraedatus.* Parum de salute æternâ sollicitus, non meminerat illius Script. Noli vinci à malo, sed vince in bono malum. nam

Semper & infirmi est animi exiguiq; voluptas,

Ultio. ut habet Iuuen. Sat. 13.

Pogg. Florent. Phil. Camer.

PHILIPPVS FRANC. & GVILIELMVS

ANGLIÆ REGES.

Hunc etiam ultionis stimuli, prudentiæ moderationisque immemorem reddiderunt. Venerat quippe ex Anglia cum ingenti auri pondere in Normandiam: vbi, cum in morbum incidens, diutiùs decubuisset; PHILIPPVS per iocum cauil-

cauillatus, *Cubat*, inquit, *Rex Anglia Rothomagi*, *adueniente puerperio*. Quod scomma mox fama ad aures GVILIELMI vulgavit. qui eo extra iocum accepto, *Cum*, ait, *ego partu. leuatus*, *ad templum me purificatum iero*, *tunc mille in Francia lucebunt faces*. Vix pauci dies intercesserant, cum GVILIELMVS Franciæ fines ferro & igne est depopulatus. Pol. lib. 9.

NARZES EVNVCHVS.

Erat is quem Iustinus Imp. Pyzant. aduersus Gothos præfecerat. Hic offensus dicto Sophiæ, quæ cum, utpote Eunuchum, ad lanam & pensa reuerti oportere criminata erat, respondebat: *At ego talem ordiar telam, non facile amulis extricabilem*. quod & præstitit. Contr. Lycost.

VINDICTA NEGLECTA.

S. LAVRENTIVS PATRIAR. VENETVS.

Magna igitur, & non contemnenda virtus, vindictæ ultionisque frenos contrahere, ac illi laxandos eos permittere, qui seruorum suorum sanguinem pro merito vlciscetur. Ita Venetorum PATRIARCHA LAVRENTIVS, cum multa præclare dixisset, pluribus locis ab improbis hominibus excitatus est risus. dumque amici cohortarentur, se de iniuria illa vindicaret; vultu placido, *Noli*, inquit, *te affligere fili. Dominus Iesus, cuius negotium gerimus, ipse aderit honori suo*. Sur. tom. i. in Vita.

ANONYMVS SACERDOS.

Quam verò grata sit Deo delicti in nos commissi voluntaria remissio, Surius auctor grauissimus subiecto exemplo documentum præbet. S. Hanno Archie-

chiepisc. Colonien. contemplationis studio inten-
rus, videbat mentis oculis, quosdam alios Archi-
episcopos in candida & gloriosa veste sedes glorio-
sas in cælo occupare, seque inter eos insigni etiam
amictu fulgere, cuius tamen partem quæ pectus te-
gebat, sordida fœdabat macula: quam cum manu
obiectâ tegere non posset, ab aliis, ne sedem sibi lo-
catam occuparet, repelli. Quod portentum cum fa-
miliari cuiquam exposuisset, ille rem coniiciens;
*Macula, inquit, vesti tue candida inherens, memo-
ria est iniurie tuorum civium, qui anno superiore te
Colonia expulere, quibuscum necdum in gratiam
rediisti.* Archiepiscopus testimonio conscientie suæ
conuictus, statim eos omnes reuocari, & bona eo-
rum, quæ prius fisco addictæ, restitui iussit. Adeò
Deo displicet amarus zelus, cuius filius hîc quære-
bat ouem perditam, donec eam inueniret. In vita
Hannonis lib. 2. cap. 25. apud Sur. tom. 6.

S. MALACHIAS EPISC. HIBERNIÆ.

Emicuit etiam hoc splendore MALACHIAS. In
quem dum petulâter multa iactasset maledica quæ-
dam, ita ut caluitiei eius etiam impropieret; nihil
aliud respondit, quàm, *Dominus respondeat pro me.*
& ecce respondit Dominus, sed lentis verbis. Versa
enim in rabiem illa, miserè interiit; & ita aduersus
MALACHIAM assumens improprium Elisæi, verè
illum sibi quasi alterum experta est Elisæum.
Sur. tom. 6. in Vita.

RVDOLPHVS AVSTRIACVS.

Talis etiam RVDOLPHI mansuetudo, quamvis
in causa dispare. Sagittariis de sagittandi peritiâ
concertantibus, factum, ut RVDOLPHVS animi gra-
tia ad eos properaret: dumque aliquali spatio &
certa-

certaminis loco abest, sagittâ ab impetito in incertum emissâ, sauciatur. cumque è vulnere decumbenti suaderet quidam, illi sagittario dextram amputandam; *Benè*, inquit, *istud & providè, priusquam me laesisset: sed quid nunc emolumenti exinde consequar?* ac sagittarium è custodia liberum dimisit. Pogg. Florent.

FREDERICVS IMPERATOR.

Aliquid etiam ab hac stirpe traxit FREDERICVS. qui conuitiis impetitus à suis, *Parum*, inquit, *id est: in libera enim civitate liberis linguis esse oportet.*

I. Lips. in Mon. Polit.

ALPHONSVS ARAGONVM REX.

Eodem vt genere, ita & virtute nobilis ALPHONSVS. Intellexerat se turpiter à turbido quodam apud exteros eleuatum, qui tamen postmodum ab eo beneficia petiturus accedebat: neque se ob id indecore gessit, sed perbenignè eum accipiens, *Parum refert*, inquebat, *quid dixerit. benefactorum quippe illius, non vanè dictorum, adhuc memor sum.* Panor. lib. 1. de Gest. eiusd.

Require Apophth. de CONVITIIS, PATIENTIA INIVRIÆ, CLEMENTIA, &c.

VIRTUS.

PETRVS ALDOBRANDINVS CARD.

VIRTUTIS tandem nobis penetralia subeunda. eius enim possessione nulla est honestior aut diuturnior: ideoque summis votis expetenda. Ad quod non parum nos incitauit CARD. ALDOBRANDINVS, qui rogatus, quid esset virtus; *Predium*,
aic-

aiebat, *Plutonis*. Insinuabat illum verè diuitem, qui possessionem haberet virtutis. Henr. Farnesius, in Apophtheg. De Principe.

IDEM

Sciscitanti Clementi VIII. Pont. Max. quos in administratione publici muneris maximè probaret; *Qui Dei*, respondit, *vina sunt simulachra*. non fastu, sed virtute illustres viros ostendens. Ibid.

IDEM

Cùm de iuuentutis sedula educatione institutioneque ageretur, rogabatur, quam Italiae Gymnasia maximi faceret: *Non*, inquit, *quæ ornamentum habent marmoris, sed virtutis*. Hinc Plato in Academiae suæ ingressu scripserat *Ἀγεμεντρος εἰς δὲ εἰς αἱ Γῆρα*, id est, Nullus Geometriæ ignarus huc accedat. Virtutem appellabat Geometriam, quòd in æquâ affectuum mensurâ consistat. Ibid.

ALEXANDER SEVERVS IMP.

Seuerum etiam & memoratu dignum SEVERI IMP. de virtute elogium. Iam ad Imperium euecto nuntiabatur Ataxerxem numerofo exercitu in Romaniam cogitare. &, *Haud multum id refert*, inquit, *ut enim quæ cum voluptate agimus, dulcia sunt: ita quæ cum virtute fiunt, gloriosa esse solent*. Non enim in vita tantùm; sed

Post obitum benefacta manent, æternaq; virtus

Non metuit Stygiis ne rapiatur aquis.

Herod. lib. 6.

VITÆ

VITÆ HVIVS PERFECTIO.

S. ÆGIDIVS ASSISINAS.

QVamuis neminem ante obitum beatum dixerint veteres, quòd tum demum in veram quietem recipiatur homo: potest nihilominus etiam in hac vita, sua haberi felicitas & perfectio. de qua cum sciscitaretur quispiam B. ÆGIDIVM, quínam videlicet in hac vita dicendus esset beatus; hoc ab eo responsum habuit: *Qui amat, & non desiderat amari. Qui timet, & non appetit timeri. Qui servit, & serviri sibi non cupit. Qui denique se erga alios benè gerit, non tamen eo fine, ut se erga illum vicissim benè gerant.* Magna hæc sunt, & à paucis benè enucleata. Ex Sent.aureis Ægidij.

CANIS SCALIGER VERONÆ DOMINVS.

Ille diuersis orbis partibus aduentâtes, quacumque conditione in Palatij sui hospitium excipiebat. dicebat autem: *Nihil in hac vita beatius, quàm iniuncto animo, suæ pariter atque alienæ fortune obuiam ire; & perpetuis beneficentiæ ac liberalitatis operibus, insita virtutis famam extendisse.* Iouius lib. I. Elog.

Quare BENEFICENTIA. LIBERALITAS.

VOLVNTAS.

S. BASILIVS.

AGgrediamur illud, cui nec Leges imperant, nec Principes dominantur. Estque VOLVNTAS humana, quæ sola inter potentias verè libera est, & nulli subiecta, nisi qui eam habet: cuius etiam promptitudo ad bonum laudabilis est. Venerat ad

BASILI-

BASILIVM muliercula, litteras ab eo postulans, quò à vectigalium solutione redderetur immunis. quas cùm ad Sarrapam regionis detulisset, ille ijs visis, se id facere non posse respondit, ne quidem in BASILII (cui multum deberet) gratiam. Cui iteratò BASILIVS: *Si voluntas prompta fuit, & defuit facultas, tolerabile est: si autem potuisti quidem, & noluisti, Christus te redigat in ordinem inopum, ut ubi volueris, non possis.* quod & euēnit. Sur. tom. 1. in Vita eiusd.

S. HUGO LINCOLNIENS. EPISCOPVS.

Ille cùm nihil aliud in hac vita desiderare se diceret, quàm vt in Sacerdotem consecraretur, à cœnobij præfecto reprehensus, quòd eam rem suscipere veller, quam vix vllus dignè suscipit, semper deinceps voluntati suæ cessit. Quare ab Henrico II. Angliæ Rege ad Carthusiensis cœnobij præfecturam vocatus, quidque de ea sibi videretur, interrogatus; *Voluntati,* respondit, *mea de statu meo nihil penitus reservare iam pridem edoctus sum.* Sur. tom. 6. in Vita.

PASTOR ABBAS

Hoc frequenter vsurpabat: *Murus ferreus est propria voluntas, qui h. mœnem à Deo separat atque diuellit.* Doroth. Sermon. 5.

ANONYMVS ABBAS.

Iste etiam ad calcem adijciendus. Venerant ad eum visendum peregrini monachi: cumque hospitalitatis ergò eum ad cibum sumendum induxissent, rogant: Anne tristaris Pater? quibus ille: *Mea tristitia est, si propriæ voluntati obtemperanero.* In vitis PP. cap. De hospitalit.

VOLVPTAS.

LVDOVICVS XII. GALL. REX.

VEluti turpe admodum, meretricem in nobilium matronarum cœtum; ita in virtutum concilium VOLVPTATEM adducere, indecorum. est enim ea cum quadam lubrica suauitate ad illicita fœdæ mentis inclinatio. Pulchrè igitur LVDOVICVS REX, dum intellexisset nobilem quemdam ob puellam Neapolitanam deperire; *Gravis*, dicebat, *tyrannis est voluptas, quæ ea demum concupiscit, quorum est copia angustior.*

——— *Vsq; adeo nulla est sincera voluptas, Sollicitumque aliquid letis interuenit.*

P. Æmil. in vita.

PIOR MONACHVS.

Require Apophth. de CIBO & IRA.

PETRVS ALDOBRANDINVS CARD.

Quid expectatis à præclaro illo viro? Interrogatus quandoque, quænam Religioni pestis acerbior infligi posset; respondit: *Voluptate nulla atrocior.* Facit enim voluptatum illecebra, vt Religionis lumen obtenebretur. Henr. Farnes. supra.

THOMAS MORVS.

Ruminabat ille toto vitæ suæ tempore, vt auctor est T. Staplet.: *Nulla est animi peior affectio, quam ea re delectari, quæ nisi peccando obtineri non potest.* Insinuans mundi voluptates noxias, & possessores in peccati seruitutem trahere. Idem conuenienti Emblemate expressit Georg. Sabinus, dū ita canit:

*Cum puer alueolo furatur mella cupido.**Furanti digitum cuspide fixit apis.*

Sic

*Sic etiam nobis est brevis & peritura voluptas
Quam perimus, tristi mixta dolore nocet.*

VOTVM. vide CASTITAS.

VVLGV S.

IOANNES XXIII. PONT. MAX.

VVLGV S, quod fluctu mobilius Seneca, ignobile dicit Virgilius, huic operi tandem, vel inuitus infero: quod eiusdem censuras & iudicia mihi parata hinc sciam. at solatur me celeberrimum illud IOANNIS PONTIFICIS responsum: qui rogatus, quid esset à vero remotius; *Vulgi sententia*, inquit: *quidquid enim laudat, vituperio dignum est: quidquid cogitat, vanum: quidquid loquitur, falsum: quod improbat, bonum est: quodque approbat, malum: & quidquid denique extollit, infame.* Ita sanè

Tradere turpi fasces populus

Gandet, eosdem colit atque odit.

Seneca in Hipp. Philippus Camerarius in Operis succisuius c. 40.

S. POLYCARPV S. Require POPVLVS.

VXOR MOROSA.

ALPHONSV S ARAG. REX.

NON ineptè hanc Vulgo subijcimus, quæ potissimum suæ intemperantiæ molestiarumque ab eo sumit argumentum. Sanè ut nemo sentit, quâ parte stringat calceus, nisi qui eum induit: ita MOROSÆ MULIERIS genium nemo experitur, nisi qui illi inseparabili nexu coniunctus est. Quis ergo ALPHONSV M meritò non extulerit? qui dum fugitiuam vxorem quempiam sollicitè requirentem intellexit;

set; *Verè insanire eum existimo*, inquit, *qui fugitiam, & à se sponte digressam uxorem perquiri*. Laudabilior fortassis fuisset apud eum illa Diogenis vox, qui cum mulieres ob flagitium ex oliuâ pendere conspiceretur, Vinâ, ait, & ceteræ arbores similem ferrent fructum! Panorm. lib. 4. de Gestis ciuid.

IDEM

Conspicatus Trisponium I. C. animo anxium, quod trecentos aureos, qui ex dote supererant, furto surreptos perdidisset; dixisse fertur: *Longè illi melius, si uxorem, quàm pecunias fures abstulissent*. significans magnæ felicitatis, ab improba & morosa muliere liberari. Ibidem.

GREGORIUS HAIMBERGENSIS.

Succedat magno huic Principi GREGORIUS HAIMBERG. iuris dicendique sciëntia inter Germanos facillè Princeps. sed, quod litteratis omnibus etiam hoc nostro æuo accidit miserabile, morosam sibi coniugem, & quasi alteram Xantippen duxerat. cumque à Cæsare missus, diutiùs domo, adeoque & coniuge abesset, nuntiatum per amicum, eam vivere & benè valere. Cui ille: *Si uiuit mea uxor, ego sanè obij.* insinuans, morosam uxorem lentam mariti esse mortem. Cur ita? inquires. Quia, ut doctè & verè Iuuen. Sat. 6.

*Semper habet lites alternaque iurgia lectus
In quo nupta iacet: minimum dormitur in illo.
Tunc gratis illa viro, tunc omni tigride peior,
Cum simulat gemitus occulti conscia facti;
Aut odit pueros, aut ficta pellice plorat.
Vberibus semper lachrymis, semperque paratis
In statione sua.*

Æn. Syl. lib. 3. Com. in Res gest. Alph.

ANONYMVS HOSPES.

Sed claudio hoc totum de morosis vxoribus, vno
eoque iocoso exemplo. Diuenterat ad hospitium
quidam, vxoris improbitatem moleste ferens. vix-
que ingressus, audit hospitam diutius vociferan-
tem, & nunc cum marito, nunc cum ancillis, rixas
& iurgia miscentem: impatiens ille, assurgit, & re-
cessum parat. Cui H O S P E S; *Ecquæ, inquit, amice,*
isthæc impatientia tua est? Duos & triginta annos huius
clamores dies noctesque æquissime fero: tamen vnius
dies sextantem eos ferre potes? Si risu excepta re-
sponsio fuit, nemo quærat, effuso maxime. Ecce
hominem paratum, quietis pacisque causâ, quæ-
uis etiam ineptissima ab vxore perpeti. Bene mo-
net Comicus:

Proba vxor, ô Nicostrata, marito suo

Non debet esse superior, sed obsequens.

Nam graue malum vxor est superans virum suum.

Adrian. Barlandus.

Quare MVTIER.

ZELVS ERGA DEVM,
ET ECCLESIAM.

APHRAATES MONACHVS.

AD portum huius operis properantibus, pius
erga Deum, cuius auxilio præsidioque huc
vsque peruenimus, nobis superest proponendus
affectus, quem ZELVM dicimus: quantumque eo
claruere viri sancti & timorati. Inter quos princi-
pem, meo quidem iudicio, locum debeo APHRAA-
TÆ MONACHO. qui, vt erat summus contemptæ
o 3 religio-

religionis ultor, cum Valentis Imper. persecutio-
nes agrius ferret, & Antiochiam celeri gradu per-
gens, ab ipso Imperatore rogaretur, quoniam tam
citus properaret; Zelo Dei succensus, *Turbatus*,
ait, *tua culpa Ecclesijs, necessitate compellor omnem*
ad earum salutem affectare viam. Theodor. lib. 4.
Hist. Eccl. cap. 26.

S. AMBROSIVS EPISC.

Iungat se Aphraatae AMBROSIVS, aetate, non ta-
men hoc affectu inferior. Qui post patratam Theo-
dosij iussu caedem Thessalonicam, dum ipsum
Theodosium sacro fulmine percussum à templi li-
mine arcuisset, & is nihilominus ad illud propera-
ret; concitus eodem quo prior zelo, ita Rufinum
Ducem compellabat: *Ego vero Ruffine predico, quod*
sacra limina cum ingredi prohibebo: sin autem Impe-
rium in Tyrannidem mutaverit, necem lubens susci-
piam. Idem lib. 9. cap. 30. Trip. Hist.

TERENTIUS DVX.

Quid verò TERENTIUM pietate & armis in-
clytum & inuictum DUCEM extremum eloquar?
Fecerat ei potestatem Valens Imperator, postulandi
quidquid vellet. at is tali occasione arreptâ, *Pero*,
ait, *Imperator, pro meritis omnibus mihi rependi, uni-*
ca Antiochia Ecclesia Catholicis permutatur. Quid
ad hæc parum eo nomine dignus Valens? Suppli-
cationis libello frustatim comminuto, aliud postu-
let, mandat. Sed ille divino fidei zelo repletus,
discerpta libelli frustra recolligit: & magna voce,
Donum, ait, *teneo Imperator, oblatum accepto, neque*
aliud petam. Consilij enim mei index erit, qui est
index & vindex omnium. Amulamini hoc factum
Heroës inclyti, hanc dextram amplectimini Duces
for-

fortissimi, & Religionis quam in Baptismo professi, protestati, zelum ad seros nepotes transmittite. Niceph. Callist. Hist. Eccl. lib. 11. cap. 49.

PHILIPPVS II. HISP. REX.

Verè appuleram, sed propioris æui exemplum interuenit, quod MAGNVS PHILIPPVS nobis donat. Carolo Cæsari superstes, regnorumque vt heres, ita & egregius paternæ pietatis imitator, & auitæ Religionis propugnator exstitit: cuius etiam zelum ad extremum vsque spiritum, nec spe melioris fortis elatus, neque iniquioris metu fractus, varijs argumentis declarauit. Idque vel maximè, dum iam plenus dierum & meritum in Ecclesiam & Rempub. Christianam, malignâ febris correptus (quæ eum etiam extinxit) anteaactæ vitæ euentus varios considerans, nullo doloris, quem instans aut Fatum aut præsens tanti Imperij amissio excitare poterant, sensu tactus, dicebat : *Vnum est quod me meritò reficit, cuius vel sola contemplatione oblector, quòd in Catholica fide, maiorum Religione, Catholica Ecclesiæ, eiusque supremi capitis Pontificis Romani obedientia conquiescam & ita Deo Opt. Max. suum gregè commendans, à nobis abiit, magnumque sui vbiuis gentium desiderium reliquit: maius relicturus, nisi superstitem alterum Philippum, etiam patriæ pietatis & fortitudinis, vt Imperij heredem, orbi post se dedisset: in quo (vt illud B. Ambrosij de Theodosio Imp. vsurpem) eum agnosce-re debemus, in quo eum & cernimus, & videmus.*

———— *Qualem si prisca tulissent*

Secula, iam positus Bellona resurgeret armis,

Tritaque sub dulci florent sacula pace.

In append. Hadr. Barlandi de Dueibus Brab.

IOANNES SAMOSCIUS CANCELL. POLON.

Philippo Regi IOANNEM SAMOSCIUM adhuc adiungo, & cursum hunc libens cum eo sisto. Ut enim erat in nobili illo regno famâ & virtute nobilis heros, multâ etiam ab eo perfectâ nobiles gnômæ, quæ prioribus adsitæ, extremam hanc aciem suo pondere tuentur, & nouo quodam splendore illustrant. Vna è ceteris locum hîc vendicat: quam non dicto suo tanùm, verùm & testamento alle-ruit. Ingrauescente namque morbi violentiâ, oculis manibulque iam iam morituris, in optatam calettis patriæ mansionem sublatis, piè insonabat Ecclesiæ Catholicæ vnitatem & præstantiam: *Est enim uia, inquebat, non Regum ac Principum modò, sed, quod longè præclarior, omnium Sanctorum communis mater. Incunus proinde gremio mori felicior est, quàm ab inuio nasci: cum non nasci satius sit, quàm in hac non mori.* O egregium & innocentis animi indicem sermonem! quem publico & merito encomio V. C. Iustum Lipsium celebraturum fuisse, auctor est Ioan. Wou-erius in sua assertione Lipsiani Donarij; nisi statuta viuendi scribendique periodus adfuisset, quæ omèritum senem orbi eripuit, & cælo intulit. vbi

Et Cali procures, & Triados æcus,

Et qua condita tegmine

Suspexit cupidâ mente Sophos; videt

Pulsâ nube beator.

Require DEI HONOR, ECCLESIA, MARTY-
RIVM, MORIENTIVM DICTA, &c.

FINIS.

INDEX

INDEX

CAPITVM SIVE RERVVM,

quæ hoc Opere tractantur.

<i>A.</i>			<i>Argutè dicta & responsa.</i>	61
A bstinentia.	Pag. i		<i>Arrogantia.</i>	64
<i>Abusus rerum.</i>	3		<i>Ars, eiusq; dignitas.</i>	65
<i>Accusatio sui.</i>	7		<i>Artium concertatio.</i>	66
<i>Acutè dicta.</i>	ibid.		<i>Assentatio.</i>	68
<i>Actio, eiusq; necessitas.</i>	11		<i>Assiduitas.</i>	ibid.
<i>Admonitio.</i>	14		<i>Astrologia.</i>	ibid.
<i>Aduersitas. Res aduersa.</i>	19		<i>Astutia bona.</i>	69
<i>Adulatio. Adulator.</i>	21		<i>Auaritia.</i>	71
<i>Adulterium.</i>	25		<i>Aulica vita. Aulici. Aula.</i>	73
<i>Aduocatus.</i>	28		<i>B.</i>	
<i>Æmulatio.</i>	30		<i>Baptismus.</i>	76
<i>Æquitas.</i>	ibid.		<i>Barba.</i>	79
<i>Æternitas. Vita aterna.</i>	ibid.		<i>Barbaries.</i>	81
<i>Affabilitas.</i>	32		<i>Beatitudo.</i>	ibid.
<i>Affectus domandi.</i>	34		<i>Belli studium.</i>	ibid.
<i>Afflictio. Vexatio. Tribula-</i>			<i>Beneficentia.</i>	83
<i>tio.</i>	36		<i>Beneficium Ecclesiasticum.</i>	85
<i>Altare.</i>	39		<i>Blasphemia.</i>	87
<i>Altiora non scrutanda.</i>	40		<i>Bona fortuna.</i>	91
<i>Ambitio.</i>	ibid.		<i>Bonum.</i>	91
<i>Amicitia. Amicum bonum.</i>			<i>Bonus vir.</i>	ibid.
<i>Amare & amor.</i>	45		<i>Breuiloquentia.</i>	93
<i>Amor Dei.</i>	49		<i>C.</i>	
<i>Amor proximi.</i>	ibid.		<i>Cacitas.</i>	95
<i>Amari à subditis.</i>	ibid.		<i>Callidè dicta.</i>	97
<i>Angelorum custodia.</i>	50		<i>Calumnia.</i>	100
<i>Angli populi.</i>	53		<i>Cantor.</i>	103
<i>Anima immortalitas & cul-</i>			<i>Castigatio. Correptio. Repre-</i>	
<i>tus.</i>	ibid.		<i>hensio.</i>	104
<i>Animi promptitudo.</i>	56		<i>Castigatio modesta.</i>	106
<i>Animi fortitudo.</i>	ibid.		<i>Castigatio dura.</i>	107
<i>Aqualustralis.</i>	61		<i>Castigatio libera.</i>	108
			o s	<i>Casti-</i>

INDEX.

<i>Castitas.</i>	110	<i>Crucis signum.</i>	181
<i>Confus. Tributum.</i>	116	<i>Cunctatio.</i>	183
<i>Charitas erga Deum.</i>	117	<i>Cura proximi.</i>	184
<i>Charitas erga proximū. ibid.</i>		<i>Curia.</i>	186
<i>Christi honor, amor, & laus.</i>		<i>Curiositas.</i>	187
120		D.	
<i>Christianismus.</i>	122	<i>Demon.</i>	190
<i>Christianorum amor, & o-</i>		<i>Detractio.</i>	191
<i>dium.</i>	126	<i>Deus.</i>	192
<i>Christi potentia & nomen.</i>		<i>Dei cognitio.</i>	194
128		<i>Dei benignitas, cura, & pro-</i>	
<i>Christum sequi.</i>	131	<i>uidencia.</i>	195
<i>Christum confiteri.</i>	132	<i>Dei potentia.</i>	197
<i>Cibus.</i>	133	<i>Dei dilectio, cultus & honor.</i>	
<i>Clementia.</i>	134	199	
<i>Cœmeterium.</i>	141	<i>Dei timor.</i>	202
<i>Cogitatio, contemplatio.</i>	142	<i>Discendi cupiditas.</i>	ibid.
<i>Cognitio sui.</i>	144	<i>Discordia.</i>	203
<i>Colloquia.</i>	146	<i>Disputatio.</i>	204
<i>Compassio.</i>	147	<i>Diuinitas.</i>	205
<i>Concordia.</i>	148	<i>Diuitia.</i>	209
<i>Confessio peccatorum.</i>	150	<i>Diuitiarum contemptus.</i>	211
<i>Confessio fidei.</i>	152	<i>Docilitas.</i>	213
<i>Coniugium.</i>	154	<i>Doctrina.</i>	ibid.
<i>Conscientia bona.</i>	155	<i>Doctrina in pretio habita.</i>	
<i>Conscientia mala.</i>	157	215	
<i>Consilium, & Consiliarij.</i>	158	<i>Dolor.</i>	218
<i>Consolatio.</i>	160	<i>Dolus & fraus.</i>	219
<i>Consortium.</i>	163	<i>Dux bonus, prudens, strenuus.</i>	
<i>Constantia religiosa & pia.</i>		ibid.	
165		E.	
<i>Consuetudo.</i>	166	<i>Ebrietas.</i>	221
<i>Contumelia.</i>	168	<i>Ecclesia, eiusq; immunitas &</i>	
<i>Conuitia.</i>	169	<i>auctoritas.</i>	223
<i>Conuitia in auctorem retor-</i>		<i>Ecclesia bona.</i>	226
<i>ta.</i>	170	<i>ab Ecclesia arcere indignos.</i>	
<i>Conuiuium.</i>	173	227	
<i>Correptio.</i>	175	<i>Ecclesiastici honorandi.</i>	228
<i>Crudelitas, Tyrannus.</i>	177	<i>Educatio liberorum.</i>	229
<i>Crux, Crucifigi.</i>	179	<i>Electio.</i>	231
		<i>Elemo-</i>	

INDEX.

Eleemosyna.	232	Honoris contemptus.	306
Eloquentia.	239	Hora canonica.	310
Episcopus.	240	Hostis.	312
Euangelium.	242	erga Hostes clementia.	ibid.
Eucharistia sacrificium &		Humilitas.	314
sacramentum.	244	Humilis sui aestimatio.	319
Excommunicatio.	250	Hypocrisis.	322
Exemplum.	252		
Exprobratio.	255	I.	
F.		Iactantia.	324
Facere dicta.	257	Idola.	ibid.
Familia.	263	Ieiunium.	325
Festinatio.	ibid.	Ignorantia.	328
Festi dies.	264	Imperium.	329
Fides. Fidelitas erga Deum		Impietas.	331
& homines.	265	Incontinentia.	ibid.
Fiducia in Deum.	270	Infernus.	ibid.
Finis.	271	Ingratitudo.	333
Fœdus.	272	Institia.	335
Fœnus & usura.	273	Integritas vite.	336
Forma, pulchritudo.	ibid.	Intemperantia.	337
Fortitudo animi.	274	Invidia.	338
Fortitudo bellica.	275	Iocose dicta.	340
Fortuna.	277	Ira.	342
Fuga.	280	Irrisio.	343
Furtum.	281	Index. Iudicium.	344
G.		Index corruptus.	347
Garrulitas repressa.	283	Iudicium non temere fer-	
Gloria.	284	dum.	348
Gloria vana contemptus.	286	Iudicium Dei.	350
Gloria calestris.	289	Iudicium extremum.	352
Gratitudo.	293	Iuramentum. Perjurium.	353
Graviter dicta.	295	Iurisprudentia.	355
Gubernare.	296	Institia.	356
H.		L.	
Hæresis, Hæretici.	297	Labor.	358
Hæretici fugiendi.	298	Laus.	360
Historia.	301	Lectio.	362
Homo.	302	Lex.	363
Honor.	304	Liberalitas.	365
		Libere dicta.	367
		Liber.	

INDEX.

<i>Libertas.</i>	370		
<i>Libido.</i>	371	<i>Natura.</i>	429
<i>Libri.</i>	373	<i>Nobilitas.</i>	430
<i>Lis, & contentia.</i>	377	<i>Nominis impositio.</i>	431
<i>Lusus.</i>	378		
<i>Luxuria.</i>	<i>ibid.</i>		
M.			
<i>Magistratus.</i>	380	<i>Obedientia.</i>	433
<i>Magnificentia.</i>	381	<i>Obmurmuratio.</i>	435
<i>Maledicentia.</i>	382	<i>Obsequium.</i>	<i>ibid.</i>
<i>Mandata Dei, eorumq; obser-</i>		<i>Occasio.</i>	436
<i>uatio.</i>	383	<i>Oculorum custodia.</i>	437
<i>S. Maria mater Dei.</i>	384	<i>Opus.</i>	439
<i>Maritus.</i>	390	<i>Opera manu exercenda.</i>	440
<i>Martyrium.</i>	391	<i>Oratio siue preces.</i>	441
<i>Matrimonium.</i>	395	<i>Oratio assidua.</i>	443
<i>Medicina.</i>	397	<i>Ordinis sacramentum.</i>	444
<i>Mediocritas.</i>	399	<i>Ornatus corporis.</i>	445
<i>Memoria.</i>	400	<i>Ostentatio.</i>	447
<i>Mercedis contemptus.</i>	401	<i>Otiurn.</i>	448
<i>Miles. Militia.</i>	402		
<i>Min.</i>	403	P.	
<i>Miraculum.</i>	<i>ibid.</i>	<i>Parentum amor.</i>	450
<i>Misericordia.</i>	405	<i>Parentum de liberis cura.</i>	
<i>Modestia.</i>	<i>ibid.</i>		451
<i>Monachus.</i>	406	<i>Par pari relatum.</i>	453
<i>Morbus.</i>	408	<i>Pasquillus.</i>	454
<i>Mores.</i>	409	<i>Passio Christi.</i>	455
<i>Morio.</i>	411	<i>Patientia iniuria.</i>	457
<i>Mors, eiusq; memoria.</i>	<i>ibid.</i>	<i>Patientia doloris.</i>	460
<i>Mortis contemptus.</i>	416	<i>Patientia damni.</i>	461
<i>Mors generosa.</i>	417	<i>Patria amor.</i>	462
<i>Mors aque ferenda.</i>	418	<i>Patria ingratitude.</i>	463
<i>Morientium monita, & dicta.</i>		<i>Paupertas.</i>	464
	420	<i>in Pauperes liberalitas, & dis-</i>	
<i>Mortificatio.</i>	422	<i>ritia.</i>	467
<i>Mulier, eiusq; fuga perutilis.</i>		<i>Pax.</i>	472
	423	<i>Peccatum.</i>	474
<i>Mundus.</i>	425	<i>Peccati recidiua.</i>	476
<i>Munus, eiusq; contemptus.</i>			<i>Pecu-</i>
	428		

INDEX.

<i>Peculatus.</i>	477	S.	
<i>Pecunia.</i>	478		
<i>Pœnitentia.</i>	479	<i>Sabbatum.</i>	527
<i>Peregrinatio religiosa.</i>	484	<i>Sacramenta Ecclesiæ.</i>	528
<i>Perfidia.</i>	485	<i>Sacerdotium. Sacerdos.</i>	529
<i>Periculum.</i>	486	<i>Salutatio.</i>	531
<i>Periurium.</i>	ibid.	<i>Salus.</i>	532
<i>Perseuerantia.</i>	487	<i>Salutis neglectus.</i>	534
<i>Petitio honesta & inhonesta.</i>	489	<i>Sanctorum memoria, & in-</i>	
<i>Philosophia.</i>	492	<i>uocatio.</i>	535
<i>Podagra.</i>	494	<i>Sanctorum reliquia.</i>	537
<i>Pœsis.</i>	ibid.	<i>Sanitas.</i>	ibid.
<i>Pontifex Rom.</i>	496	<i>Sapientia.</i>	538
<i>Populus.</i>	499	<i>Satellitium Principum.</i>	539
<i>Prædicatio.</i>	500	<i>Senectus Senex.</i>	541
<i>Principis religio.</i>	502	<i>Servitus.</i>	542
<i>Principis fortitudo.</i>	503	<i>Simoniam.</i>	543
<i>Principis præsentia.</i>	504	<i>Simulatio, & dissimulatio.</i>	
<i>Principis consilium.</i>	505	544	
<i>Principis vita.</i>	506	<i>Solitudo.</i>	545
<i>Principis exemplum.</i>	507	<i>Somnus.</i>	546
<i>Prosperitas.</i>	508	<i>Somniorum interpretatio.</i>	
<i>Prudentia.</i>	510	547	
<i>Pudicitia.</i>	511	<i>Superbia.</i>	548
<i>Punitio.</i>	512	<i>Superstitio.</i>	550


T.


R.		<i>Taciturnitas.</i>	551
<i>Ratio reddenda.</i>	514	<i>Talionis pœna.</i>	552
<i>Regnum.</i>	515	<i>Temperantia.</i>	553
<i>Religio ut virtus.</i>	517	<i>Templum.</i>	554
<i>Religiosus status.</i>	518	<i>Tempus.</i>	555
<i>Religiosus habitus.</i>	520	<i>Tentatio.</i>	556
<i>Reprehensio.</i>	ibid.	<i>Timor.</i>	ibid.
<i>Responsum maturum.</i>	522	<i>Timor Dei.</i>	558
<i>Responsum præceps.</i>	524	<i>Trinitas.</i>	559
<i>Restitutio.</i>	525	V.	
<i>Risus.</i>	526	<i>Venenum.</i>	560
<i>Roma.</i>	ibid.	<i>Verbum Dei.</i>	ibid.
		<i>Veritas.</i>	


INDEX.


<i>Veritas.</i>	561	<i>Virtus.</i>	574
<i>Vestium neglectus.</i>	563	<i>Vita huius perfectio.</i>	576
<i>Vestium usus & cultus.</i>	565	<i>Voluntas.</i>	ibid.
<i>Victoria à Deo.</i>	568	<i>Voluptas.</i>	578
<i>Victoria virtute paranda.</i>		<i>Votum.</i>	579
<i>ibidem.</i>		<i>Vulgus.</i>	ibid.
<i>Victoria incruenta.</i>	569	<i>Vxor morosa & mala.</i>	ibid.
<i>Vincere seipsum.</i>	570	Z.	
<i>Vindicta.</i>	571	<i>Zelus erga Deum & Eccle-</i>	
<i>Vindicta neglecta.</i>	572	<i>siam.</i>	581











Biblioteka Jagiellońska



stdr0025090



